

მასალები საქართველოს

ისტორიისათვის.

შეკრებილი

ბატონიშვილის დაგიოთ გიორგის მისა და მის მშობისა.

1744—1840 წწ.



თფილისი
ელექტრონის სკამა წიგ. გამომც. ქართ. ამხანაგობისა,
1905. წ.

Доволено цензурою. 15 октября, 1904 г. Тифлисъ.

მასალები საქართველოს ისტორიისთვის დაიბეჭდა ხელნაწერიდამ, რომელიც აღმოჩნდა განსვენებულ მიხეილ საბინინის წიგნთსაცავში. დედანი დაწერილია—ნახევარი მოთეთრო და ნახევარი მოლურჯო თაბახიანს სქელს ქალაღზე და შეიცავს სულ 267 გვერდს. სათაღრად აწერია: „ნანღვიღ ისტორია ესე, აღწერიღი მეფის გიორგის პირმშოს ძისაგან დავითის მიერ, ისტორია ესე ახღად შეღგენიღი ქართღის ცხოვერებისაღ“. მაგრამ მთღად ეს წიგნი დავითის მიერ შეღგენიღი არ არის: ხელნაწერის 203 გვერღზე სწერია: „ამავე წელსა (=1819) მაისის 13-ს მიიცვალა მეფის გიორგის ძე პირმშო და მემკვიდრე ქართღისა დავით“. მაშასადამე, დავით ბატონიშვიღს შეეღლო ამ მასაღების წერა მხოლოღ 1819 წღის დასაწყისამღე. ამის შემღდე კი მასაღები განუგრძეღათ მის ძმებს, მაგაღ., ბაგრატს, რომელიც დედანში მრავაღგან აცხადებს თავისს სახელს საკუთარის ხელმოწერით. ეს ბაგრატი ფრიად კრუ მორწმუნე კაცი ყოფიღა: ხელნაწერის ბოღო ნაწიღი გაუესიღა ჳრავაღგვარ სასწაულების აღწერით. უმეტესი ნაწიღი ამ აღწერიღობათა ხელნაწერის მკითხვეღს წაუზაზიღა და ჩვენც აღარ დავბეჭდეთ. დანარჩენი მასაღა დაიბეჭდა უცვლეღად, თანახმად დედნის მართლწერისა. აგვარივე ხელნაწერი ჰქონიღა წერა-კითხვის საზოგადოებასაც და მასვე გადავეციღთ ამ წიგნის დედანიც საბინინის დის პატივეცემულ აღექსანდრა გიორგის ასუღის მირზაშვიღის ნებართვეით.

მ. ჯანაშვიღი.

მოთხრობა ახალი

(ზედგინილი ქართლის ცხოვრებისად)

1. ხოლო წელსა 1744 (ქართულსა ხუთასიანსა ქკს ულბ):
ჟამსა ამას იქმნა ესრეთ განსაცდელი, რომელ არა სადათ შემთ-
ხვეულ არს ესე ვითარი, მით, რამეთუ ყოველთა უბოროტეს-
მან თაზისშვილმან ტარიელ მოკლა კათალიკოზი ხანჯლითა
იკოლოზ ხერხეულიძე, და იგი განტოლვილი განიტვინა ქვი-
ა ქვემო სატიოს, რიყესაზედა, ტფილისს; და ნაცვლად მისს
ჰყვეს კათალიკოზად ანტონი, მეფის იესეს ძე, რომელიცა იყო
ესე დისწული მეფის თეიმურაზისა. და იყო ესე ანტონი ქუ-
თათლად იმერეთსაცა შინა.

2. ხოლო წელსა 1745 (ქართულს ქკოს ულგ) განძვინდა
გული ნადირ ყეენისა სრულიად სპარსეთსა ზედა მიზეზისათვის
ამისსა: ვინათგან ნადირმან აღმოხადნა თუალნი უზირველესსა
მემკვიდრესა ძესა თვისსა რიზაყულის უბრალოს შესმენისა-
თვის; წარსწერა არბაბი (წელსა ამას დასდებენ ქართუტლნი
ეპოხად ანუ ქორონიკონად, რომელსაცა უწოდებენ არბაბო-
ზის წელად), ხვედრსა ამას ქართუტლთაცა შეხვდათ ორმოცდა-
ათი ათასი თუმანი, რომლისა გამო მიეცნენ ერნი კმუნვასა და
დაიწყეს განზნევად უცხოთა ქტყანათა. მხილველი ამისი მეფე
თეიმურაზ წარვიდა იძულებული წინაშე ყეენისა, რათა განა-
რინოს სამეფო თვისი ესე ვითარისა სიმძიმისაგან, და ოდეს
მიიწია თავრიზს, მუნ სცნა სიკვდილი ნადირ ყეენისა, რომე-
ლიცა მოკლა მაჰმად-ხან ყაჯარისა ერევენელისათა და მუსაბეგ

წყალსა ზედა. ხოლო ლტოლვილნი იგი ლეკნი მიიწივნენ რა ალაზანსა, მუნ იხილეს ხოჯას ლეკი ვინმე, რომელსაცა ჰყვა შეყრილობაჲ ლეკთა და სწადდა გამოსვლაჲ კახთა ზედა. მაშინ შეერთდენ ესენი ლამესა მას, და დაეცნენ განთიად თავსა ზედა მეფესა, მდგომსა უფადარსა ზედან შტა ზატიკის დღესასწაულსა შინა. გარნა იძლივნენ ლეკნი იგი ფრიად მეფისა მიერ და უკუნეჲცნენ თვისადვე სირცხვილეულნი.

6. მაშინ შემოიკრიბნა მუნ მეფემან ირაკლიმ მხედრობანი კახთანი სრულიად, და გორიდამაც ჩამოიტანა ზარბაზანი იგი დიდი ბოქორმისად წოდებული (რომელიცა სძევს ზარბაზანი ესე თელაგს ქალაქსა) და მოადგნენ მეტეხის ციხესა, დაიწყეს სროლა და აღილეს მეტეხი შეპქირვებითა, ხოლო უკანასკნელ თაბორით იწყეს ცემაჲ ზარბაზნისა მის ქალაქისა ციხესა ზედა, ხოლო შემპირვებულთა მეციხოვნეთა და ხალხთა, მუნ მყოფთა, იწყეს ვედრებად მეფისა, და მოსცეს ციხე. და აჰყარნა მეფემან ციხელნი იგი თათარნი და წარგზავნა ყოველნივე კახეთად და ციხესა მას შინა შეაყენნა გუშაგნი თვისნი.

სცნა რა იბრაიმ-ხანმან ორგულეობა ამირასლან-ხანისა, წარვიდა მას ზედა აღრი-ბეჟანად, შეება მუნ ამირ-ასლან-ხან; იძლია იგი იბრეიმ-ხანისაგან და განივლტო ყარადაღად; მუნ შეიპყრეს ყარადაღელთა და მიიყვანეს წინაშე იბრაიმ-ხანისა, რომელმანცა წარკეპთა თავი, და იწოდა იბრაიმ-ხან ყვენად, ესე იგი იბრაიმ-შად, და წარვიდა ხორასნად შარუხსა ზედა, სადაცა მხედრობასა მისსა მიუწერა შარუხ. და შეიპყრეს იბრეიმშა გზასა ზედა და მიიყვანეს შარუხისა წინაშე, და მან წარკეპთა მას თავი. ხოლო შარუხსაცა ქურთაჲ ზაბუშანისათა აღმოხადეს თვალნი და ჰყვეს მათ შინა ხელმწიფედ და იქმნა ტერანელთა შორის ფრიად აღრეულობაჲ, და განისაკუთრეს უგვანთა კაცთა სპარსეთისა ადგილნი და ქალაქნი თვის თვისად და იყო მარადის ურთიერთს ხდომაჲ და ოხრებაჲ, ვინ ვისა ერეოდის. ხოლო ამჟამს მოვიდა მეფე თეიმურაზ სპარსეთით ტფილისსა შინა, წელსა 1748, ქკონს უღევ.

7. ჟამსა ამას მოადგა მაჰმად-ხან ყაჯარი, ერთი იგი მკვლელთაგანი ნადიროსა, ერევანს, და ლამოდა დაპყრობასა მისსა. მაშინ ევედრნენ ერევნელნი მეფესა თეიმურაზს. და წარვიდა ესე მხედრობითა თვისითა, ჰსძლო მაჰმად ხანსა, აღილო ფრიად ალაფი მისი, და განარინა ერევანი მოოხრებისაგან და მოხარკედ თვისად ჰყო სრულიად ერევანი, რომელსაცა ხარკსა ამას იღებდენ შემდგომად მისსა ძე მისი ირაკლი დროსა მეფობისა თვისისასა და ძე მეფისა ირაკლისა მეფევე გიორგი მუნ დღემდე, ვიდრე გარდაიცვალა მეფე გიორგი წელსა 1800, და მიერთებან, იწყეს რა რუსთა მართებაჲ საქართველოსა, ამდ ერევნელნი განდგნენ ქართველთაგან და მიერთვნენ ბაბახანს ყაჯარსა, ახალს ყუენსა სპარსეთისასა, და შევიდნენ უღელსა ქტსშე მონებისა მისისასა.

8. მოვიდა წელსა ამასვე, 1748, ქკონს ულვ, შუშის ხანი ფანა, და გარე მოადგა განჯასა. მსმენელი ამისი წარვიდა მეფე თეიმურაზ ძითა თვისითა მეფის ირაკლითა შველად განჯისა. სცნა რა ესე ფანამ მიმავალობა მეფეთა თვის ზედა, დაუტევა განჯისა გარმოდგომაჲ და უკუნიქცა ყარაბაღადვე. სცნეს რა ესე მეფეთა, შეუდგნენ უკანა მას და შთავიდნენ ყარაბაღს, ეკვეთნენ ყარათაფად წოდებულსა ადგილსა. მუნ იძლივა ფანახან. მიუღეს ზარბაზანნი და თოფხანანი სრულებით, სადაცა მხედრობამან ქართველთამან მოარბივეს ხურდაფირინის ხიდადმდე, და ესე ოდენი ალაფი იშოვეს, რომელ ცხვარი ისყიდებოდა აბაზად, ხოლო ცხენი, კამეჩი და ძროხა—ხუთ აბაზად. და უკუნ მოიქცნენ ალაფითა გამარჯვებულნი, და მიხმულნი მისნი ზარბაზანნი მოიღეს და დაჰსდვეს თელავს და გორს ციხეთა შინა და დაწერეს ესე ძლევაჲ მას ზედა.

9. ხოლო წელსა 1749, კს ულვ, შეერთდნენ მეფენი აჯიჩალობისა*) შაქის ხანისა თანა, სადაცა შემოიკრიბნეს მხედრობანი და წარვიდნენ ქარსა ზედა, და რაოდენ ევედრნენ

*) ნუხის ხანის გვარი არის ლეკთა შთამომავლობა. აქედამ იწყება ჩამომავლობათა ამით თანი, რამეთუ ამან დაიპყრა ნუხი და განხდა მუნ.

ქარელნი მოწეზასა, არა უსმინეს მეფეთა, და, მივიდნენ რა ქარსა ზედა, მაშინ აჯი-ჩაღაბიცა შეერთდა ქარელთა და განტენა ალთქმა თვისი. იძლივნენ მუნ მეფენი, გარნა მეფენი განერნენ მშვიდობით. ხოლო ალაზანსა შინა ვინათგან გაუკირდა მეფესა ირაკლის გამოსვლა, რომელ ქვევითნი იგი, რომელიცა მოაქუნდა წყალსა, ეხვეოდნენ ცხენთა განრინებისათვის; მაშინ თავადმან ბებურიშვილმან პაპამ მოსწყვიტნა კაცნი იგი და განიყვანა მეფე მშვიდობით. ხოლო ვინათგან ნაპირი მდინარისა ალაზნისა არს ფლატოიანი, ამად პაპამან მუნ ვერლარა აღიყვანა ცხენი მეფისა და ვიდრე მოატარებდა შორს, ვირე ქვევითსა მეფესა შეემთხვია ბოსტაშვილი მაჩხანელი და მიაართო ცხენი თვისი. და ესრეთ განერა მეფე. ხოლო მეფემან მიუბოძა სახლსა მისსა აზნაურშვილობა და უწოდა კვალადვე გუარისა თვისისა სახელი—ბოსტაშვილობაჲვე სამსახურისა ამისთვისვე.

10. ხოლო წელსა 1749, ქკ^ს ულზ: ამავე წელსა განძლიერდა აზათხან-აეღანი სპარსეთსა შინა, წარმოვიდა ერევანსა ზედა. ევედრნენ უკუტყე ერევნელნი მეფესა თეიმურაზს, რომელმანცა წარუგზავნა ძე თვისი ერეკლე შესაწევნელად სამიათასითა მხედრობითა, ქართველითა და კახითა. მიიწივნენ რაყირხბულახს, რომელიცა შორავს ერევანს ორითა ალაჯითა, იგიცა მოვიდა მუნ, რომელსაცა ჰყვანდა უმეტეს თვრამეტიათასისა კაცისა. იკვეთნენ. მუნ იძლივა აზათ-ხან ქართველთაგან, და განარინეს ერევანი და მოიქცნენ გამარჯვებულნი ფრიადითა ალაფითა ესრეთ, რომელ ხშირად იშოვნეს მრავალთა აკიდებულნი ჯორნი და აქლემნი, ყათრობით საქონელნი და ბანაკი მათი დაშთათ სრულიად. ამჟამად იდგა მეფე თეიმურაზ მარაბდას. მოუხდათ მუნ ფრიადი ლეკთა ჯარი. სძლო მეფემან ლეკთა მათ და მოიკლა ბრძოლასა ამას შინა ქალაქის მოურავი თარხნისშვილი იორამ, ძე ლუარსაბისა, კაცი მხნე და ფრიად სახელოვანი ბრძოლასა შინა. ამავე ჟამსა გარდაიცვალა დედოფალი ანნა, მეუღლე მეფისა ირაკლისა, ზალ აბაშიძის ასული. ამასთან დაშთა ასული ერთი, რომელსა ერქუა თამარი,

და ძე ერთი გიორგი, რომელიცა შემდგომად მისსა იქმნა მეფედ ქართლისა. და ასული იგი მიჰსცა ყაფლანისშვილს დავითს, ძესა რევაზ სარდლისასა, რომელიცა ესე დავით იყო ქეშქაზიშვილი მეფისა, და შემდგომად იქმნა სარდლად მხნე და მამაცი ფრიად.—ხოლო მეფემან ირაკლიმ იქორწინა მესამედ დადიანის ასულსა ზედა, რომელს ერქუა დარეჯან.

11. მხილველთა ხანებთა აღრიბეჟანისათა ძლევისათვის აზატხანისა სთხოვეს მეფესა თეიმურაზს, რათა წარვიდეს მხედრობითა დასაპყრობელად აღრიბეჟანისა, და თანა წარიტანოს ესენიცა. თანხმობილი ამას ზედა მეფე თეიმურაზ შთავიდა რა განჯას ძითურთ ირაკლითა, მაშინ მოვიდნენ წინაშე მეფისა ხანი განჯისა, შაქისა, და შირვანისა და ყარადაღისა, გარნა ნებიითა მეფისა ირაკლისათა შეიპყრეს ხანნი ესე, თუშცა-ლა არა სწადდა მეფესა თეიმურაზს ესე ვითარისა უგჳანისა საქმისა ქმნაჲ, და ვერცაღა წინააღუდგა ძესა თვისსა. რამეთუ ჯიმშერ ჩოლაყაშვილი, რომელიცა იყო ნაიბი არაგვისა, აბირებდა ესე მეფესა. ირაკლის ესე ვითარისა უგვანსა საქმესა, რამეთუ იყო იგი ფრიად საყვარელ ირაკლისა და სანდო. ესე იყო ფრიად ანგარი და ჰგონებდა შეპყრობითა მათითა მოიხვექდა მრავალთა ნატყვენავთა მათთა. სცნა რა ესე ძემან აჯი-ჩალაბისამან აღაქიშიმ, გამოვიდა მტკჭარსა შაქის, შირვანის და ლეკის ჯარით, ეკრძეთა მეფეთა, რომელთაცა ამხილა ღმერთმან ესე ვითარისა უსამართლოებისა ქმნაჲ; და დაყარნეს მუნ პყრობილნიცა იგი ხანნი და ივლტოდნენ ძლეულნი, რომელთაცა მიეცათ ფრიად ნაკლულევანებაჲ, და ესრეთ ძლეულნი მოვიდნენ ტფილისს წელსა 1751.

12. ხოლო იქმნა ესე წელსა 1751, ქკს ულთ. მაშინ ძლევა შემოსილი აღაქიში მიიწივა რა სახლად თვისად, შეკრიბნა მუნ მხედრობანი შაქისა, შირვანისა და ლეკთანი, და წარმოვიდა წელსავე ამას, ამოვლო განჯაჲ, და თან წამოიყვანა ხანი განჯისა მხედრობითა თვისითა, ამოვლო შამშადინი და ყაზახი და მოვიდა ბაიდარს. სცნა რა ესე მეფემან თეიმურაზ, წარგზავნა ძე თვისი ირაკლი სტეფან-წმინდას და მოუწოდა მხედრობასა

ჩერქეზთა და თავაურ-ქურთაულთასა. მოვიდნენ მხედრობანი მათნი წინაშე ირაკლისა და წარმოვიდნენ ტფილისს. განვიდნენ რა მეფენი ტფილისით, მცნობმან ალაქიშიმ იწყო უკან ქცევაჲ. მაშინ მეფენი ეწიენენ შამშადილსა შინა, თულქითაფად წოდებულსა ადგილსა, იკვეთნენ მუნ ფიცხელად, გარნა მსწრაფლ დაკვეთებულ იქმნა ალაქიში. მხედრ იყვნენ ბრძოლასა ამას შინა ჩერქეზნი და კახნი, რომელნიცა მიჰყვნენ გაქცეულთა კაფითა ვიდრე შანქორადმდე. ხოლო ერთმან ქიზიყელმან კაცმან, ბოდბურმან პატამ ბალაშვილმან მას დღესა მოკლა ხლმითა მხოლო ცხრა კაცი და დაიჭირა სამი ცოცხალი. და მრავალთაცა ქართუტლთა და კახთა თეადთა და აზნაურთა, და გლეხთა და თათართა ყაზახ-ბორჩალოთა ჰყვეს მრავალნი სიმხნისა მამაცობანი და სახელნი, რომელიცა სიგრძისათვის დავიდუმე. ხოლო მხედრობათაგან მეფისათა ამა ბრძოლასა შინა იქმნენ ფრიად მცირე დახოცილ. ხოლო მეფენი ძლევა შემოსილნი მოიქცნენ ტფილისს, და განუტევა მეფემან ჩერქეზნი თვისად ნიჭითა დიდითა და ეგრეთვე ყოველთავე მხედრობათაცა თვისთა, თეადთა და გლეხთა, ანიქნეს შესაფერნი ღირსებისამებრ მათისა, ვითარცა სახელონი და ყმანი, ეგრეთვე ნივთნიცა. და განუტევნა თვის თვისად ყოველნივე.

13. ხოლო წელსა 1751, ქკს უმა მოვიდა ნურალი-ბეგ ავარელი, ესე იგი ხუნძახის ბატონი მუცალი, შემოვლო შიგნით კახეთი და გარდავლო თიანეთი ფრიადითა მხედრობითა და მოადგა მქადისჯვარს. გარნა ერთმან მოხუცმან დედათაგანმან დაუწუა მათ შვიდი საფარი, მიტანილი ციხესა ზედა. სძლეს მუნ მეფეთა მათ და მოჰსწყვიტნეს ფრიადნი ლეკნი, და სირცხვილელური უკუნ იქცა ნურალიბეგ სახლადვე თვისად.

14. ხოლო წელსა 1752, ქკს უმბ შეიკრიბნა ამანვე მხედრობანი ლეკთანი და მოადგა ყვარელსა. მაშინ ციხესა ყვარელისასა შეაშველა მეფემან და უთავა მათ თეადი ბებურიშვილი პაპა, მდივანი სოლომან ქობულოვი, თაყაშვილი ფარემუზ, რატოშვილი ბეჟან, ნამორაძე ერასტი და სხვანიცა მრავალნი

კეთილ-შობილნი და გლეხნი და განამაგრეს ციხე იგი, და ლეკთა, ვინათგან ვერა რაიმე ჰყვეს, უკუნ-იქცნენ სირცხვილელუნნი.

15. ხოლო წელსა 1755, ქკ^ს უმე იქმნა კათალიკოზი ანტონი, ძე მეფის იესესი, შეცთომილ და მიიღო სარწმუნოება კათოლიკისა, რომელიცა განძებულ იქმნა მეფის თეიმურაზის მიერ რუსეთად. მიიწივა რა იგი რუსეთად, მუნ უწყალობა ელისაბედ პეტროვნამ იმპერატრიცამ არხიეპისკოპოზობაჲ ელადმერისა და იერაპოლისა შემწეობითა მეფის ბაქარის ძის ალექსანდრესითა, რომელიცა იყო ბიძაშვილი ამ ანტონისა. ხოლო ნაკულად მისსა დაადგინეს კათალიკოზად რუსთაჲსი იოსებ ჯანდიერიშვილი, კაცი ღირსი და წმინდა და სასწაულთა მომქმელი.

ჟამსა ამას მოვიდნენ ლეკნი, შთამოსრულნი მთით. გამოვიდნენ ალაზანს, წარმოვიდნენ უკანამხრით და გარდავლეს მთა გორისა, მოაოხრეს რუისპირი და ჩაიარეს შიგნით კახეთი. გაჰყვენენ უკანა კახთა მღვვრობანი და ქიზიყელნი, ეწივნენ ქიზიყის ბოლოს ყარლაჯშია, იქმნა ბრძოლა ძლიერი. სიმცროსი საგან მხედრობისა ჩჷსნის იძლივნენ კახნი და მოსწყდნენ მრავალნი. ამა ბრძოლასა შინა მოკულდა ბებურიშვილი გორჯასპი, კაცი მხნე და ერთგული მამულისა თვისისა, და სხვანი თავადნიცა რაოდენნიმე.

ჟამსა ამას აიყარნენ ბორჩალოველნიცა და გლეხნი და დასახლდნენ ერევანს ყარასულ წოდებულსა ადგილსა. მაშინ მეფემან ირაკლიმ შეიყარა მხედრობა, მიუხდა ერევანს და აჰყარნა იგინი და გარდამოასახლა ბორჩალოდვე.

წელსა ამასვე კვალად შეგერილობანი ლეკთანი მოვიდნენ ღართის კარს, წარტყვენეს ქარვანი ქართლისა და მოკლეს მუნ მუხრანის ბატონი კოსტანტინე. მიმავალთა მათ ლეკთა კახეთს მსმენელმან მეფემან ირაკლიმ შეუქრნა გზანი და მოსწყვიტნა სრულიად ნაფარეულშია.

კვალად ამ ჟამსავე მოვიდნენ ლეკნი ქიზიყს და მოაოხრეს სოფელი ჯუგაანი. მაშინ მეფენი თეიმურაზ და ირაკლი იმყო-

ფებოდნენ ქიზიყს, და შეუდგნენ მეფენი უკანა, მიეწივნენ მახლობელ დანდისისა იორზედ, და მოსწყვიტნეს ლეკნი და მიუღეს ყოველნი იგი ნატყვენაენი.

წელსა 1756 მიიტულა მეფის ირაკლის პირშო ძე მისი ვახტანგ ყუავილითა ტფილისს აჰსაკითა 20 წლის. და დაფლეს მცხეთას, რომელიცა ჰყვა პირველსა ცოლსა თანა ხეიძის ქალთან.

16. ხოლო წელსა 1757, ქკს უმზ, იქმნა ფრიად სიყმილი ერთა, რომელ ერნი იზრდებოდნენ მდელიოჲთა და განიბნივნენ მრავალნი მცხოვრებნი საქართველოსნი უცხოთა აღგილთა შინა.

ამჟამსა შინა გამოვიდა მაჰმად-ხან-ჰასან ყაჯარი ასტრახათით, რომელმანცა დაიპყრა უმეტეს ნახევარი სპარსეთი, მოვიდა და მოადგა შუშის ციხესა. ამან იხმო თვისთანა მეფე თეიმურაზ, რომელმანცა იწყო მზადებად წარსვლად მისთანა. ხოლო გამოჩნდა რა შირაზსა ქარიმ-ხან-ზანდი, მაშინ უკუნიქცა ესე შუშით მაჰმად-ასან-ყაჯარი მის ზედა, სადაცა გარ მოდგომასა ქალაქისასა დაეფანტა ჯარი, და თვითცა ლტოლვილი მოიკლა მსახურისაგან თვისისა, რომელმანცა მოჰქტტათა თავი და მიართუა ქარიმ-ხანს და ნაცულად ესე ვითარისა ბოროტ-მოქმედებისათვის ბრძანა მონისაცა მისისა სიკუდილი. და გახემწიფდა სპარსეთსა შინა და უწოდა თავსა თვისსა ვექილად (ესე იგი ხელმწიფეთა ნაიბად) და არა ხემწიფედ. ესე იყო ფრიად მშვიდი და უსისხლო კაცი და ფრიად მოწყალე და უხვი ხალხთა ზედა. ამან დაამშვიდა სპარსეთი და განარინა ოხრებისა და ურთიერთას ზღომისაგან. ესევე ექმნა ფრიად მეგობარ მეფეთა ქართლისათა და ნიჰვედა ფრიად ქართველთა ხალხთაცა.

17. ჟამსა ამასვე განავრცეს ლეკთა ზღომაჲ. და გამოხდა ჩონჩოლ მუსა, ბელადი დაღისტნელი. მაშინ ორნივე მეფენი იყვნენ კრცხინვალს, მოვიდნენ ლეკნი ზღულდრს. ხოლო მეფეთა ვერა თავს იდევს პირის-პირობაჲ, ვინათგან არა ჰყვათ მხედრობანი მუნ. იქმნა მცირედი კინკლაობაჲ, გატრიალდნენ მუნით ლეკ-

ნი, მივიდნენ და აღიღეს ალი, და აღვიდნენ ახალციხეს და მუნით ჩამოვიდნენ, სადცა განიყვნენ ორად: ჩონჩოლ-მუსა მოადგა აენეეს, ხოლო კოხტა ბელადი ატოცსა; მაშინ მეფეთა იხმეს იმერთა მეფე სოლომან, ძე ალექსანდრე მეფისა, შეეღაღად, რომელიცა გარდმოვიდა იმერთა მხედრობითა. მეფემან თეიმურაზ და ირაკლიმ მოიკრიფნეს მხედრობანი ქართლისა და კახეთისანი, შეერთდნენ იმერთა თანა, დაეცნენ თავს ლეკთ ატოცსა და მოსწყვიტნეს ფრიად ლეკნი. ჩონჩოლ-მუსაჲ, მხილველი ამისი, განივლტო ღამესა მას და ესრეთ განერა. მრავალთა ლეკთა იხილეს სასწაული წმიდისა მთავარ-მოწამისა გიორგისა, რომელიცა ასვენია ატოცს ხატი წმიდისა მთავარ-მოწამისა გიორგისა სასწაულთ-მოქმედი, და იტყოდნენ ლეკნი მის მიერ ბრძოლასა და დაკუტებასა. ხოლო ესე იყო წელსა 1758, ქკსა უმე.

18. უწინარეს წლისა ამისა აშენებდა რა მეფე თეიმურაზ ციხესა პატარძეულისასა, მუნ მოვიდნენ ლეკნი. ხოლო მეფემან ირაკლიმ მოსწყვიტნა აზანბურს უმეტეს სამასისა. მუნ მოიკლა ბრძოლასა შინა საამიშვილი ედიშერ.

19. ხოლო წელსა 1759, ქკს უმე მოვიდნენ ლეკნი ტეზერს. მუნ ჰსძლო მეფემან თეიმურაზ. გარნა ამა ბრძოლასა შინა მოკუდა ციციშვილი გლახა, გერი მეფისა თეიმურაზისა.

20. და წელსა 1760, ქკს უმე წარვიდა მეფე თეიმურაზ რუსეთს. მისრული ყიზლარს, მყოფობასა მისსა მუნ ამ წელს დაბნელდა მზე. ამავე წელს კუალად ჰსძლო მეფემან ირაკლიმ ლეკთა სუჰყულიანსა შინა ფრიად მრავალთა და მოსწყვიტნა იგინი მრავლად. — მისრული მეფე თეიმურაზ პეტერბურხს, ფრიად პატივჰსცა იმპერატრიცამ ელისაბედ პეტროვნამ მეფურისა პატივისცემითა და აღუთქვა შეწევნაჲ და მიცემაჲ მხედრობისა და ვიდრე საქმე ესე სრულ იქმნებოდა, გარდაი-ცუალა იმპერატრიცა ელისაბედ დეკემბრის 23 1761 წელს. რომლისათვისცა ფრიად მწუხარე იქმნა მეფე თეიმურაზ და მიზეზითა ამით ესეცა გარდაიცვალა პეტერბურხს შემდგომად სიკვდილისა მის დღეთა 22-სა და წელსა 1762 ქკს უნ,

თქმსა იანვარსა 8. ხოლო გვამი მეფისა წარმოიღეს მისთანა მყოფთა თავადთა, და ენებათ ქართლსა გარდატანად და ვინათ-გან ვერლარა უძლეს გზის სიშორისაგან გარდატანად იგი, ამად დაფლეს გვამი მისი ასტარხანს, სობოროსა შინა, სადაცა იყო დაფლულ სიმამრი მისი მეფე ქართლისა ვახტანგ (6).

ხოლო ირაკლი, ძე მისი, იწოდა ქართველთაჲსა ზედა მეფედ და შეერთა ქართლი და კახეთი, განყოფილი ფრიად ქამისა. ამან კვალად მოიყვანა კათალიკოზი ანტონი რუსეთით და ჰყო კვალად კათალიკოზადვე. ამან განაწყენა შკოლანი ტფილისის და თელავს ახლისა ფილასოფიითა ბაუმეტი-ტერისა, რომელიცა ეთარგმნა კათალიკოზსა რუსულით ქართულსა ზედა ენასა რუსეთს მყოფობასა თვისსა, და განაშტენაცა წერილნი საეკლესიონი სრულიად მჰსგავსათ რუსთა ეკლესიითა შესწორებითა და ტიბიკონითა. ამანვე განაფრცო წერა მხედრული ღრამატისა კანონსა ზედა. თვით წერთიდა ტფილისს სკოლასა შინა მოწაფეთა თვისთა და ასწავლა მრავალთა. ხოლო თელავს სკოლასა შინა დაადრგინა სომეხთა მღვდელი ტერ ფილიპე ყაითმაზაშვილი, ფრიად მეცნიერი და ფილასოფოსი, ვითარცა ძველისა მცოდნე ფილასოფისა, ეგრეთვე ახლისაჲსა ფრიად გამოცდილ. რომელიცა სკოლა ესე იყო მიერ ქამითგან აქამომდე თელავს, და სწავლობდნენ მრავალნი კეთილშობილნი და სამღვდელონი ფრიად გულ-მოდგინედ ვიდრე დაპყრობამდე რუსთაგან საქართველოჲსა.

21. ხოლო ამ ქამს განძლიერდა ქარიმ-ხან-ზანდი სპარსეთსა შინა. მაშინ ლტოლვილი აზატ-ხან მოვიდა მეფისა წინაშე და ევედრა შეწვენასა, ხოლო ამან შეიპყრა და წარუგზავნა ქარიმ-ხანს, რომელმანცა ნაცულად სამსახურისა ამის უძღვნა მეფესა მადლობაჲ საბოძვართურთ.

ქამსა ამასვე აღდგა ფათალი-ხან-ავშარი, მოიკრიბნა მხედრობანი აღრიბეჟანისანი, და მოადგა შუშას, და ჰსთხოვა მეფესა შეწვენაჲ. ამან მიაშველა მხედრობაჲ, და ოდეს წარემართა მათ ზედა ქარიმხან, მაშინ არღარა წარჰყვენენ მკედრობანი ქართველთანი და მოიქცნენ უკანვე, და განარინეს შა-

ვერდი-ხან განჯისა, რომელიცა ჰყვა ჰყრობილად შუშის ხანს ფანასა, რომელიცა გამოიყვანა ფათალი-ხანმა მუნით. ესე შავერდი-ხან მოვიდა მეფისა ირაკლისა წინაშე და სთხოვა შეწყევნაჲ, ვინაჲთგან განჯელთა არა ნებადღათ ხანობა მისი. ამისთვის მეფემან წარატანნა მხედრობანი ქართუტლთანი. მისრულთა აღიღეს კვალად განჯა და ჰყვეს ესე შავერდი ხანად; გარნა ჟამისა რაოდენისამე შემდგომად მოიყიდეს განჯელთა მსახური შავერდი-ხანისა. ამან მოკლა შავერდი-ხან, ხოლო განჯელთა აღადგინეს აბოხი და გამოაძნეს განჯით ძენი მისნი, რომელნიცა მოვიდნენ წინაშე მეფისა ირაკლისა. ხოლო მან წარატანნა მხედრობანი. აღიღეს კვალად განჯა და ჰყვეს პირშუო ძე შავერდი-ხანისა მაჰმად-აჰსან ხანად.

კვალად სძლო მეფემან ირაკლიმ ყარაისა ზედა ლეკთა, რომელთაცა განერყვნათ გორს გარემონი, და დააყრევინა მუნ ყოველნი ნატყვენავნი.

კვალად სძლო ახმეტას ლეკთა, და მოსწყვიტნა ფრიად, რომელნიცა დაეცნენ ახმეტას.

კვალად შეყრილობანი ლეკთანი მოვიდნენ და სწადღათ ზედა დასხმაჲ სამაჩაბლოჲსა. სცნა მეფემან, შეუკრნა კეხვი და მოსწყვიტა სრულიად.

კვალად მოვიდნენ შეყრილობანი ლეკთანი და დაეცნენ ბორჩალოს და მოსტყვენეს სოფელი აღმაბაღლი. მუნ იძლივნენ ბორჩალოველთაგან. მუნ იყო მხნედ თარხანი გიორგი, ძე ლჳარსაბ თარხნისა, მოურავი მათი, და მოსწყვიტნეს მრავალნი ლეკნი და უკუნეჲცნენ სირცხვილეულნი.

22. წელსა 1765 თუტსა ნოემბერსა 16-სა მეფემან ირაკლიმ ჰყო კრება სასულიერო თანახმობითა ანტონი კათალიკოზისათა და კვალად სამღვდელთა, მღვდელთ მთავართა და არხიმანდრიტთა და მღვდელთა თანა დასწრებითა და განატყვებინეს რჯულის კანონისამებრ დაჲ მეფისა ელისაბედ, რომელიცა ჰყვა ძესა დიმიტრი ამილახვარის შვილს გიორგის. ესე დიმიტრი იყო სალთხუტესი მეფისა. ვინათგან ვერა სრულ მყოფელი სამისა წლისა მეუღლეობითისა შეყოფისა საქურისების გამო, ამის-

თვის განიჩინა მათგან განაჩენი განტევებისა. და ესე მეფის დაჲ ელისაბედ აქორწინეს მეორედ კაცია დადიანსა ზედა, რომელმანცა განუტევა ცოლი თვისი შარვაშიძის ასული და შეირთო ესე სიმდიდრისათვის: ვინაჲთგან მიჰსცა მეფემან ფრიადი სიმდიდრე მზითვათა. გარნა შემდგომად ერთისა წლისა მოკუდა მეფის ასული ელისაბედ, მეუღლე დადიანისა, და შემდგომად მისსა იქორწინა დადიან კაციაშ წულუკიძის პაატას ასულზედ ანნა ზედა. და არღარა მოსცა მზითვეი იგი მეფესა, ვინაჲთგან არ დაშთა შვილი დადიანისაგან.

23. ხოლო წელსა 1767, ქკსა უნე შეითქუნენ მეფესა ზედა თავადი ამილახვარიშვილი დიმიტრი, ვინაჲთგან გულსა დაედვა სირცხვილად განტევება რძლისა თვისისა მეფის ასულისა ელისაბედისა, რათა ამისა მუქათათ აგოს რაჲმე ვნებაჲ მეფესა ირაკლის, და იბირნა ციციშვილი გლახა, და თაქთაქიშვილი ელისბარ და დიასამიძე. ამათ მისცეს პირობაჲ პაატას ბატონიშვილსა, ბუშსა მეფისა ვახტანგისასა, რომელიცა მას ჟამს მოსულიყო სპარსეთით და იმყოფებოდა მეფისა წინაშე დიდითა პატივითა; გარნა იყო კაცი ესე ფრიად მეცნიერ და განსწავლული ანგლიასა და როსიასა შინა, რომელიცა როსით წარსრულიყო სპარსეთს ქარიზ-ხანისა თანა, ხოლო მათ არა ეგრე პატივისა მყოფი მოქცეულიყო ქართლადვე და იყო მეფისა წინაშე. ამას აბირეს, რათა წარწყმინდოს მეფე ირაკლი და ჰყონ ესე მეფედ ქართლისად. ჰსცნა რა ესე ქეშმარიტად მეფემან, შეიპყრა იგინი; შეკრბნენ ქართუშლინი, სამღვდელონი და საერონი და განაჩინეს სიკვდილი მათი. თუმცალა არა ჰსწაღდა მეფესა მოწყვეტა მათი და მრავალ გზისცა ენუკვა ხალხთა განტევებასა მათსა, გარნა ხალხთა არა უსმინეს მეფესა, და მოჰკვეთა თავი პაატას ერისთავმან გიორგი ყულარადსმან, ხოლო აბდულა ბეგის შვილს დავითს—ნაზირმან ბარამ კახთმორდლის შვილმან, და თაქთაქიშვილი ელისბარ დაწვეს ცეცხლითა, ხოლო დიმიტრი სალთხუცესი ამილახვარიშვილი შეურაცხჰყვეს აღჯდომითა მისითა კარაულსა ზედა, და მოჰკეტათეს ძესა მისსა ალექსანდრეს ცხვირი და გლახა ციციშვილს

ენა და დიასამიძეს აღმოხადეს ცალი თუალი და მოჰკვეთეს მარჯვენისა ცერი.

მოიკრიბნა კვალად მეფემან მხედრობანი და დაეცა ქურთთა ერევისათა, წარტყუნა, და მოიქცნენ ქართველნი ალაფითა დიდითა. ამჟამს ფანბაკ იყო ოხერ. გამოსთხოვა პირმშომან ძემან მისმან გიორგიჲ და აღაშენა. კვალად შეიყარნენ ფრიად ლეკნი და დაეცნენ თუშეთს. გარდაეშველნენ ფშაველნი და ეგრეთვე კახეთით გაღმამხრისა მხედრობით მიეშველა მოურავი მათი ღურმიშხან ჩოლაყაშვილი. სძლეს ლეკთა და მოსწყვიტნეს ლეკნი უმეტეს ოარი ათასისა და წარიელტნენ სირცხვილეულნი.

23. წელსა 1767 იქმნა იმერთა შინა აღრეულეებაჲ: გარდა-
 ადეს მეფე სოლომან აღექსანდრეს ძე და ჩამოიყვანეს ოს-
 მალნი. აბაშიძე ლეონმა და რაქის ერისთავმან როსტომმან
 მისცეს ციხენი ოსმალთა ქუთაისისა, შორაპანისა, ბაღდადისა
 და ცუცხუთისა. და დასვეს ოსმანთა მეფედ თეიმურაზ, ბიძა წუ-
 ლი მისი. ლტოლვილი მეფე სოლომან შეიწყნარა წერეთელ-
 მან ნიკოლაოზ და დამალა მოდანახისა ციხესა შინა. შემდგო-
 მად წარვიდა დაღისტანსა შინა წერეთელი ნიკოლაოზ; და მოი-
 ყვანნა მუნით მხედრობანი ლეკთანი. მსმენელნი ამისნი იმერნი
 შეეკრბნენ წინაშე მეფისა. და უყვეს ზედა დასხმაჲ ოსმალთა
 მრავალ გზის. მოსკა ძლევა ღმერთმან მეფესა სოლომანს, გან-
 ჰსდევნა იმერეთით მხედრობანი ოსმანთანი და მოკლეს მუნ
 აბაშიძე ლეონცა, გარნა ციხენი, რომელნიცა აქუნდათ ოსმან-
 თა, ვერ აღიღო. შეიპყრა თეიმურაზ და პატიმარ ჰყო ციხესა
 შინა მუხურისასა, რომელსაცა დაეცა მეზი მუნ და მოკულა.
 ხოლო ვინათგან რაქის ერისთავი როსტომ იყო სიციბილი
 ყოვლისა ამის ბოროტებისა და არცა ერჩიდა-ლა მეფეს სოლო-
 მანს, და განესაკუთრებინა რაქა თვსადევე, და რაოდენ გზის
 აწვია მეფემან მონებასა თვისსა ზედა და მან არა ინება, ამის-
 თვის იხმო კვალად მეფემან მხედრობაჲ ლეკთა და წარტყვენა
 რაქაჲ და ალაფითა და ტყვითა საესენი ქუქუნიქცნენ თვისად
 ლეკნი. მაშინ მცნობმან ამა ამბისამან მეფემან ირაკლიმ შეუყრნა

განასავლი იორისა, სადაცა მოსწყვიტნა სამასნი ლეკნი და მიუ-
ლო ყოველივე ნატყვენაენი, და ტყვენიცა რაქველთანნი, რომ-
მელიცა დაასახლნა კახეთს სოფელსა შალაურსა შინა. დასქრეს
ამა ბრძოლაში რატიშვილი ბეჟან, მხნე, მამაცი.

24. ამისა შემდგომად მეფე სოლომან ევედრა კარსა რუსე-
თისასა, რათა მოჰსცეს მხედრობაჲ შესაწევნელად. მსმენელმან
ამისმან იმპერატრიცამ ეკატერინამ წორმოუვლინა ღენერალი
გრაფი ტოტელბენი ნემენცი ექტსი ათასითა მხედრობითა, წელ-
სა 1769, ქკს უნზ. სცნა რა მოსვლაჲ მათი მეფემან ირაკლიმ,
მიეგება წინა, კოპს. შეითქუნენ მეფე და ტოტელბენი, რომე-
ლიცა არღარა წარვიდა იმერეთად, არამედ წარვიდნენ ორნივე
ახალციხესა ზედა. რომელთა ვერაგთა კაცთაგან და უფრორე
მეფისა სოლომონისა მიერ წარმოიშვა შორის მეფისა და გრა-
ფისა სანდურაჲვი, ვინაჲთგან არა სწადდა მეფესა სოლომანს
განდიდებაჲ მეფისა ირაკლისა და მარადის მზირ ეყვის მას,
რითა ჰსცეს ნაკლულგვანებაჲ რაიმე მეფესა. სადაცა აწყურით
დაუბრუნდა მეფესა რუსის ჯარი. ხოლო იხილეს რა ქარ-
თტყლოთა დაბრუნებაჲ რუსთა, უკუნქცენ და იწყეს ლტოლ-
ვაჲ. რომელთაცა შეემთხვიან მხედრობანი ოსმალთანნი (სახელ-
დებით დელუბაშთანნი), იქმნა ბრძოლა მათ ზედა და მსწრაფლ
დააკვეთნა მეფემან იგინი, მოვიდა და დაიბანაკა ასპინძს.
ჰსცნეს რა თურქთა უკუნქცევა ქართტყლოთა და რუსთა,
ჰგონეს თურქთა, რეცა შიშისაგან ლტოლვაჲ ქართველთა, და
შეუდგნენ უკანა მრავალნი მხედრობანი ლეკთა და თურქ-
თანი, რამეთუ ჟამსა ამას ფრიად იმყოფებოდნენ ლეკნი ახალ-
ციხეს. ღამესა მას განვიდნენ მხედრობანი თურქთანი და ლეკ-
თანი მტკუარს ხიდსა ზედა ნახევარი ასპინძას და ნახევარნი-
ცა ლამოდნენ მეორესა ღღესა გამოსულად. ხოლო ღამესა მას
წარგზავნა მეფემან აღაბაბა ერისთვისშვილი, სვიმონ მუხრა-
ნის-ბატონის-შვილი ნასახჩი-ბაში და ხუდია ბორჩალოელი და
მამაცი ყოველთა საქართველოსა შინა, და ამცნო მათ, რათა
აჰყარონ ხიდი ასპინძისა; და მათ სრულ ჰყვეს ყოველივე: რომ-
ელთაცა მოსწყვიტნეს მცველნი იგი ხიდისა მის. ღღესა: მეო-

რესა იქმნა რა ბრძოლა, იძლიენენ თურქნი და ლეკნი და ძლეულთა მათ მიმართეს ხიდსა, და, იხილეს რა ხიდი აყრილი, ესრეთ უკუტ იყვნენ შიშვნეულ, რომელ ერთი მეორესა ჰყრიდა ხიდის ისართაგან მტკუარსა შინა, რომელიც მდინარე იგი ზანდიდებულოყო ფრიად. დღესა მას მოკლა მეფემან ხელითა თვისითა კობტა-ბელადი, რომელიცა იყო ჩინებული მძღუანი ლეკთა, და მოიშთუნენ, უმეტეს წყალთა შინა, უმეტეს ორისა ათასისა ლეკნი და თურქნი. მხნედ იყვნენ ხეცურნი და თუშნი ბრძოლასა ამას შინა ფრიად და სახელოვნად, რომელთაცა ჰყვეს მრავალნი სახელნი, ღირსი ხსოვნისანი, და ეგრეთვე ქართველნი და კახნი თავადნი და აზნაურნი და გლეხნიცა, და მოიქცნენ ალაფითა დიდითა გამარჯვებულნი და სავსენი სიმღიდრითა.

შთავიდა რა გრაფი სურამს, გარდავლო მთაჲ საფიჩხისა და შთავიდა იმერეთს. მოეგება მეფე სოლომან, მიუძღუა და აღიღეს ციხენი იმერეთისანი, რომელიცა ეპყრათ ოსმალთა, ესე იგი ციხე ცუცხვათისა, შორაპანისა, ბაღდადისა და ქუთაისისა, რომელიცა შემუსრნა მეფემან სოლომან.

ხოლო წელსა ამასვე 1770: წელსა ამას, შემოდგომაზედ, გამოჩნდა კუდიანი ვარსკულავი ტფილისს, სახე აქუნდა მჰსგავსი ლოქოს თავისა. სიგრძით იყო 200 ღრადუსი და სიგანით 20. იყო თავითგან ბოლომდისინ ასი ათას ფერად; ასეთი ბრწყინულე იყო, რომ დღესავით ანაუბდა ღამესა, თითონ ფერით იყო ჯიგრის ფერად და ეს ვარსკულავი დიახ ძირს ჩნდა. პირველად შუალამისას გამოჩნდა, 2 ღამეს უფრო გვიან და 3 ღამეს დილას განთიადზედა და მერმე არღარა გამოჩნდა. ამის გამოჩენის შემდგომად ერთ თვეს უკან გამოჩნდა ქირი მსვრელი, ვითარცა ქვემო მოვიხსენეთ. სახე ამ ვარსკულავისა ესრეთი იყო ამ ჟამსა*). იქმნა საშინელი მომსრველი სენი საქართულოსა და იმერეთს შინა. მასჟამს, მოასტუნეს რა წმინდა ლახუარი უფლისა ჩუპნისა იესო ქრისტესი ეჩმიადინით, მსწრაფლ

*) ვარსკულავის სახე ავტორს გამოსახული აქვს ხელნაწერის აშიაზე.

განქარდა ქირი იგი მომსერელი სასწაულითა მისითა. ამ ჟამად გამოკუალეს ღრაფი ტოტელბინი და ნაცულად მისს მოვიდა ღენერალ სუხოტინი. მოსრული სუხოტინი შთავიდა ფოტს. გარნა ოდეს ვერ უძლო დაპყრობაჲ, უკუ მოიქცა. ხოლო ამა ჟამსა შინაცა გაჩნდა სრულიად დაღისტანშია და ძირობაზედა მომსერელი სენი. და მრავალნი მოსრნა და განძლიერდა. მსმენელთა ლექთა სასწაულისათჳს წმიდის ლახერისა, წარვიდნენ ეჩმიაძინს და სთხოვის ლახერისა მისვენებაჲ ორქივატერს სვიმონს, ხოლო მან გაუკეთა მაგალითი რკინისა, და მისცა მათ, და მათ მიასვენეს რა იგი, მძსწრაფლ განიკურნენ და ქირიცა გარდავარდა და მოისრა მხოლოდ ტფილისსა შინა ამა სენისაგან 50,000 სული თვნირ სოფლებისად.

ხოლო ამ ჟამს წარვიდა კულად მეფე ირაკლი ქურთთა ზედა, მოარბიენა იგინი, და მოვიდნენ ქართუტლნი ალაფითა დიდითა.

25. წელსა ამას—1772, ქკს უჲ—რუსნიცა უკუნქცენენ რუსეთადვე. რომლისა გამო მეფემან ირაკლიმ წარგზავნა რუსეთად ძეგ თვისი ლეონ და კათალიკოზი ანტონი, ძე მეფისა იესესი.

წელსა ამასვე წარმოემართა სარასკარი თურქთა მხედრობითა დიდითა, ვინადგან ნახეს თურქთა უკუნქცევაჲ რუსთა მხედრობისა. რომელნიცა მას ჟამს დაზავდნენ რუსნი და ოსმანნი და მისცეს ოსმალთა კულად იმერეთივე. ჩამოსრულს ოსმანთ მიეგება წინა ერისთავი რაქისა როსტომ და ქაიხოსრო აბაშიძე, ძე ლეონისა. და შეერთდა სარსკარსა. თუმცალა დადიანი კაციაც და გურიელიც შეერთებულყვენ ოსმალთათანა, გარნა ქუტს საქმისა გამხედვალნი სკვრეტდენ საქმესა მეფისასა. მსმენელმან ამისმან მეფემან სოლომან მოიკრიფნა მხედრობანი იმერთანი, ეწყო მეფე ოსმალთა ხრესილსა ზედა, განვრცა ბრძოლა ძლიერი, მოსცა ღმერთმან ძლევა მეფესა, იძლიენენ ოსმალნი და მოიკლა მუნ სარასკარიცა; ესრეთ მხედ იყო მეფე, ვითარცა ლომი და განბძარნა რაოდენნიმე თურქნიცა ხელითა თვისითა, და ეგრეთვე ძმაცა მეფისა არჩილ ფრიად

მამაცა და მხნე მბრძოლიყო, რომელსაცა ილლიით აღმოართუეს შეყინულნი სისხლნი, რომელ ეცა თურქთათჳს ეგოდენი ხმალი, რომელ ხმალისაგან მისისა ჩასრული შეჭყინვოდა ღლიასა შინა. ხოლო ლტოლვილნი თურქნი წარვიდეს გურიის კერძო, სადაცა ოდიშართა და გურიელთა შეუკრნეს გზანი და მოსწყვიტნეს სრულიად, და მცირედნილა განერნეს. დაშთათ ბანაკი მათი, ფრიად მდიდარი, ესრეთ, რომელ არა სადა ნახულ არს ეგოდენ ტურთაჳსა ნივთისა ნახეჳ, და ივეარ ჰყვეს იმერთა ნატყვენავი მათი და სიმდიდრე მათი. მხილველი ამისი რაჳის ერისთავი როსტომ მიიქცა რაჳად და ქაიხოსრო აბაშიძე წარვიდა ახალციხეს და იქილამ სტამბოლს. იძულებული როსტომ ერისთავი ევედრა მეფესა შეცოდებისა მიტევებას. რომელსაცა მიუწოდა მეფემან სოლომან ვარციხეს. მისრული მუნ—ოდეს სწირა კათალიკოზზან იოსებ, შეჰფიცა მეფემან ბარძიშსა ზედან უვნებლოჳაჲ—და ესრეთ მიტყუებით შეიპყრეს იმერთა როსტომ და აღმოხადნეს თულნი და ეგრეთვე ძეთა მათთა, ხოლო გიორგის, პირმშოსა ძესა მისსა, შეარჩინა ცალი თუალი მთხრელმან მან და ესრეთ განარჩინა გიორგი, რომელიცა ესეცა წარვიდა სტამბოლს, და იყო იგი მუნ ვიდრემდის გარდაიკულა მეფე სოლომან. ხოლო მეფემან სოლომან მიულო რაჳა სრულიად, თვინიერ წესისა და ბარაკონისა, და განუყო თავადთა იმერთასა, რამელთაცა მსახურეს მას ჟამსა მწირობისა მისისასა, და დანაშთი რაჳისა ჰყო სახასოდ თჳსად. ამან მეფემან სოლომან გარდააყენა ნიკოლოზ წმინდელი ეპისკოპოსი რაჳისა გერმანე წულუკიძე, ვინაჲთგან იყო მოყვასი როსტომ ერისთვისა და მოადგილედ მისსა დასო სილიბისტრო ღოდობერიძე. ესე სილიბისტრო მოკლა მუნებურმან გლეხმან ნადირაძემ მიზეზისა ამისთვის: ვინაჲთგან ჟამსა აღრეულებისა რაჳისასა ერთი გლეხის ცოლი შთაჲარდნილ იყო ტყვედ და ლეკთაგან დაესხნა ამა ნადირაძეს და შეერთო თჳთ ცოლად. ესე მიულო და მისცა ძველსავე ქმარსა მისსა, და ამისა გამო ჰკრა თოფი ახალს ნაწირავს ეკლესის კარზედ და მოკლა იგი. და კვალად დასვეს გერმანე.

კვალად მოსრულმან სტამბოლით მოიკრიფნა ახალციხეს ლეკნი და თურქნი რაოდენნიმე მხედრობანი ქაიხოსრო აბა-შიძემ და წარმოემართა დასაპყრობელად იმერეთისა. მსმენელი მეფე სოლომან მიეგება წინა სპითა თვისითა, შეება ჩიხორს, იძლია ქაიხოსრო ზეფისაგან, მრავალი მოკლეს იმერთა და ტყვე ჰყვეს, და ბანაკიკა მათი დაშათ იმერთა, და ესე სირცხვილელული მივიდა ახალციხესვე ქაიხოსრო. ხოლო მამული მისი მიულო მეფემ და არს სახასოდ მოდღეინდელად დღედმდე.

წელსა ამასვე მოვიდნენ კვალად შეყრილობანი ლეკთანი ქართლში. მუნ იყვნენ მხედრობანიცა ქართლისა და კახეთისანი, რომელსაცა მწყსიდა ამილახვარი იესე. გარნა იკვეთნენ უფლის ციხეს, იძლიენენ ქართლსონი და მოსწყდნენ მრავალნი, განვიდნენ ლეკნი გორის ბოლოს ლიახესა შინა და წარვიდნენ ახალციხესა. და კვალადვე ჩამოვიდნენ ლეკნი, მოადგნენ გრცხინვალს, მოაოხრეს გარდა ციხისა, და მრავალი ტყვე ჰყვეს.

ხოლო იყვნენ განძვინებულნი თურქნი საქართველოსა ზედა და იყვნენ ლეკნი მრავალნი ახალციხესა შინა, და სტყვევნიდნენ ქართლსა, გარნა ჩვენიცა მარადის უხდებოდინ ჯაჯახეთსა ესრეთ, რომელ ძეთა მელიქისათა გიორგიმ და ავთანდილ შეიპყრეს უმეტეს ხუთასისა ორასითა კაციითა მღვეარნი თურქთანი. კვალად უხდებოდის და აოხრებდის ჯაჯახეთსა და ჩხვირად ზედა დასხმისა უყოფდის ლეკთა ხუდია ბორჩალოელი. რომელთაცა მოიყვანეს კერძონი ახალციხისა და ყარსისა ძრწოლასა შინა.

ამ უამს შეკრბნენ ყაზახნი ბორჩალოველნი და ფანბაკელნი, წარვიდნენ და მოსტყვენეს ნახევანი და სძლეს ხანსაცა მუნებურსა შექურალის, რომელიცა ეწივა მღვევრად, და მოიქცნენ ალაფითა დიდითა.

შემთხვევასა ამას შინა ექმნა ორგულ ფაშასა ახალციხისასა სულეიმანს ათაბაგსა იბრეიმბეგ ხერთვისისა, რომელმანცა მოსცა ციხე მეფესა, და ვინათგან შეაყენა მეფემან მუნ მცუტსონი ალანი, კვალად მიუღეს ციხე თურქთა და ტალათა მათგანი

რომელნიმე ტყუპ ჰყვეს და რომელნიმე განილტნენ. რომლისათვისცა მეფემან ირაკლიმ მოუწოდა მეფესა სოლომანს იმერთასა, და შეკრიბეს ორთავე მეფეთა მხედრობანი ქართველთა და იმერთანი, მივიდნენ ახალქალაქს და მოერთყნენ გარს; იქმნა უძღვებ მეფე სოლომან, რომლისა გამო უკუტ მოიქცნენ უკან, გარნა ქართუპლთა მოსტყვენეს ჯაფახეთი; მუნით წარმოსრულნი, შთამოვიდა მეფე ირაკლი კრცხინვალს. ამ ეამად, ოდეს; ჯდა სადილად მეფე, მოვიდა ფრიად შეყრილობანი ლეკთანი, და დაესხნენ ხვითეუს. აღმხედრდა მეფე ამალითა თვისითა და ჰსძლო ლეკთა ფრიად, და მოსწყვიტნა მრავალნი. მუნ იყო მხნედ ქიზიყის მოურავის პაპუსა ძე იესე ენდრონიკაშვილი, რომელნიანცა მოკლა ოთხი ლეკი. ხოლო აბაშიძეს იოანეს, ცოლის ძმასა მეფისასა, მოსწყვიტნეს თითნი ლეკთა მათ ხლმითა. და ესრეთ წარვიდნენ სირცხვილეულნი ლეკნი. განვრცნა რა ხდომამა შორის ქართლისა და ახალციხისა, ორნივე კერძონი, შემქირებულნი ფრიად ამას ზედა, ზავ ჰყვეს ურთიერთარს. და წარგზავნა მეფემან ირაკლიმ კარსა ზედა სულტანისასა დესპანი თვისი მირზა გურგინა სომეხი ენაკოლოფაშვილი, ყარაბაღელი, კაცი ესე ფრიად ბრძენი და განსწავლული მრავალთა ენათა მიერ. რომელიცა მოერთვა სულთან აჰმადისაგან ორგზისვე ქურქი, ხმალი და აღკაზმული ოქროითა ცხენი, ხოლო ვეზირისაგან — საათი ძვირფასი, მოოქვილი თელითა.

ხოლო ახალქალაქსა ყოფასა მეფისასა მოვიდნენ ლეკნი ქარელნი და მუნ კერძოჲთ, და წარტყვენეს სოფელი ფხოველი და წარიყვანეს ტყვედ მოურავის შვილის ენდრონიკაშვილის პატა თოფჩიბაშის მეუღლე, რომელიცა შეირთო უსეინ ხანმან შაქისამან. — კუალად შეიყარა ხუნძახის ბატონმან ნურალი ბეგმან (ესე იგი მუცალიმ) მხედრობამა დიდი ლეკთა, და შთავიდა შაქისა კერძო, მუნით უეცრად წარვიდა და დაესხა ქიზიყის სოფელს ბოდბეს და იავარ ჰყო რაოდენნიმე უბანი. მაშინ მხნედ იყვნენ ბაღანნი. რომელთაცა სიმხნითა თვისითა დაიკუეს ბოდბე. აღმოვიდა სიღნაღით მოურავი რევაზ ენდრონიკაშვილი, ძე პაპუა მოურავისა, მაღაროს, შემოიკრიბნა მუნ

ქიზიყისა მხედრობაჲ, ეკვეთა ბოდბეს უკანა მხრით ლეკთა და იქმნა ბრძოლა ძლიერი. მას ჟამს წმინდის წინოს მონასტერში იმყოფებოდნენ მრავალნი მოსწავლენი სამღვდლოდ შევირდნი, რომელსაცა ზრდიდა გარსევანაშვილი მღვდელ-მონაზონი თომა. ესე გაუძღუა შავირდთა თვისთა და აღიყვანა მალლა ქედსა ზედა, პირისპირ ბოდბისა, და თითოსა ჯოხსა ზედა აეშუათ მათ ხელცახოცი და მისცა მათ ბაირახად. მკვერეთა ლეკთა, იხილეს რა ესენი, ჰგონეს ფრიად მხედრობისა მოსვლადი, მსწრაფლ შექნეს ლტოლვაჲ, სძლეს ფრიად ქიზიყელთა და მოსწყვიტნეს ლეკნი უმეტეს ათასისა, და შეჰსწირესცა სისხლი თვისი მამულსა თვისსა ორთა ძმით ბალაშვილებმა, რომელნიცა მოსწყდნენ მუნ. ამ ჟამად მუნ ლეკმან ერთმან შეიპყრა დედაკაცი ერთი ტყვედ და ენება დამდაბლებაჲ მისი; წააძრო ხანჯალი ლეკსა მას და მოკლა ლეკი იგი დიაცმან მან, და ესრეთ განერა დიაცი იგი. დჷ წარვიდა ნურალი სირცხვილეული სახლად თვისად.

კულად შთამოვიდა ნურალი-ბეგ, და წარვიდა შამახიას, რომელსაცა უსტუმრა ფათალი-ხანმან ყუბელმან, უღალატა და მოკლა იგი ნურალიბეგ.

ჟამსა ამასვე მოვიდა ფათალიხან დარბანდით უსენ-ხან შაქელსა ზედა. ესე ევედრა შეწევნისათვის მეფესა. ამან მიაშველა მხედრობა თვისი და უთავა ქსნის ერისთვისშვილი ყულარაღასი გიორგი; და განარინა უსეინ-ხან. ხოლო ამ ჟამს დაზადნენ ფათალი-ხან, მეფე ირაკლი და უსეინ-ხან შაქისა.

იქმნა ამ ჟამს კულად საკვირველი შემთხვევაჲ: ჟამსა ამას რომელ ბირებთა ეშმაკისათა განივლტო დავით გარესჯით მონასტრით მონაზონი დაყუდებული. ხოლო ესე იყო იმერელი; მივიდა ლეკთა შინა, მოუძღუა ლეკთა, და ვინაჲთგან ციხის კარნი იყენენ მონასტრისანი დახშულ, მუნ ვერა შესრულმან, აღიყვანა ლეკნი წმინდის ნიკოლოზის ეკლესიის ხერელით, დაფარულის გზით, და წარტყვენა მონასტერი ესე და მრავალნი მღვდელ-მონაზონნი ჰყო ტყვედ; და იავარ იქმნა სიმდიდრე მისი.

26. წელსა 1778, ქნკს უფე შეითქენენ მეფენი ირაკლი-ნი და იბრემ-ხან ყარაბაღისა, აღიღეს განჯა და შეიპყრეს მაჰმად-ხან მიზეზისა ამისთვის: ვინაჲთგან უფროსი ძმა მისი მაჰმად ასან-ხან იჯდა ხანად, ხოლო ესე მოკლა მოწამლითა ძმა თვისი და თვით დაჯდა ხანად არა ჩებითა მეფისათა, და ბიძაცა ამისი რიზა-ყული-ხან, როცა იყო მხეველად სპარსეთსა შინა ქარიმ ხანთან და ესე მოქცეული მუნით, არა უტევა მუნ განჯასა შინა, რომელსაცა მეფემან ირაკლიმ უბძანა, რათა მისცეს სარჩო, და იყოს განჯასა შინა. ხოლო მანცა აღუთქუა ყოველივე ბრძანებული მისდა და, მიიტყუა რა რიზა-ყული-ხან, მისრულსა მუნ,—ლამესა ერთსა შეიპყრა იგი სახლსა თვისსა და აღმოხადნა თჳალნი. მიზეზითა მით შეიპყრა ხანი განჯისა მაჰმად სახლელუთურთ თვისით, რომელიცა მიაბარა იბრემ-ხანსა, რათა პატრმარ ჰყოს ციხესა შინა შუშისასა. ხოლო განჯასა შინა დაადგინა გამგედ მეფემან ირაკლიმ ენდრონიკაშვილი ქაიხოსრო მდივან ბეგი, და იბრემ-ხანის კერძოდ დაადგინა აზრად-ყული-ბეგ მარტყოფელი, რათა ურთიერთას კითხვითა მართონ საქმენი განჯისანი. ხოლო ხარკსაცა განჯისასა ჭყოფდნენ საშუალ მეფე და იბრემ-ხან და ეპყრათ ასე ორთავე განჯაჲ წელი რაოდენმე. ხოლო მაჰმად-ხან ჰყრობილი მოკუდა შუშისა ციხესა შინა.

ხოლო ეამსა ამასვე ქართლით მომავალს ქიზიყის მოურავის ასულს მეფის რძალს ქეთევანს, მეუღლესა პირმშოისა მეფის ძის გიორგისასა, დაუხვდნენ ლეკნი ღართის კარს ვიდრე ხუთასადმდე, და მეფის რძალს ქეთევანს არა ჰყვა თანა უმეტეს სამასისა მხედრობანი, მორიგედ წოდებულნი, რომელნიცა თანა გამყოლად ახლდნენ მას, და არცა ვინ ჰყვა თვისთანა მეცნიერი ბრძოლისა; მაშინ თვით იქმნა თავი მხედრობისა თვისისა, და განამხნო იგინი, ეწყო და იძლივნენ ლეკნი და მოსწყვიტნეს მრავალნი ლეკნი. ჰსცნა რა მეფემან ირაკლიმ ესე ვითარი სიმხნეა სძლისა თვისისა, მხიარულ იქმნა ფრიად, და შეიყვანა ტფილისს დიდისა დიდებითა და ზარბაზანთა სრულითა. ხოლო ლამესა მას ყოველსა ქალაქსა იყო ჩირაღლოვანი.

ჟამსა ამას უკუუდგა ყულარ აღასი გიორგი ერისთავი ქსნისა, და რაოდენ გზისცა აწვია მეფემან, რათა დაუტეოს უგვანი ესე საქმე და მოვიდეს მონებასა ქტსშე, გარნა მან არა უსმინა მას, და ვინაჲთგან ქალიცა თვისი ანასტასია მიეცა მეფესა ძისა მისისა რევაზისათვის, ამის გამო არა ჰსწადდა დამდაბლებაჲ მისი, და ვინაჲთგან ვერა რაიმე შეაგონა მას მეფემან, — ამას ზედა განწყრა, და წარავლინა ძე თვისი უპირველესი გიორგი და ლეონ, რათა დააცხრონ ამბოხი მისი. მისრულთა ამათ ლიახვსა ზედა აწვიეს კულად მორჩილებასა ზედა მეფისასა, გარნა მან განამაგრა ციხე სიათისა ლიახვსა ზედა, და მოელოდა ლეკთაცა შემწედ ახალციხით. მზილველთა ამისთა მეფის ძეთა, ვინაჲთგან ვერა რაიმე მიიღეს მისგან ჰასუხი დამშვიდებისა მისისა, უყვეს ზედა დასხმაჲ, აღიღეს ციხე სიათისა, რომელიცა არს ფრიად მაგარსა კლდესა ზედა, შეიპყრეს იგი მუნ და მოიყვანეს მეფისა წინაშე. თუმცალა ჰსწადდა მეფესა დაჰსჯაჲ მისი, გარნა კულად მიუტევა შეცოდებაჲ მისი, და მიუღო ქსანი და ლიახვი, მთისა ადგილნი სრულიად, ვინაჲთგან მათათა მათ შინა ინახვიდა ლეკთა მხედრობასა და მუნით არბევდა ქართლსა, ვითარცა ავაზაკი. ამის გამო მიუღო მათ ადგილნი იგი, რათა არა იქმნას მათ შორის მახმედინობაჲ და რათა არ იყოს მუნ ლეკთა სადგური, ვინაჲთგან მისცემდა ზემო ქართლსა ფრიადს ვნებასა. ხოლო ესე მთისა ადგილნი განჰყო მეფემან: ქსანი მისცა უფროსსა ძესა თვისსა გიორგის, ხოლო ლიახვი უმრწემესსა ძესა თვისსა იულონს, და გვერდისძირი მისცა სარჩოდ ძეთა დავით ერისთვისათა და ძეთა აღაბაბასათა, რომელთაცა არარაჲმე შესცოდეს მეფესა მას ჟამსა შინა. ხოლო ყულარაღასი გიორგი და შთა ტფილისსა შინა უპატროდ, ვითარცა ტუსალი.

ვინაჲთგან ლეკნი მარადის აოხრებდნიან ქართლსა, ილონისძია მეფემან და განაწესა ყოველთა სახლთაგან კაცის თავს ერთი — რაოდენიცა იყვნენ სახლთა შინა, — რათა მსახურონ თითოთა თვისა მამულსა თვისსა, და უწოდა მათ მორიგედ ხარჯითა თვისითა, და ეგრეთვე განაწყო ორფხანა მეგრ რუსეთის

კანონითა, და განასწავლა თოფჩებიცა, როქელიცა განაწყო
 ესენი ქიზიყის მოურავის შვილმა ენდრონიკოვმა პაატამ. ეს
 პაატა წარსრულ იყო როსიად შემდგომად დატყუებისა მეულ-
 ლისა თვისისა და ესწავა ამას მოსკოვს მუნ თოფხანისა გაწყო-
 ბაჲ, და ჩამოსხმაჲ ზარბაზანთა და ზართა, და ყუმბარათა, და
 იყო ფრიად მეცნიერ, და თვითცა მეფე ძეგებითურთ თვისით
 დაეწერა მორიგედ, და იხდიდა თვითცა თჳსსა უკუტ ერთ-
 სა ყოველთვის. უკეთუ გლეხთა დაიყოვნიან, მაშინ იგინი
 წიკებლათა შინა განატარიან, რაოდენ ღღესაცა დაიყოვნიან,
 ეგოდენ გზის, და უკეთუ თავადთა და აზნაურთა დაიყოვ-
 ნიან, ეგოდენ ღღე პატიმარ იქნებოდიან. ხოლო ესე იქმნა
 ქართლისა სასარგებლო ფრიად მით, რომელ მეფემან მხედრო-
 ბითა ამით მრავალ გზის აოტნა ლეკნი, და ეგრეთვე მეფის
 ძემან გიორგიმ რაოდენგზისმე ღართიკარსა და იორსა ზედა,
 და მეფის ძემანცა ლეონმაცა არაგვის პირსა მისაქციელსა
 შინა, სადაცა მოკლეს ყაფლანიშვილი დიმიტრიცა, და ქიზი-
 ყელთაცა მრავალ გზის შეიმოსეს ძღვევა ლეკთა ზედა, და
 მსგავსადვე თვით მორიგენიცა აოტებდნენ მარადის გამომსვლე-
 ლთა ლეკთა. ესრეთ იქმნენ შიშენეულ ლეკნი, რომელ ვერ-
 ღარა სადა იკადრეს გამოსვლაჲ, და ესრეთ დამშვიდდა ქვეყა-
 ნაჲ, რომელ ღართის კარსა შინა და სხვათა სამტეროთა აღ-
 გილთა დედაკაცი ვიდოდეს თვინიერ კაცისა, და აშენდაცა
 მრავალი მოოხრებულნი სოფელნი, ვითარცა კახეთსა შინა,
 ეგრეთცა ქართლსა და სომხითსა შინა და ლორესაცა.

27. ხოლო წელსა 1779, ქკს რაზ არღარა ინება ხანმან
 ერევნისამან უსეინ ალი-ხან ხარკისა მოცემა ქართველთა მეფე-
 ისა, რომლისა გამო წარვიდა მეფე მას ზედა. იქმნა მუნ ბრძო-
 ლაჲ, ვინაჲთგან ერევნელნი იყვნენ ფრიად გამაგრებულ ციხე-
 სა შინა, სადაცა მუნ მხნედ აღმოჩნდა მეფისა ირაკლის ძე
 გიორგი. მუნ ჰსძლო მეფემან ერევნელთა მხედრობასა.*) მო-

*) ხოლო მოკლა ამა ბრძოლასა შინა სახლთხუცესი ჩოლაყაშვილი
 გივი და მანაბელი გოგიას ძე კეკე.

ხარკე ჰყო, და აჰყარნა მრავალნი სომეხნიცა, რომელნიცა და-
 ასახლნა ყარიასა ზედა. და ვინაჲთგან მუნ ვერღარა უძღვს
 ჰაერისაგამო დგომა, აჰყარნა და დაასახლნა ავლაბარსა შინა,
 ტფილისს, გორს, თელავს და სიღნაღსა. და მსწრაფლ მოიქცა
 ამად, ვინაჲთგან იყო სამძღურაჲი მეფისა შორის ირაკლისა და
 მეფისა შორის იმერთა სოლომანისა. და ამან სოლომან
 წარგზავნა სპარსეთს გაბაჰვილი ბესარიონ, ძე ზაქრიას მოძღვ-
 რისა, რომელი ესე იმყოფებოდა ექსორია ქმნილი მამითურთ
 თვისით იმერეთს, ანტონის გამო კათალიკოზისა. მოაყვანიდა ძე
 ბაქარისა და ძის ძე მეფისა ვახტანგისა ალექსანდრე შირაზით;
 რომელიცა ესე ალექსანდრე წარსრული რუსეთიდან იყოფოდა
 ქარიმ. ხანისა წინაშე და ლამოდა დაპყრობასა ქართლისასა, და
 ამის გამო აბირა მეფემ სოლომან და აღუთქმიდა შეწვევნასა და
 დაპყრობასა ქართლისასა. ხოლო ვინაჲთგან ქართველთა არა
 თავს იდეს მეფობა მისი და მტკიცედ ჰსდგნენ ერთგულებასა
 ზედა მეფის ირაკლისასა, ამად ალექსანდრე უღონო წარვიდა
 რაჭის გზით და გარდავლო დიდგორი, მივიდა ჩერქეზთა შინა,
 და იქილამ შამხალთან, ხოლო იქილამ დარბანდს ფათალი ხა-
 ნისათანა. მას ეამსა შინა ციხე დარბანდისა ეპყრათ რუსთა.
 მისრული მუნ ალექსანდრე შეიპყრა ფათალი-ხანმან და მასთა-
 ნავე ცხვირ მოკუტსთილი ალექსანდრე ამილახვარიშვილიცა,
 რომელიცა იყო მისთანა და აბირებდა, რათა შურაგოს მეფესა
 ირაკლის მის გამო. ხოლო რუსთა აქუნდათ ბრძანებამ იმპე-
 რატორიცა ეკატერინასი, რათა სადაცა იხილონ ალექსანდრე,
 შეიპყრან იგი. მაშინ მიუხვნეს იგინი ფათალი ხანსა რუსთა და
 წარგზავნეს როსიად. მისრული მოსკოვს ალექსანდრე ბაქარის
 ძე წარგზავნეს პატიმრად სმოლენცკის ციხესა შინა და მო-
 კუდა მუნ, ხოლო ალექსანდრე ამილახვარიშვილი ძმითურთ
 თვისით ევგენით წარგზავნეს ვიბურღს ციხესა შინა, და იყო
 წელი რაოდენიმე.

ამავე ეამსა ურჩ ექმნა უკუტ ძე თვისი მეფესა იმერთასა
 სოლომანს ალექსანდრე ბირებითა მერაბ ნიქარაძისათა, რომ-
 ელ მეფესა სოლომანს არც ესვა თვინიერ მისა ძე. და მოვი-

და მეფისა წინაშე. ამან შეიწყენარა და პატივ ჰსცა და აგო მამასა თვისსა. ამან ალექსანდრემ შეირთო ცოლად ასული ევგენ აბაშიძისა, რომელიცა არა სთნავდა მეფესა სოლომანს.— რომლისა გამო ზავ ჰყვეს და მეფემანცა სოლომან განუტევა მას ჟამს ძე ბაქარისა ალექსანდრე (რომლისაცა მოთხორობა მისი დავჰსწერეთ ზემორე).

ჩასრულსა ალექსანდრეს მეფის სოლომანის ძეს იმერეთს გააშეებინა მამამან თვისმან ცოლი, ევგენ აბაშიძის ქალი, ვინაითგან მტერ იყო აბაშიძეებისა, და შერთო ბერი წულკიძის ქალი დარეჯან და აქორწინა; რომელიცა წლისა ერთისა მოკუდა ალექსანდრე და უმკვიდრო იქნა სახლი მეფისა სოლომანისა. ამის გამო შურ აგო ნიჟარაძე მერაბს და აღმოხადნა თჳალნი მეფემან. ხოლო სამლუდელითაცა კრებათა არა აუფლეს მეფესა დამარხუა ძისა თვისისა, ვინაითგან კრულ ჰყვეს იგი განტევებისათვის ცოლისა და უჯგეროისა ქორწინებისათვის, თუმცალა მეფე ეყედრა მრავალთა ებისკოპოსთა, გარნა არა უსმინეს მას და ერთისა მღვდლისა წინა გაძლოლითა დაფლეს იგი გარეგან ეკლესიისა.

28. წელსა 1781, ქკს უფთ: ჟამსა ამას მოვიდა თავრიზით მცბიერი ვინმე. ამან იჩემა გაკეთება ქიმიისა და იწოდაცა შაჰზადად, ძედ ალიშაჰისად, რომელსაცა მისცა შესაბამი პატივი მეფემან ირაკლიმ და ოდეს ვერა რამე აღმოაჩინა მოქმედებაჲ თვისი და სცნეს სიციბილი მისი, ამად შექამა თრიაქი და წარიწყმინდა თავი თვისი.

ამვე წელსა შეედუა მწუხარებაჲ მეფისა სახლსა სახელოვანისა ძისა მისისა, მხნისა ქაბუკისა, სიკუდილი ლეონისი, რომელიცა გარდაიცვალა კახეთს, ვეჯინსა, სახლსა ივანე აბაშიძისასა, თჳსსა თებერვალსა 5 დღესა.

წელსა 1782, ქკს უფი გარდაიცუალა მშობიერობის მიზეზით მეფის რძალი ქეთევან, ქიზიყის მოურავის პაპუას ასული, მეუღლე პირმშობისა ძისა მეფისა ირაკლისი გიორგისა, იენისის 3 და დაფლულ არს დავით გარესჯის მონასტერსა შინა

ხოლო ამან გიორგიმ შეირთო მეორე ცოლი, ქალი გიორგი ციციშვილისა, რომელსაცა ხათათ უხმობდნენ.

კულად წელსა ამასვე 1782, ქკს უფი, თჳსსა მარტსა წარვიდა მეფე იმერთა სოლომონ, ძე ალექსანდრესი, მხედრობითა თვისითა გურიასა ზედა. მაშინ ოსმალთა აუწყა მიმავლობა მეფისა დადიანმან კაციაჲ. რომელსაცა მზირ ეყენენ ოსმალთა მხედრობანი. ჩასრულსა ჩაგვს მეფესა, რომელმანცა მოაოხრა და წარტყვენა ჩაგვი იგი, უკუნქცეულსა შეუკრნეს ოსმალთა ვიწრონი იგი გზანი, რომელიცა არს. ადგილი ესე ფრიად მაგარი, ჯანგლიანი და იწრო, კლდიანი. და ეგრეთვე უღალატა მეფესაცა გურიელმან და მანცა შეუკრნა უკანით გზანი. იძლივნენ იმერნი მუნ და მოსწყდნენ მრავალნი თავადნი, და აზნაურნი, და გლეხნი, რომელ ძლივდა განერნენ მცირედნილა, და დაიკოდა ამა ბრძოლასა შინა წერეთელი სარდალი პაპუნა, და ძლითლა განერა მეფეცა მათგან. მოსრულსა მეფესა მწუხარებითა ამით დაეცა დამბლა და გარდაიკულა მსწრაფლ ქუთაისს თჳსსა აპრილსა 23. ხოლო ვინაჲთგან არა დაშთა შვილი მეფესა სოლომანს, და არცა ძაღედვა სიმკროისა გამოძვის წულსა მისსა არჩილის ძეს დავითს, რომელსაცა ზრდიდა პაპა თვისი მეფე ირაკლი ქართლსა, ამის გამო მოიყვანეს ძმ გიორგისა და ბიძაშვილი მეფისა სოლომანისა დავით და ჰყვემ მეფედ იმერთა.

კულად ამ ეამს მოკულდა ხანი ერევნისა უსეინ-ალი და ჰყო მეფემან ირაკლიმ ძე მისი ყულა-მანი-ხან. ვინაჲთგან ესე იყო გონება მსუბუქ, მოკლეს ესე ერევნელთა, სადაცა იძულებულმან მეფემან წარგზავნა მირზა გურგინა ენაკოლოფა-შვილი, და ჰყვეს უმრწმესი ძე უსეინ ალი-ხანისა მაჰმად ხანად ერევნისა, და განამტკიცეს ესე ბრძანებითა მეფისათა ხანად ერევნისა.

29. წელსა 1783, ქკს უფა შევიდა მეფე ირაკლი საფარველსა ქუტაშე რუსეთისასა, რომელსაცა წარუგზანა იმპერატრიცამ ეკატერინამ ნიშანნი სამეფონი (გრამატა) და ორნი ბატალიონნი რუსთა მხედრობისანი იეგირად ხმობილნი, რ.

მელნიცა შეიკრნენ უცუალებელითა პირობითა, ხოლო დედოფალსა დარეჯანს, მეულლესა მეფისასა, კავლერია წმიდისა ეკატერინასი ძვირფასი ბრილიანტითა, და პირმშოსა ძესა მისსა გიორგის კავლერია ალექსანდრე ნევესკისა და ეგრეთვე ანტონის კათალიკოზსა, ძესა იასე მეფისასა, უბოძა შუბლზედან ჯვარი ბრილიანტისა და პანალია ძვირფასი, და ეგრეთვე მოხელეთაცა მეფისა კარისათა უბოძა ღირსებისა-მებრ მათისა საჩუქარნი. ესენი ყოველნივე მიიღო მეფემან ირაკლიმ ტფილისს, რომელიცა იღღესასწაულეს ღღესასწაულობითა დიდითა სიონის ეკლესიასა შინა. და გარდაიხადა წირვა და პარაკლისი ანტონის მიერ კათალიკოზისა, რომელმანცა მოახსენა მეფესა შესხმა ჩინებული მის დღისა. ხოლო ღღესა მას იყო ნადიმი დიდი მეფისა მიერ და სროლაჲ ზარბაზანთა მთელსა ღღესა. ხოლო ღამესა მას იქმნა ქალაქი გაჩირადვანებული, დაკურაჲ სამხიარულოთა საყვირთა და ცეცხლის სათამაშო, ვითარცა რუსთავან, ეგრეთვე ქართლსთავანცა.

ხოლო წელსა ამასვე წარგზავნა კარსა ზედა როსიისათა ელჩად ეშკალასბაში თვისი ქავქავაძე გარსევან, და მას წარატანნა ორნი ძენი თვისნი, ანტონი მონოზონი მთავარდიაკონი და მირიან. მისრულთა იასს პატივ ჰსცა კნიაზ პოტემკინმან გრიგოლი ალექსანდრიჩიმან, რომელიცა ჟამსა მას განდიდებულ იყო ფრიად და მართვიდა ყოველსავე საქმეთა რუსეთისათა, იყო ნაიბიცა რუსთა ხელმწიფისა. ხოლო მირიანს მისცეს პოლკოვნიკობა და განაწესეს იგი ცხენოსანს პოლკშია, და ანტონი წარავლინეს პეტერბურღშია, რომელიცა მიიღო იმპერატრიცამ დიდის პატივით, და შემდგომად წლისა ერთისა აკურთხეს, თხოვნითა მეფის ირაკლისათა, უწმინდესმან სინოდმან მღვდელთ-მთავრად ნინოწმინდლად, რომელიცა აკურთხებინა იმპერატრიცამ თვით საზაფხულოსა სასახლის კარის ეკლესიასა შინა ცარკვისელოს.

მსმენელი ამა შეერთებისა რუსთა თანა ახალციხისა ფაშამან სულეიმან აღადგინა აბოხი ქართლსა ზედა და განძინდაცა, აღუწოდა ლეკთა მრავალთა, და იყო ოხრება ქართლისა.

ეჟსა ამას მოვიდა ტფილისს კავკასიის ლინიის უპირველესი მართველი ღიანარალ პორუჩიკი პავლე სერგიიჩი პოტემკინი. ამან აწვია მეფესა ირაკლის, რათა მისცეს მათ სრული ნებაჲ და მართონ რუსთა საქართვეპლოი რუსთა მეგრ წესითა, და ჰქონდეს კახეთი თავისუფლად და ჯამაგირი ეგოდენი, რაოდენიცა შემოსდიოდა ქართლით. მსგენელმან ამისმან მეფემან ირაკლიმ არა ინება თანხმობა ამისი, და უპასუხოდ განუტევა იგი რუსეთადვე. ხოლო მან დაუტევა მეფესთან ღიანარალ მაიორი სამაილოვი და თვით წარვიდა რუსეთადვე. შეითქვენენ უკვე ესენი ქარსა ზედა და წარვიდნენ საქართველოჲსა და რუსთა მხედრობითა. მიიწივნენ რა ურდოსა, მუნ შეემთხვიათ მცირენი მხედრობანი ლეკთანი, სადაცა უქმნეს მათ მხედრობათა ქართველთა და რუსთა მკირედ რაჲმე ვნებაჲ, და მოკლეს პრინცი ლესენარენჭელისა, სახელად გეეს, პოდპოლკოვნიკი, ცოლის ძმა პავლე იმპერატორისა, პარველისა ცოლისა მისისა. და დასკრეს მისკარბაში იოსებ, და ზაალ სამისშვილი, კაცი მამაცი, ბრძოლასა შინა, და მოკლეს დიმიტრი აბხაზიც, და მრავალნი სხვანიცა, და მუნით ვინაჲთვან ვერლარა განვიდნენ მდინარესა ალაზნისასა სიდიდისა გამო, მოიქცნენ უკანვე. ხოლო სამაილოვი ღიანარალი წარვიდა კუალად რუსეთადვე.

განვრცნა უკუტს ტყვენვაჲ ახალციხით ლეკთაგან: სადაცა კუალად შეკრბნენ უმეტეს ორიათასისა მხედრობანი ლეკთა და ოსმალთანი, მოვიდნენ და აღიღეს საქაშეთი ღღესა დიდსა ხუთშაბათსა ვნების კვირიაკისასა, და ტყვეჲ ჰყვეს სახლელულნი დიასამიძისა. ესე ანბავი აცნობა იესე ამილახვარმან რუსთა, რომელნიცა იდგნენ მას ეჟსა შინა სურამს: — როტა ერთი და ორი ზარბაზანი საქართველოს არტირელიისა. ხოლო თვით ამილახვარიც შეუდგა უკანა მორიგითა ქართველითჲ. მოეგებნენ, ჰალას იქმნა მუნ ბრძოლა ძლიერი რუსთა და ლეკთა, მხედ იყვნენ ქართველნი ბრძოლასა ამას შინა, იძლივნენ ლეკნი და ოსმალნი, და მოკლა მუნ დიმიტრი რუსთა შერჟენტმან 12 კაცი შტიკითა. და ესრეთ შეშინდნენ ლეკნი,

რომელ უფონოდ მტკუართა შინა შესრულნი მოიშენენ უმეტეს ათასისა კაცისა. მუნ დიაკმან ერთმან ტყვეთაგანმან ქართველმან შეიპყრა შემპყრობი თვისი ლეკი და მოიყვანა მხედრობასა შინა ქართველთასა. ხოლო ძლევა შემოსილთა მათ მიუღეს ყოველივე ნატყვენავნი და ალაფნი მათნი. მსმენელმა ამისჲა იმპერატრიცამ ეკატერინამ უბოძა პოლკოვნიკსა მათსა ბურნეშოვს, რომელიცა იყო ესე ტფილისს მინისტრათაცა, კართაგან რუსეთისა კარსა ზედა მეფისასა, წმიდისა გიორგისა ჯვარი მეოთხე ხარისხი¹. ხოლო მაიორსა მას ნემეცსა სენენბერხს, რომელმანცა განიბარჯვა, ჯვარი ვლადიმერისა, და სალდათაცა ფრიად საბოძეარი. ხოლო მეფემანცა ირაკლიმ ანიჰნა ნიჰნი დიდნი, ვითარცა მხედართ მძლჳანთა რუსთასა, ეგრეთვე ქართველთაცა მხედართ მძლჳანთა და მხედრობასა მათსა.

კუალად შეკრბნენ ლეკნი და თათარნი და მოვიდნენ ფხვენისს, და ვინაჲთგან მუნ ვერა რაჲ ჰყვეს, უკუნიჰქნენ, სადაცა—მოხისს—შეემთხვათ რუსნი და ქართველნი და სძლეს ლეკთა მათ ფრიად. და უკუნიჰქნენ სირცხვილეულნი ლეკნი და თათარნი.

30. ხოლო წელსა 1785, ქკ^ს უოგ, გამოვიდა ომარ-ხან ავარელი, ძე ნურალიბეგისა, ხუნძახის ბატონი, და ჰყვა მხედრობანი ლეკთა ოციათასი. მოვიდა და დაიბანაკა მდინარესა ზედა ალაზნისასა. მსმენელმან მეფემან ირაკლიმ შეიკრიბნა მხედრობანი თვისნი და ეგრეთვე მხედრობანიცა რუსთანი, მივიდნენ და დადგნენ ჭიზიყსა შინა. ამ ჟამად აიყარა ომარ-ხან და განვიდა ალაზანსა და წარემართა იორით ყარაიასა ზედა. თუშცალა მეფესა სწადდა შებმაჲ მისი, გარნა რუსნიცა არა ეთანხმებნენ შებმასა მისსა, ვინათგან პოლკოვნიკი მათი ბურნეშოვი იყო კაცი ომსა შინა გამოუცდელი და მოშიშარიცა ფრიად, და ეგრეთვე ნაზირიცა იოანე ყორჩიბაშიშვილიცა შლიდა შებმასა მისსა,—რომელი ესე იყო ფრიად საყვარელ მეფისა და მისანდო მისი. გარნა ქართუ¹ლთა, განხურებულთა სულითა მამაცობისათა ერთგულობისათვის მამულისა, სწადდათ

შებმა. და ვინათგან არა აუფლეს მეფე ვერაგთა მათ კაცთა, ამისთვის კუალად შეუდგა მათ მეფე უკანა მხედრობითა თვისითა. ხოლო ომარ-ხანსა, მოსრულსა ყარაიასა ზედა, სწაღდაცა წარტყვენაჲ წმიდათა მონასტერთა ნათლისმცემელისა და დავითგარესჯისა, გარნა ღმერთმან დაიკუა იგინი უვნებელად, ვინათგან სთხოვა ჰური მონაზონთა, რომელთაცა მიაართეს მას რაოდენნიმე ტვირთნი, და რქუა მათ: „ვინათგან ხართ თქვენ განშორებულნი და მლოცენი ღვთისანი, ამად გულდებულ იყვენით, რომელ არა ჯერ არს წარტყვენა თქვენი.“ და განუტყვენა ბერნი იგინიცა საჩუქარითა, განვიდა მტკუარსა იედიბოლუქზედ, რომელ ადგილი ესე შორავს ტფილის ალაჯითა უკუტ ხუთითა, და მოადგა ბორჩალოს ციხესა. მაშინ ციხე იგი განამაგრა მოურავმან მისმან დავით მაჩაბელმან გოგეას ძემან ბორჩალოელითა და ბაიდრელის ხალხითა, და ვინათგან ვერლარა უძლო ციხისა მის აღება, ამისთვის აღიძრა და აღვიდა, და მოადგა მადანსა ვერცხლისასა, რომელ ამაშია სხვა ხალხნი არა იპოვებოდეს თვინიერ ბერძენთა, და ესენიცა ომისა გამოუცდელნი. რამეთუ იყვენენ ესენი მადნის ხელოვანნი მუშანი, და იდგნენ რაოდენნიმეცა მორიგენი, რომელთა თავად ჰყვათ სესია ბარათაშვილი. თუმცალა გამაგრდნენ რაოდენნიმე დღენი, გარნა უქმ იქნა სიმაგრე მათი. აღიღეს ციხე იგი ნაღბითა და მოკლეს მუნ სესიაცა, და მოსწყვიტნეს მრავალნი ბერძენნი და სრულიად დაატყვევეს დედა წული მათი და, აღძრულმან მუნით, აიარა ხევი უზუნლარისა, და მოადგა ლორეს. მუნ მხედ იყო მოურავი მათი მალაქია გლურჯიძე და ბეჟან საგინაშვილი, რომელთაცა განამაგრეს ციხე იგი, და ვინათგან ვერლარა აღიღო ციხე ლორისა, აღიყარა და აღვიდა ახალციხეს. კუალად ამავე შემოდგომას ჩამოვიდა ომარ-ხან ახალციხით და მოადგა ვახანს. მსმენელი მეფე ირაკლი წარემართა მის ზედა, და ვიდრე მეფე მიიწეოდა, აღიღო ვახანიცა და დაატყვევა ევგენ აბაშიძის შვილნიცა და წარვიდა ახალციხესვე. ერთი იგი ქალი თვით შეირთო ცოლად აბაშიძისა, რომელსა ერქვა მაია, ხოლო უნკროსი და მისი მისცა სიძესა

აუვისსა იბრეიმ-ხანს შუშისასა. და თვით იზამთრა ახალციხეს. და გაზაფხულს აიყარა, ჩაელო გოქჩა და ჩავიდა ყარაბაღს. და დაეზავა მუნით მეფესა ირაკლის, რომელმანცა განუჩინა როქიკად ხუთასი ოქრო: რათა დასცხრეს ოხრეზა ლეკთაგან საქართველოსა შინა. მოვიდა ყარაბაღით და მოაოხრა შანქო-რი და განვიდა მუნ ამ მტკუარსა და წარვიდა სახლსა თვისსა.

ჟამსა ამასვე უკუდგა განჯაცა, და გამოყარნეს მოურნენი მეფისა და იბრეიმ-ხანისა. განიელტო შუშით ძე შავერდი-ხანისა რაჰიმ-ხან, რომელიცა ჰყვა მას ჟამს ჰყრობილად იბრეიმ-ხანსა, მივიდა და იქმნა ხანად განჯასა შინა. ხოლო მოსრულმან იბრეიმ-ხანმან განჯასა ზედა, სთხოვა შეწევნა მეფესა. მიაშველა მეფემანცა მხედრობანი თვისნი და უთავა ივანე აბა-შიძე და ალი-სულთანი შამშადინისა. მისრულთა აღიღეს კულად განჯა. და ვინაითგან არა ეგებოდა დაპყრობა მისი, ამად ნებითა მეფისათა ჰყვეს ძე შავერდი-ხანისა ჯავად ხან, რომელიცა მაშინ ჰყვა მას ჰყრობილად, და მოხარკედ თვისად ჰყო მეფემან ირაკლიმ.

31. წელსა 1786, ქკ^ს უოდ: მაშინ ნახიჩევნელთა ჰყვეს შფოთი და განაძეს ნახიჩევნით ხანი ევისი ქალბალი. იგი მივიდა, ევედრა ხანსა ერევნისასა მაჰმადს, და მაჰმად-ხან ევედრა მეფესა, რათა შემწე ექმნას. მაშინ მეფემან წარავლინა სიძე თვისი მუხრანის ბატონი იოვანე მხედრობითა და ზარბაზნებითა. შეერთდნენ ესენი ერევნელთა თანა, მივიდნენ ნახიჩევანს და იკვეთნენ. იძლივნენ ნახიჩევნელი და ევედრნენ მხედრობასა ქართველთასა: უკეთუ უკუნიქცევიან ნახიჩევნით, კულად ჰყოფენ ნახიჩევნელი ხანად თვისადვე ქალბალის. თანხმობილნი ამისნი ქართველნი მოიქცნენ ერევანს და ერევნით ქართლადვე, ძღვევა შემოსილნი.

ხოლო წელსა ამასვე მოვიდა სტამბოლით იმერეთს ნებითა მეფის დავითისითა საძე მისი გიორგი, რაჰის ერისთვის შვილი, და ჰყო კულად ერისთავადვე. შესრული გიორგი ოსებსა შინა გლოლას; მოკლეს მუნ ოსთა.

აიყარა ყაზახი სრულიად და წარვიდა შუშას და შამშადინი განჯასა. შემდგომად წლისა ერთისა წარვიდა მეფე ირაკლი მხედრობითა რუსთათა და ქართველითა, რათა აჰყაროს ელნი თვისნი და ხამსისა მელიქნიცა, რომელთაცა აქუნდათ პირობაჲ მეფესა თანაი. მიიწია რა განჯას, წარგზავნა მხედრობითა ძე თვისი იულონ. მიიწიენენ რა ზეიბას, შეემთხვათ მათ მხედრობანი ყარაბაღელთანი. იძლიენენ ყარაბაღელნი და მოსწყვიტნეს უმრავლესნი ყარაბაღელნი ქართველთა. ჯი მოწყალეებასა ღვთისასა რომელ, ამა ბრძოლასა შინა არაეინ მოკუდა ქართველთაგანი არცა თავადი და არც გლეხი, თვნიერ ერთისა ზაქარიასა ნიკოლოზ კარის მღვდლის შვილისა, რომელიცა ესეცა მოკლა ისევე ჩვენგან მხედართაგანმან, ბორჩალოელმან არაზოდლი ისმელიმ, რომელ ვერ იცნა იგი და ეგონა ყარაბაღელი ტანისამოსის გამო. შემთხვევასა ამას მოვიდა ჩაფარი რუსეთით, სადაცა იხმეს მხედრობანი რუსთანი. პირველად. ვინათგან უკუნიქცა მხედრობანი რუსთანი, არღარა რაცხა მეფემან წარსვლა ყარაბაღსა ზედა, და მიუწერაცა ძესა თვსსა იულონს, მდგომს ზეიბასა ზედა, რათა იგიცა უკუნიქცეს. აღიყარნენ განჯით და უკან მოიქცნენ, და დაშთათ ელნი აუყრელნი და ეგრეთვე მელიქნიცა. ხოლო რუსნიცა წარვიდნენ რუსეთადვე წელსა 1787, ქკს უოვ.

32. ხოლო წელსა 1788, ქკს უოვ მიიკუალა კათალიკოზი ანტონი, ძე იესე მეფისა, ტფილისს, ნაკში თებერვლის 29. და დაფლეს მცხეთას და მოვიდა რუსეთითცა ძე მეფე ირაკლისა ანტონი ნინოწმინდელი წელსა 1789, ქკს უოპ. ესე მოსრული მცირესა ჟამსა გამოარჩიეს კრებათა და ჰყვეს კათალიკოზად. ამავე წელსა დაეზავა მეფე ირაკლი ოსმალთა ახალციხის ფაშასა სულეიმანს, რომელიცა სულთანადამ მოუტანეს ხალათთა ქურქი, ხმალი და ცხენი ოქროჲთა აღკაზმული. ესენი მოართვეს მეფესა, ბოლნისსა მდგომსა, ოკდომბრის 5, ხაზინადარმან ახალციხის ფაშისამან ხანიბეგმა.

33. ხოლო წელსა 1789, ქკს უოპ იქმნა სასწაული წმიდის ნიკოლოზის მიერ ესრეთ: კახეთის სოფელს არტოზანს

ინება არხიმანდრიტმან შუამთისამან, მოძღუართ მოძღურმან მდიენიშვილმან ნიკოლოზ აღშენება ეკლესიისა წმიდისა ნიკოლოზისა და ოდეს ჩადგეს საკირე დიდი ქვისა და შიგ შეგზავნეს კაცი ერთი, რათა აღაგზნას ცეცხლი, მსწრაფელ ჩამოიქცა საკირე იგი და დაფარა ქუამან სრულიად კაცი იგი. მივიდნენ სოფელნი და ამოყარეს ქუა იგი და ჰპოეს კაცი მართლად უვნებელი. ჰკითხეს კაცსა მას, ვითარ დაშთიო მთლად. ხოლო მან რქუა მათ: ოდეს საკირე იგი დამექცა, მაშინ მოვიდა ბერი ერთი მოხუცი და გარდამეფარა ზედა და დავშთი მშვიდობით. ესე იქმნა ნამდვილი, რომელ მრავალნი მუნ დამსწრენი გუამნი აღიარებდენ ამას.

ხოლო წელსა ამას მოკუდა დადიანი კაცია და დაჯდა დადიანად პირმშო ძე მისი გრიგოლ. შემდგომად წლისა ერთისა ამა გრიგოლს დადიანს მისცა ძეფის ძემ გიორგიმ ასული თვისი ნინო ცოლად, დიდისა სიმდიდრითა და მზითვთა. და წარიყვანა ესე ბიძამან მისმან ქყონდიდელმან ანტონიმ ტფილისით.

34. წელსა 1789, ქკს უოთ წარგზავნა მხედრობანი თვისნი განჯასა ზედა მეფემან და ძე თვისი ვახტანგ. მივიდნენ შანქორს, მოარბიევს ჩინგალი და აპყარეს შამშადინი და მოიყვანეს კუალად აღგილსავე თვისსა. უკანასკნელ ჩავიდა მეფეცა შანქორს. მუნ მოვიდა ფათალი ხანცა დარუბანდისა და მაჰმად ხან შაქისა; დაასკვნეს წასვლაჲ სამთავე ყარაბაღსა ზედა ამად, ვინაითგან დაივიწყა იბრეიმ ხანმან კეთილობაჲ მეფისა ირაქლისა: რაოდენ გზის განარჩინა იგი ხელისაგან ფათალი ხანისა და ანუ ვითარ შემწე ექმნა, ოდეს დაიპყრა მან ყარაბაღი და გილანი! ამათ შეიერთეს ჯავად ხანცა, რომელსაცა ეპყრა კერძოჲ იბრეიმ ხანისა, გარნა უგრძნო განზრახუასა მათსა უძლებ ყოფაჲ ფათალი ხანისა, და უკუნიქცნენ თვისადვე.

35. წელსა ამას 1789 მაისის 22, დღესა ამაღლებისასა მზე დაბნელდა ესრეთ ძლიერად, რომელ შუადღისას ვარსკულაენი იხილვებოდეს ცაში, ვითარცა ღამეშია და ესე იყო მომასწავებელ ტფილისისა უბედურებისა და ეგრეთცა სპარსთა

სამფლობელოთაცა მრავალთა აღვილთა ო ხრებისა, რომელ წელსა ამას განძლიერდა ხოჯა ალამაჰმად ხან, ძე მაჰმად ასან ხანისა ყაჯარი, და დაიპყრა მრავალნი სპარსეთისა აღვილნი და მოსწყვიტნა მრავალნიცა ჩინებულნი გუჰამნი სპარსეთისანი წინა აღმდგენი თვისნი, და იწოდა სპარსთა ხელმწიფედ.

გარნა ძე არჩილისა დავით, ძმის წული სოლომან მეფისა, იპოებოდა მაშინ გამოდგენილი მეფისა წინაშე და იზრდებოდა სახლსა შინა მეფისასა, ვინაჲთგან იყო ასულის წული მისი. იქმნა უკუტ სანდურავი ორთავე მეფეთა შორის და შორის მეფისა დავითსაცა და დადიანის გრიგოლისაცა, და იქმნა შური, და განვიდა მეფე დავით, და მოსწყუა ოდიში. შემთხვევასა ამას წარატანა მეფემან ირაკლიმ ძის ძესა თვისსა გიორგისასა დავითს ძეი არჩილისა დავით, რათა წარგზავნოს იგი ოდიშ-შსა, და მან წარგზავნა იგი ოდიშსა. იხილეს რა ოდიშელთა ძე არჩილისა, შეკრბნენ მისთანა, და მისცა გრიგოლ დადიან-მან დაჲ თვისი მარიამ ცოლად მას. სცნა რა ესე მეფემან დავით, ამანცა შეიკრიბნა მხედრობანი იმერთანი და მივიდა ხუნწსს, მაშინ ძის ძემანცა დავით ჰყო მოძრაობაჲ სამძღვართა ზედა ზემო იმერთა. ჰგონეს კუალად ქართველთა რეცა სწადთ გარდასვლაჲ მტენ. ეამსა ამას შინა სახლიცა წერეთლისა იყო ორგულ მეფისა დავითისა. იკვეთნენ ხუნწს, იძლივა მეფე დავით და განივლტო ახალციხეს. შემდგომად ძეი არჩილისა ჰყვეს იმერთა მეფედ და უწოდეს სახელი სოლომან მეორეჲ. ხოლო მეფე დავით, ჩამოსრული ახალციხით, მივიდა ტფილისს მღვთისა ირაკლის წინაშე, და ამან დააგო მეფისა იმერთასა წინაშე და ჰყვეს ზავი, და მისცეს რაოდენიმე სოფელნი სარ-ჩოდ მას.

კუალად მოვიდნენ ახალციხით შეყრილობანი ლეკთანი და დაეცნენ ძევერას, გარნა მეფის ძის ძემან დავით ჰსძლო მათ და განაზნივნა იგინი.

იყო უკუტ ხდომა ლეკთაგან ახალციხით და რყენილიან ქართლსა მარადის და სომხითსა მით: რამეთუ აღვიდნენ ძენი ქსნის ერისთვისანი ახალციხეს—მიხაილ დავითის შვილი და მირ-

მანოზ და ელიზბარ და ზაქარია ციციშვილი აღიყვანეს მათ; ესე იყო სიძე მათი, და ენებათ მეფობა ამისი. მოვიდნენ და დაეცნენ ხელთუბანს და წარტყვენეს იგი. კუალად ამ ეამსავე მოუხდნენ ხიზიყს ქარელნი, წინამძღომითა იბრეიმ რაფიოლლისათა. რამეთუ ესე რაფიოლლი იყო ყაზახით განლტოლვილი მუნ. სძლეს ხიზიყის მოურავსა ზაქარიას ენდრონიკაშვილს და მოსწყვიტეს სამასისა უფრო ქიზიყელნი უკანამხარშია. მაშინ მოუძღუა ლეკთა შეყრილობასა ფრიადსა ახალციხით ზაქარია ციციშვილი და ერისთვს ძენი, მოვიდნენ და დაეცნენ ყარაღაჯს, და მოკლეს მუნ გივი ამილახვარიშვილი, ნათესავი მეფისა. მყოფნი გორს მეფის ძე იულონ და ძმის წული მისი იოვანე განვიდნენ მტკუარს, ეწივნენ ზედაველაზედ, იქმნა უკუტ ბრძოლა მუნ, მხნედ იყო მეფის ძის ძე იოვანე, იძლივნენ ლეკნი და წარვიდნენ სირცხვილეულნი. ამა ბრძოლასა შინა მხნედ იყო ყორღანაშვილი დავით, და მოიკლაცა, და დაიკოდა ომან მდივანიც ხერხეულიძე. კუალად მოუძღუა არღუთაშვილი მიქელა და მოსტყვენა ყალაჩა, სადაცა წარიყვანეს ლეკთა უმეტეს ოჩასისა ტყვენი სომეხთანი. ესე მიქელა გულნაკლულ იქმნა მეფესა ზედა: ვინაჲთგან დასკრა ესე ჩხუბსა შინა ალანდარბაშმა ქაიხოსრო ჯომარდიძემ, რომელს მეფემან არარაიმე ანიქნა სამართალი, ამისგამო წარვიდა ახალციხეს და აოხრებდა ქართლსა მარადის და სომხითსა.

კუალად შეკრბა ლეკთა და თათართა მხედრობა, მოვიდა და აღილო რუსთავი. ხოლო მეფე იძულებული წარვიდა მათ ზედა, სადაცა წარგზავნა ძის ძე თვისი დავით, რათა უყოს ზედა დასხმაჲ, ხოლო მან წარავლინა გატეხილსხიდს ზევით შეყრილობაჲ თათართა, და მოარბივეს ჯავახეთი, და მოვიდნენ გამარჯვებულნი ალაფითა დიღითა, და ლეკთა მათ განვლეს ტყით და წარვიდნენ მშვიდობით ახალციხეს მით, რამეთუ მეფემან არლარა ამჯობინა მისვლა ტყეთა შინა ლეკთა ზედა.

36. წელსა 1789, ქკს უოთ ბრძანებითა მეფისათა მიუხდა მეფის ძის ძე დავით ყარსსა ათასითა კაცითა და მოსტყვენა ინჯადარა, ფალდერევენი და ჯომუშლი, და აიალაფეს უფროს ათასისა ტყვენი და ქონებანი მათნი. მაშინ მოეწიათ უკანა მხედრობანი დიდი, თურქთა, მძლუანელობითა ალიბეგისათა, და მაჰმად ბეგ ძე ხათუნისა. მუნ იყო მხნედ თვით მეფის ძის ძე დავით, რომელმანცა მოკლა ხლმითა თვისითა თიქნელელი ხანი თოფანგჩიბაში, რჩეული მხედარი თურქთა შორის, უკანასკნელ მოვიდა მის ზედა იშაყბეგ, გამოჩენილი მხედარი ყოველსა ყარსსა და ქურთთა შორის, სადაცა მეფის ძესა დავითს სცა შვიდი ხმალი, გარნა დაიკრია იგი ჯაქუმან, ვინაჲთგან აქუნდა დაფარულ ტანი ჯაჭვითა. უკანასკნელ მოიკლა ესეცა ხელითა მეფის ძისათა. ესე იყო ამ ჟამ წლისა 23 და გამოუცდელ ბრძოლისა, რომელსა სიმხნესა ზედა განჰკვირდნენ ორნივე მხედრობანი. გარნა ბრძოლასა ამას დაეფლა ცხენი და გარდამოხდა რა იგი ცხენით, გაიქცა ცხენი იგი, რომელიცა შეიპყრა და მოართუა გულ მაჰმადამ სარვანელმან, ძემან შარიფისამან და აღჯდა კრალად მუნ; შემთხვევასა ამას მასთანა მყოფნი, რომელთაცა დაჰფარეს ქვევითად დაშთომილი მეფის ძის ძე დავით მხნედ მბრძოლთა ორთა ბებურისშვილთა, გიორგი და ომან მოკლეს მუნ და შეჰსწირეს სისხლი თვისი ერთგულებასა ზედა პატრონისა თვისისასა. და მოიქცნენ გამარჯვებულნი მშვიდობით, სადაცა იდღესასწაულა მეფემან ირაკლიმ ძლევა ესე დღესასწაულობითა დიდითა.

კუალად მოუძღუა არღუთაშვილი მიქელა ახალციხით ლეკთა, მოსტყვენა გაურარხი და დურნუკი, სადაცა ეკრძათა საბარათიანოს სარდალი დავით ყაფლანიშვილი მხედრობითა თვისითა დურნუკს. მუნ იძლიევა სარდალი დავით, და მოკუდა მუნ უმეტეს ასისა და შეპყრობილ იქმნენ ლეკთაგანვე უმეტეს ასისავე.

ამჟამადვე შემოვიდნენ ლეკნი საგურამოსა შინა, ათასი კაცი, რომელნიცა განიყვნენ ორად: ნახევარმან წარილო ნახირი პირუტყვთა დედოფლის დარეჯანისა ქალაქის მახლობელ

ავლაბრით ხოჯა მელიქის საყდრის გვერდიდამ, სადაცა ქიზიყს მყოფმან მეფის ძემან იულონ შეუკრა იორი, განაზნინა ლეკნი იგი და მიულო მათ ნატყვენაენი მათნი, და მოიკლა ამა შემთხვევასა შინა ომანაშვილი დავით. ხოლო ნახევარმან მხედრობამან ლეკთამან აღილო ფრეზეთი და წარვიდა საგურამოათ დალისტნად. მაშინ მეფის ძის ძე დავითმან, მყოფმან მატანსა შინა, მოიკრიბნა მხედრობანი ახმეტელნი ვიდრე ორასადმდე, შეუკრა გზანი კინკრისა განსავლი ილტო მდინარისა, სძლო მათ და მიულო ყოველივე ნატყვენაევი და ტყვენიცა. ესრეთ შიშვნეულ იქმნენ ლეკნი, რომელ ოდეს იწყეს ლტოლვაჲ, ერთი მეორესა ჰყრიდნენ ფლატესა ზედა ილტოსასა, ვინ წინ უსწრობდის ურთიერთსა. ხოლო იყვნენ ლეკნი ესე უმეტეს ხუთასისა კაცისა და ეგოდენი მოსწყვიტნეს ლეკნი, რომელ სისხლმან მათმან შეღება წყალი ილტოისა, და მკირდენილა განერნეს მშვიდობით.

იქმნა კუალად სამღურაევი მეფისა სოლომანისა და დავითისა: ვინაჲთგან მოკლა გარდმოგდებითა კლდეზედ მასხარაშვილი ბუქუა მეფემან სოლომან, საყვარელი იგი მონა მეფისა დავითისი. აღვიდა დავით ახალციხეს, და შემოიკრიბნა ლეკნი და, ჩამოსრულსა მუნ იმერეთს, მიერთვნენ იმერნიცა. ამჟამსა ვაკელმან დალაქიშვილმან დაჰსცა ბუქსა აბოხისასა და აღადგინა შფოთი დიდი იმერეთს. რომელ ამა დალაქიშვილსა ეპყრა მხარე მეფის დავითისა და მრავალნი იმერნი მივიდნენ დავითისა წინაშე, ჰსძლო მეფესა სოლომანს და დაიპყრა იმერეთი 1790 წელს კ'კს უბ. წელსა ამასვე 1790 არაბთა შორის გამოჩნდა კაცი ერთი, სახელით სჟალ ვაჰბი. ამან განყენა არაბნი მახმედლიანთაგან საწმუნოებით, და დაუდვა თვისი ჰსჯული და მიერთგან იქმნა თათართა და მათ, შორის ფრიადი განხეთქილებაჲ და ხდომა ურთიერთა შორის. შემოკრბენ კუალად ოდიშარნიცა და აფხაზნი მით, რამეთუ მანუჩარ დადიანსა, ძესა კაცისასა, აქუნდა ამასთან შეკრულებაჲ და ორგულ იყო ვითარცა ძმისა თვისისა დადიანის გრიგოლისა, ეგრეთვე მეფისა სოლომანისა. მხილველმან ამისმან მეფემან ირაკლიმ მიაშველა

ძის ძე თვისი იოვანე მეფესა სოლომანს. მაშინ მეფე სოლომან დამაგრებულოყო სახლსა პაპუნა წერეთლისასა ამისგამო, ვინათგან წერეთელი პაპუნა და ზურაბ იყო ორგულ მეფისა დავითისა. იქმნა ლოსიათხევეს ბრძოლაჲ. იძლივა მუნ მეფის ძის ძეს იოვანესგან მეფე დავით, რომელსაცა ჰყვანდა უფროს ათი ათასისა იმერნი თვინიერ ლეკთა, აფხაზთა და ოდიშართა, და ქართველნი არა იყვნენ უფროს ხუთასისა, და აქუნდათ ორი ზარბაზანიცა მით, რამეთუ ზარბაზანმან დასცა მათ ზარი დიდი. განივლტო დავით მეფე კუალად ახალციხესევე, და დასვეს კუალად მეფე სოლომანვე მეფედ იმერთა და განამტკიცეს ქართველთა კუალად ტახტსავე ზედა. ხოლო ამა შლილობასა შინა მოკუდა წერეთელი პაპუნაცა. ხოლო მეფემან მოსწყვიტნა ყოველნი ურჩნი თვისნი და დაამშვიდა იმერეთივე.

ამავე ეამს მეფის ძის ძემან დავით შემოიკრიბნა ხიზიყელნი, მიუხდა ბაიამათლოს და მოსტყვევნა. დღესა მას სამგზის სძლო ლეკთა მღევარს გამოსრულთა, და მოვიდა გამარჯვებული და ალაფითა სავსე.

ხოლო ვინათგან აქუნდათ შური ხანსა განჯისასა ჯავადს აღი-სულთნისა შამშადილისასა, რომელიცა არა მორჩილებდა და ძმასაცა მისსა უკუდგა, პირველ მაჰმადხანობასა მისსა აყარა შამშადილი და მოიყვანა შულავერს, ხოლო მუნით მისრულსა შამშადილადვე, დაესხა მაჰმად ხან მხედრობითა, გარნა ჰსძლო მან მაჰმად ხანს, და გარდა ამისსა მრავალ გზის იძლივა იგი, ვითარცა ხანი, ეგრეთვე განჯელნიცა აღი სულთნისაგან. თუმცალა მრავალგზის უკუ უბრუნა და მისცაჲ მეფემან განჯელთა შამშადილი, გარნა არა ემონნენ. ამად დაიცა დროჲ, და მიუხდა ჯავად ხან განჯურისა ზელიქებისა მხედრობითა და მოსტყვენა შამშადინი, რომელსაცა ჰყვა უმეტეს სამი ათასისა მხედრობანი. მაშინ გარდაეშველნენ ყაზახნი, სადაცა შეიკრბნენ ყაზახნი და შამშადინელნი უმეტეს არა სამასისა, ჰსძლევს ჯავადხანს, და შეიპყრეს უმეტეს რვაასისა განჯელნი, და დაუშთა ჯავად ხანს თვისი ყოველივე ბარგი კიდებულნი

ჯორ აქლემითა და ძლივლა თვით ჯავათ ხანცა განერა, რომელიცა განლტოლვილი მივიდა სირცხვილეული სახით თვისად.

კუალად მიუხდა ბაიამოათლოველთავე მეფის ძე ალექსანდრე და მოსტყვენა იგინი.

ხოლო გარდაიკუალა რა ქარიმხან სპარსეთს, და ზეჲი ხანცა, ძმა მისი, მოკლეს სპარსთა ბარბაროზებისა და ტირანობისათვის, რომლისაცა შემდგომად დაიპყრა სპარსეთი ალი მურად ხანმან ზანდმან, და ოდეს გარდაიკუალა ესე, ამისა შემდგომად გამოჩნდა აღამაჰმადხან წოდებული, ძე მაჰმად ხანისა, გუარითა ყაჯარი, რომელიცა ჰყო საქურისად ალიშამ, ძმისწულმან ნადირისამან. ამან ჰსძლო ჯაფარ ხანს ზანდსა, და დაიპყრა არაყი და მოვიდა ადრიბეჯანსა შინა, ადგილსა მუშკაბარსა ზედა, მუნით აბირა მეფესა ირაკლის მეგობრობასა ზედა და უკუნ იქცა შირაზად.

37. ხოლო წელსა 1792, ქკს უბზ გამოჩნდა კუდიანი ვარსკულავი აღმოსავლეთისა მხარეს: დღისით, შუადღისას, მზესთან მახლობელად იდგა მოწმენდილს ჰაერზედ, თებერვლის 6 (სახე ამისი)*. ამ ჟამსა შინა ვინაითგან შირაზი ეპყრა ლუთვალეი ხანსა, ძესა ჯაფარ ხანისასა, ესე გამოვიდა პირის პირ მისსა, და ვიდრე იწყებდენ ბრძოლასა, იქმნა აბოხი შორის მხედრობისა ამისსა, რომლისაგამო განიბნიენენ მხედრობანი ლითუალი-ხანისანი, და მივიდა ქირმანს. განვლო ხოჯამან, აღილო შირაზი, წარვიდა და მოადგა ქირმანს და დაიპყრა იგი. განვილტო მუნით ლითუალი ხან, რომელმანცა განარღვია ერთი კერძოჲ მხედრობისა ხოჯასი, ვინაჲთგან იყო ესე ლითუალი ხან ჟამსა ამას ესრეთ მხედარი და მხნე, რომელ მჰსგავსი მისი ყოველსა შინა სპარსეთსა არა იპოებოდა. ხოლო მისრული ბამს შეიპყრეს ბამელთა და მიიყვანეს ხოჯისა წინაშე, რომელსაცა აღმოხადნა თვალნი.

*) ტექსტში გამოხატულია თვისი სახე კუდიანის ვარსკვლავისა.

38. ხოლო წელსა 1792 ქკს უბბ, სეკდემბრის 20 დღესა, დღესასწაულსა წმიდისა დიდისა მოწამისა ევსტატისასა ერთაწმიდის ეკლესიაში იქმნა ესე საცვიფრო საქმეაჲ. იყო რა ხალხთა სიმრავლე ეკლესიასა შინა წირვაზედ, საყდრისა საშუალ იდგა სვეტი ერთი ქვისა, აღლითა 4 და სიგანეცა აქუნდა აღლი ერთი, სადაცა დღესასწაულთა შინა აღვიდის მთავარ დიაკუნნი და წარიკითხებდა სახარებასა. ხალხისა სიმკდროთი წარიქცა სვეტი იგი, და არცა ერთი კაცი იქმნა მისგან დაზიანებული. ესე ვიხილე თვალითა ჩვენითა.

ჟამსა ამასვე იქმნა შფოთი ოდიშსა შინა დადიანის გრიგოლისა და დედისა მისისა ანასი. ამან აბირა სიძესა თვისსა მეფესა სოლომანს, და უკუდგაცა ქაიხოსრო გელოვანი მოურავი ლეჩხუმისა: მიუხდა მეფე ოდიშს, მოწო და მოაოხრა რაოდენიმე სოფელნი, გარდაადო დადიანი გრიგოლ და დასო მანუჩარ, ძმა მისი, დადიანად, შევიდა ლეჩხუმს, აღილო ციხე ქყვიშისა და შეაყენა ციხესა გუშაგნი თვისნი, მიუხდა მურს, და ვინადგან აქუნდა გამაგრებული ციხე მურისა დადიანს გრიგოლს, ვერღარა აღილო მეფემან ციხე მურისა და უკუნ იქცა იმერეთადვე, მიუხვნა ქყონდიდულობა ბესარიონს და დაადგინა ქყონდიდულად ცაგერელი იოვანე, ძე კაცია დადიანისა და ძმა გრიგოლისა, ხოლო გრიგოლ დადიანი წარვიდა ლტოლივილი ფოტს, და ფოტიდამ ახალციხეს, და იყო მუნ ჟამი რაოდენიმე. ხოლო ჟამსა ამასვე მოვიდა მეფისა ირაკლისა წინაშე გურიელი ვახტანგ, ლტოლივილი მეფის სოლომანისაგან, და ეგო მუნ ჟამ რაოდენიმე. ხოლო გურიასა შინა დასვეს გურიელად მამია, ძმის წული მისი.

ხოლო წელსა ამასვე მეფემან ირაკლიმ განუყვნა მამულნი ძეთა თვისთა: თითვეულსა მისცა ათას ათასი კომლი ქართლსა და კახეთში ელებითურთ, ხოლო უფროსსა ძესა თვისსა გიორგის ძეთათვის თვისთა მისცა ოთხი ათასი კომლი, რომელ განყოფა ესე ექმნა მიზეზ დამხობისა სამეფოჲსა სახლისა საქართველოჲსა.

39. წელსა 1795, ქკს უპე, მოიცალა რა საქმისაგან სპარსეთისა ხოჯამან, მოვიდა და მოადგა შუშასა მით, რაჲმეთუ არა ერჩიდა მას ხანი შუშისა იბრეიმ, ძე ფანახანისა, და ედგა გარს ოთხი თვე ციხესა და ვერ უძლო აღება მისი სიმაგრისა გამო, და ამჟამსვე აღიყარნენ მუნით ყაზახნიც და სხვანიცა ელნიც და მოვიდნენ ქართლადვე განლტოლოვილნი შიშითა ხოჯისათა. მაშინ ძემან მეფისამან იულონ და ალექსანდრე მიუხდნენ განჯას და მოსტყვენეს. მსმენელი ამისი ხოჯა განძინდა ფრიად, ვინაჲთგან ჯავად-ხან, ძე შავერდი-ხანისა, მიეგება მოსვლასა მისა წინ არეზზედა და პატივ ჰსცა მას ფრიად და უხმობდა ბიძად თვისად. ამან შეჰსჩივლა წარტყვენაჲ განჯისა და აბირა ქართლსა ზედა. რომელიცა წარმოემართა ყარაბაღით ტფილისსა ზედა. ეამსა ამას ძე არჩილისა მეფე იმერთა სოლომანც იმყოფებოდა ტფილისს შემწედ პაპისა თვისისა. მოვიდა ხოჯა და დადგა ყაზახში ახსტაფას ზედა და დაუტევა მუნ ბანაკი თვისი და სამძიმარნი ტვირთნიცა და წარმოემართა ოცდა თხუთმეტი ათასის მსუბუქის ჯარით ტფილისსა ზედა. მაშინ მეფე ირაკლი და სოლომან იდგნენ სოღანლულსა შინა, სადაც მეფემან ირაკლიმ წარავლინა ფარეშთხუცესი თვისი ნათალიშვილი გორჯასპი ყარაულად და თანა წარატანნა თორმეტნი მხედარნი რჩეულნი კახნი და ქიზიყელნი. მისრულთა აჲათ იაღლუჯაზედ შეხვდათ ყარაულნი ყიზილბაშთანი, თუმცაღა მხნედ ბრძვეს თარაშვილმა დავითმა და სხვათაცა, გარნა მოსწყდნენ სპარსთა ხელთაგან, ხოლო გორჯასპიმ მოკლა თურქმანი ერთი, და გარდაჯდა ცხენსა მისსა, და ესრეთ განერა. მხოლოდ იგი. მოსრულმან ხოჯამ დაიბანაკა სოღანლულსა შინა. პირველსავე დღესა იკვეთნენ ველსა გრწანისისასა მეწინავენი სპარსთანი და ქართველთანი, სადაც მეწინავეთა შორის იმყოფებოდა მეფის ძის ძე დავით, მუხრანის ბატონი იოვანე, წერეთელი ზურაბ, ამილახვარი ოთარ და ქიზიყის მოურავი ზაქარია ენდრონიკასშვილი. დღესა მას მხნედ იყვენესენი და ქართველნი და იძლიენენ სპარსნიცა მეწინავენი. ხოლო დღესა მეორესა, ვინაჲთგან იმერთა იწყეს ტყვენვაჲ.

აყრილთა მათ მცხოვრებთა ტფილისისათა, ამისგამო არღა უვი-
ვოდათ ორთავე მეფეთა მხედრობაჲ უმეტეს ათას ხუთასისა
კაცისა. იქმნა ბრძოლა ველსა ზედა გრწანისისასა. იძლივნენ
ქართველნი და იმერნი ცოდუათა ჩვენთათვის, განივლტნენ მე-
ფენი. და აღიღეს ტფილისი წელსა 1795, ქკს უზგ, თვეს:
სეკდემბერსა 11, დღესა სამშაბათსა, და მიუღეს ყოველივე
თოფხანაჲ მეფესა. დღესა მას იყო მხნედ მეფის ძის ძე იოვანე
და მაჩაბელი დავით, მოურავი ბორჩალისა ჯანდიერ ჯანდიე-
რიშვილი და სინჯია ქეცხა საქობოსი ქიზიყელი. ესრეთ უკჳს
იყვნენ, ესე თუ არა იპოვებდნენ მუნ, შეიპყრობდნენ მეფესა
ირაკლის აბანოს კარსა ზედა, რომელთა სძლით გამოიყვანეს
მეფე ავლაბარსა შინა. ხოლო მეფის ძემანცა დავით ჩაყარნა
ხეცსა საგუბარისასა ზარბაზანნი იგი, რომელიცა აქუნდა მას
თაბორის კერძოსათა, რათა არა დაუშთეს სპარსთა. აღიღეს
ტფილისი, იავარ ჰყვეს ყოველივე ქონება მეფისა და დაი-
კარგა მკლავიცა წმიდისა მოწამისა ევსტატისა სასწაულთ
მოქმედი, რომელიცა ესვენა მასჟამს მეფისა სენაკსა, და ხატი-
ცა ყოვლად წმიდისა მღვთის მშობელისა ქალაქის მეტეხის
ეკლესიისა სასწაულთ მოქმედი. მოწვეს ტფილისი და მრე-
ვალი ტყვე ჰყვეს, და დარჩა ხოჯა რვა დღე სოღალულსა ში-
ნა. ხოლო მეფე ირაკლი განლტოლვილი აღვიდა არაგვზედ
მთიულეთს, და იყო მუნ. მსმენელმან ამისმან ხოჯამ გამოარ-
ჩინა რვა ათასი მხედრობაჲ, და უთაჲ მათ სარდალი ქალბა-
ლი ხან ნახჩენისა და გზის მკოდნედ განატანა თანა მეფისა
საზანდარი აღაჯან ყულამანიშვილი, რომელიცა შეეპყრათ
ტფილისს, რათა დაესხას მთიულეთს მეფეს, შეიპყრას და მოგუ-
როს მუნ. მისრულთა მცხეთას, განჰყო მხედრობა თვისი ორად
ქალბალი ხანმან, ნახევარი წარგზავნა გორს, ხოლო ნახევარი
აღიყვანა თვით, განვიდა არაგუსა და წარემართა საგურამოს
გზით. მისრულსა ჟინვალს, იდგა მუნ ალი სულთანნი შამშადი-
ნისა. ამან შეიკრიბა შამშადინელნი სამასი კაცი ცხენოსანი,
ხოლო არაგვისა პირისა კაცნიცა, და ეგრეთვე ფშავ ხევსურნი-
ცა შეკრბნენ მუნ ალი სულთანთან ორას კაცადმდე, ეწყვნენ

მუნ ქალბალი ხანსა, აოტნეს სპარსნი, და უკუნაქციეს ქალბალიხან. ხოლო გორს წარსრულთ მხედრობათა კვერნაკის მთაზედ მოასწრეს თამაზს ეწყაბაშს ყაფლანისშვილსა, იავარ ჰყევს ყოველივე ქონება მისი. მაშინ მხნედ იყო ზაალ და დათა ნაზირიშვილი და ლეკი ორი. ამათ მოარჩინეს ცოლშვილი თამაზისა. ხოლო დაიკარგა ცოლშვილი ბუქყიაშვილის იოანესი და სხვანიცა. თუმცალა ენებათ ქსანსაცა ზედა შესვლა, სადაცა მივიდნენ ლამისყანასაცა, მუნ იდგა მხედრობითა მცირითა მეფის ძის ძე იოვანე, ვინაჲთგან ქსანი მას ეპყრა მას ეამად. ამან აოტნა აქაცა ყიზილბაშნი. და უკუნაქცა. თუმცალა ხოჯამან აწვია მეფესა კუალად სოღანლულით, რათა დაზავდეს მეფესა და უკუნაქცევს ყოველსავე ტყვესა ტფილისისასა. რომელსაცა წარუგზავნა მირზა ყარამან, ძე მირზა გურგინასი. რამეთუ ესე ყარამან შეეპყრათ აღებასა ტფილისისასა. მისრულმან არაგუსა ზედა, არწმუნა მეფესა ესე ვითარისა აღსრულება ხოჯასაგან. მაშინ მეფემან ირაკლიმ წარავლინა წინაშე მისსა ქაიხოსროს სუფრაჯი კახი ავალიშვილი; მისრულსა ქაიხოსროს პატივ ჰსცა დიდად და არწმუნაცა, უკეთუ ემონების მეფე და მისცემს ძესა ერთსა მძევლად, უკუნაქცევს ყოველსავე ტყვეთა ტფილისისათა და მინაღებასა ნატყვენავსა, და განუტევა ყაზახით ამა სიტყვითა. თუმცალა ენება ხოჯას, რათა დააქციოს ხიდიცა გატეხილ ხიდად ხმობილი, გარნა თხოვითა ქაიხოსროვისათა აღარა შემუსრა იგი. მოსრულმან ქაიხოსრომ აუწყა ესე ყოველივე მეფესა. თუმცალა ქართველთა ენებათ შეერთება სპარსთა თანა, გარნა ვინაჲთგან ხოჯა იყო მცბიერი და დაუნდობელი, ამად ვერ ენდო მეფე მას, და კუალად აღრიდანვეცა შესრულ იყო მეფე საფარველსა როსიისასა და ეფუცაცა ერთგულებასა ზედა როსიისასა, ამად არა ინება შეერთება სპარსთა თანა. თუმცალა უწინარეს მოსვლისას თხოვა შეწევნა კავკასიის ლინიის მთავარსა ღრაფს ლუდოვიქსა ივან ვასილიქსა ტრაკტატისა მებრ ძალითა, რომელიც რუსთა აღეთქჳათ პირობის წიგნსა შინა: უკეთუ მტერ ძლიერ მოვიდეს, შემწე ეყოს ლინიის მთავარი მეფესა. რომელსაცა

არა ენება მოცემა და არცა მოსცა მეფესა შეწევნა ამისთვის, რომელ ხოჯა უვლინებდის ფეშქაშსა და ნიეთსა მრავალსა, რათა არა შემწე ექმნას მათ იგი და მეფესა არწმუნებდის ღრ-ფი შეწევნასა. რომელიცა ატყუა და ესრეთ შეემთხვა მეფესა. ამ ტფილისის აღებაზედ ეწამა ქრისტესთვის გარგარეთელი სვიმონ, დიაკონი იოვანე ოსყოფილი ხარებისა და სხვანიცა მრავალნი კაცნი და დედაკაცნიცა, ვითარცა ქართველნი, ეგრეთვე სომეხნიცა. ხოლო რძალი ქიტესა ამბარდნისა წა-რიყვანეს ტყვედ თავრიზს და აიძულებდეს უარის ყოფასა ქრისტესსა, ხოლო მან არა ინება, და ჩასვეს ტომარასა ში-ნა და ჯგვლემითა შუბთათა მოკლეს და დაფლეს მუნვე. რომლისა მადლითა მრავალნი სნეულნი იკურნებიან მისრულ-ნი საფლავსა ზედა მისსა. ხოლო ხოჯა ალა მაჰმად ხან უკუნ-ქცეული წარვიდა ხორასანსა ზედა.

ამასვე დროსა შეკრბნენ ლეკნი ოთხიათასადმდე და ენე-ბათ თავს დასხმა პანკისსა შინა აყრილთა ხალხთა კახეთისათა, რომელნიცა გამაგრებულ იყვნენ ხოჯისა დროსა აღებასა ტფილისისასა. მაშინ ვინათგან ხოჯა უკუნ იქცა, აღიყარნენ კახნიცა მუნით და დაეშენნენ კუალად ადგილთა თვისთა. მოსრულთა ლეკთა ვინათგან მუნ ვერა რაჟმე პოეს, მოვიდნენ მთის გზით და მოადგნენ ნორიოს, გარნა იძლივნენ ფრიად მოურავისაგან მათისა ზაალ ენდრონიკაშვილისა მიერ, რომელი-ცა იყო სიმხნითა აღმოჩენილი ფრიად ყოველსა საქართველო-სა შინა. მუნით განვიდნენ ლეკნი იგი მტკუარს, ავლეს დი-ლომს, აღვიდნენ დიდგორზედა, და მივიდნენ კოთელიას. მას ეამსა იჯდა ფაშად ახალციხისა საბუთ, სიძე სულთანისა, რომელსაცა მიუწერა მეფის ძემან გიორგიმ, მყოფმა ტფილისსა შინა, რომელიცა აკეთებდა ხიდსა და ასახლებდა ხალხთა ტფი-ლისსა შინა, რათა არა შეუშვას მან ლეკნი იგი. მსმენელმან ამისმან ფაშამ არღარა უტევნა ლეკნი იგი სადგურად მუნ. მუ-ნით უკუნ ქცეულთა ჩამოვლეს ბოლნისსა, და დაესხნენ გაუ-რარხს, და წარტყვენეს ცხვარი გაურარხელთა. მაშინ მეფის ძის ძე დავით იმყოფებოდა ბორჩალოსა შინა. მსმენელმან ამის-

მან მოიკრიბნა ბორჩალოველნი ვიდრე ორას კაცადმდე, ეწვია იედიბოლოუქსა, სძლო მათ და მიულო ყოველივე ნატყვენავი თჳსა დეკემბერსა. ესრეთ შიშვნეულ იქმნენ ლეკნი იგი, რომელ მოიშთვნენ მტკუარსა შინა უმეტეს სამასისა. ხოლო სცნეს რა ესე საგარეჯოველთა, მათცა შეუკრეს იორი და მოსწყვიტნეს დანაშთნი იგი ლეკთანი რაოდენნიმე, ხოლო რაოდენნიცა განერნენ, მათცა ქიზიყელთა შეუკრეს დანღისი, და ესრეთ სრულიად მოსწყვიტნეს, რომელ ჩვიდმეტილა კაცი განერა ლეკთა. ხოლო მეფის ძის ძე დავით შემოვიდა დღესა მეორესა ტფილისს გამარჯვებული, რომელმანცა შემოიტანნა ჯორთა ზედა აღკიდებულნი საპალნითა თავნი ლეკთანი. ამას ზედა გამხდნენ მოქალაქენი ტფილისისანი და იწყეს კუალად მოახრებულთა შენობაჲ. ამჟამს მოვიდა ორი ბატალიონი შემწედ რუსთა მხედრობათაგან წინაძლომითა პოლკოვნიკის სირიხნევისათა, რომელსა ზედაცა ფრიად მხიარულ იქმნა მეფე ირაკლი.

40. წელსა 1796 ქკს უკზ მოვიდა იბრეიმ ხან შუშისა განჯასა ზედა და მოადგა გარს განჯასა, ვინაჲთგან ხანი განჯისა ჯავად იყო მიზეზი აოხრებისა ყარაბაღისა და ტფილისისა, სთხოვა მეფესა ირაკლის შეწვენაჲ. რომელმანცა წარუვლინა ძე თვისი ალექსანდრე და ძის ძე თვისი დავით. მივიდნენ ესენი ქალაქსა ზედა, აღიღეს განჯა ქალაქი თვინიერ ციხისა, და მოწვეს, და რაოდენგზისცა გამოვიდნენ ციხით განჯელნი, ეგოდენ იძლეოდინან. სადაცა ფიცხელად ბრძოდინან ქართველნი, რომელ სიმხნესა მათსა განკვირვებულ იყვნენ ყარაბაღელნი, და ლეკნი. უკანასკნელ მაისში შთავიდა თვით მეფეცა ირაკლი, გამოართო ყოველნივე ტყვენი საქართველოსანი, დროსა ხოჯასასა ტყვე ქმნილნი უმეტეს ათასისა, ზავ ჰყვეს განჯელთა თანა, და კუალად მოხარკედ ჰყვეს განჯაჲ, და უკუნიქცნენ თვისადვე.

ჟამსა ამას მოვიდა მხედრობაჲ რუსთა ოცდაათი ათასი მძლჳანველომითა ღიანარალ მეფის ვალერიანე ზუბოვისათა.

ამათ დაიპყრეს დარბანდი, შამახია, ბაქუ და სალიანი 1796, ქკს უპზ.

ამჟამად იქმნა იმერთა შინა მცირედი აღრეულებამ: ენებათ რომელთაჲმე ჩინებულთა თავადთა და გენათელს ეფთვიმის, რათა ჰყონ მეფედ იმერთა გიორგი, ძე ალექსანდრესი, ბუში, და ძის ძე მეფისა დიდისა სოლომონისა, და გარდაადგონ მეფე სოლომან არჩილის ძე. ამა გიორგისა ჰყვანდა ცოლად გურიის ერისთვისა ქალი დარეჯან. ესე იყო ძმის წული გენათლისა. ამან აწვია დადიან გრიგოლსაცა, რომელიცა იყო მას ჟამსა კახეთს მეფისა ირაკლის წინაშე გამოძებული მამულით თვისით, რომელი ახლად მოსრული ახალციხით, იყო მუნ, რათა მივიდეს იმერეთს, და შეერთდეს გიორგის, და გარდაადგონ. მეფე სოლომან. წარსრული დადიანი იმერეთს, ვერლარა მიუსწრო. რომელ სცნა მეფემან ესე ამბავი სანადიროსა შინა, შეიპყრეს გიორგი წერეთელმა ქაიხოსრომ და ორთა ძმათ წულუკიძეთა ოტიამ და სეხნიაშ, ვინათგან იყვნენ ესენი ფრიად ერთგულ მეფისა სოლომანისა. და პატიმარ ჰყვეს გიორგი ციხესა შინა მუხურისასა. მცნობმან ამისმან დადიანმან გრიგოლ, ულონო ქმნილი მივიდა მეფისა სოლომანის წინაშე ქუთაისს, ვინათგან მუნ ჰყვა დედაწულიცა თვისნი. მსმენელთა ოდიშელთა მოსცეს პირი კუალად დადიანს გრიგოლს და ერთევე ქაიხოსრომანცა გელოვანმან, განაპარეს ღამესა ერთსა დადიანი გრიგოლ ქუთაისით დედაწულითა თვისთა, და განიყვანეს ოდიშსა და ჰყვეს კუალად დადიანადვე. ხოლო მანუჩარ, ძლეული, მოვიდა მეფისა წინაშე. აუმცალა მეფემან კუალად ინება დასმა მანუჩარისა და დალაშქრა ლეჩხუმიცა, არამედ ვინათგან მტკიცედ სდგნენ ერთგულად ოდიშელნი და ლეჩხუმელნი დადიანის გრიგოლისათვის, ამად მეფემან, ვერა რაისა მყოფელმან, დააზავა ძმანი, მანუჩარს მისცა საბატონის-შვილო რაოდენნიმე სოფელნი, ხოლო დადიანობა გრიგოლსა, და იყვნენ ჟამ რაოდენნიმე ამა მშვიდობასა შინა.

ამავე ჟამსა მივიდა ხორასანს, ქალაქი აღიღო მაშადი ხოჯა აღამაჰმად ხანმან, და ტყვედ ჰყო ძის ძე ნადირისა, ძე რი-

ზაყულისა, ესეცა უთვალო შარუხ, და მიულო უმრავლესი ნა-
ქონები, ხოლო უკანასკნელ მოკლა ესეცა.

ხოლო ზუბოვმანცა წარმოგზავნა მხედრობითა ღიანარალ
პაიორი კორსიკოვი. ამან დაიპყრა განჯა, მუნ დაუტევა მცვე-
ლად მხედრობაჲ და მოვიდა თვით ტფილისსა მხედრობითა.
წელსა ამასვე იქმნა სიყმილი ფრიად, ვითარცა საქართველოსა
შინა, ეგრეთვე განჯა ყარაბაღსაცა შინა, აღიყარნენ მრავალნი
მუნით და დასახლდნენ კახეთსა და სხვაგან. ამჟამს აშენდა ძვე-
ლი გაღაფანიცა თელავს ბრძანებითა მეფის გიორგისათა.

ხოლო წელსა ამასვე 1796, ქკს უზნ, აგვისტოს 28 გა-
მოჩნდა სპარსეთისა მხარეს დილას განთიადზედა ვარსკვლავი
ერთი ცეცხლის ფერი და კუდგრძელი, სახე ამისი *) მფრინავი,
მსგავსად შუშუნისა. წარმოსრულმან მუნით ვარსკვლავმან მან
გამოვლო ზღვა კასპიისა, შუადღისას იხილეს მომფრინავი ქა-
ლაქსა ასტრაბანს, ხოლო სამხრობის ჟამსა იხილეს ქალაქსა
მოსკოვს, და ჩასვლისა დროსა მზისასა იხილეს ქალაქსა პე-
ტერბურღს, რომელმანცა გარდაელო სახელმწიფოს სასახლეს,
ზომნი დვარეცად წოდებულსა, განვიდა. ნეეას, მივიდა ციხესა
შინა პეტრე პავლისასა სასაფლაოსი, რუსთა იმპერატორთასა,
და უჩინო იქმნა მუნ ვარსკვლავი იგი. ხოლო ციხე იგი არს
პირის პარ სასახლისა ხელმწიფისასა.

41. ხოლო წელსა ამასვე 1796, ნოემბრის 6 გარდაიცვა-
ლა იპერატრიცა ეკატარინა და დაჯდა ძე მისი პავლე იპე-
რატრად. ესე არს პავლე პირველი ამან უკუ აქცივნა მხედ-
რობანი რუსეთისანი ყოველნივე—ვითარცა შაქიშირვანით, ეგ-
რეთვე საქართველოდამაცა—რუსეთადვე.

ოდეს მოიკალა აღამაჰმად-ხანჲან საქმისაგან ხორასნისა
და სცნა უკუნქცევა რუსთა მხედრობისა შაქიშირვანით და
ქართლით, წარმოემართა და მოვიდა შუშას. სცნა რა იბრეიმ-
ხანმან, ძემან ფანასმან, მომავლობა მისი, განივლტო სახლეული-
თურთ თვისით ბელაქნად, ხოლო აღამაჰმად-ხანმან ხოჯამან

*) დედანში გამოხატულია თვის ვარსკვლავი.

დაიპყრა ციხე შუშისა, რომელსაცა ენება წარტყვენა სრულიად ქართლისა, გარნა ღმერთმან განათავისუფლნა ქართველნი, რამეთუ ღამესა მას მოკლეს მსახურთა მისთა მძინარე შუშის ციხესა შინა: ხუდადამ და ამხანაგთა მისთა ბირებითა შალაღის ხანის მუსტაფისათა წელსა 1797, ქკს უპე, თვესა ივნისსა 12. და უკუნეკცენ სპარსნი თვისადვე დასვეს ყეენად ძმისწული მისი ბაბა ხან და უწოდეს ფათალი შაჰ — სასწაული წმიდისა ღიღისა მთავარ მოწამისა გიორგის მიერ, რომელიცა ხატი ამისი ასვენია ეკლესიასა შინა ალავერდისასა: ამჟამს, ოდეს ხოჯა მოვიდა მეორედ და შევიდა ციხესა შინა შუშისასა, რომელიც ზემო მოვიხსენეთ, შეძრწუნდნენ შიშითა მისითა კახნი და იწყეს ხიზნა ადგილთა სიმაგრეთა შინა. მაშინ კათალიკოზი ანტონი, ძე მეფისა ირაკლისა. იყო რა ალავერდს, ვინაითგან აქუნდა ალავერდობაცა ამასვე, ჩამოასვენა ხატი იგი. წმიდისა გიორგისა, და ენება დახიზნა მისი, და რაოდენიცა შეუშვირეს ბუდე ფარჩისა ღიღი, არა ჩასვენდა ხატი იგი ხოლო ყოფასა მისსა ეკლესიასა შინა ალავერდისასა, რომელნიცა განჰკვირებულ იყვნენ ყოველნივე სამღვდელონი და საერონი საქმესა ზედა ხატისასა, მიუვიდა მახარობელი, დიმიტრი გურამიშვილი, მილახვარი, მეფესა და აუწყა სიკვდილი ხოჯა აღმაჰმად ხანისა, რომელსა ზედაცა ფრიად მადლობელმან ღვთისამან გარდაიხადა პარაკლისი, და ესრეთ განერა კახეთი ხელისაგან მისისა უსჯულომასა, ხოლო ხატი იგი ზურგით კერძო მოსქედა კათალიკოზმან ანტონიმ და დასწერა ესე მას ზედა და სასწაულითა მისითა განრინება სრულიად საქართველომასა.

ხოლო წელსა ამასვე გაჩნდა ეამი მსვრელი ტფილისს და სხვათა გარემოთა სოფელთა შინა, და მრავალნი სულნი მოიხრნენ.

ჟამსა ამასვე იქმნა უძღვებ მეფე ირაკლი წყლის მანკიერებით თელავს. ჟამსა ამას ჩამოვიდა დაღისტნით ომარ ხან, ძე ნურალისა. ესე მოვიდა და მოადგა ყვარელს, ხოლო ციხე ყვარელისა ვინაითგან აქუნდა გამაგრებული მეფის ძის ძეს იო-

ვანეს და იყო თვითცა შიგან, ამათ ომარ ხანმან ვერა ჯრისა მყოფელმან, მოწო ველისციხე და მუკუზანი, და უკუნ იქცა და შთავიდა შაქად.

42. და წელსა ამას 1798, ქკს უპს: მეფემან ირაკლიმ კახთა და ქართველთა ზედა 41 წელი იმეფა. იანჯრის 11 გარდაიცვალა მეფე ირაკლი წლისა 80 თელავს და დაფლეს მცხეთასჲდა გამეფდა ჰირმშო ძე მისი გიორგი. ესე იყო სიყრმიზგანვე ღეთის მოყვარე, სამღვდელლოთა ფრიად პატივის მცემელი, ქვრივ-ობოლთა მოწყალე და ყოვლითა სათნოებითა სრული და მსჯავრთა შინა პირ უთნებელ, რომელ დიდნი და მცირენი სწორ იყვნენ. ეამსა ამასვე მოვიდნენ შეყრილობანი ლჯთანნი, და დაეცნენ გრცხინვალს, და ვერა რამე ჰყვეს, გარნა უკუნ იქცნენ რა, შეემთხვათ მეფის გიორგის ძე იოვანე დირბს, და იძლივნენ მათგან. მუნ მოიკლა ბრძოლასა შიგან წინამძღუარი ლეკთა, ჩინებული, ალიფოლად წოდებული.

ხოლო წელსა ამასვე, მეფობასა გიორგისასა 1798, ქკსს უპა, განძლიერდა რა ეამი მომსერელი ყოველგან საქართველოსა შინა, წარგზავნა მეფემან კაცი ლუკაზ ორქივატერთან, და მოასტანეს წმიდა ლახვარი უფლისა ჩტნისა იესო ქრისტესი და მსწრაფლ განქარდა ქირი იგი ყოველივე.

წარმოიშვა კულად სანდურავი შორის ქართლისა და ყარსისა. მაშინ წარგზავნა მეფემან გიორგიმ ძენი თვისნი დავით და იოვანე ლეკთა მხედრობითა, რამეთუ ამეამს მოიყვანა მეფემ ორი ათასი კაცი ლეკთა მხედრობისა. მიუხდნენ ყარსსა, მოსტყვევნეს გარე ყიზილ ჩახჩახისანი, გარნა გამოვიდა მხედრობითა დიდითა ალიბეგ, და იძლივა ქართველთაგან ოსმანნი ესრეთ, რომელ სდიეს ორი ალაჯი ქართველთა ოსმალთა ხოცითა და ქვრითა, და შემოიქცნენ ქართლნი ალაფითა დიდითა მძლეველნი თურქთანი.

ხოლო წელსა ამასვე განძლიერდნენ ფრანკუცნი; წარგზავნა რესპუბლიკამან მათმან სარდალი თვისი ღიანარალ ნაპოლიან (ესე იგი მონაპარტე) დოსკანელი, მხედრობითა ოცი-ათასითა. მივიდა და აღილო ქალაქი ალექსანდრია, შევიდა

ეგობტეს და დაიპყრა იგიცა; თუმცაღა უსუფ ფაშამ ვეზირმა, რომელმ იყო ქართველთა ტყვეთაგანი, ბრძოლ ფრანცუტთა, გარნა იძლეა ფრანციელთაგან განვრცა უკუტ ბრძოლა მაი წელსა. სადაცა ახალციხესა მყოფნი ლეკთა მხედრობანიცა წარვიდნენ სამასნი კაცი ეგობტედ ბრძოლად ფრანცუტთა. მისრულთა მუნ ლეკთაცა ბრძვეს, გარნა ცულ იქმნა შრომა მათი, რამეთუ მსწრაფლ დაკვეთებულ იქმნენ ოსმალთურთ ფრანცუტთაგან. ხოლო მონაპარტემან იავარ ჰყო, სრულიად მისირისა სიმიდრე აღილო და უკუნიქცა. მისრულმან ფრანციასა შინა, კუალად განახენა კარნი წმინდათა ეკლესიათანი, და აღმართნა ხატნი და ჯვარნი. ოდეს ფრანციელთა მოკლეს მეფე მ. თვისი ლულდოვიკ წელსა 1792 და სახლეულნი მისნი და განაძეს ძანი მათნი, მიერ დლიდგან განდგნენ ლეთისაგან, მოსწყვიტნეს ყოველნივე სამღვდელლონიცა და დახშეს ეკლესიანიცა. ამან მონაპარტემ მრავლისა კლითა კუალად აგო პირველსავე ქრისტიანობაზედა, რამეთუ დროსა ამას ფრიალ განდიდებულ იყო იგი და ერჩდნენცა ფრანციელნი სიტყვასა მისსა ფრიალ.

43. წელსა ამასვე 1798, ქკს უბდ წარმოუვლინა ბაბახან ყეენმან მეფესა გიორგის ფარეშ-ბაში თვისი მამად ხან ყაჯარი, და აწვია მოხებასა ზედა თვისსა, და სთხოვა ძეცა თვისი. ერთი, რათა იყოს მისთანა და აღუთქვა მიცემა ვითარცა შაქი შირვანისა, ეგრეთვე განჯა ერეენისა. მსმენელმან ამისმან მეფემან გიორგიმ, რომელიცა იდგა მაშინ კახეთს, თელავს, წარუვლინა ძღვენი, სიმამრი თვისი, სარდალი გამოღმა მხრისა, გიორგი ციციშვილი, და აღუთქვა ყოველივე სრულყოფად, უკეთუ მოსცემს იგიცა ტყვეთა მათ ტფილისისათა, რომელნიცა იყვნენ დროსა ბიძისა მისისასა წარსხმულნი ტფილისით. ხოლო ოდეს მივიდა გიორგი ციციშვილი და ელჩიცა ბაბახან ყეენისა ყაჯარი მამად ხან ფაბასა, მუნ ესმათ ანბავი სპარსეთით აღრეულობისა, რამეთუ ემსა ამას ბაბახან ყეენი მოსრულიყო აღრიბეყანსა შინა და იდგა ხოის. ესმა ამას განდგომამძისა თვისისა უსეინ-ყული ხანისა, რომელიცა მყოფობდა მა-

შინ არაყსა შინა, და ამა აღრეულებისა გამო ბაბახან ყენნი შიიქცა არაყადვე. მსმენელი ამისი გიორგი ციციშვილი უკუ შიიქცა ერეენით, ხოლო მაჰმად ხან მუნით განუტევა ბაბა ხან ყენთან. მისრულმა ყენმა სძლო ძმასა თვისსა, შეიპყრა იგი და აღმოხადნა თუალნი. მსმენელმან ამისმან იმპერატორმან როსისამან პავლემ მსწრაფელ წარმოუვლინა წერილი თვისი მეფესა გიორგის და აღუთქუა შეწევნაჲ და, რაიცა ნებაეს, საქმისა სრულ ყოფაჲ, რათა არა მიერთოს მეფე სპარსთა. ჟამსა ამასვე წარგზავნა მღვდელმან გიორგიმ როსიად ავალიშვილი გიორგი, ძე იოვანე მეითრისა, და მიუწერაცა მანდატურსა თვისსა ქაუქავაძე გარსევანს, რათა იყოს იგი მუნვე მინისტრად, რამეთუ ჟამსა მას იმყოფებოდა მინისტრი წარგზავნილი მეფისა ირაკლის მიერ. და შეიტანა თავი თვისი მეფემან კუალად მფარველობასა ქტტშე რუსიისასა პირობითა მით, ვითარცა განეწყესათ პირობისა წერილი (ესე იგი ტრაქტატი) იპერატორიცა ეკატერინას და მეფესა ირაკლის, რათა პირობა იგი იყოს მტკიცედ, და ეგოს მეფობა ბაგრატიონთა საუკუნოდ ქართლსა შინა გემკვიდრითი-მემკვიდრედ. ხოლო ამან წარმოუვლინა დესპანად კავალინცკი პეტრე ივანიჩი და სამეფო-ნი ნიშანნი და ღრამატაჲ, რათა შედგომად მისსა იყოს მემკვიდრედ ძე მეფისა გიორგისა დავით, და ერთი პოლკი იეგირისა წინაძლომითა ღიანარალ ლაზარევისათა. ესენი, მოსკრულნი წელსა 1799, მიიღო მეფემან დეკემბრის 5 ტფილისს, და იღღესასწაულა დღე იგი ეკლესიასა შინა ანჩიხატისასა. ხოლო ამისა შემდგომად კუალად მოვიდა ერთი პოლკიცა მუშკათირი წინაძლომითა ღიანარალ გულაკოვისათა. ხოლო ჟამსა ამასვე განამაგრა ციხე სურამისა უნტროსმან ძმამ მეფისა გიორგისამან ფარნაოზ ბირებითა ერისთვის შვილის ყულარალასის ძის ელიზბარისათა, ვინათგან იყო ცოლის ძმა მისი და იყო კაცი ეს მტბიერი და მეშფოთე. და უკუდგა მეფისაგან ამაზედა წარგზავნა ძე თვისი დავით. მისრულმან აღლო ციხე სურამისა და შეაყენნა გუშაგნი თვისნი და განუტევა ფარნავაზ მშვიდობით.

ხოლო წელსა 1779, ქკს უკზ მოკუდა ორქივატერი ლუ-
კაზ და სწადლათ სომეხთა სტამბოლის პატრიარხის დანიელის
დასმა, ხოლო მეფემან გიორგიმ არა აუფლა იგი, არამედ მოი-
ყვანა რუსეთით არლუთაშვილი ოსეფ ვარტაპეტი. რომელთაცა
მსწადლათ ამათ ორთავე შეერთება ბერძენთა და სომეხთა სარ-
წმუნოებისა. და იგი იყო დანიშნულ ორქივატრად და ვიდრე
ესე ზოიწყოდა ტფილისად, მოკუდა მეფე გიორგი, ხოლო
ოსეფცა მოკუდა ტფილისს, ორისა თვისა შემდგომად, 1801, და-
კულადადვე სომეხთა სწადლათ დანიელ ორქივატერად, ხოლო
მეფის ძემ დავით, ვინაჲთგან მარტებდა მას ეამს საქართველოსა,
ამან აკურთხებინა ორქივატრად დავით ვარტაპეტი, საქართვე-
ლოთა სომეხთაგანი, ენაგელი. აღადგინეს ამას ზედა აბოხი სო-
რეხთა ყოველგან, და აკურთხეს სტეს დანიელ ორქივატერად
და წარიყვანეს ეჩმიადინსა სულთნისა ბრძანებითა, ხოლო და-
ვით ორქივატერი, ვინაჲთგან იყო საფარველსა სპარსთასა, ამან
სთხოვა შეწვენა ერევნის ხანს მაჰმადს, ძესა უსეინ აღი ხანი-
სასა. ესე მოეხმარა მას. მოსრული დანიელ შეიპყრა ხანმან და-
მისცა დავით ორქივატერსა. ხოლო მან მოჰპარსა წვერი და
პატიმარ ჰყო დანიელ ეჩმიადინსა შინა. მსმენელთა ამისთა
მცხოვრებთა როსიისა სთხოვეს იმპერატორსა, რათა ჰყოს და-
ნიელ ორქივატერად, ხოლო ეფრემცა არაჯნუთად როსიისა.
მსმენელმან იმპერატორმან მიუწერა საქართველოს მთავარსა-
ლუდოვიჩს, რათა გარდაადგოს დავით და დასოს დანიელ. ესე
ჰყვეს რუსთა. და დავით მივიდა ლტოლვილი ბაბა ხან ყეენ-
თანა და იყო მუნ.

44. ხოლო წელსა 1800, ქკს უკლ ყეენმან ბაბა ხან,
მსმენელმან ამისმან შემოსელისათვის რუსთა მხედრობისა სა-
ქართველოსა შინა, წარმოავლინა დიდ შემძლე თვისი სარდალი.
მოვიდა და დადგა ნახჩევანსა შინა და აწვია მუნით მეფესა,
რათა უკუნ აქციოს რუსთა მხედრობაჲ და ემონოს ყეენსა.
მსმენელი ამისი ძმა მეფისა გიორგისა აღექსანდრე წარვიდა
შულავერით და მიერთო სარდალსა მაზეზისა მისგამო, ვინაჲთ-
გან განეწესებინა მეფესა ირაკლის შემდგომად სიკვდილისა

მისისა, რათა იყოს მემკვიდრეობა ძმათა ზედა და არა რჯულ-ლიერ მემკვიდრესა ზედა. ამას ზედა გულ ნაკლულ იყვნენ ძმანიცა მისნი, ვინაჲთგან დავითს, ძესა მისსა, მისცა პავლე იპერატორმან მემკვიდრეობა. რამეთუ ესე დავით იყო რუსეთს ღვარდიასა შინაცა წელი ორი, და ემსახურა მუნ, და იყო ღიანარაღ მაიორიცა რუსეთისა. და ეგრეთვე წარმოიშოცა შფოთი მეფისა გიორგისა და დედინაცვლისა მისისა დარეჯან დედოფლისა და ძმათა მისთა: ვინათგან ალექსანორე, ბირე-ბითა მისითა, წარვიდა სპარსეთს, და დროსაცა მეფისა ირაკ-ლისასა, ვინაითგან დიდათ სძულობდა, სდევნიდა გერსა თვისსა გიორგის დედოფალი დარეჯან, და მიმდგომთაცა გიორგისათა თავადთა და აზნაურთაცა ამდაბლებდა, ვითარცა უყოთ დავით სარდალსა ყაფლანიშვილსა: მიულო სალთხუცობაჲ და მისცა იოვანეს მუხრანის ბატონს სიძესა თვისსა, ვინაჲთგან ჰყვა დაი მეფისა გიორგის თამარ; და ქიზიყის მოურავს რევაზის ძესა პაპუასასა, რომელიცა იყო ცოლის ძმა მეფისა გიორგისა, მიულო ქიზიყი სამოურაოდ და მისცა სიძესა თვისსა ზაქარაის ძესა თამაზისასა; ხოლო სამღვდელონიცა რომელნიმე გამომხტა ეპარხით და რომელნიმე ექსორია ჰყვნა, ვითარცა ამათგანნი იყვნენ მიხაილ თბილელი, მხატვრის ივანეს ძე, და მროველი იონა გედეონის ძე, არხიმანდრიტი გაიოზ თაყაშვილი, კაცი ესე ფრიად განსწავლული და სხვანიცა მრავალნი, რომელნიცა სიგრძისათვის დავიდუმე.—და გლეხთა სტყვენივიდა და აოხრებდა და ნამეტნაუად ძმა მეფისა გიორგისა ვახტანგ, რომელი იყო მაშფოთებელი ძმათა რომელსაცა აბირებდა ბაბანაშვილი გლახა არაგველი, თანაშესდელი მისი და მისანდო, რომელი ესე იყო თავი ყოვლისა ბორცტებისა და სიციბილისა ძმათა შორის, რომლისა მიზეზისა გამო დაეცა ტახტი სამეფო ბაგრატოვანთა. მისრული ალექსანდრე ნახჩევანს, არა ეგრე პატივ ჰსცა სარდალმან მან და ამ ეამსავე ბრძანებითა ყენისათა უკუნ იქცა სარდალი ნახჩევნით, და დაშთა მუნ ალექსანდრე, რომელიცა იძულეებული მუნით წარვიდა ყარაბაღსა და იყო იბრემ ხან-თანა.

ხოლო წელსა ამასვე 1800, ქკს უპს მეფე გიორგი აქედინებდა რა ხატსა გაბრიელ ოქრომქედელსა ტფილისელსა, თელავის წმიდის გიორგის ბოკორმისასა, რომელიცა იყო ფრიად ძველი მოქედელი, და აახლებდა მას. ესე ხატი ესვენა თელავს ქეთავან დედოფლის ეკლესიაში, და მრავალნი სულხი უკეთურნი და სნეულნი იკურნებოდეს მის მიერ. აჰყარეს რა ვერცხლი მკერდსა ზედა, მაშინ გამოჩნდა მკლავი წმიდისა მთავარ მოწამისა გიორგისა, რომელიცა არვინ უწყოდა. ესვენა ხატსა მას მკერდსა ზედა. ხოლო მოქედეს რა ხატი, იგივე ჩაასვენეს მუნვე წმინდა ნაწილი იგი; ჟამსა ამასვე მოეფინა მშვიდობა საქართველოსა ზედა

კულად წელსა ამასვე 1799 ვინათვან მეფე იმერთა მარადის მცდელობდა, რათა დასჩაგროს და გარდაადოს დადიანი გრიგოლ, ამისთვის კულად გარდაბირა მეფემ ქაიხოსრო გელოვანი, მოურავი ლეჩხუმისა. მსმენელმან ამისმან დადიანმან მიიყვანა თვსთან გელოვანი და ღალატით მოკლა იგი, და წარუგზავნა თავი მეფესა იმერეთს. თუმცალა მეფემან იწყინა და მიუხდა ლეჩხუმს, დადიანს ვერა რაიმე უყო და მოიქცა უკან.

ჟამსა ამას სნეულად მყოფი მეფე გიორგი აღვიდა მცხეთას ოკტომბრის 1-ს; დღესასწაულსა მისსა სალოცველად. მოვიდნენ ლეკნი და წარტყვენეს ღარბიკარში რაოდენიმე ურენნი, მოზავალნი ქართლით. მაშინ სიძე მეფისა სალთხუცესი იოვანე მუხრანის ბატონი გამოუდგა მცხეთით. მიეწია რა არგვის პირზედ, მუნ დაჰყარეს ყოველივე მინაღები ლეკთა. განვიდა რა მუხრანის ბატონი არაგუს, გარდმოვარდა ცხენით და მოკულდა მყისვე უცეფათ.

ხოლო ჟამსა ამასვე ჩამოვიდა ომარ ხან ბირებითა ობრეიმ ხანისათა, და ჰყვა ჩვიდმეტო ათასი ლეკთა მხედრობაჲ, რათა მწე ეყოს ალექსანდრეს მეფესა გიორგისა ზედა. მოვიდა და დაიბანაკა ურდოსა ზედა, ალაზანზედ. მუნ მივიდა მეფის ძე ალექსანდრეც ყარაბაღით. ხოლო ქართლსაცა შინა მყოფთა მეფის ძეთა იულონ და ვახტანგმა შეიკრიბნეს რაოდენნიმე ქართველთა მხედრობანი, მოვიდნენ და დადგნენ ავქალას, და

ენებათ დედოფლის დარეჯანისა წაყვანაცა ქართლად, ვინაით
 გან მოელოდნენ ომარ ხანს, რათა წარეტყვენათ ქალაქი და
 იაფარ ეყოთ მეფეცა გიორგი სახლეულითურთ თვისით. რო-
 მელიც იყო მეფე გიორგი მაშინ სნეულ ფრიად და მდებარე
 მცხედარსა ზედა. მსმენელმან ამისმან მეფემან არა უტევა დე-
 დოფალი წარსვლად; და წარავლინაცა ორი ბატალიონი რუსთა
 მხედრობისა ღიანარღვებითურთ, და თანა წარატანა ძეცა თვისი
 იოვანე, რათა მივიდეს ქიზიყსა და აცნობოს ძმასაცა თვისსა
 ბაგრატს, რომელი ესე იყო გამგედ დადრგენილი კახეთსა ში-
 ნა და იყოფებოდა თელავს, რათა მანცა მოიკრიფნოს კახთა
 მხედრობანი და თუშთა, ხევსურთა და ფშაველთანი, და შე-
 ერთდეს ქიზიყს, და ბრძონ ომარ ხანს. მისრულმან იოვანემ
 აუწყა ესე ძმასა თვისსა. მაშინ იგიცა წარვიდა მხედრობითა თვი-
 სითა და შეერთდა ქიზიყს ძმასა თვისსა. ამჟამს გამოვიდა
 ომარ ხან ალაზანს, და დადგა ყარაღაჯშია. მსბენელნი ამისნი
 რუსნი და მეფის ძენი ჩაეგებნენ წინა ძველს ანაგასა, რომელი
 შორეედა ბანაკსა ლეკთასა სამსა ვერსსა ზედა. მხილველი ამი-
 სი ომარ ხან აღიყარა ლამესა მას და წარვიდა უკანა მხრით
 საგარეჯოსა ზედა. რათა დაისადგუროს მუნ და შეერთდენცა
 მეფის ძენი იულონ და ვახტანგ მუნ, და მერმე წარმოემართ-
 ნენ ტფილისსა ზედა. მცნობნი მეფის ძენიცა იოანე და ბაგ-
 რატ შეუდგნენ უკანა მხედრობითა რუსთა და კახელითა, რო-
 მელთა არა ჰყვათ უმეტეს ორი ათასისა მხედრობა რუსითურთ.
 ეწივნენ ნიახურასა ზედა ნოემბერს 7, მოვიდნენ ლეკნიცა და
 დასდგნენ იორ გაღმა პირის პირ ნიახურისა. იქმნა მუნ კრე-
 თებაჲ ურთიერთარს, და განგრძელდა ბრძოლაჲ სამს საათსა.
 იძლივნენ ლეკნი ომარ-ხანითურთ და აღექსანდრეთი და დაი-
 კოდაცა ომარ-ხან ბარკალთა შინა. მხნედ იყვნენ კახნი ბრძო-
 ლასა ამას შინა და მოსწყდნენ ლეკნი ეგოდენნი, რომელ
 რიცხვ არა ეგებოდა, და შეიპყრეს მრავალნიცა. ამა ბრძოლა-
 სა შინა არა მომკვდარა არცა ერთი თავადიშვილი, მხოლოდ
 დაიკოდა იოსებ ბებურიშვილი, და მოკუდა მხოლოდ სალდა-
 თი ერთი მუშკატირი, და კახნი თუშითურთ მოსწყდნენ ოც-

და ცამეტნი. უკუნქცეულნი სირცხვილეულნი ლეკნი ალექსანდრეთურთ მიუხდნენ განჯასა, და მუნცა იძლიენენ ჯავათხანისაგან, ხოლო მუნით დანაშთნი მივიდნენ იბრეიმ-ხანთანა ყარაბაღს, და არცა განუტევენა იგინი. ამის გამო უკუნ იქცა ომარ ხან სახლად თვისად და მისრული მოკუდა ბელაქანსა შინა მწუხარებითა. ხოლო ალექსანდრე დარჩა ყარაბაღსა შინა იბრეიმ ხანისა თანა. მსმენელმან იპერატორმან ჰაელემ ძლევისა ამისთვის უბოძა მეფის ძეს იოვანეს და ბაგრატს ჯვარი იოვანე ნათლისმცემლისა, და ეგრეთვე მუნ მყოფთა ღიანჩრალთა და აფიკართაცა, ხოლო ბატალიონსა მას მუშკატორისასა უბოძა ბაიჩახნი, რომელსა ზედა წერილიყო ესრეთ დამარცხებისთვის ავარიის ხანის ომარისა, და სალდათთაცა ანიქნა უმეტესნი წყალობანიცა სიმხნისა ამათისათვის.

ხოლო წელსა ამასვე 1800, ქკს უპს გარდაიცულა მეფე გიორგი ტფილისს, დეკემბრის 28 დღეს, და დაფლეს მცხეთას. მეფემ გიორგიმ 12-ემ 2 წელი იმეფა. ხოლო იხილეს რა მეფის ძეთა იულონ და ვახტანგმან გარდაცუალება ძმისა თეოსისა, შეიკრიბნეს ზემო ქართველნი და არაგველნი და წარემართნენ ქიზიყისა კერძ. მისრულთა ქიზიყს თუმცაღა მიერთუნენ რაოდენნიმე კახნი და ქიზიყელნიცა, გარნა ცუდ იქმნა შრომაჲ მათი მით, რამეთუ მაშინ შემდგომად მამისა თვისისა განაგებდა მეფის ძე დავით ქართლსა. ამან შეუყენა ძმა თვისი იოვანე და საბარათიანოს სარდალი იოვანე მამიდაშვილი თვისი და თანა წარატანა ერთი ბატალიონით რუსთა მხედრობითა ღიანჩრალ გულაკოვი. მისრულთა რუსთა მარტყოფს შეიპყრეს მეფის ძე მირიან, ძმა მათი, რომელი ესე მოსრულიყო რუსეთით, ხოლო ესეცა არამც თუ მამშვიდებელი ძმათა, არამედ იყო მამშფოთებელი და მტბიერ ძმათა და ძმის წულთა შორის. რომელიცა განატევებინა ძმისწულმან მისმან იოვანემ უვნოდ და უკუნქცეული მივიდა არაგვსა ზედა. და შთავიდნენ ქიზიყს. მსმენელთა მეფის ძეთა იულონ და ვახტანგ დაუტევეს ქიზიყი და იწყეს ლტოლვა ქართლადვე. ხოლო ამჟამს სახლეულნი მეფის ძის იულონისანი ყვენენ

ლიახეზედ ბელოთს, რომელიცა აქუნდა ამას მამული ესე საბატონიშვილოდ. მსმენელმან ამისმან მღვთისძემანცა დავით ზუნ წარგზავნა ქსნის ერისთვის შვილნი, რათა განსდევნონ მუნითცა იულონ, და დაიპყრან ლიახვი თვისად. მისრულთა ზემო ქართლის ჯარითა ჰყვეს ყოველივე ნაბრძანები მისდა, ხოლო მეფის ძე იულონ და ფარნაოზ გარდვიდნენ იპერეთს დედაწულით თვისით დისწულისა თვისთანა მეფეს სოლომანთან და მან დაასადგურა ქალატყესა და განუწესა საზრდოჲ. ხოლო აღექსანდრეს, მყოფს ყარაბაღსაშინა, ესჲა რა სიკვდილი ძმისა თვისისა მეფის გიორგის, ესეცა წარმოემართა შველად ძმათა თვისთა მცირითა მხედრობითა და მოვიდა რა ყაზახსა შინა, სცნა ამბავი. ესე და გალტოლვა ძმათა თვისთა იპერეთს, ამან დაუტევა მხედრობა თვისი და მცირითა კაცითა გამოვიდა ყარაიაზედ, აელო მცხეთას და გარდვიდა იგიცა ძმათა თვისთა თანა იპერეთს. ხოლო ვახტანგ მირიანითურთ დაშთნენ არაგუსა ზედა, ვინაჲთგან არაგვი იყო მათდა საბატონიშვილოდ, ხოლო დედოფალი დედა მათი დარეჯან და ძე მისი კათალიკოზი ანტონი დაშთნენ ტფილისსა შინა. ხოლო დავითმან შეიპყრა შიმღგომნი ბიძათა მისთანი და მაშფოთებელნი მათნი ამილახვარი ოთარ და რაოდენნიმე კახნი თავადნიცა, და ჰყო პატრიმრად ციხესა შინა ტფილისისასა.

ხოლო შეიძღვომად მისსა ჰყვეს გამგედ და მართებელად ქართლისა პირმშო ძე მისი დავით ბრძანებითა იპერატორისათა, ვინაჲთგან ჯერ იყო მეგრ ტრაკტატითა, ესე იგი აღთქმისა პირობითა. დებულთა შორის ეკატერინას იმპერატრიცასი და მეფისა ირაკლისა, რათა ბრძანებითა რუსთათა კარისათა დაიდრგინებოდეს მეფე. ამან იწყო მართუა ქართლისა, ვინაჲთგან იყო ესე აღზრდილი მეცნიერებასა შინა, ვითარცა საღმრთოთა და საფილასოფოსოთა, ეგრეთვე სამხედროჲსა შინაცა, ვინაჲთგან უწყოდა მან ვითარცა კანონი სამოქალაქოჲ, ეგრეთვე ევროპიისაცა. გარნა ვინაჲთგან იყვნენ ქართუტლნი და კახნი და ეგრეთვე ჩინებულნი სამღვდელონიცა იყვნენ გაყოფილნი ორს მხარედ, დაეპყრათ რომელთამე კერძო დავით

თისა და რომელთაზე დედოფლის დარეჯანისა და ძეთა მათთა და იყო მარად ხლოჲა ურთიერთა შორის. მხილველთა ამისთა რუსთა იცეს ჟამი მარჯვე, ვნახთგან ჰსწადდათ დაჰყრობა საქართუტლოჲსა აღრითგანვე, და მოიბირნეს თავადნი რაოდენნიმე და სამღვდლონნი, და აღუთქტეს ნიქი დიდი; დაუტევეს ამათ მხარენი თვისნი და მიერთენენ რუსთა, რომელნიცა იყვნენ უპარველესნი თვით ესენი^{*}, რუსთა. ხოლო რუსთა ღიანარალ ლაზარევმან მიულო ყოველივე ნებაჲ დავითს თანა განზრახვითა ქართველთათა თავადთა და სამღვდლოთათა და აუწყა ესე მთავარ მართებელსა ენოჩინგს და იწყეს მიერთ რუსთა მართვაჲ საქართუტლოისა ჟამ რაოდენიმე. მას ჟამს გიორგი ავალიშვილი, ძე ივანე მეითრისა, და მდივანი ელიაზარ ფალაუანიშვილი, რომელნიცა იყვნენ მინისტრად რუსეთისა კარსა ზედან მეფის გიორგის მიერ წარგზავნილნი გარსევან ჰავეკვაძითურთ, ესენიც ამჟამ მოსრულიყვნენ რუსეთით და თხოვითა გარსევან ჰავეკვაძისათა, რომელიცა იყო რუსეთს მინისტრად, რათა აღიღონ მეფობა და ჰყონ ლუბერნიად, ვინათგან გარსევან ფრიად მტერ იყო დავითისი. ამის გამო მხარენიცა მისნი მოსურნე იყვნენ ესე ვითარსა. მოსრულთა გიორგიმ და ელიაზარ მოუტანეს უქაზი ლაზაროვს, და რომელთაცა წარიყვანეს კარსა ზედა რუსისასა შემთხვევისათვის რაოდენიმე თავადნი და აზნაურნი დეპუტატად საქართველოს მოღებისათვის, მიერიოთ იწყეს მართვა საქართველოსა რუსთა წელსა 1801, ქკს უბთ.

^{*} აქ ღედანში გახაზულთა: ვინათგან იყო ესე ფრიად მალაღობელი. ესე შეეცოუნეს თანა შეზრდილთა მისთა და აბირნეს მრავალსა უგუნსსა საქმისა ქმნაი, რომელიცა არა თავსელო ამისსა მეფეთა შთამოს სისრვაჲ, და ეგრეთვე პირისაცა უმცოცოება იქმნა მიზეზ დაჰსობისა მისისა და სამეფოისა საქართველოისა. თუმცალა მრავალნი ჩინებულნი მოხუცნი სწუხდნენ მისთვის და ურჩევდნენ, რათა უსმინოსთ მათ, გარნა არა შემგონებელი მათი და მიმლო თავისა თვისისა არაჲს უსმენდის და რაჲცა სწადდის, მას იქმოდის. მხილველთა ქართველთა ამისთა დაუტევეს დავით და მიერთენენ.

მაშინ მეფის ძეთა ცა ყოველთა მოუვიდათ ბრძანება იმპერატორის პავლესი, და მიეწოდნა რუსეთად თვის თანა, და წარვიდნენ ამავე წელსა მარტის 9 ესენი პირველად: მეფის ძე იოვანე, ბაგრატი და მიხაილ, და გაჰყვენენ თავადნიცა ესენი. და აზნაურნი: 1) ჩოლაყაშვილი იოსებ, ცოლის ძმა მეფის ძის ბაგრატისა, 2) ენდრონიკაშვილი ზაზა, ძე მარტყოფის მოჯრავისა ზაალისა, 3) კახთ მდივნის ძე ქობულოვი მდივანი იოვანე, 4) რატიშვილი გაბრიელ ბეჟანის ძე, ეშკალაბაში მეფის ძის იოვანესი, სარდალი გაორგი ციციშვილი, სიმამრი მეფის გიორგისა. ხოლო აზნაურნი ესენი: 1) გარაყანიძე ნიკოლოზ, 2) ექიმი იოვანე ყარას ძე, 3) ქარუაშვილი პეტრე ექიმი, 4) ბანცურის შვილი იოსებ ძე ანდუყაფარისა, 5) ნაბიქერიშვილი პეტრე, 6) კლიმიაშვილი როინ, 7) გვერწითელი არჯევან, 8) მწერალი ონიკაშვილი ნიკოლოზ, 9) მღვდელი დეკანოზი კარის ზაქარია ლალიხანის შვილი თელაველი, მსახურნი: 1) ხიზანაშვილი დავით, 2) დალაქი ნინია, 3) ისროლის ხეველი ამატურელი ოსი რევაზა ხუბულური, 4) იმერელი გოგიტელა, 5) მზარეული ნორიელი განჯაშვილი ზარიძე. ხოლო პრისტავად იყო (ესე იგი შემანდრად) ქილაშვილი ვასილი, მათე მღვდლიშვილი, მოზლოკელი, კაცა განსწავლული ვითარცა რუსულისა, ეგრეთვე ქართულისა. ხოლო ესენი. მისრულთა მოზლოკს, მოეგებათ წინა უპირველესი მართებელი კავკასიის ლინიისა ღიანარაღ ლეიტენანტი კნორინდი კარლი ფეოდორიჩი, და პატივ ჰსცა ფრიად და განუსვენა კვირა ერთი მუნ, თვისთანა ნაურსა შინა. ხოლო წარემართნენ რა პეტერბურღისა კერძო, მიწვენით ეწიათ კურიელი იეგორეცკის ქალაქსა, რომელმანცა აუწყა გარდაცუალება იპერატორისა პავლესი, რომელიცა ჯერეთ არ იყო განხსნილი ღუბერნიად საქართველო, არამედ კითხვითავე მეფის ძის დავითისათა ჰმართვიდენ რუსნივე ამან გამოცა მანიფესტი, რათა ყოველნივე საქმენი და განწესებანი ყოვლისა ქვეყანისანი იყოს მდგომარეობასა ზედა განწესებისამებრ, იპერატორცა ეკატერინასასა.

და გახემაწიფება ძისა მისისა ალექსანდრესი მარტის 12, 1801, ქკს უბთ. მისრულთა პეტერბურხს მეფის ძეთა სცა ფრიადი პატი-ვი იმპერატორმა ალექსანდრემ. ამჟამს გარდვიდა კნორინლი ქართ-ლსა შინა. ამან გარდააყენა დავით მართებლობისაგან სრულიად და განაწესნა რუსითურთ მართებლობა საქართველოასა თანა-ხმობითა ქარველთათა, რამეთუ ამჟამს რუსთა მხედრობანიცა შე-სრულიყვნენ ქართლს ათი ათასისა. ვინაჲთგან ჰსძულობდნენ ქართველნი მხარენი გარსევანისანი დავითს და რაოდენნიმე გუამნი თავადნი და აწვიეს რა, ესე იგი ყაფლანიშვილი სარ-დალი იოვანე, ძე დავით სარდლისა, მამიდაშვილი დავითისა, სოლომან თარხნიშვილი, ძე ზაალ ყორ-იასაულბაშისა, ქალაქის მელიქი დარჩია, და ზალ ბარათაშვილი მდივანბეგი და სხუანი რაოდენნიმე კახნიცა და მოქალაქე სომეხნიცა, კნორინლს, რათა ჰყოს ქართლი ღუბერნიად, რომელმანცა აღუთქუა აღსრულე-ბაჲ ამისი, და უკუნიქცა რუსეთადვე კნორინლი. მისრულმა პეტერბურხს, აუწყა ყოველივე საქმე საქართველოასა იმპერა-ტორსა, რომელსაცა არა ჰსწადდა არაოდეს აღება მეფობისა საქართველოით, ვინაჲთგან იყო ესე კაცი მოწყალე და ღმრ-ბიერი, ხოლო იპერატორიცა თანახმა ქმნილმან თხოვნითავე ქარ-თველთა თავადთაგან და ნამეტნავად ქაეკავაძე გარსევანისაგან, რომელიცა იყო მას ჟამს პეტერბურხს დესპანად და რომელიცა იყო ფრიად განდიდებულ ყმითა და მამულითა მეფის ირაკლის მიერ, ამან დაივიწყა სიყვარული სამეფოასა*) სახლისა ვითარცა არს ჩვეულება ქართველთა თავადთა, ვითარცა მოუთხრობს თვისსა ისტორიასა შინა ქართლისასა ბატონიშვილი ვახუშტი.

45. ხოლო წელსა 1801, ქკს უბთ: ამჟამს, სექტემბრის 15, აკურთხეს მოსკოვს ხელმწიფედ იმპერატორი ალექსანდრე პავლეს ძე. ამან გამოსცა მანიფესტი და მიიღო ქართლი. მო-ვიდა კუალად კნორინლი ტფილისს, გახსნა გუბერნიად ქართ-

*) აქ აღედანი განაზუღია სიყვევი: და იქმნა სიცხილი ყოვლისა ბო-როცებისა, რომელსაცა აღუთქვეს რუსთა წყალობაჲ ფრიად და ზანიშინობაჲ საქართველოისა და ვერარაისა მიმთხვეული დაშთა ყოვლითურთ უნუგეშო რუს-თაგან და მოექცა სიცხილი თვისი თავსავე ზედა მისსა.

ლი და კახეთი*) და გაჰყო ხუთ მაზრად: 1) გორი, 2) ლორე, 3) თელავი, 4) სიღნაღი, 5) ღუშეთი არაგვითურთ. აფუცა ერნი სიონსა შინა კათალიკოზის ანტონითურთ და ყოველნი სამღვდელმონიკა ქართლის და კახეთისანიცა, და განაწყენა ყოველნივე სასამართლონი და შემოსავალნი რუსთა კანონისამებრ, და მოასვენა ამან ჯვარი იგი წმიდის ნინასი, რომელიცა წარელო არშის ციხით რუსეთად მთავარ ეპისკოპოზსა რომანოზ არაგვის ერისთვის ძესა, და შემდგომად მისს აქუნდა ჯვარი ესე ბაქარის ძის ძესა გიორგის ალექსანდრეს ძესა. ამას მიუღო იმპერატორმან ალექსანდრემ და მოსცა ქართველთავე. ხოლო კნორინგმა დაუტევა ლუბერნატორად პეტრე ივანიჩი კავალინცკი ტფილისსა შინა, რომელიც იყო დროსა მეფის გიორგისასა მიხისტრად, ხოლო სამხედროისა მართებელად ღიანარალ ლაზარევი, და თვით უკუნ იქცა რუსეთადვე. ხოლო წელსა 1803 გარდააყენეს კნორინლი და მონაცვლედ მისა განაწყესეს ციციშვილი პავლე. ამან, მოსრულმან ტფილისს, ბრძანებითა ხელმწიფისათა წარაგლინნა ყოველნივე სამეფოსა სახლის ძენი ცოლშვილით და დედოფლებით მარიაშით და დარეჯანით როსსიასა შინა.

კუალად აღდგნენ ლეკნი და დაიწყეს ტყვენება ქართლისა. დაესხნენ ორგზის ქარელსა და მოსწყეიტნეს მრავალნი მუნებურნი და როტა ერთიცა რუსთ ეგერისა. კუალად მიუხდნენ ლეკნი ყელქცეულს და წარტყვენეს იგი, ეგრეთვე ქეფინის ხევიცა და მაგვართვე სახითა წაახდინეს კახეთს მელაანიცა. კუალად შეკრბნენ ქარელნი, მოვიდნენ და წარიღეს ივრით ცხვარი თუშთა ვიდრე ოცდა ათი ათასამდე, რომლისა გამო ჯამოსკუალეს 1802 ქკს უე კნორინლი და ნაცულად მისსა განაწყესეს ღიანარალ-ლეიტენანტი ციციშვილი, პავლე დიმიტრის ძე, რომლისა მამა მისი დროსა ვახტანგ მეფისასა გარდასრულიყო რუსეთად. კაცი ესე იყო გონება ვნებული და ცნობა მიხილი, ვინაჲთვან გუართა მათ შორის არს სენი ესე.

*) არშიაზე: „მთავარ მართებლობა 1. ამან იმთავრა წელი 2“.

ხოლო წელსა ამასე 1802, ქკს უე იქმნა აღრეულება ახალციხესა შინა: გარდაადეს საბუთ ფაშა და დასეეს სულეიმან ფაშიშვილი ათაბაგი შარიფ. ჩამოსრული საბუთ ფაშა ტფილისს, არა შეიწყნარეს რუსთა; გარდვიდა იმერეთს მეფეს სოლომანთან არჩილის ძესთან, რომელსაჲა ჰსწადდა მუნით: წარსვლა სტამბოლსა შინა სულთანისა წინაშე, ვინაჲთგან იყო სიძე სულთნისა და ჰყავდა დაჲ სულთნისა. მსმენელმა ამისმა შარიფ ფაშამ იხშია ესე ცბიერება, აღუთქუა მეფესა სოლომანს ქრთამად სამოცი ქესა თეთრი, რათა მოკლას საბუთ ფაშა. მსმენელმან ამისმან მეფემან სოლომან იკადრა უგვანი ესე საქმე, რომელი არა შუპნის მეფეთა ესე ვითარი ტირანობაჲ, შეიპყრა შეხინულა ფაშა საბუთ და შესო მუხურის ციხეში, ხოლო შემდგომად რაოდენისამე დღისა მოჰყვეთა თავი ფაშასა და წარუგზავნა ახალციხეს შარიფ ფაშასა ხელითა გორაშვილის ნინიასითა, რომელსა თავებრად უხმობდნენ. ესე თავებრა იყო მილახვარი მღვდის ძის ალექსანდრესი, რომელიცა თვით ალექსანდრე მას უამს მუნ იყო. ხოლო მხილველმან ამისმან შარიფ ფაშამ განკიცხა მეფე და არღარა მოსცა აღთქმული იგი ქრთამიცა.

წელსა ამასე 1802, ქკს უე აღადგინეს აბოხი კახთა შემქვიდროებისაგამო რუსთასა, და წარუელინეს კაცი მეფის ძეს იულონს იმერეთს, რათა მოვიდეს კახეთს და ჰყონ მეფედმისრულნი ესე კაცი მეფის ძეს ვახტანგთან დუშეთს, ამანცა მისწერა ძმასა თვისსა იულონს, რათა მოვიდეს და ესეცა მწეეყოს მას არაგვთა მხედრობითა. მსმენელთა რუსთა ტფილისით წარავლინეს ღიანარაღ-მაიორი დუჩკოვი, რათა შეიპყრან, და თანა წარატანეს თარხნის შეილი სოლომან, ზაზა ყორიასაულ-ბაშის შეილი. მისრულთა ამათ, სცნა ვახტანგმა და გაიქცა დუშეთით, აღვიდა გუდამაყარს და მუნ გამაგრდა. გარნა ვინაჲთგან ხალხმა მუნებურმან და ეგრეთვე ფშავ ხევსურთაცა არა მისცეს პირი, ამად უძალო ჩამოვიდა ტფილისს და პატიმარ ჰყვეს რუსთა ავლაბრის სასახლესა შინა დედოფლისასა ვიდრე მოსვლადმდე. ციციანოვისა, ხოლო მან მსწრაფელ წარავლინი

რუსეთად. მისრულმან ღენერალ ლაზარევი დაამშვიდნა კახ-
ნიცა.

კუალად იქმნა მეფისა და 'ადია'ისა გრიგოლისა სანდუ-
რავი მიზეზითა დედისა მისისათა. მაშინ მეფე მიუხდა ოდიშს
და მოწო, ხოლო დადიანი გრიგოლ ძლეული შევიდა ლეჩხუმ-
ში; და მეფემან სოლომან დაადგინა ოდიშს დადიანად ტარიელ,
უნცროსი ძმა მისი. შეუხდა ლეჩხუმს მეფე და დაიპყრა რაო-
დენნიმე ციხენიცა ოდიშისანი, გარნა შური ვერ აღილო. სა-
დაცა გამაგრდა თვით დადიანი დედაწულით თვისით, და ჯკუნ
იქცა მეფე იმერეთადვე. ხოლო ამავე ჟამსა წარვიდა იმერეთით
მეფის ირაკლის ძე ალექსანდრე ახალციხეს და ახალციხით
მივიდა ერცვანს, და ერევნით განჯას, ხოლო განჯითცა გან-
ვიდა ქარსა შინა, და იყო მუნ თჳს ოთხი. და მეფის ძე თეი-
მურაზ, ძე გიორგი მეფისა, მივიდა მის თანა ლტოლვილი
ციციშვილისაგან.

46. წელსა 1803, ქკს ჯგა მოვიდა ციციშვილი პავლე
უპირველესი მართებელი ტფილისს თებერვლის 6 *). ჟამსა ამას
იყვნენ ძენი ქართუპლთ მეფისანი მიწოდებულნი როსიად.
იწყეს რა მათ მზადებაჲ, არამედ დაესხა ლამე ვითარცა ავაზაკი,
შეიპყრა და წარგზავნა რუსეთად დავით და ვახტანგ. შემდგო-
მად: აპრილის 18, ლამესა მას შეუსია მხედრობაჲ ღენერალ
მაიორის ლაზარევიტურთ დედოფალს, ციციშვილის ასულს,
მეუღლესა მეფის გიორგისასა შესმენითა სომეხი ზურაბა აფრია-
მაშვილისათა და იოსებ მუშრბიბის კალატოზისშვილისათა, რო
მელთაცა შეასმინეს ციციშვილს, ვითარმედ დედოფალი იპარე-
ბისო ფშავშიაო, რომელიცა ყოვლადვე უბრალო იყო დედო-
ფალი მარიამ: რათა იძულებით წარგზავნოს იგი რუსეთს. იქმნა
ჰუნ შფოთი, სადაცა რუსთა დაკოდეს დედოფალი ფრიად
მხარსა და ხელსა შინა ხლმითა და ამ შფოთსა შინა მოკლეს
ლიანარალ ლაზარევიცა ხანჯლითა, რომლისა არა სად ცხად
იქმნა მომკულელი მისი, და დედოფალი დაკოდილი ბრალეულ

*) შთავარ მართებლობა 2. ამან იშთავრა წელი 3.

ჰყვეს, რეცა მან მოკლა იგი, და შვილებითურთ თვისით, რომელნიცა იყვნენ მას ჟამ ფრიად წვრილნი ასაკითა, წარიყვანეს როსიად, რომლისა ქვრეტა მქვრეტელთათვის იყო საზარო; და დააპატიმრეს დედოფალი მარიამ ძეგბითურთ თვისით მონასტერსა შინა ბელილოროდისასა, რომელიცა არს კურსკის ლუბერნიასა. ვინაჲთგან განუწახველობითა თვისითა ციციშვილმან შეამთხვია ესე ვითარი ძვირი სახლსა სამეფოსასა და დასდვა სირცხვილიცა დიდი რუსეთსა, და დასწამაცა სიკვდილი ამისი დედოფალსა და ამ მიზეზისათვის დააპატიმრეს მუნ იგი. ხოლო დედოფალი დარეჯან, მეუღლე მეფისა ირაკლისა, ფრიად მოხუცებული, დაშთა ტფილისსა შინა.

ხოლო ესეცა შესანიშნველ არს, რომელ დროსა მეფისა ირაკლი 2-სა ქალაქსა გორსა იყო გლახა ერთი, რომელსაცა სახელად ეწოდებოდა თვით გლახავე, მართლმადიდებელი, ხოლო უკეთუ ვინმე ჰკითხის რაიმე, არა რაჲ სიტყვა მიუგის, თვინაერ ამისსა: უნდა განძლიერდესო რუსეთი და საქართველოო. ესე მომითხრა თვით გორელმა ზურაბ ულუნბიაშვილმა თოფხანის დალიბაშმა მეფის ირაკლისამან, რომელიცა არის ამ დროს ესე ზურაბ წლისა 67-სა, თვით ქეშმარიტი ქრისტიანე და მოხუცი კეთილი, მეფის ძე ბაგრატი.*)

ხოლო ამან ციციშვილმანვე წარგზავნა პოლკი ორი მუშკატირისა წინაძლომითა ღენერალ გულაკოვისათა, და ეგრეთვე შეკრბნენ კახიცა და ქიზიყელნიცა სრულიად, და წარვიდნენ ბელაქანსა ზედა. მისრული ურდოს, ფონსა ზედა ვერ განვიდნენ, ვინაჲთგან აქუნდათ ლეკთა გამაგრებული ფრიად განსავალი კიდე ალაზნისა, უკუნეკენენ უკან, და განიყვანეს ქიზიყელთა ანაგის ბოლოს ალაზანს და ესრეთ წარემართნენ ტყის გზითა და მივიდნენ ბელაქნის ბოლოს. თუმცაღა ლეკთა ექმნათ მუნ შესავალსა შინა სანგალი, გარნა მცირესა ჟამსა აღილეს იგი რუსთა, და მოკლეს მუნ არლუთაშვილი მიქელა და პოიაზალიშვილი ავთანდილ, რომელიცა იყვნენ მუნ მყოფნი მეფის

*) ეს ცნობა აშოაზე წაუწერია ბაგრატ ბაკონიშვილს.

ძეს ალექსანდრესთან. თუმცადა კუალად ბრძო ალექსანდრემ ლეკთა მხედრობითა, გარნა იძლივა იგი მუნ. ხოლო მეფის ძესა თეიმურაზს გაეკცა ცხენი და დაშთა იგი ქვევითად, რომელსა ცა ნოშრევან ნოდარიშვილმა, მილახეარმან დედოფლის მარიაშისამან, მიაართო ცხენი, და მით განერა იგი რუსთა, ხოლო ნოშრევან დაშთა ქვევითი და შეიპყრეს რუსთა, რომელიცა პატიმარ ყოფილი მოკუდა ციხესა შინა ტფილისს. შევიდნენ რუსნი ბელაქანს და აღიღეს და მოწვეს ბელაქანი ვიდრე წაბლოვანადმდე, და მიუღეს ყოველივე ნატყვენავი და ალაფი ტყვითურთ კახთა, რომელთაცა აზღვიეს სისხლი თვისი კახთა; და ალაფითა ღადითა მოიქცნენ გამარჯვებულნი. ესე იყო წელსა 1803, ქკს უჟა, მარტის 13. ხოლო ალექსანდრე და თეიმურაზ, ლტოლვილნი მუნით, წარვიდნენ ყარაბაღს და ყარაბაღით თავრიზს და თავრიზით თეირანს და გაპყვენენ რაოდენნიმე ჩინებულნიცა, თავადნი და აზნაურნი გლეხითურთ, ვითარცა კახეთით, ეგრეთვე ქართლით. ჩასრულთა თეირანს პატივჳსცა ფრიად ბაბა-ხან ყვენმან და აღუთქუა შეწევნაჲ. და იყვენენ მუნ ჟამ რაოდენიმე.

ხოლო კუალად ჩამოსრულთა ლეკთა ახალციხით დაეცნენ ქარელს და წარასხეს პირუტყვი მათი. იღგა მუნ როტა ერთი იეგირისა. მიეწივნენ რუსნი ლეკთა მათ და ვინაჲთგან არა აქუნდათ ზარბაზანი, ამად იძლივნენ რუსნი და მოსწყვიტნეს სრულიად ლეკთა.

კუალად წელსა ამასვე მიუხდნენ ლეკნი კავთიხევს, მოსტყვენეს ჩივაძიანთ კარი და წარასხეს უმეტეს ასისა ტყვენი.

კუალად ბელაქნის ბოლოთი ქარელთ რუსთა ცხენნი უმეტეს ხუთასისა და ეგრეთვე მახლობელ ქალაქისა წარიღეს უმეტეს ოთხასისა ცხენი და წელსა ამასვე 1803 აღაშენეს რუსთა ციხე მიწისა ურდოს, ფონსა ზედა ალაზნისასა, და განდვეს ხიდი ალაზანსა ზედა, და დადგა მუნ ღენერალ გულაკოვი მხედრობითა თვისითა.

ხოლო წელსა ამასვე სიფიცხითა და განუნახელობითა ციციშვილისათა ვნებულ იქმნენ უმრავლესნი თავადნი და აზნაურნი კახეთისანი, და წარვიდნენ სპარსეთს.

ხოლო ეამსა ამასვე იქმნა მომსვრელი სენი ტფილისს და შეედვათ რუსთაცა და ყოველსა, საქართველოსა შინა, რომელნიცა მოისრნენ უმრავლესნი სულნი რუსითურთ საქართველოსა შინა.

ხოლო დედოფალი დარეჯანც, — შესმენითა ქსნის ერისთვის ძეთასა, რომელიცა ციციშვილი ფრიად სწყალობდა სახლთა მათ და ყოველსავე მათ უსმენდა და თვინიერ მათსა არა რაჲსამე ჰყოფდა ქართლსა შინა, ამათ აბირეს და გაასტუმრებინეს დედოფალი დარეჯან, მეუღლე მეფის ირაკლისა, ფრიად მოხუცებული, წლისა 70. და წარიყვანეს რუსეთსა. ხოლო ვინაითგან იყო ოხრება ლეკთაგან ქართლისა, ამის გამო ჯეროვნად რაცხა ციციშვილმან შენობაჲ წალკისა, რათა მით აღვირასხა ლეკთა და დაასახლა მუნ რაოდენნიმე მოსახლენიცა, და დაუყენა პოლკოვნიკი სვიმონოვიჩი სერბელი მუნ მხედრობითა თვისითა. ხოლო მხილველთა ამისთა ლეკთა დაესხნენ ღამესა ერთსა წალკას და გარეგან ციხისა მოსტყვენეს ახალ დასახლებულნი იგი, ვინაჲთგან წალკისა ციხესა შინა იდგნენ მხოლოდ რუსნი, და წარასხეს ტყვედ ყოველნივე. ამას ზედა განრისხნა ციციშვილი და მიუწერა სვიმონოვიჩსა, რათა დაესხას ლეკთა საკირეს, სადაცა იდგნენ ლეკნი. იქმნა ბრძოლა მუნ, იძლივნენ რუსნი სივიწროვისა გზის მიზეზითა, და მოსწყდნენ რაოდენნიმე; უკუნ იქცნენ, დააგდეს წალკა, და მოვიდნენ ტფილისს რუსნი. მხილველთა ლეკთა ესე ვითარისა ძლევა შემოსისათა, წარმოვიდნენ მუნით და წარტყვენეს ნიჩბისი. მხილვილმან ამისმან ციციშვილმა მიუწერა მისკარბაშს იოსებს, ძესა აღაშელიქისასა, ყაზახსა შინა, ვინაჲთგან ესე იყო მას ეამს მოურავი, რათა შეიკრიბოს ყაზახელი და მოსტყვენოს გარემონი ახალქალაქისანი. მსმენელმან მისკარბაშმან ჰყო ესე, და წარტყვნა გარემონი მუნ. მაშინ ლეკთა, კუალად წარმომართებულთა, მოვიდნენ სოღალღღს და წარტყვენეს რუსთა

ჯოგი პოლკისა. ამის მიზეზისათვის შესწამეს ცილი მიშკარ-ბაშსა, რეცა მიზეზითა მისითა დაიკარგა ჯოგი სახელმწიფო, და მიუღეს უჯეროდ შვიდასი თუმანი თეთრი ფული მისკარ-ბაშს. ხოლო ვინათგან ცდილობდა ციციშვილი დამშვიდება-სა ლეკთასა, გარნა ვერ უძლო მან და ვერცა მომდოვრნა ლეკნი იგი.

47. ხოლო ვინათგან მეფე იმერთა სოლომან მარადის სტყვენვიდა ოდიშსა და ლეჩხუმსა, და სდევნიდა დადიანს გრიგოლს, ამად უძალო ქნილმან დადიანმა გრიგოლ შვიტანა თავი თვისი მფარველობასა ქუტუშე რუსეთისასა, და აუწყა ციციშვილსა. მსმენელი ამისი ციციშვილი ფრიად მხიარულ იქმნა, ვინათგან სწადდა დაცემაცა იმერთა მეფისა, და დაპყრობა იმერეთისა. ამან ყოველივე თხოვილი მისი აღუსრულა. და გამოვიდა ყირიმით პოლკი ერთი ბელეცკის მუშკატარისა. წინა ძლომითა ღიანარალ გრიგოლიევისათა, მოვიდნენ ზღვის პირს და ააშენეს ციხე ყულევს და დადგნენ მუნ. ხოლო დადიანსა გრიგოლს დაუბტიცა იმპერატორმან ალექსანდრემ კუალად ოდიში საშვილიშვილოდ უცუალებელად და ანიჭა დადიანს კავალერია ანნასი ღიანარალ-მაიორობითურთ და დროშაცა სარდლობისა. ხოლო წელსა ამასვე იწყო ციციშვილმან კეთება გზისა დარელისა ვლადიკავკასიიდან, რომელიცა შემდგომად მისა შეასრულეს მონაცვლეთა მისთა მთავარ მართებელთა, წელსა 1804, ქკსუბ.

ხოლო წელსა ამასვე 1804, ქკს უებ გამოაპარეს ახალციხით რა ვახტანგ გურიელი პყრობილი ციხით, კუალად შეიპყრეს მღევართა ფაშისათა, ხოლო ვახტანგ ვინათგან იყო მღედრგული, ამან აუწყა ფაშასა სელიმს ხიმშიაშვილსა აქარელსა, რეცა მიზეზითა მუნებურის ეპისკოპოზის ეგნატის მიერ განიპარა იგი მუნით, შეიპყრა ესე ეგნატი და მღედელნიცა მუნებურნი ორნი ფაშამან და აიძულებდა ჟარის ყოფასა ქრისტესსა, ხოლო მან, არა მნებებელმან ამისმან, ეგნატი მოჰკიდა ძელსა და მოაშთო, ხოლო მღედელთა მათ წარკუტათა თავი. და მიიღეს მღუდელ მოწამეობისა გვირგვინი. ჰოი საკვირველი:

ლამესა ამას დაბნელდა მთოვარე, ხოლო მათ დაადგათ ზეგარ-
დამო ნათელი. ხოლო მხილველთა, მუნ მცხოვრებთა ამისთა,
ლათინთა იყიდეს წმინდანი გვამნი მათნი ფაშისაგან და დაფ-
ლეს მუნვე, ახალციხესა შინა, წმინდის მარინის ეკლესიაში,
და მიერთგან ძალითა მათითა არის სასწაულნი მრავალნი და
სენთა ოტებანი. ესენი იწამნეს თჳსსა იენისსა 17.

მხილველმან ამისმან მეფემ სოლომან, ვინაჲთგან დადიანი
გრიგოლ მიერთო რუსთა, ამანცა ინება შეერთება რუსთა
თანა, და შეეყარა ციციანოვს ქვიშხეთს: აფუცა მეფე ერთგუ-
ლებასა ზედა იპერატორებისასა, და მისცა ალექსანდრეს კავა-
ლერია, მოვოკვილი აღმასითა, და აღუთქუა კუალად გება მე-
ფედვე, და სთხოვა ძენი მეფისა ირაკლისანი იულონ და ფარ-
ნაოზ, რათა წარავლინოს რუსეთს, და სთხოვა ძეცა მეფისა და-
ვითისი კოსტანტინე, რომელიცა ჰყვა მას ჰყრობილად მუხურის
ციხესა შინა, და წარგზავნაცა მუნ ციციანოვმა ღიანარალ
ლითვინოვი, რათა მართებდეს იმერეთს, და ამას მოცეს ძენი-
ცა მეფისანი. მისრულმან მეფემ მოსცა ძე დავითისა კოსტან-
ტინე და ბიძანი თვისნი ჯერეთ არა, და გაგზავნაცა კარსა
ზედა როსიისასა მდივანბეგი სოლომან ლიონიძე, კარგი ყმა
მეფისა ირაკლისა, რომელიცა გარდასრულ იყო დროსა ლუბერ-
ნის გასხნისასა და იყოფებოდა მეფისა სოლომანისთანა და
მიეცა მუნ მეფესა რაოდენნიმე სოფელნი აგარაკებითურთ სარ-
ჩოდ. ესე იყო ფრიად განსწავლულ და გონიერ ვითარცა ქარ-
ფულისა, ეგრეთვე რუსულისაცა, და გამოცდილ ფრიად საქმეთა
შინა დროსა ირაკლი მეფისასა. მისრულს მუნ სოლომანს სცა
პატივი იპერატორმან და ვიდრე საქმე ამისი სრულ იქმნებოდა
კარსა ზედა როსიისასა, არღარა მომცდელმან ანბისამან მეფემან
სოლომან წარგზავნა კარსა სულთანისასა დესპანი თვისი და
სთხოვა საფარველი. მცნობმან ამისამან იპერატორმან ალექსან-
დრემ უკუნ აქცივა უპატიოდ დესპანი მეფისა სოლომანისა,
მდივანბეგი სოლომან, და მიუწერაცა ციციშვილს, რათა აგოს
მეფესა ნაცუალ გებითი ესე ვითარი უგვანი, რომლისა გამო

ციციშვილმან ჰყო მისდა ფრიადი წინააღდგომობაჲ და ვერა რაჲმე ავნო ჯერეთ მეფესა.

ხოლო წელსა ამასვე 1804 მოკუდა დაღიანი გრიგოლ, ძე კაციასი, და მოიყვანა ციციანოვმან ძე მისი ლეონ, რომელიცა აფხაზეთს იყო მიძევლად ქელეშბევ შარვაშიძესთან, და დაადგინა დაღიანად ბრძანებითა იპერატორისათა. და მისცეს პატივი იგი ჩინითურთ და ნიშნები ო, ვითარცა აქუნდა მამასა მისსა, და თავისუფლებითი ფლობაცა მამულისა თვისისა, ვითარცა წინაპართა მისთა.

ხოლო წელსა ამასვე 1804 იქმნა გურიასა შინა აღრეულეობაჲ: გურიელმან მამიამ მოიბირნა რაოდენნიმე ჩინებულნი თვისნი, და შეიპყრა გურიელი ვახტანგ და პატიმარ ჰყო ჩაგვს ციხესა შინა, და თვთ გურელი მამიაც შევიდა რუსთა საფარველსა ქუტუშე, რომელსაცა მისცეს ღიანარალ მაიორობაჲ და კავლერია ანასი. ესე ვახტანგ გააპარეს ჩაგველთა, და მივიდა ახალციხეს სელიმ ფაშას ხიმშიაშვილთანა აქარელთა. ამა ხიმშიაშვილმან გარდაადგო ზორბით შარიფ ფაშა, ძე სულეიმან ფაშისა, ათაბაგი, და თვით დაჯდა ფაშად. ამას მისცა მამია გურიელმან ქრთანი და კულად შეაპყრობინა ვახტანგ გურიელი, რომელიცა პატიმარ ჰყო ციხესა შინა ახალციხისასა *).

48. და წელსა ამასვე 1804, ქკს უებ, შეიკრიბნა ციციშვილმან მხედრობანი და მოადგა განჯას; ვერ წინააღდგა ხანი განჯისა ჯაეად ამად, რომელ არღარა იპოებოდა მუნ უმეტეს ხუჯასისა მეთოფე, მოჰსერელისა გამო სენისა, ვინაჲთვან მათცა შეედვათ სენი და აღსწყვიტნა მრავალნი მუნ მცხოვრებნი კირმან. ამის გამო აღიღეს ციხე განჯისა რუსთა იერიშითა დღესასწაულსა მათსა, რომელიცა განთენდებოდა ორუჯ ბაირამი მათი, წელს 1805, ქკს უეგ, იანერის მ, და მოკლეს ჯაეათ ხანცა და ძე მისი უსეინ ყულიცა, და იაეარ ჰყვეს ქალაქი-

*) წელსა 1804 ფრანცუტთა აკურთხეს ნაპოლეონ (ესე იგი შონაპარტე) იპერატორად თვისად. ამან შეირთო ცოლად კეისრის ქალი მარია ლუიზა კეისრის ფრანცისა, და განუცევა პირველი ცოლი თვისი.

ცა რუსთა მიზეზისა ამისთვის, ვინაითგან განჯელთაცა მოსწყვიტნეს ხუთასისა ოდენ სალდათნიცა, და ეგრეთვე ქართველთაცა ფრიად იალათეს და დაწვეს განჯაჲ, ვინაითგან იყვნენ ფრიად ტანვეულ ქართველნიცა განჯელთაგან ჟამსა მას ალახრებისა ტფილისისასა ხოჯას მიერ, და მოსწყვიტნეს მრავალნი სულნიცა განჯელნი, და სრულიად აიალათეს. თუმცალა კუალად მეცადინემან ციციშვილმან დაასახლა კუალად დანაშთნი განჯელნი და კმნა უზბდის ქალაქად, და უწოდაცა სახელად ელისაბედპოლი, გარნა ჟამ რაოდენმე მოეგნენ კუალად წარმართებასა თვისსა განჯელნი. ხოლო ციციშვილსა აღებნათვს განჯისა მიუბოძა იპერატორმან ალექსანდრემ ღიანარალ შეფობაჲ.

ხოლო წელსა ამასვე წარგზავნა ციციშვილმან ურდოსა მდგომი ღიანარალ გულაკოვი დასასჯელად ქარელთა. მიიწია რა ზაქათალას, იძლივა გულაკოვი ქარელთაგან, რომელიცა თვით გულაკოვიცა მოკლეს მუნ ხლმითა ქარელთა და მოსწყვიტნეს უპრავლეს მხედრობანი რუსთანი, და ეგრეთვე ქიზიყელნიცა, რომელნიცა გადაყარეს ქარელთა იწროსა კლდესა ზედა შიშვნეულნი რუსნი ქართველითურთ. გარნა დაშთა მშვიდობით უკანა მისა მძღვანი რუსთა მხედრობისა ყაფლანიშვილი დიმიტრი ღიანარალი, ძე ზაალ ყაფლანიშვილისა, და ამან უკუნ აქცივა დანაშთნი რუსთა მხედრობანიცა ქარით და დადგა კუალად ურდოსავე ზედა.

49. ხოლო წელსა ამასვე 1805, ქკს უუგ, გაზაფხულსა ამას წარვიდა ციციშვილი ერევანსა ზედა, დასაპყრობელად ქალაქისა მის. მიიწია რა ეჩმიადინს, მუნ შეემთვა ძე ყუენისა აბაზ მცირედითა მხედრობითა. თუმცალა წარმოიშვა მათ შორის მცირეჲ ბრძოლაჲ, გარნა უძალო კმნილი სპარსნი გაეცალნენ, და მივიდნენ გარნიისს, ხოლო ციციშვილიცა განვიდა ზანგისა მდინარესა და მოადგა ციხესა ერევნისასა. მცნობმან ამისმან ყუენმან ბაბა ხან მოირთო ძალი, მოვიდა გარნიისს ზედა. ჟამსა ამას დაემშა მხედრობაცა ციციშვილს. წარგზავნა მანტრეზორი მაიორი ორასითა მხედრობითა და ერთითა ზარბაზნითა ფაბაკად,

რათა მოართოს მან მუნიტ აზუხაჲ. სცნა რა ყვენმან წარსვლაჲ მისი, აცნობა ფაბაკს მდგომს სარდალსა თვისსა ფირყული ხანსა,—ვინაითგან დგა ციხესა ყარაქილისისასა, სადაცა რუსთა აქუნდათ სურსათი და ტყვია-წამალი, და შესრულ იყვნენ მუნცა მცხოვრებნი სომეხნი ფაბაკელნი და ლორის ხეობისანიცა,—რათა შეიპყრას იგინი. ამჟამ მეფის ძე აღედსანდრე, და ფარნაოზ და ძემურაზცა იყვნენ ფაბაკსა შინა ფირყული ხანთან შეკრებული საქართველოს ელის მხედრობითა. მისრულთ რუსთა დარბაზს დაესხა ფირყული ხან და მოსწყვიტნა სრულიად, და მიუღო ზარბაზნანიცა, და წარუგზავნა ყოველნივე ტყვენი ზარბაზნებათურძე ყვენსა, რომელმანცა მიუბოძა ფრიად საბოძვარი ვითარცა სარდალსა, ეგრეთვე მეფის ძეთაცა, და მიუწერა აღექსანდრეს ყვენმან, რათა წარავლინოს ძმა თჳსი ფარნაოზ არაგუსა ზედა, რათა შეკრნას მუნ გზანი არაგვისანი და არღარა უტეონ რუსნი მუნიუა. რამეთუ იულონ და ფარნაოზ იყვნენ ამჟამს იმერეთს, მსმენელთა მოსვლისათვის ყველისა ერევანს, ესენიცა წარმოემართნენ მუნიტ, რათა მივიდნენ წინაშე ყვენისა. მოსრულთა უღევს, ეწერსა შინა, იმერეთს, დაისდგურეს რა მუნ, აცნობა ერთმან იმერელმან მდგომთა რუსთა სურამს მიმავლობა მათი ერევანს; მაშინ წარემართა როტა ერთი იეგირისა წინაძლომითა გოგი ამირეჯიბის რამინის შვილისათა, რომელმანცა არწმუნა რუსთა შეპყრობა მათი. მისრულნი რუსნი დაესხნენ დილას განთიადზედ პეტრუპავლობის დღეს, ივნისის 29, და მოსწყვიტნეს მისთანა თარხნიშვილი ტეტია, ძე ბეციასი, და ჩერქეზიშგილი ფირან, და კეზელი დათუა ძითურთ თვისით; მოსწვდნენ მეფის ძესაცა იულონს, რათა მოკლან იგიცა რუსთა, რომელსა ზედა გარდაეფარა თავსა აბაზაძე დავით, ფარეშთხუცესი მისი, და მისთვის შტიკი რუსისა მოხვდა საფეთქელსა და დაიქრა, და მით განარინა სიკუდილსა იულონ, რომელიცა შეიპყრეს რუსთა; ხოლო ფარნაოზ და ძენი იულონისნი ლეონ და ლუარსაბ განივლტნენ მუნიტ. ფარნაოზ და ლეონ ჩავიდნენ აწყურს ლეკთა თანა, ხოლო ლუარსაბ, ვინაჲთგან იყო ასაკითა მცირე, მივიდა ზურაბ წერე-

თელთანა, რომელმანცა შეიწყნარა იგი. ხოლო ამათ გარდავლეს ახალციხე და მას ეამს მივიდნენ ფაბაკს სარდალს ფირყული ხანთანა, სადაცა დახვდა ძმა მათი ალექსანდრე და ძმის წული მისი თეიმურაზ. კუალად პირველსავე სიტყვისთან მოვიდეთ. წარსრული ფარნაოზ ფაბაკით გარდავლო მთაჲ ქსილისისა, განვიდა მტკუარსა შინა და აღვიდა არაგუზხედ. თუმცალა მონაცვლემან ციციშვილისამან კნიაზ ვალხონცკიმ, რომელიცა იმყოფებოდა ტფილისს, წარგზაენა ღიანარალ მამიორი ტალიფინი მხედრობითა რუსთათა და თანა წარატანნა ელიზბარ აღაბაბაშვილი ქსნის მხედრობითა, რომელთაცა გარდავლეს ლომისა და მივიდნენ ბურღულთ კარს, გარნა ვინათგან არაგველნი და ფშავ ხევსურნიცა იმყოფებოდნენმ ეფის ძეს ფარნაოზთან შეკრებულნიცა, და ეგრეთვე რაოდენნიმე ჩინებულნიცა თავადნი აღვიდნენ კახეთით მასთანა და იწყეს მაგრება ფრიად. ვინათგან არლარა მოელოდეს ციციშვილსა ერეგნით, სადაცა შემოაწყვტივა ყეენმან იგი მუნ.*) ამად უყვეს რუსთა ზედა დასხმაი არაგველთა, სადაცა არაგველთაგან იძლიენენ რუსნი ფრიად, და მიუდეს ზარბაზნებიცა, და დასკრეს ელიზბარ ძე აღაბაბასიცა, და უკუნ იქცნენ რუსნი დანაშთნი მუნით. ხოლო ციციშვილმანცა, ვერარისამე მყოფელმან, დაუტევა ღამესა ერთსა ერეგანი და უკუნიქცა მცირედიოთადა მხედრობითა და ყეენი ბაბახანცა არლარა შეუდგა უკანა, ვინათგან ჰსცნა ორგულეობაჲ სპასპეტისა თვისისა სულეიმანისაგან, რომელსაცა ჰსწადდა სიკუდილი მისი იღუმალ, და წარვიდა ყეენი თერანად, ხოლო ციციშვილიცა მოვიდა ტფილისს, და აღვიდა არაგუსა ზედა ღუმეთს, და ეზრახა ფარნაოზს, რათა მივიდეს მის-

*) ხოლო ამეამს მყოფნი თავადნი ციციანოვთან ივანე სარდლითურთ, ყაფლინისშვილითა შიშენეულნი ყიზილბაშთაგან დაუტევეს ციციშვილი ერევანს და გამოპარვით წარმოვიდნენ ქართლსა. შეემთხვენენ აბარანზე გუშაგთა ყიზილბაშთა და შეიპყრეს ყიზილბაშთა იგინი მუნ და მძირთვეს ყეენსა და მასთან მყოფნი მრავალნი ვაჭარნიცა ცფილისისანნი სომეხნიცა მოსწყვიტენეს, ვინათგან ჰგონებდნენ ერევნისა აღებასა და საშოვარსა ფრიადსა, სადაცა აქუნდათ მათ თანა ოთრიცა ფრიად სეიდვისათვის საქონლისსა.

თანა; ხოლო მან, არა მნებებელმან, იწყო სიმაგრედ მათათა შინა. ამჟამს შემოვიდა ხევს პოლკი ერთი წინაძლომითა ხეველის ყაზიბეგიშვილის გაბრიელისათა. თუმცაღა თავაურთა იწყეს ზედა დასხმაჲ, გარნა იძლიენენ რუსთაგან, და მეფის ძეს ფარნაოზსაც გაეცალნენ კახნი და მივიდნენ ციციშვილისა წინაშე. ამისა მხილველთა არაგველთაცა იწყეს საუბარი ზავისა რუსთა თანა. მხილველი ამის ფარნაოზ წარემოთ მუნით, ჩავიდა მთის გზით მანავს და განვიდა დავითვარჯის მონასტერში, ხოლო მუნითცა განვიდა ყაზახში, და აღვიდა სოძხის სოფელში, აღდანს. მსძენელმან ჰამისმან სოლომან ავალიშვილმა, გარსევან ესკაბაშის ცოლის ძჰამან, რომელი ესე იყო მასჟამს მოურავი ყაზახისა, შეეუყენა მას ორასი ყაზახელი კაცი უკანა, წინაძლომითა დონდუზჩი-ოდლის სოჭხისათა დაეცა ღემესა ერთსა დაღალულთა თავს, და შეიპყრა იგი მუნ ფარნაოზ თავადებითურთ თვისით, და მოგურა ციციშვილსა პავლეს ტფილისს, და მან პატიმარ ჰყო იგი მუნ, და მან წარგზავნა იგინი რუსეთად; იულონ დააპატიმრეს ტულის ქალაქსა შინა, ხოლო ფარნაოზ—ვარონიესა შინა.

ხოლო წელსა ამასვე, შემოდგომაზედ, წარვიდა ციციშვილი დიდს ლიახვზედ საბრძოლველად, და შევიდა რა მუნ, მიუხვნა ყაზახნი, რომელნიცა დროსა არაგვის აღრეულობისასა შესცდეს, ვინაჲთგან არღარა სცეს მუნ გზაჲ, ამად გარდვიდნენ იგინი მუნით წინაძლომითა ტფილისელის სულგუნაშვილის მიკირტუმასათა, რომელიცა მოსწყვიტნეს სხვანი ოსთა, და ესენი შეიპყრეს მუნ, და მინაქონიცა ხაზინა რუსეთით აიკლეს მუნ, ხოლო მუნითცა ვერა რაჲსამე მყოფელი უკუნიქცა ციციშვილი ცალიერი, ტფილისათვე.

წმ. ხოლო წელსა 1805, ქკს უუგ, მოვიდა ბაბახან ყენი არღვევლს. შიშენეული ამისგან ხანი შუშისა იბრემ მოვიდა განჯას ციციანოვისათანა, რამეთუ მასჟამს ციციანოვი იმყოფებოდა მუნ. შიშენეული ყენისაგან შევიდა საფარველსა ქტსშე რუსეთისასა, სთხოვა ციციშვილსა მხედრობაჲ დასაცველად ციხისა შუშისათვის, რომელსაცა მისცა ხუთასი

მხედრობაჲ რუსთანი. მოვიდა ბაბა ხან ყენიცა არეზსა ზედა, მუნით წარგზავნა ძე თვისი აბაზ საქართველოსა ზედა არა ძლიერითა მხედრობითა. მოიწივნენ რა ყარაბაღს თართარის წყალსა ზედა, მსმენელმან ციციშვილმან, მყოფმან განჯასა შინა, წარგზავნა მუნით, ათასნი რუსნი კარეგინის პოლკოვნიკის მძღუანველობითა. შეემთხვნენ ქურაგსა, იძლივა კარეგინი ყიზილბაშთაგან, რომელ კნინდა გარდაურჩა იუცდაათითა სალდათითა, და თვითცა ფრიად დაიკოდა კარეგინიცა. ჰსცნა რა ესე ციციშვილმან, წარვიდა ოთხი ათასითა მხედრობითა მას ზედან; გარნა სპარსთა გარდავლეს ზემორე გზაჲ და რუსნი დაუტყვეს ქვემორე გზასა ზედან, ჩივიდნენ განჯას ყიზილბაშნი და აპყარეს მუნ მოსახლენი განჯელნი მაჰმადიანი, რომელიცა წარგზავნეს თავრიზს, ხოლო თვით მიიწია შამშადილსა. თუმცალა სწადდათ მისვლა ტფილისსა ზედან, გარნა არა იქმნა სრულ საწადელი მისი მით, რამეაუ მოერთო ბაბახანისაგან, მამისა თვისისა, ბრძანებაჲ უკუნქეცივისათვის. შევლო მან ყაზახის ბეობაზედ. აღსტათას, ვიწროსა მას კალთასა მთისასა, დახვდნენ მუნ ყაზახელნი და ფრიად ვნება მისცეს სპარსთა. მაშინ აღაჯოღლიმ სულეიმანამ გამოაპარა სარდალი იოვანე ყაფლანიშვილი მუნ გზით, რომელსა ეფიცა ძელი ქეშმარიტ ზედა ალექსანდრესთვის და ეგრეთვე ერთგულებასა ზედა ბაბახან ყენისასა, ოდეს ერევანს შეიპყრეს იგი ციციანოვთან, და იყო აბაზ მირზასთან პატივცემითა, და თანა ჰყვა ამჟამადე, და სხვანიცა რაოდენნიმე თავადნიცა გამოაპარეს ყაზახთა მუნით, ხოლო ბაბახან უკუნ იქცა გილანად ამად, რომელ რუსთა მხედრობანი განვიდნენ გილანად ზღვით მძღუანველობითა ღიანარალ ზავალიშინისათა. გარნა მისელადმდე ბაბახანისა მუნ იძლივნენ გილანელთაგან რუსნი, და ლტოლვილნი მოვიდნენ ბაქუსა ნავითა და დადგნენ მახლობლად ბაქუსა.

ხოლო წელსა ამასვე 1805 აიშალნენ ფრანკუცნი და ნემენცნი. მოვიდა იპერატორი ფრანკიისა მონაპარტე, მოადგა ვიანას და აღიღო სატახტო ქალაქი ვიანა კეისრისა. თუმცალა

რუსნიცა მოეხმარნენ კეისარს ფრანცს, გარნა ვერარაისამე დაკლებელნი ფრანცუტთან დაზავდნენ, სადაცა იპერატორმან ნაპოლეონ სრულიად მიუღო იტალია კეისარს და დაიპყრა თვსად, და უკუნიქცა, რომელიცა მიერ დღილამ ამაღლდა სახელი მისი ყოველს ევროპასა შინა, და შეედოთ დიდი ძრწოლაცა სრულიად ევროპიელთა.

კუალად წელსა ამასვე 1805 ბაბახან ყეენმან წარგზავნა ელჩად იპერატორს მონაპარტესთან პარიეს ასკარხან ყაჯარი ძღვნითა დიღითა, და მიულოცა ხემწიფობაჲ ფრანციისა. ხოლო მანცა წარუგზავნა ელჩად ღიანარალ ლაქარ. და თანა წარატანნა ნიქნი შემგზავსებულნი, და ეგრეთვე სამეოცი ოსტატნი არტირელიისა და რეგულისა, რათა ასწაონ სპარსთა საქმენი სამხედრონი ჩუტულებისამებრ ფრანცუტთა მხედრობისა, რომელსაცა ზედა ფრიად მადლობელ ექმნა ყეენი ბაბახან, და მიერ დღით იწყო განწყობა მხედრობისა თვისისა და არტირელიისა მჰსგავსად კანონისამებრ ევროპიისა.

წელსა ამასვე წმიდას სევეტიცხოველში კუალად აღმოვიდა წმინდა სამირონი წმინდა პირონი, რომელიცა იყო მრავალს წელს მიფარული. ესე მიბრძანა უწმინდესმან კათალიკოზმან ანტონიმ, ძემან მეფისა ირაკლისამან: „მცხეთის დეკანოზმან ივანე მაღალაშვილმა ჩამომიტანა ტფილისში, დიდი სულნელება ჰქონდაო, და კურნებდა მრავალთა სნეულთა, გარნა ცოდუათა ჩვენთაგან, რაოდენსამე დღეს უკან არღარა იწყო აღმოდინებაო და კუალად მიეფარაო“.

51. ხოლო წელსა 1806, ქკს უფდ განვიდა ციციშვილი მტკუარსა განჯას მხედრობითა, მივიდა ნუხას, მუნ ნუხის ხანი მაჰმად ასან ხან უუვალო, რომელიცა აღმოხადნა ილამაჰმადხანმან, და იყო ნუხას, მიუხვნა ამას ხანობაი; და დაადგინა ხანად მუნ ჯაფარ ყულიხან, ხოის ხანი, რომელიცა იყო ლტოლვილი ბაბახან ყეენისაგან, და მსახურაცა ამან დროსა ერეენისასა, სადაცა შემწყვდეული ესე მის მიერ განთავისუფლდა ციციშვილი. ხოლო ხელმწიფემანცა ალექსანდრემ ანიქნა მას ღიანარალ ლეიტენანტობაი და ჯილა აღმასისა, და ბაირახი, და

დასდო შაქის ცამეტი ათასი ოქრო ხარკად, ხოლო დანაშთი მისცეს მას სრულიად. ჩავლო მუნით და მივიდა შამახიას. მუნ ვერ წინა აღუდგა ხანი შამახიისა მუსტაფა, რომელიცა შევიდა ესეცა საფარველსა ქრტვე როსიისასა, და ანიკნეს რუსთა ამასაცა პატივი იგი, ვითარცა პატივი ჯაფარყულიხანსა, და დასდევს მასაცა ხარკად წელიწადში რვა ათასი ოქრო ლალანდისა. ჩავლო რა ზირვანი, მივიდა ბაქუს. საწადელი მისი იყო, ესრეთ, რათა დაიპყრას ბაქუი და მუნით გამოიტანოს აზულია ასტარხანით შესაწვენელად საქართველოსა შინა მყოფთა მხედრობათა თვის, ვინაითგან ვერა კმა უყვეს აზულისა მიცემითა ქართველთა რუსთა. და მისრულმან მახლობელ ბაქუისა, დაიბანაკა ერთსა ფარსანგსა, და მიუწერა ხანსა ბაქუსასა უსეინს, რათა მან მოართუას კლიტეი ქალაქისა. რაოდენ ევედრა ხანი იგი, რათა არა დასდოს ესე ვითარი სირცხვილი, რომელიცა ფრიად სირცხვილად აღუჩნდა ხანსა მირთმევა ხელითა თვისითა კლიტისა, და არა თანახმა ექმნა ციციშვილი, და უკანასკნელ მიუწერა ხანმან, ვინაითგან ვიშვიშვიო და არა ძალმის მოსვლად მხედრობისა თქტუნისა, ამად გთხოვ მოვედ შენ ორითა უკრტვე კაცითა მახლობელ ციხისა და მეცა მოვალ ორითა მონითა ჩემითა, და შემთხვევასა ურთიერთისასა მოგართუამ კლიტესა. ვერ ცნა უგუნურმან მცბიერობაი ხანისა და მსწრათლ წარვიდა ორითა ყაზახითა, და ელიზბარ აღაბაბას ძისათა ხანისა კერძ, ხოლო ხანიცა მოვიდა ორითა მონითა; გარდახდნენ ორნივე ცხენით, უანბორეს ურთიერთარს. მოართუა რა ხანმან კლიტეი, მაშინ მათ ორთა ძათ მონათა ხანისათა სტყორცნეს თოფნი ციციშვილსა, და მოკლეს, და მისთანა მოკლეს ელიზბარცა ერისთვის შვილი ძე აღაბაბასი, თვესა თებერვალსა მცველიერის ხუთშაბათ დღესა, და წარკრტეთეს თავი და რუგზაენეს ბაბახან ყეენსა. ხოლო ამავე ჟამსა მოსრულ იყო შემწედ ბაქუსა ფირყული ხან, სარდალი ყეენისა. მოკლეს რა ციციშვილი, ესეცა ზედა დაესხა ბანაკსა ციციშვილისასა რუსთა, ხოლო რუსნი შემქიდროებულნი ყიზილბაშთაგან, ვინაითგან არღარა ჰსცეს ნებაი საქართველოს

გზით, შევიდნენ ნავთა შინა ბაქუს და ზღვით განვიდნენ ყიზ-
ლარს.

ხოლო წელსა ამასვე განაწესეს მონაცვლედ ციცი-შვი-
ლისა ღრადი ივან ვასილიჩი ლუდოვიჩი, რომელი იყო პირ-
ველ კავკასიის მართველი ლიანარალ შეფი.*) და ვიდრე ესე
მოიწეოდა ტფილისს, ღამესა ერთსა დაესხა თავს იბრეიმ ხანსა
ყარაბაღისასა, რომელმანცა მისცა ციხე და თავი თვისი მო-
ნებასა ქტსშე რუსეთისასა. არა მომლოდნელ შემთხვევისა
ამის, იღვა გარეგან ასკარანის ციხისა ცოლშვილითა თვისი-
თა კარაგთა შინა, ვინაითგან იყო ფრიად სიცხეჲ. ლისა-
ნევიჩი პოდპოლკოვნიკი დიმიტრი ტიხინიჩი, განზრახვითა ჯო-
რაშვილის ნინასითა, — რომელსა თავებრად უხმობდნენ და რომელიცა იყო მეფის ძის ალექსანდრეს პილახვარი და მისან-
დო მისი, და უღალატა სპარსეთით და მოსულიყო მას ქაშს ყარა-
ბაღს, — დაესხა ესე თავსა ღამე, და მოკლეს იბრეიმ ხან რუსთა
თავს დასხმით ზარბაზნებითა, და დედაწულნიცა მისნი მოსრნეს
სრულად, და იალაფეს ფრიად სიმდიდრე მისი. მოსრული ლუ-
დოვიჩი მოვიდა ტფილისს. და შეიტკბნო ქართუტლნი ფრიად
და შეიყვარნა ყოველნივე, და დიდსა პატივსა უყაჟდა, თუმ-
ცალა ძემან იბრეიმ ხანისამან მეითიმ იჩივლა უბრალოდ სიკ-
ვდილი მამისა თვისისა რუსთაგან, გარნა ვერა რისა მყოფელი
ვედრა ლუდოვიჩს, რათა ჰყოს ხანად ყარაბაღისად, რომელსა-
ცა ეთანხმავა და დაადგინა იგი ხანად და დასდო ხარკიცა, —
წელიწადში თოთხმეტი ათასი ოქრო ღალანდიის. და მისცეს
ხანსა ამას პატივი ლიანარალ მაიორობისა, და ყარაბაღისა ზი-
ნებულთა გუამთაცა შესაბამნი ჩინნი რუსეთისანი, აფუცეს
ერთგულებასა ზედა და განუტევენეს. ხოლო ციხე შუშისა
ეპკრათ რუ თა.

ხოლო წელსა ამასვე ბელაქნელთ, ქარელთ და კატეხელთ
ძირობითურთ თვისით დაიდვეს ხარკი კომლზედ ერთი ოქრო
ღალანდიისა და ერთი ჩარეკი აბრეშუმი და შევიდნენ უღელ-

*) შთავარ მართებლობა ვ. ამან იმთავრა წელი.

სა ქუტაშე მონებისასა -რუსთასა, რომელიცა ლუდოვიჩმან მეი-
ყვანა ესენი მორჩილებასა ქუტაშე თვისსა.

ხოლო წელსა 1806 შეჩენითა რუსთათა აძრახეს გენა-
თელს ეფთვიმის, რათა გამოაპაროს გიორგი ძე ალექსანდრესი,
ძის ძე დიდისა, მეფის სოლომანისა რომელიცა ჰყვა ჰყრობი-
ლად მუხურის ციხესა მეფესა სოლომანს, არჩილის ძესა. ესე
გიორგი იყო სიძე გენათლისა, რომელსა ჰყვა ძმისწული გე-
ნათლისა ცოლად დარეჯან. ამან შეუჩინა მსახური თვისი
ანდრია ბუცხრიკიძე. ამან შეუტანა ბაწარი ერთი, ხოლო მან
გასტეხა ბორკილი და აღვიდა კოშკსა ერთსა, რომელიცა
ფრიადვე შეუძლებელ იყო გაპარვა მისი მუნით, რეცა ილო-
ცავს მუნ. ჩამოუშვა ბაწარი იგი და აღზიდა მუნ, ტილო გა-
მოაბა ფანჯარას და ჩამოუშვა ძირს. ხოლო მათ მოიყვანეს
გიორგი ქუთაისს ღიანარალ გრიგოლიეფთან და მან წარგზავნა
ტფილისს ლუდოვიჩთანა, ხოლო მანცა წარავლინა რუსეთს იპე-
რატორთანა, რომელსაცა მისრულსა პატივ ჰსცეს ფრიად.

ხოლო წელსა ამასვე 1807, ქკს უეე, ივნისში, მოიკრიბნა
მხედრობანი თვისნი და ქართველნიცა, და წარვიდა ჯავახეთს
ახალქალაქსა ზედა, ვინაითგან მასჯამსა რუსთა და თურქთა აქუნ-
დათ აშლილობაჲ. მივიდა და მოადგა ახალქალაქსა. მიუდგეს
რუსთა კიბენი და ლამოდნენ გარდასვლასა ციხესა შინა. გა-
მოხდნენ თურქნი, აოტნეს რუსნი ჩასრულნი ციხესა შინა და
მოსწყვიტნეს ვიდრე ხუთასადმდე და ოდეს ვერ უძლო და-
ჰყრობა ციხისა გუდოვიჩმან, უკუნიქცა და მოვიდა ალგე-
თად.

ამავე წელსა 1807 მოერთვა ამბავი ნესვეტეეს ღიანარალ
მაიორისაგან ყარსით, რომელიცა წარეგზავნა ლუდოვიჩს ოთხი-
თა ათასითა მხედრობითა ყარსსა ზედა, ვითარმედ იძლივა იგი
უსუფ ფაშისაგან, და ძლეული მისგან შეივლტო მკირედითა
გარდარჩომილითა მხედრობითა ციხესა გუმრისასა, და სთხოვა
შეწყენაი. წარვიდა ლუდოვიჩი. მიიწია რა არფაჩაის, მუნ წარ-
მოიშვა ბრძოლაჲ შორის თურქთა და რუსთა; იძლივნენ თურ-
ქნი და უსუფ ფაშაი, და დაშთათ თურქთა თოფხანა სრულიად,

და მივიდნენ ძლეულნი ყარსს. ხოლო ლუდოვიჩი მოვიდა ტფილისს, და მიუბოძა იპერატორმან ალექსანდრემ ფერთმარ-შლობაი ლუდოვიჩს. თუმცაღა თურქთა კუალად სწადდათ ბრძოლაჲ, გარნა მოერთუათ უკუტ ანბავი კოსტანტინეპოლით ენგიჩართაგან, რომელთაცა მოკლეს სულთან სელიმ მესამე და ნაცვლად მისს ჰყვეს სულთანად ბიძაწული მისი მუსტაფა, ძე აჰმადისა, და შემდგომად ექვისისა თვისა მოკლეს იგიცა ენგიჩართა და ჰყვეს სულთანად მაჰმუდ.

ხოლო წელსა ამასვე 1807, ქკს უეე, ფრანცუცნი და პრუსიელნი აღიშალნენ. მოვიდა იპერატორი ფრანციისა ნაპოლეონ, მოადგა ბერლინის ქალაქს, სატახტოსა პრუსიისასა. განვიდა პირის პირ მისსა პრუსიის კოროლი ვილგეიმ. იქმნა ბრძოლა ძლიერი და საშინელი, იძლივნენ პრუსიელნი და მიუღეს სრულიად თოფხანა და ბავრაცნი, და დღესა მას აღიღეს ქალაქიცა ბერლინი ფრანცუცთა. ხოლო ლტოლვილი კოროლი პრუსიისა მოვიდა პეტერბურხს იმპერატორს ალექსანდრესთან, დასთხოვნა შეწეენაჲ, ამანცა მოახმარა მხედრობა თვისი. და წარემართნენ ორნივე ზოგად, მივიდნენ და ბრძოლა ჰყვეს აუსტრელსა შინა, კუალად იძლივნენ პრუსიელნიცა და რუსნიცა ერთად, სადაცა დააზაგნა იპერატორმან ალექსანდრემ პრუსელნი ფრანცუცთა. რომელიცა პრუსიის კოროლი შეიყვანა მონაპარტემ უღელსა ქეტშე მონებისა თვისისა და წარიყვანა პარიზსა შინა. ხოლო იპერატორი ალექსანდრეცა დაეზავა ფრანცუცთა და უკუნ იქცა როსიადვე.

ნ2. წელსა ამასვე 1807, ქკს უეე, ნოემბრის 1 გამოჩნდა ვარსკულავი კუდიანი და არა კომეტა (სახე ამისი იყო ესრეთ: *) ესე აღრიცხეს ზომით პეტერბურხს აკადემიის პროფესორთ ვარსკულავ მრიცხველთა და დაამტკიცეს, რომელ სიგრძე ამისის კუდისა არისო 500 ღრადუსო, ხოლო ერთსა ღრადუსსა შინა იპოების ვერსი 119).

*) გამოსახულია დედანში თვით ვარსკულავი.

წელსა ამასვე 1807, ქკს უყე, ნოემბრის 8-ს, გარდაი-
ცუალა დედოფალი დარეჯან, მეუღლე მეფისა ირაკლისა, საკთ-
პეტერბურხსა შინა. როპელიცა დაფლა იპერატორმან მეფე-
რის პატივით ნეესკის მონასტერსა შინა, ხარების ეკლესიაში
ხოლო ამავ თვესა, ნოემბრის 20-ს, მოკუდა ყვაელით ბატო-
ნის შვილი გიორგი, ძე ალექსანდრესი, დიდისა მეფის სოლო-
მან იმერეთისა, საკთ-პეტერბურხსა შინა, დაფლეს ნეესკის მ-
ნასტერსა შინა.

ნ3. ხოლო წელსა ამასვე 1804, ქკს უყე, იყო იმერეთს,
რაქას მთასა შინა, ბერი განშორებული, ჯათარიძე ზაქარია. ესე
ხლებოდა კათალიკოზს იმერეთას, მაქსიმეს აბაშიძეს რუსეთს
კიევის, და მაკვლილ იყო რა იგი მუნ, გარდმოსრული მუნით
დაყუდებული იყო მთათა შინა რაქისასა. ესე იყო ფრიად წმინდა
და მლოცავ, რომელ კვარასა ერთს მიიღას საზრდო. ამის სა-
თაყვანოდ მივიდა მეფე სოლომან, არჩილის ძე, და მიუთხრა
რა ბერმან მან მას: „მეფეო, ვიხილე ჩვენება ესე: მოვიდა ვეშაპ
დიდი, წითელი, რომელმანცა შთანგთქა შენ, და გიჩნდა ოდენ
ფერხნი.“ ამანვე განუმარტა ჩვენება ესე: „აღდგების მეფობა შე-
ნი და მიეცევი მწუხარებასა დიდსა და განსაცდელსა დიდსა,
და გმარტებს მოსვლად სინანულად და ვედრებად ღეთისა, რა-
თა განერო ამ განსაცდელისაგან, ხოლო ხალხნი საძეთოის:
შენისანი იქნებიან დიდსა ქირსა შინა და ვალალებასა, რომელ
აღდგების მომსერელი სენი და ფრიად სიყმილი.“ ესე
ყოველივე აუწყა ბერმან მან. გარნა მეფესა, არა ჩაისამე შემგო-
ნებელსა, ეწია ესე ყოველივე ხალხითა თჳისითა, რომელნი-
ცა შემდგომად მეფისა მოისრა ქირითა უმეტეს ნახევარ იმე-
რეთი, და სიყმილითა.

წელსა ამასვე გარდაიცუალა მეფის ირაკლის პირმშობ-
ლის ვახტანგის მეუღლე ქეთევან, ასული კოსტანტინე მუხრან-
ბატონისა, და არა დაშთა ძე და არცა ასული, მარტის 4, და
დაფლეს ნეესკის მონასტერში. საკთ-პეტერბურხსა.

ხოლო წელსა ამასვე აღიშალნენ რუსნი და შვეთელნი.
ბრძვეს წელიწად ნახევარი და მერე დაზაენდნენ, ხოლო რუს-

თა მიუღეს სრულიად ვიფლანდია და კურლანდია, დანაშთიცა, და ეკურთხა მუნ იპიტატორი ალექსანდრე მუნ მეფედ მაჰდა და მიიღო სრულიად ზონად თვისად.

ხოლო წელსა ამასვე 1808, ქკს უევე, სექტემბრის 30, დღესა ოთხშაბათსა, საათსა 9 ღამისასა, ცესკრისა ეამსა გაჩნდა უეტრად ცეცხლი იერუსალიმს, — რომელიცა ჰყვეს სომეხთა დაწვაჲ მისი შურითა ბერძენთათა, რათა შექმდგომად დაწვისა აღეშენებინათ თვთ და განესაკუთრებინათ თვისად იერუსალიმი, — დიდს ეკლესიასა შინა. სადაც არს წმიდა საფლავი ქრისტესი. და დაიწო სრულიად და ყოველნი ნივთნიცა, მღებარენი მას შინა, ურიცხენი განძნი და ეგრეთვე ადგილნიცა მას ეკლესიასა შინა, რომელიცა ეპურათ ფრანგთა და სომეხთა იგიცა სრულიად დაიწო და დაიქცა, დიდი ეკლესიისა გუმბათიცა ჩამოვარდა, რომელი იყო ტყვიისა, ხოლო დარჩა უენოდ ცეცხლსა მას შინა, სადაცა იპოვნეს ძელი ქეშმარიტი, ადგილი იგი და საპყრობილე უფლისა, და წმიდა საფლავი თვისითა კარგებითა დაცულ იქნა უენოდ, და რაოდენიცა მუნ დაიწვენეს ანუ დაიქცეს და წახდეს, ჰსცანით კოსტანტინეპოლის კალინიკეს პატრიარხის მოწერილის კონდაკისაგან, რომელიცა ამის აღშენებისათვის ჰსწერს ყოველსა ქრესტიანისა შიგნისათვის ქრისტიანეთა, და იერუსალიმის პატრიარხის პოლიკარპოსის კონდაკისაგან.

წელსა ამასვე 1808, ქკს უევე, ოქტომბრის 5 წარვიდა ღრაფი ლუდოვიჩი მხედრობითა თვისითა ერევანსა და ეგრეთვე ქარაველთა მხედრობითა დასაპყრობელად. მისრულმან აიღო ქალაქი და დაღვა ქანაქირს. მაშინ ციხე აქუნდა ერევანისა სარდალსა ყენისასა გამაგრებული ფრიად. ვინაითგან მაჰმად ხან მუნებური მოსელისა ეამს წარყევანა ყენენან კოლშვილითა თერანს და არღარა უტევა ერევანს, ვინაითგან იყო მაჰმად ხან ორპირა და შეურჩოიელი, ამისთვის ყენენან. ვერა დაპარწმუნებელმან მისმან, შეაყენნა ციხესა მკვილნი თვისნი და ჰყო გამგედ ერევნისა სარდალი თვისი. მაშინ მსხენელმან აბ. ზ. მირზამ, ძემ-ნ ყენისამან, რომელიცა იყო გამგედ ადრიბეჯა-

ნისა და იდგა თავრიზსა, წარმოემართა მხედრობითა თვისითა და ეგრეთვე ახალის განსწავლულის სპარსთა რეგულის ჯარითა და არტირელიითა, რომელნიცა განასწავლეს ფრანკუტთა; მოსრული აბაზ მირზა ნახჩევანს შესაწევნელად ერევენისად, დადგა მუნ. მსმენელმან ღრაფმან ლუდოვიჩმან წარავლინა პოლკი ორი, — ერთი ტროიციის მუშკატირისა და მეორე იეგრისა. მისრულთა რუსთა ნახჩევანს შემოება აბაზ მირზაჲ. იქმნა მუნ ბრძოლა ძლიერი, და სძლიეს მცირედ ყიზილბაშთაჲ, ვინაჲთგან მხნედ ბრძვეს ახლად განსწავლულთა ყიზილბაშისა რეგულთა, ხოლო ლუდოვიჩმანცა უბრძანა სალდათთა, რათა მიიღგან კიბე და აღვიდნენ ციხესა ზედა ერევენისასა. მაშინ სალდათნი აღვიდნენ კიბესა ზედა, ფიცხელად დაიწყეს ციხით თოფთა ცემაჲ ყიზილბაშთა და ზარბაზანთა. იძლიენენ რუსნი, და მოსწყვიტნეს ორისა ათასისა. ხოლო ჟამსა ამასვე ყოფასა ლუდოვიჩისასა ერევანს, მაშინ გარდაყენებული იქმნა ლუდოვიჩი და ნაკულად მისსა განიწესა ღიანარალ შეფი ტორმოსოვი ალექსანდრე პეტროიჩი. მისრული ესე ტფილისს, წარვიდა ერევანს და მივიდა მუნ. ესჲა რა ესე ღრაფ ლუდოვიჩსა, გამოცვლა თვისი,*) თუშცალა ჰსწადდა კულად მიტანა იერიშისა ციხესა ზედა, გარნა მწყინავ გარდაყენებისა თვისისა, აღიყარა მუნით მხედრობითა და წარმოვიდა აბარანის გზით. მაშინ იყო ფრიალ მძაფრი ყინელი, რომელ მრავალნი სულნი მოსწყდეს სიცივითა აბარანსა ზედა, ვინათგან ზამთარ არა გარდაისვლების მთასა მას ზედა თოვლისა გან და არცა იშოვების შემა. მსმენელი აბაზ მირზაცა, მდგომი გარნისს, ესეცა შეუდგა უკანით რუსთა ვიდრე აბარანდმდე, სადაცა მოსწყვიტნა მრავალნი და იალაფა ბარგი მათი და აწნო დიდათ რუსთა და ქართველთა, რამეთუ იყო მას ჟამს თვე დეკემბრისა და ძლით გარდვიდნენ დანაშთნი რუსნი ფაბაკად და ქართველნიცა. ხოლო აბაზ მირზა უკუნიქცა ერევანს, განამაგრა კულად ერევანი და დაჰპატა მხედრობასა ერევენისასა, და იზამთრა მუნვე. ხოლო

*) მთავარ მართებლობა 4. ამაწ წელი იმთავრა 3.

ღრაფი ლუდოვიჩი წარვიდა რუსეთს, რომელსაც მისცეს მოსკოვს უპირველესი მართველობაჲ, და დაშთა გამგედ ქართლისა ტორმასოვი.

ნ4. ხოლო წელსა 1809, ქკს უეზ, წარგზაენა უკუტ ტორმოსოვმან მხედრობანი თვისნი, მყოფნი იმერეთსა შინა წინაძღობითა დიმიტრი ყაფლანისშვილისათა და მიუწერაცა სოლსა გრიგოლ დადიანისასა მთაერინასა ოდიშისასა მეფის გიორგის ასულსა ნინას, რათა ესეცა შეერთდეს მხედრობითა თვისითა და წარვიდნენ და აღიღონ ციხე ფოტსა, რომელიცა აქუნდათ თურქთა ფრიად გამაგრებული. რამეთუ ესე ნინო იყო ფრიად მხნე დედათაგანი და უშიში ბრძოლისა და ვიდოდა ყოველთვის მხედრობითა თვისითა, რომელსაცა მრავალგზის პირველ რუსთაცა ყოფისა შეემოსა ძლევა იმერთა ზედა. წარსრულნი მოადგნენ ფოტსა, და ადგნენ სამ თვე, ვინაჲთგან ციხე ფოტისა დგა ფრიად მაგარსა ადგილსა და ქანკრობიანსა, რომლისა ახლო მისვლაჲ ფრიად შეუძლებელ არს მხედრობათაგან. მას ეამსა რუსთა მუნ მდგომთა მოაკლდათ ტყვია და წამალი. მცნობპან ტორმოსოვმან ამისმან წარავლინნა ტფილისით ტყვია წამალითურთ, და თეთრიცა მხედრობისათვის და თანა წარატანა როტა ერთი გრანადირისა. მსმენელმან ანისმან მეფემან სოლომან, რომელსაცა აქუნდა პირი პიცეპული თურქთა თანა და სწადდაცა რუსთა ვენეჲჲ, უბრძანა ზემო მხრის სარდალსა წერეთელს ქაიხოსროს, ძესა პაპუნასასა, რათა წარვიდეს და მიუხენას რუსთა მინაქონი იგი ფოტს. მისრულმან წერეთელმან ქაიხოსრომ წარავლინნა კოკნაძენი და თანა წარატანა მხედრობანი, რათა დაესხას რუსთა მათ გზასა ზედა და მოსრან იგინი, და მიუღოს მათ ყოველთვე მონაქვანი. მისრულთა ლელოვანსა ლოსიათხევის გზაზედ კიკნაძეთა ლეონ აბაშიძითურთ, ძისა სვიმონისათა, უყუეს ზედა დასხმაჲ რუსთა, რამეთუ რუსნი, არა მგონებელნი ლალატისანი, იდგნენ უშაშრად, ვინაჲთგან მეფე იმერთა შეპოერთებულიყო რუსთა თანა. მხილველთა რუსთა ესე ვითარისა შემთხვევისათვის იწყეს მათცა თოფთა ცემაჲ. გარნა ვერ უძლეს პირის პირობაჲ რუს-

თა იმერთა და არცა აქუნდათ თანა ზარბაზნნი, და მოსწყვიტნეს იგინი იმერთა ზუნ, ხოლო რაოდენნიმე რუსნი, გარდა რჩობილნი, შევიდნენ და გამაგრდნენ მუნ ეკლესიასა შინა და ევედრნენ იმერთა, რათა განუტევეონ მშვიდობით, რამეთუ არიან იგინი ქრისტიანენი და არა შტჳნის მათ ესე ვითარი საქმისა კმნაჲ, ხოლო იმერთა არწმუნეს ფიცით უენებელობაჲ და გამოსრულნი საყდრით მოსწყვიტნეს იგი რუსნიცა სრულებით და მიუღეს ყოველივე მინაქუნი მათ იმერთა, და იალაფეს. მსმენელი ამისი ტორმოსოვი განჰკვირდა ამა უკუანსა მოქმედებასა მეფისასა, და არცა ჰგონებდა ამას, ვინაითგან ეფუცა მეფესა ერთგულებასა ზედა იმპერატორისასა. და მიუწერა მეფესა შერისხვით ტორმოსოვმან და ჰკითხა, რაი მიზეზი არსო უბრალოთა კაცთა მოწყვეტაჲ, გარნა მეფემ თუშცალა არწმუნა, ვითარმედ მის მიერ არა ეწარმოვა საქმესა ამას, არამედ ავაზაკთაგან იქმნაო, გარნა ტორმოსოვი, არა მრწმუნებელი ამისი, შევიდა აზრსა, რათა ჰყოს ნაცუალი ამისი და შეიპყრას მეფეცა.

ხოლო რუსთაცა აღიღეს ფოტის ციხე, სადაცა ფრიად მხნედ გამოჩნდა მთავრინა ნინაცა, და შეაყენეს ციხესა შინა გუშაგნი თვისნი და უკუნ იქცნენ რუსნი და ოდიშელნი.

ნწ. წელსა 1810, ქკს უეც, მოვიდა ძე ყენისა ბაზახანისა მაჰმად ალიხან *). ამან აჰყარა თანბაკი სრულიად და დაასახლა ერევანს, წარმო მართა მუნით, მოვიდა აღჯაყალას და დადგა თულქითაფასა ზედა. მოსტყვევნა დამანისდმდე და კოდადმდე, და უკუნიქცა. თუმცალა რუსთა მხედრობაი იდგა გატეხილ ხიდზედა, გარნა არა წარმოიშვა მათ შორის ბრძოლაჲ, და ეგრეთვე რუსთაცა, შიშვნეულთა სპარსთათა, ვერ წარ-

*) ესე მაჰმად ალიხანი ჰეფა ბაზახან ყენისა თუშის ცისკარაშვილის ქალთან, რომელიცა ცხვედ წარეყვანათ ლეკთა თუშეთით და განეყოღათ სპარსეთში, რომელიცა ყოინა მას და მშვენიერების გამო შეერია ცოლად და ესე მაჰმად ალიხან ამისგან ყოლა. ესე არის პირველი შვილი ბაზახან ყენისა.

გზავნეს მათ ზედა ცხენოსანნი თვისნი მით, რამეთუ ფრიად
უხზარ არიან საქართველოსა შინა ცხენოსანნი რუსთანი.

ხოლო წეღსა ამასვე 1810, ქქს ლექს, კულად ლამოდა
მეფე სოლომან წინა აღდგომობასა რუსთასა და აწვევდა აზრუ-
მის სარასკარსა, რათა ჩამოვიდეს თურქთა მხედრობითა და დაი-
პყრას იმერეთი და გაჰყარონ რუსნიცა. მსმენელმან ტორმო-
სოვმან ამისმან იხმო წერეთელი საილთხუცესი ზურაბ და გე-
ნათელი ეფთვიმე, და არწმუნა მათ, რათა ჰყონ მშვიდობაჲ
შორის მეფისა და რუსეთისა. რამეთუ დროსა ამას წარსულად
იყო გამზადებული ტორმოსოვი არეზსა ზედა ყარაბაღს, რამე-
თუ მოსრულ იყო ყენილამ ვეზირი მირზა ბუზურგ, რათა ჰყონ
ურთიერთთა ზავი და მშვიდობაჲ, და დაუღონ საზღუარნიცა
ქართლსა და სპარსეთსა. ჩასრულმან წერეთელმან და გენა-
თელმან არწმუნეს მეფეს სოლომანს ფიციტ და ლანარალ მი-
ორმანცა სვიმონოვიჩმა, რომელ იღვა მხედრობითა ქუთაისს,
უვნებლობაჲ მისი და მტკიცედ ჰყრობაჲ იმერეთისავე. ამათ-
მან დამრწმუნებელმან მეფეჲს სოლომან მიუწოდა ტორმოსო-
სა, რათა იხილონ ურთიერთი და ჰყონ ზავი მტკიცე. მსმე-
ნელი ამისი ტორმოსოვი იქმნა ფრიად მოხარულ, და მიუწერა
მეფესა, რათა წარმოემართოს იგი იმერეთით და იხილონ ურთი-
ერთი ქართლს, ლოფელსა დირბსა. მოსრული მუნ მეფე სოლო-
მან, დახვდა მუნ ტორმოსოვეცა, და პატივ ჰსცა, ვითარცა ჯერ
იყო, ხოლო ღამესა მას შემოახვია ჯარი და ჯანტეზა ფიცი
თვისი და შეიპყრა მეფე, აპრილის 14-ს, და მოიყვანა ტფილისს
და დააყენა ყარაულნი; ხოლო საქმე იმერეთისა მიანდო ღია-
ნარალ სვიმონოვიჩსა და ზურაბ წერეთელსა, რათა ურთიერთ-
არს ჰკითხვითა მართებდნენ იმერეთსა. ჩასრულთა ამათ იმე-
რეთს აფუცეს ყოველთა იმერთა, სამღვდელთა და საეროთა,
ერაგულებასა ზედა ხელმწიფისასა, და მიერთ დაიპყრეს რუს-
თა იმერეთი. ესე ყოველი აღუწყა ტორმოსოვმან იპერატორსა,
და თჳთ წარემართა არეზისა კერძ, ხოლო მეფე დაუტევა
ტფილისს ლუბერნატორის ახვერდოვისათანა. მაშინ წერეთელ-
მან ქაიხოსრომ, ძემან პაპუნასამან, მოიყიდა დესეტნიკი ერთი

იმერთაგანი, ესე იგი ასასი ტფილისისა: უკეთუ განაპარებს მეფესა, მისცემს მას მეფე შესაბამსა პატივსა. მსმენელმან მისმან დესეტნიკმან აღუთქუა ესე მტკიცედ ყოფად, და ამცნო მათ, რათა იგინი, აღქურვილნი, დასდგნენ მზად განჯის კარისა კერძო ხევისა შინა. ხოლო ღამესა მას, მაისის 13-ს, რომელი თენდებოდა შუა ზატიკის დღესასწაული, ამცნო ესე მეფესა წერეთელმან. მაშინ დესეტნიკი შევიდა მეფისა თანა და შემოსა სამოსელი თვისი, აჰილა ტიკპორა ღვინოთა სავსეი და წარიმძლუნა წინა. ხოლო მეფემან ამცნო შინა ფარეწსა თვისსა, რათა ჩაწვეს იგი ქრტქსაგებსა მეფისასა, რეცა ჰგონონ მუნ მყოფთა ყარაულთა მეფისა მუნვე ყოფნაჲ. მაშინ მსმენელი ამისი ფარეში იგი ჩაწვა საგებელსა მეფესასა და შესწირა სისხლი თვისი ერთგულებასა ზედა პატრონისა თვისისასა. მაშინ დესეტნიკმან მან განიყვანა მეფე სოლომან აბანოს კარსა ზედა, და მიჰყარა იმერთა, რომელნიცა შეთქმულიყვნენ. თავადნი და აზნაურნი, რიცხვით 30, ასხდნენ ცხენთა ზედა და წარვიდნენ უძოს გზით თრიალეთისა კერძო. ხოლო განრავიდნენ თრიალეთს, ემთხვიათ ლეკთა მხედრობაჲ, წინაძლომითა ნურ მაჰმად ბელადისათა ოსოქოლელისათა ვიდრე სამასადმდე. თუმცალა შეკრთნენ იმერნი მათგან, გარნა მსწრაფლ რა აუწყეს მას, მოვიდა ნურმაჰმად და თაყვანილსა მეფესა, რომელსაცა იცნობდა იგი. წარუძღვენენ წინა და აღიყვანეს ახალკახეს შარიფ ფაშისა ათაბაგისა თანა, რომელმანცა მოაგება ცხენი ოქროთი აღკაზმული მეფესა, და შეიყვანა ქალაქსა შინა დიდისა დიდებითა. თუმცალა მეფერესა დღესა შეუდგნენ რუსნიცა უკანა წინაძლომითა რევაზ გერმანოზის შევილისათა, რომელსა დღესაღლიდ უხმობდნენ, რათა შეეპყრათ მეფე, გარნა უქმ იქმნა შრომაჲ მათი და უკუნ იქცნენ. ხოლო ლუბერნატორმან ჰკითხა მეჯინიბესა მეფისასა, ვითარ გაიპარა მეფე. რომელმანცა პასუხ უგო ესრეთ, მეჯინიბემან: „აჰა ცხენი მეფისა, რომელი მებარა მე, და მეფე შენ გებარა, რაი უყაო. ამას ზედან ხალხთა გაეცინათ, და განუტევეს მეჯინიბე იგი. ესე ყოველი აუწყა ლუბერნატორმან ტარპოსოვსა, რომელიცა მას ეამს, არა თან ხმობილნი

ზავისანი ყიზილბაშნი უკუნეკენ, ხოლო ტორმოსოვიცა მოკი-
და ტფილისსა, და შეიპყრა პოლიცემისტარი (ესე იგი ნაცუალი)
გოსტაშაბისშვილი დავით, და ნინია სუბატისშვილი, და ეგ-
რეთვე უბრალო სულნი, დესეტნიკნი, 1) პენტელაშვილი მაქ-
სიმე ივანეს ძე, 2) გოგია იმერელი, 3) ახნაური ფალავანდი-
შვილი, 4) გორელი სომეხი იოვანე. ესენი უბრალონი და
არარისა შემკოდენი, — შესმენითა ლუბერნატორისა ახვერდოვის
მიერ განძნდა ტორმოსოვი, — და დახვრიტნა თოფითა ტფი-
ლისს ავლაბრის რიყესა ზედა, რათა ამითგან ემართლებინა თა-
ვი თვისი, სამნივე დესეტნიკნი. ხოლო დაფლეს რა ესენი ავლა-
ბარშივე, ხოჯა მელიქის საყჯრის გარდაჰსწერივ მინდორსა ზე-
და, და დააყენეს ყარაული რუსთა, რათა არა მოიპარონ გვამ-
ნი მათნი ქართველთა. ზ საკვრველი, რამეთუ ღამესა მას საფ-
ლავთა მათთა დაადგათ ნათელი ზეგარდამო, რომლისა გამო
შეშინდნენ მკტბლნი იგი სალდათნი, და დაეცნენ მუხლთა
ზედა, და თაყვანი სცეს მათ. ესე ყოველივე აუწყეს სალდათთა
მათ ტორპასოვსა, რომელიცა ფრიად შეშინდა და იწყო სი-
ნანულად, და უბრძანა სალდათთა მათ, რათა არვის უთხრან
ხილვა იგი. გარნა მცხოვრებელთაცა ტფილისისა და ავლაბრი-
სათა იხილეს მრავალთა საქმე იგი, და აღიდებდნენ ღმერთსა.
ხოლო დავით გოსტაშაბისშვილი და ნინია სუბატისშვილი ფა-
რეშითა მით, რომელი ჩაწუა ქტბშსავებსა შინა მეფისასა, წა-
რავლინეს ციბირს სალდათთა; მისრულნი დააყენეს პერშს. ფა-
რეში იგი მოკუდა მუნ, ხოლო ნინია სუბატოვი, უბრალოდ
დასჯილი, განუტევა იპერატორმან, და დავით გოსტაშაბისშვი-
ლიც შემდგომად ორის წლისა ისიცა განუტევეს მუნით.

ნნ. წელსა 1810, ქკს უეს, მოკუდა სომეხთა ორქივა-
ტერი დანიელო, და იპერატორმან აღექსანდრემ დასო ორქი-
ვატრად ეფრემ. ამან ეფრემმან დროსა ხოჯასასა, ოდეს აღილო
ტფილისი, დაიხნა ტყვენი მუნებურნი თეთრითა თვისითა, ას
სულამდინ, ვითარცა სომეხნი, ეგრეთვე ქართულებიცა. ესე
იყო არაჯნურთი რუსეთისა, და დასვეს ორქივატკრად.

ხოლო წელსა ამასვე 1810, ქ^რკს ჯ^რკს, სცნეს რა იმერთა მეფისა აღესვლაჲ ახალციხეს, შეიქმნა მათ შორის აღრეულე-ბაჲ და ადგილ ადგილ ამბოხი, უმეტეს ზემო მხარსა შინა, რომლისა ამბოხ-ს თავი იქმნა ქაქუჩელა აბაშიძე, საქარელი. მაშინ სვიმონოვიჩჰან ღიანარალმან, ვინაჲთჳან იგი მართებდა იმერეთსა შემდგომად შეპყრობისა იმერთა მეფისასა, წარგზავ-ნა მას ზედა მაიორი კალატოზის შვილი პავლე ორასითა სალ-დათითა და ზარბაზნებითა. მოვიდა იგი ზაქარას. მუნ წარმოი-შუა შორის ღათსა ბრძოლაჲ, იძლიენენ რუსნი, და მოკლეს მაიორი იგი. მას ჟამსა შინა მეფემანცა სოლომან მოიკრიბნა რაოდენნიზე, ახალციხესა მყოფნი ლეკნი, და შთავიდა იმე-რეთს ავალრევილებში. მუნ მოერთენენ სრულიად იმერნი და განძლიერდა შფოთი. ღიანარალ სვიმონოვიჩი, შიშვნეული რმერ-თაგან, გამაგრდა ქუთაისს, და იხმო შემწვედ თვსად დადიანი ლეონ მით, რამეთუ დადიანსა და მეფესა შორის იყო ფრიად მტერობაჲ ამად, რომელ მეფემან უწინარეს რუსთა შთასვლისა მოწუა სრულიად ოდიში და სწადდა აღწყვეტაჲ დადიანთა სახლისა. რომლისა გამო იძულებული და შიშვნეული სახლი დადიანისა შევიდა საფარველსა ქუტსშე რუსთასა, ვითარცა ზე-მო მოვიხსენეთ. სცნა რა ესეტორამასოვმან, წარგზავნა საშვე-ლად სვიმონოვიჩისა ღიანარალ მაიორი დიმიტრი ყაფლანის-შვილი. ავიდა რა სურამს, მუნ განჰყო მხედრობაჲ თვისი, ნახე-ვარი წარგზავნა კორტოხტის მთის კერძო საშველად წერეთ-ლის ზურაბ, უპირველესის გვამისა იმერეთისა და სახლთუხუ-ცესისა მეფისა. ესე ზურაბ ორგულ ექმნა მეფესა და მივიდა რუსთა თანა. და თვთ დიმიტრი ყაფლანისშვილი მივიდა ზედა უბანსა; ხოლო ნახევარი ესე, მივიდნენ რა კორტოხტსა, დახ-ვდა მუნ ენდრონიკაშვილი მელქისედეკ, სიძე მეფისა, და წე-რეთელი როსტომ, ძე პაპუნასი, იმერთა მხედრობითა. იქნა მუნ ბრძოლაჲ ძლიერი, იძლიენენ რუსნი და მოსწყდნენ უმეტეს ხუთასისა რუსნი, და დანაშთნი დამაგრდნენ სიპაგრესა შინა, და მოადგენ გარს იმერნი. სცნა რა ყაფლანისშვილმან, წარვი-და ზედა უბანითა საშველად მათდა, და, მივიდა რა, გაეცალნენ

იმერნი. მოიკრიბნა ყაფლანის შვილმანცა დანაშთნი მხედრობანიცა რუსთანი, უკუნეჲცა და კულაღვე მოვიდა სურამს და მუ'ით წარკიდა საფიჩხის გზითა. იმერთა უკატს ჩაებერგათ საფიჩხე. განკლო სროლითა და მივიდა ნებოძარს, მუნითცა აღიყარა, შთავლო სროლითა, და მივიდა ზედა უბანსა, მუნ მსცნა იმერთაგან გარმოდგომაჲ ჩხერის ციხისა მაშინ, რომელიცა ეპყრა რუსთა, ვინაჲთგან მეფესა ჟამსა პატიმრობისასა გამოართვეს ყოველნივე ციხენი. წარვიდა საშველად მათდა წითელკლდის გზითა, ჩავლო დიდისა გაქირებითა, ვინაჲთგან იმერნი მარადის ბრძოლიან და მივიდა ჩხერსა. მუნ მოვიდა ბარონ როზინი დიანარალ ლეიტენანტი მთავრად დიმიტრისად მხედრობასა ზედან მით, რამეთუ დიმიტრი ყაფლანის შვილი ვინაჲთგან იყო კაცი უმეტარი და მსგავსი პირუტყვეთა და ვერ უძლოდა მხედრობასა მას კარგითა მძლჳანელობითა. იქმნა მახლობელ ჩხერისა ომი ფრიად, იძლიენენ იმერნი. მუნ მოკლეს მძლჳანი იმერთა აბაშიძე დიმიტრი, ძე სვიგონისი, რომელიცა იყო განლტოლოვილ მათ, რამეთუ მოკლა მან ძპითურთ თვისით ლეონით ბიძაწული თვისი დავით და იოსებ ერთსა ურემსა ძნასა ზედა. მუნ მოიბირნა ბარონ როზინმან რაოდენნიმე კიკნაძენი, და მოვიდა მუნით ლოსიად ხევადძდე. გზასა ზედას დასწვეს რუსთა ჩხეიძენი. მუნით შთავლეს ზესთაფუნსა და მივიდნენ ცხრა წყაროს, მუნცა იქმნა ბრძოლაჲ, და ოდეს რუსთა ვერღარა იშოვეს გზაჲ მისცლად ქუთაქსს, მოვიდნენ მუნით ბურღნალსა და მუნით კიშურას. იქმნა მუნ ბრძოლაჲ ძლიერი, გარნა იძლიენენ იმერნი. მაშინ მეფე სოლომან იმყოფებოდა ვაკეში და იდგა მალლაცს პირის პირ დადიანისა, ვინაჲთგან იგი მოვიდოდა შველად რუსთა, ხოლო დადიან ლეონცა მოვიდა ჯიხაიშსა, მუნ მოერთო აფხაზთა მხედრობაცა, და მუნით მოვიდა კვახის წყალსა და მუნით ნამშვესა. მუნ შთავიდა დადიანისათანა ხუთასი რუსი პირისპირ მეფისა. წარმოიშუა მუნ ბრძოლაჲ შორის იმერთა და ოდიშართა, მუნ იძლიენენ ოდიშარნი. მუნით დადიანი და წერეთელი აღმოვიდნენ ქუთაისს. მ-ნ მოვიდა ბარონ როზინიცა სვიმონოვიჩთანა. მაშინ წარუძღუა დადიანი და წერე-

თელი ზურაბ რუსთა მეფესა ზედან. სცნა რა მეფემან, ულო-
ნო კმნაღმან, ვინაჲთგან ვერ ძალ იდუა ბრძოლაჲ, წარვიდა ხა-
ნის მთით ახალციხედ და გამოუტევა მუნით გზით მეუღლე
თვისი დედოფალი მარიამ და დაჲ თვისი მათა, რომელნიცა მი-
ვიდნენ ოდიშს, სამშობლოსა თვისსა, სახლსა დადიანისასა. ხო-
ლო ოდიშართაცა მოსწვეს სრულიად ეაკე იმერეთი და მოს-
ტყვევნეს, და სახლიცა აგიაშვილისა, ყოველთა იმერთა შორის
წარჩინებული, დასწვეს და დაუქციეს ციხეც ქეთთვირისა. ხო-
ლო ტორმასოვმან ჰსთხოვა დადიანსა ცოლი მეფისა დედოფა-
ლი მარიამ, და გარდაიყვანეს ტფილისს მეფის დით მამათი,
რომელიცა იყო მეუღლე ენდრონიკა ჯვილის მელქისაედეისი,
და მუნით ორნივე წარგზავნეს რუსეთად და პატიმარ ჰყვეს
ვარონიჩისა ქალაქსა შინა.

ხოლო ოდეს მეფე შთავიდა იმერეთს, ამან თანა შთაიყ-
ვანა მეფის ძის იულონის ძე ლეონ და შეგზავნა რაქის მთით
მთათა შინა ლიახვისთა ოვსეთს, რათა მან აღძრას ოვსნი პი-
რის-პირ რუსთა.

ამან, მისრულმან ლიახვისა ზედა, შემოიყარნა ოვსნი და
მოვიდა მახლობელ გრცხინვალისა. სცნა რა ესე ახვერდოვმან,
ლუბერნატორმან ქართლისამან, აღვიდა გრცხივალს რუსთა
მხედრობითა და ოდეს ვერ უძლო ბრძოლაჲ ოვსთა, დამაგრდა
ციხესა შინა ცხინვალისასა. მაშინ ოვსთა მოწვეს და მოაოხრეს
გარემონი ცხინვალისანი და თვთ გრცხინვალიცა, და უკუნ
იქცნენ. მაშინ ტორმასოვმან შეგზავნა ქვრივს ფრიადი მხედ-
რობაჲ რუსთა და მათ მოსწვეს ქვრივი, და ვერღარა დადგა
ლეონ კოშკას და აღვიდა ნარას; ნარელთა ჰსცეს მას პატრივი,
ვითარცა პატრონსა თვისსა. შემგომად შეიპყრეს რუსთა მაჩა-
ბელი ლუარსაბ და ბაადურ ბორტის შვილი; მაჩაბელი ლუარ-
საბ წარგზავნეს პყრობილად რუსეთსა შინა და ბაადურ მოკუდა
ციხესა ტფილისისასა პყრობილად, და შთამოართჳს თავიანთი
ყმა და მამული და დადევს სახელმწიფოდ, ვითარცა ჯავახიშვი-
ლის ესტატისა და თარხნისშვილთა, ძეთა დიმიტრისათა. მაში
იჩნჳა ტორმასოვთანა მუხრანის ბატონისშვილმან ერმიმ, ძემან

სეიმონ ნასახიბაშისამან, რათა იგი წარავლინოს ოვსეტსა და იგი შეაპყრობს ლეონს მუნ. რომელსა ზედა თანხმობილ იქმნა-ცა ტორმოსოვი და წარგზავნა იგი მუნ. მისრული ერმი ნარას, სწადდა შეტყუებითა შეპარება ლეონისა, რათა მან წარწყმინდოს იგი. სცნა ესე ლეონ, შეიპყრა იგი და ლამოდა თავის წარკუტათასა მისსა, ხოლო ოსთა არა ინებეს სიკუდილი მისი, არამედ დაასხნევენეს ორას თუმნათ თეთრ ფულად თავი და განუტევეს; რომელსაც რუსთა არა რაჲმე მისცეს მას, არამედ თეთრითა თვისითა დაისხნა თავი თვისი, და მიექცა სიციბილი თვისი თავსა ზედა თვისსა.

ხოლო დროსა ამასევე, წელსა 1810, ქკს უეს, წარუვლინა მეფის ძემ ალექსანდრემ ერევანით ლეონს მთასა შინა დოღაძე იესე, კაცი მართალი და წმინდა, ვინაჲთგან იყო გაზრდილი მისი ლეონ, და თანა წარატანნა ტანისამოსი და რაოდენნიმე თეთრი. მოსრული დოღაძე სასირეთს ისტუმრა ტარიელ გლურჯიძემ და განუსვენა ღამესა მას, ხოლო დღესა მეორესა, წარვიდა რა დოღაძე, ამცნო ესე გორს ციციშვილს დავითს, ძესა ზაქარიასასა, რამეთუ ესე დავით იყო მასჲმსა მარშალი (ესე იგი მაზრის მოღურავი). ამან შეუყრნა გზანი დოღაძეს, შეიპყრა იგი და მიჰგვარა რუსთა, და მიუღო მინაქუანიცა იგი. ესე აცნობეს რუსთა ტორმოსოვს გორით, და მიუწერა კამენდატსა გორისასა, რათა მოაშთოს იგი მუნ, რამეთუ ტორმოსოვი იყო ფრიად მოსისხლე კაცი. ევედრა დოღაძე კამენდატსა, რათა ჰსცეს ნება აღსარებისა და ზიარებისა, ხოლო მანცა აღუსრულა ესე; რომელმანცა აღუარა აღსარებასა შინა ერთგულება რუსთა და სიწმინდით ყოფნაჲ დედის მუცლით თვისითგან, და ქეშმარიტად მტკიცედ პყრობაჲ საწმინდოებისა ქრისტესისა, და ესრეთ ეზიარა წმინდისა სისხლსა და ხორცსა მაცხოვრისასა და შევედრა სული თვისი უფალსა. მაშინ დამოჰკიდეს ძელსა და მოაშთჲს იგი მუნ და დაუდგინეს მკუტლად ყარაულნი რუსთანი. ხოლო ღამესა მას დაადგრა ნათელი ზეგარდამო გუამსა მისსა ზედა. მხილველთა მკუტლთა მისთა, იხილეს რა ესე, შეშინდნენ ფრიად, და დაჰსცივიდნენ

მიწასა ზედა, და თაყვანი სცეს მათ, წარვიდნენ და აუწყეს ესე კამანდეტსა. მსმენელი ამისი კამენდანტი წარემართა და იხილა თვთა ნათელი მას ზედა, და ეგრეთვე გორის ხალხთაცა მრავალთა. მაშინ ევედრა მთავარეპისკოპოსი იუსტინე მალალაშვილი, რათა მისცეს ნებაჲ დაფლვსა მისისა. და ნებაჲჲ კაცა კამენდატჲანცა. მაშინ შემურეს წმინდა იგი გვამი მისი, და დაფლა იგი მთავარ ეპისკოპოსმან სასაფლაოსა ზედა გორს ეკლესიასა შინა, და შეირაცხა წმინდათა შორის და იხარებს წინაშე სამებისა და მეოხ არს ჩუქნთვის და შეირაცხა წმინდათა შორის; ესე იყო თჳსსა ნოემბერსა.

57. ხოლო წელსა 1810, ქკს უუტ, ტფილელი არსენის, ნაიბის ძეს,— და ვინაჲთგან განადიდეს ესე რუსთა ფრიად მეტოქედ კათალიკოზისად, ვინაჲთგან არღარა სწადდათ რუსთა, რათამცა ძე მეფისა ყოფილიყო მუნ და აღარც სწადდათ, რათა ყოფილიყო კულად სხვა ვინმე კათალიკოზად, გარნა თვნიერ თვსთა რუსთა არქიერი, ამის მიზეზისათვის,— რომელსაცა მისცეს თეთრი ბარტყულაჲ ჯვართურთ და კავლერიაცა ანნასი. ამან აღამაღლა თავი თვისი ტფილისსა შინა და არღარა მორჩილ ექმნა კათალიკოზსა ანტონის, არამედ ხალოდა მხოლოდ სინოდსა. ამან დღესა შობისა იპერატორისასა, დეკემბრის 12, ოდეს სიონსა შინა ჰსწირევდა კათალიკოზი და იყო მუნ ტორმოსოვიცა და სხვანი ჩინებულნი, შეკრებულნი მას ეამს საკურთხეველსა შინა, გაღახა რუსთა პროთა პოპი აღექსი პეტრიევი ჯოხითა და დამშლელსა მისსა არხიეპისკოპოზსა ვარლაამს, რომელიცა იყო ახლად გარდასრული რუსეთით და იყო სინოდის ჩლენიცა, ავინა მას უშვერად. ამის გამო იჩივლა აღექსიმ ტორმოსოვთანა. რომელიცა მიუწერა კათალიკოზსა, რათა ჰყოს კრება სამღვდელთა და კადნაერებისა ამასთვის დასაჯონ ტფილელი არსენი. მსმენელმან ამისმან კათალიკოზმან შეგოკრიბნა მღვდელთ მთავარნი, და არხიმანდრიტნი, და მღვდელნი და ქმნეს კრებაჲ. ესენი იხსდნენ კრებასა ამას შინა: მთავარეპისკოპოსი იუსტინე მალალაშვილი, ბოდბელი მიტრაპოლიტი იოვანე მაყაშვილი, რუსთველი სტეფანე ჯორჯაძე,

წილკნელ სამთავნელი გერვასი მაქავარიანი და სხვანი არქიმანდრიტნი და მღვდელნი. თუმცაღა კათალიკოზი კრებითურთ აწვევდნენ მრავალგზის ტფილელსა, რათა მოვიდეს და დაეგოს შემკოდეთა მათ, გარნა, არა მნებებელმან ამისმან, არა რადმე შერაცხა კრება იგი და არცარა უსმინა მან, ვინაითგან იყო თავხედი, და აპარტავანი, და გულ ფიცხი. ამად კრებაჲან გაჰკვეთეს იგი და მიუღეს ტფილელობაცა, და განუწესეს, რათა წარკიდეს მონასტერსა შინა და იყოს ექვსი თჳს მუნ უწირავად. ხოლო მანცა. არა ამისმან მნებებელმან, განამაგრა სახლი თვისი და არა რად შერაცხა შერის:ვაჟ კრებისა; ამისთვს სრულიად მიუღეს ყოველივე ნებაჲ. მხილველთა რუსთაცა ესე ვითარისა განხეთქილებისათვის საღვდელლოთა შორის აუწყეს იერატორსა, რომელსაჲ ებრძანა, რათა დაამშვიდონ მუნ იგინი, და ნებითა ხელმწიფისათა მიუწოდეს კათალიკოზს ანტონის პეტერბურდს, ვინაითგან რუსთა არღარა ჰსწადდათ, რათამცა ყოფილიყო მუნ კათალიკოზი და აღეზოცა მუნ კათალიკოზობაჲ ამისთვის. მაშინ წარვიდა კათალიკოზიცა რუსეთს 1810 წელს, და მისრულსა პეტერბურხს წელსა 1811, ქკაა უეთ, მიუღეს კათალიკოზობაჲ და განუჩინეს ჯამაგირად ათასი თუმანა თეთრი ფული, და მიჰსცეს კვალერია ლურჯი ანდრისა, ხოლო ქართლსა ჰყვეს მიტრაპოლიტად ვარლამ, ქსნის ერისთვს ძე, დავითისი, და უწოდეს მიტრაპოლიტი მცხეთისა და სრულიად ქართლისა ეგზარქობითურთ და დაუდევს იმერეთიცა ეპარხიად და მიანდევს ყოველნივე ეპისკოპოსნი და სამღვდელონი საქართულოსანი, რათა დამწყოს იგი კანონისამებრ რუსთა ეკლესიისა. ხოლო მიძღებან ვარლამ მიტრაპოლიტობისამან ვერა რამე მოაგო რუსთა წესთსა, რამეთუ იყო კაცი ესე უფრო სულიერ, ვიდრეღა საქმისა აღმასრულებელ, და ვერცა მიუღო ეპარხია ქართლ-კახეთისა ეპისკოპოზთა, არამედ ეპყრა მხოლოდ მცხეთა და ალავერდი და არც იმერთა თავს იღეს ამის მონებასა ქჳსუე შესვლაჲ. და მიერ დღითგან აღიღეს კათალიკოზობაჲ ქართლისა, რომელიცა დროსა დიდისა ვახტანგ გორგასლანისასა დასვენს კრე-

ბამან მეექუსემან წმიდისა მსოფლიოსამან შეჩვენებით, რათა არა აღიღოს არავისგან ქართლს კათალიკოზობაჲ და იყოს თავისუფალ ყოველთაგან, და აქუნდეს პატივი იგი, ვითარცა აქუთ პატივი ოთხთ მსოფლიოთა პატრიარქთა. 1-ლი კათალიკოზი იყო პეტრე, რომელმანცა მიიღო ტახტი საკათალიკოზო ქრისტეს აქუთ წელსა 473, და ამიერ დღითგან იჯდა კათალიკოზი თავისუფლად აქამომდე. ესე ანტონი კათალიკოზი იყო 111 კათალიკოზი ქართლისა, რანიცა იხსდენ. აღიღეს რუსთა კათალიკოზობაჲ 1810 წელსა.

58. ხოლო წელსა 1810, ქკს უყც, წარვიდა სპარსეთით მთავარი ერევნისა ჰუსეინ ყული ხან ორი ათასითა მხედრობითა სპარსთათა და მივიდა ახალქალაქს, ჯავახეთს. მუნ მოელოდა ახალციხისა ფაშასა შარიფს მხედრობითა თვისითა და მეფის ძესაცა ალექსანდრეს. და სწადდა ზედა დასხმაჲ სომხითისა. წარვიდა ტორმასოვი რუსთა მხედრობითა და დადგა წალკას, მუნით წარგზავნა ღიანარალ მაიორი იტალიანელი, მარკიზად სახელდებული, რომელიცა ჰყვა დეჟურნის ღიანარალად,—ათასითა სალდათითა და ხუთასითა ქართუტლითა. მივიდნენ ღამით წინამძღომითა სარვანელის თათრის ელიაზა იბრემ ხალილაშვილისათა და დაეცნენ ახალქალაქსა სპარსთა და განაბნივნეს სპარსნი. მხილველი ამის ფაშა ვერლარა მოვიდა სარდლისა თანა, და სარდალიცა უკუნიქცა ერევნად. მაშინ ძე ყენისა აბაზ მირზა იდგა გარნისს, მუნით განივლტო მეფის გიორგის ძე თეიმურაზ ჯვარის ამალღების დღეს, 14 სექტემბერს, რომელიცა იმყოფებოდა ძესთან ყენისასა აბაზ მირზაჲსათანა დიდითა პატივითა თავად თოფხანათა ზედა, ახლად განსწავლულთა რეგულთა ზედან სპარსთასა. და მივიდა ტორმასოვთან, რომელიცა იდუმალ ტორმასოვი ეზრახოდა და შეუჩინა გამზდელი ლალა მისი პეტრე ლარაძე აზნაური, რომელმანცა მოაცუთუნა და მოიყვანა მუნით. ხოლო მოვიდა რა ტფილისს, წარგზავნა იგიცა რუსეთსა შინა..

კუალად წელსავე 1810, სექტემბრის 16, რუსთ გავემარჯვათ ბაბახან ყენის შვილზედ აბაზ-მირზაზედ ფანბაქს, ჰამამ-ლუს სოფელს.

წელსა ამასვე 1811, ქკს უეთ, აპრილის 5 მოკულა ქავ-
ქავაძე გარსევან ეშუაბაში წყალმანკით პეტერბურხს, გამცემი
მეფობისა და მამულისა ძვისისა ორგულერ.

წელსა ამასვე 1811, მაისის 14, მზე დაბნელდა შუადღის
შემდგომად 4 საათს, კვირას დღეს. რომელიცა დაუსახვიდა
მოსკოვს დიდს უბედურებას.

წელსა ამასვე 1811, ივნისის 14, ღამესა ოთხშაბათს დაბ-
ნელდა მთავარე ვითარცა წყვილიდ ღამე უკუნი, ხოლო მთო-
ვარე იყო რიცხვით 6 კულად ამ წელსავე განათავისუფლა
იმპერატორმან ალექსანდრემ დედოფალი მარიამ, მეუღლე მე-
ფისა გიორგისა, პერობილი. ბელიგოროდის მონასტრით მო-
იყვანეს მოსკოვს.

წელსა ამასვე 1811, ქკს უეთ, აგვისტოს 28, ღამესა
საათსა 10, გამოჩნდა ვასკულაფი კომეტა (და იდგა ნოემბრის
გასვლადმდე ვარსკულაფი ესე ყოველსა ღამესა. ესეცა დაუსახ-
ვიდა მოსკოვისა ქალაქსა დიდსა ვნებასა, და რუსთა და ევრო-
პიელთა შორის დიდსა სისხლისა ღვრასა, რომელიცა იქმნა
შემდგომსა წელსა ამის გამოჩენისასა. სახე აქუნდა ამ გურად.
და გაშლილი ბოლო ვითარცა ფარშავენგსა, გრძლად). ხოლო
გამოჩენილამ ამა ვარსკულაფისა განსრული იყო წელი 513.
რომელ არღარასად იხილვებოდა ვარსკულაფი ესე.

ხოლო წელსა ამასვე 1811, ქკს უეთ, ვინაჲთგან ველარ
დასდგა ლეონ ოვესთსა შინა, წარმოვიდა ახალციხეს მეფის
სოლომანისთანა; მიიწია რა ხეობას, პეტრეს ციხეში მოკლეს
ლეკთა, მომევალთა ქართლს სადავლაოდ, მინდობითა. ჰსცნა რა
ფაშამან ახალციხისამან შარიფ, მოაშაუნა ლეკნი იგინი სრუ-
ლიად, და გუამი ლეონისა ალატანინა მეფეჲმან სოლომან და
დაფლა აწყურს, ეკლესიასა შინა, ხოლო ლეკთაცა დაღის-
ტანსა შინა, მსმენელთა სიკვდილისათვის ლეონისა, გუარ-ტო-
მობისა მისისათვის აღწყვიტნეს სოფელსა მათ შინა მკულელ-
თა მათ სახლეულნიცა სრულიად.

ხოლო წელსა 1811, ქკს უეთ, მოიკრიბნა ტორმასოვმან
მხედრობანი ამერ-იმერთანი და მხედრობანიცა რუსთანი, თჳცსა

ნომებერსა აღვიდა და მოადგა ახალციხესა. გარ მოდგომილიყო თჳსა ერთსა, და აწარმოეს ციხეთა ზედან ყუნბარისა სროლაჲ. განმძხდნენ თურქნი და იძლივნენ რუსნი და იმერნი, შესრულნი ციხესა შინა, და მიუღეს ორიცა ზარბაზანი თურქთა და ბავრაცა წმადისა მეფისა დავით აღმაშენებლისა, რომელიცა თანა აქუნდათ იმერთა, მით, რამეთუ კერძოსა ძლით იმერთასა იძლივნენ რუსნი. უკუნქცეულთა რუსთა ვერლარა დევნა უყვეს თურქთა. მაშინ ქართჳსლნი რუსითა და სხვითა წარსრულიყვნენ ასაყრელად კოთელიასა, ვინაჲთგან კოთელიელთა ჰსწადდათ გარდასახლებაჲ ქართლად. ჰსცნეს რა მათ უკუნქცევაჲ ტორმასოვასა, დაუტევეს კოთელია და უკუნ მოიქცნენ. ამცნეს ესე კოთელიელთა ფაშასა უკუნქცევაჲ მუნ მყოფთა ქართჳსოთა მიზეზითა მით, რათამცა განიმართლონ თაენი თჳსნი თურქთა წინაშე. ბრძანა ფაშამან შედგომაჲ უკანა. ეწონენ მათ თურქნი და მოსრნეს სრულიადვე სამას კაცადმდე ქართჳსლნი, ხოლო თაენი მათნი და რუსთა მხედრობათაცა თენი, რაოდენიცა მოსრნეს ახალციხეს, ბრძანა ფაშამან გატენა მათი ბზითა, და წარუგზავნა სულთანსა სტამბოლს. ხოლო ტორმასოვამან ძლევა თჳსი თურქთაგან მიაწერა ქირსა, რომელიცა იძულებით მოატანინა ქირი და გააჩინა ვითარცა ტფალისსა, ეგრეთჳს ქართლსა, კახეთსა და იმერეთსა შინა, რომლისა გამო მოსრნენ ურიცხვნი სულნი, ვითარცა ქართჳსლოთანი, ეგრეთვე უმრავლესნი რუსთა მხედრობათანი, და განგრძელდა ქირი იგი საქართჳსლოსა შინა ვიდრე ოთხს წელამდრსინა; გარნა იმერეთსა შინა ყოველგან ასწყდა უმრავლესი სული, რომლის რიცხვი შეუძლებელარს აღწერად, რომლისა გამო აღიფხვრენ მრავალნი სოფლებნი იმერეთსა შინა ძირითურთ. ეამსა ამას გენათელმან ეფთიმიმ ესოდენ იღვაწა, რომელ ქირსა ამას შინა მოსილი ერისა კაცის ტანისამოსით დადიოდა და უვლიდა მრავალთა სნეულთა, აზიარებდის და მარხვედის, ხოლო ხალხთა მშვიერთა, რაჲცა ეპოეზოდის საზრდოჲ, აძლეედის; რომელიცა იყო ფრიადი სიყმილი ქირის გამო იმერთა შინა, და სწყდებოდნენ მრავალ-

ნი ხალხნი, გახიზნულნი იმერთა შინა, სიყვილითა, და ეყარათ გუამნი მათნი დაუფლველ უოველგან და არვინ იყო მწე მათ- და ცოდუათა ჩჳსთათვის.

ნმ. წელსა ამასვე 1811, ქქსუეუ, გამოქსტულეს ტორპა- სოვი და წარგზავნეს მარკიზი პაულიჩი, იტალიელი, ღიანა- რალლეიტენანტი, აგვისტოში, კაცი ელამი*) რაგვართაც თჳა- ლითა, ეგრეთვე სულითაცა და მოქმედებითა, ვინაჲთგან აქუნ- და მას სული იტალიანური. და იწყო ამან მართუაჲ საქარ- თჳტლოჲსა. ამან წარგზავნა მხედრობანი რუსთანი ზამთარს ახალქალაქსა ზედა წინამძღომითა პოლკოვნიკის კიტლერევეც- კისათა. რომელთაცა თანა წარიღეს კიბენი გორის ქალაქით; წინამძღომითა ჯავახიანთათა გარდავლეს თრიალეთი ფრიად თოვლიანი, მიუღგეს ღამე კიბენი ახალქალაქსა და აღიღეს იგი დეკემბრის 8, ვინაჲთგან ზამთრისა გამო დაემუნებულ იყვნენ თურქნი. ხოლო რუსთა შეაყენეს მხედრობაჲ თვისი ციხესა მას შინა გუშაგად, ხოლო კიტლერევეცკი მოიქცა უკან, რომელ- საცა მისცა ამისა ჯილდოდ ღიანარალ-მაიორობაჲ. ხოლო წელსა ამასვე მარკიზი ეზრახა იღუპალ ბეგლარ ბეგსა ერევნი- სასა ჰუღენს, რომელსაცა რწმუნებოდა ერევანი ყეენისაგან. ამას არწმუნა მარკიზმან, უკეთუ მისცემს ციხესა და ქალაქსა ერევნისასა, ესე მისცემს მას დანაშთსა მცხოვრებთა ერევნისა სამფლობელოსა სრულიად ყად. აღუთქუა ესე ჰუსეინ ხანმან მიცემაჲ კიხისა, ვარნა ვერა ჰსცნა სიციბილი მისი მარკიზმან, წარგზავნა ღიანარალ-მაიორი ღისანღვიჩი ორი ათასითა მხიდ- რობითა. მაშინ ჰუსეინ მოიკრიბნა მუნ გარემოს მხედრობაჲ და დამალა ჟმიაძინსა. მიიწივნენ რა რუსნი, ეკუტანენ სპარ- სნი და აოტნეს რუსნი, და სირცხვილეულიქანა მარკიზი ესე ვითარისა უგუნურისა შეცთომისათს.

ვარნა იყო ფრიად შექირვებაჲ საქართველოსა შინა რუსთა მიერ, რომელ ძკრათლა დაშთათ ხარი საქაროტლო- სა შინა რუსის ბეგარისა ზიდვისა ძლით, და მსგავსად ხარკი-

*) მთავარ მართებლობა ნ. ამან წელი იმთავრა 1.

თაცა იქმნენ დამძიმებულ, და ოდეს აზუხასა მიჰყიდდენ, ნაკულად კოდისა ერთისა იწონდრან კოდნახევარსა, ხოლო ფასთა აძლევდიან კოდში ხუთ აბაზსა, ხოლო კოდი პური იყო მას ჟამს ექვს მინანთულათ თეთრს ფულად მით, რამეთუ წელსა ამას 1812, ქკს ფ, იქმნა ფრიად სიყვილი საქართუბლოსა შინა და იმერეთსაცა, და ქირიცა ფრიად განგრძელებულიყო, რომელიცა ტორმასოვმან შთამოიტანა ახალციხით, და ოდეს არღარა აქუნდათ პური მცხოვრებთა, და ვერ ძალ იღვეს მისყიდვად, ნაკულად პურისა ევედრებოდნენ მცხოვრებნი, რათა მიიღონ დედაწულნი მათნი. მაშინ ტირანმან მარკიზმან ჩაუყენა ყოველსავე სოფელსა ეკზეკუცია (ესე იგი იასაულად სალდათნი) და იყო ქირვებაჲ და ვალალებაჲ ერთა ზედან. ხოლო თვთ წარვიდა ყარაბაღს და რა მივიდა მუნ, მოეგება მეით ხან მუნებური და მიართუა ძღვენი დიდი, ვინაჲთგან ყარაბაღიცა ეპყრა რუსთა და მართებდა თვსივე ხანი. ხოლო ბირებითა მეითი-ხანისათა შეიპყრა მარკიზმან ძმისწული მისი, ძე მაჰმად ასანისა ჯაფარ ყული ალა, ვინათგან ბიძა მისი იყო მისი მტერი ოდეს იგი ცდილობდა შემკვდრობასა ზედან. ვინაჲთგან იყო იგი უფროსის ძმის შვილი; ხოლო იგი განივლტო საპყრობილით და მივიდა წინაშე აბაზ მირზაჲსა თავრიზსა, და მარკიზიცა განვიდა მტკუარსა მოსახილველად შაქისა, შირვანისა, და დარბანდისა, და ბაქუსი, მით, რამეთუ ეპყრათ რუსთა ყოველნივე ესე ადგილნი; მაშინ მახლობელ შუშისა იღვა, ასკარან წოდებულსა ადგილსა, რვა ასი რუსი დასაცუტლათ ყარაბაღისა. წარუძღუა აბაზ მირზას ზემოჰსენებული ჯაფარყული, მივიდა აბაზ მირზა, დაესხა თავსა რუსთა, იქმნა მუნ ბრძოლაჲ, იძლიენენ რუსნი სპარსთა რეგულთა სალდათთაგან (სარბასტად სპარსებ წოდებულად), რომელცა თანა ჰყვა აბაზ-მირზას, მით, რამეთუ ხშირად შემოიღეს სპარსთა განჰსწავლება ფრანგთა მჰსგავსად მხედრობისა. მუნ იძლიენენ რუსნი, ოთხასნი უკუტ მოსწყვიტნეს, ხოლო ოთხასნი შეიპყრეს ტყუტდ და წარიყვანეს თავრიზად, და ჰყვეს თვსად სალდათად, მით, რამეთუ სხუაცა მრავალი ჰყვა აბაზ-

მირზასა რუსნი, რომელნიცა მარადის განიელტოდინა ქართლით და მივიდოდინა წინაშე მისსა, რომელიცა ფრიად პატრისა ყოფდა მათ. ხოლო მისვლადმდე მარკიზისა ყუბას, წარმოიშუა მცირედ ბრძოლაჲ შორის ხანბუთაჲსა და ფათალი ხანის შვილის შვილისა დარბანდის ხანისა და რუსთა. ხოლო ესე მიხალი იყო ხანი დარბანდისა, რომელსაცა რუსთა მიუღეს ყოველნივე ადგილნი, გარნა მუნც იძლიენენ მცირედ რუსნი, და იგინიცა უკუნჩქენენ დაღისტნადმდე.

მაშინ იყო შემკირვებაჲ დიდი ქართუპლთა ზედან მარკიზისაგან, ესრეთ: ართმევიდინ ხშირად ურეკთა და ხართა სახმარად მხედრობისა, რომელ კნინლა დაჰშთათ ხარი სოფელთა შინა; ეგრეთუც სადაცა განვლიდინა რუსნი, ამკირვებდინ სოფლებთა ცეკითა, ტაცებითა და რთმევითა, ძვნიერ თეთრისა, და იყო ესრეთცა სიყვილი, რომელ კოდი პური იყო ექვს მინანთულათა თეთრს ფულად. მაშინ მარკიზმან უბრძანა წარსრულისა ორისა წლისა პურისა მოკრეფაჲ სურსათისა კახთაგან, ვინაჲთგან სიმტროისაგამო მოსაელისა ვერ ძალ ედუათ მიცემაჲ, და ბრძანა ყოველსავე სოფელსა ეკზეკუციისა შთაყენებაჲ (ესე იგი იასაულთა), — ორასისა და სამასისა თითო სოფელთა, და სადაცა მივიდოდინა, იყო ვაებაჲ მათ ზედან მით, რამეთუ ჰსცემდინა დედაკატა, და ხელითა ჰკადებდინა, და ართმევიდინ პურთა ძალითა, თუმცაღა კახნი ვევედრებოდინა, რომელ მიიღონ ნაცვლად პურისა ექვსი მინანთული კოდში, და რომელთაც არა აქუნდათ თეთრი მაშინ, ძეთა და ასულთა თვსთა აძლევდინა, გარნა უქმ იყვის ვეღრებაჲ მათი, და იყო ვალალებაჲ ერთა შორის. გარნა სხუათაცა ბოროტ მოქმედებათა შორის ესეცა ჰქმნეს, რომელ თიანეთს მთრუალთა აფიცართა შეიპყრეს დედაკაცი და საშოსა შინა შთაასხეს ძაბრითა ღვიხო. ვერლარა მოითმინეს თიანელთა ესე ვითარი სირცხვილი, და იქნა შუათი შორის რუსთა და ქართუპლთა. ხოლო პირველად მისცეს მიზეზი შუათისა რუსთა, მით, რამეთუ დაკოდეს თიანეთს ამზოხსა ამას თიანელნი რაოდენნიმე. რხილეს რა ესე თიანელთა, მოსწყვტნეს ყოველნივე რუსნი,

ვიდრე ას ორმეოცდაათადმდე, და მუნით შთავიდნენ მატანსა. მაშინ არაგვს პირმანცა აღადგინა შფოთი პირისპირ რუსეთისა; შთაეხმარნენ ფშ.ველნი, და მოჰსწყვიტნეს ყოველნივე მუნ მყოფნი რუსნი ფასანაურსა და ანანურსა, ხოლო კამენდანტი ანანურისა გამაგრდა ციხესა შინა. მაშინ ბარონ კლოტმან ლიანარაღმან, რომელიცა იყო მოადგილედ მარკიზისა ტფილისსა, ვნაიფგან მარკ-ზი ჟამსა მასიმყოფებოდა ბაქუს, წარავლინა არაგვიანთა ზედა პოლკოვნიკი უშაკოვი ათასითა მხედრობითა და ჭუხრანის ბატონისშვილი კოსტანტინე, ძე იოვანე მუხრან ბატონისა, წარატანა თანა, რამეთუ ესე კოსტანტინე იყო ფრიად ერთგული რუსთა და არა კეთილობისა მოსურნე საპყართა ქართუბლთა, და მოვიდა კობიანთ კარს, და დაესხა კობიანთ თავსა, იქმნა მუნ ბრძოლა ძლიერი, იძლიენენ რუსნი, და მოკლეს რუსი ასორმეოცდაათი კაცი, და სიღამემან გაჰყარნა. მაშინ კოსტანტინემან დაუწყო ტკბილი საუბარი, მიიტყუა ფიცით სამოცდაათნი კაცი არაგვის პირისანი— ჯი უსჯულო სკნიდისი!— და სრულად მოაშთობინნა იგინი რუსთა, და მოწუა კობიანთ კარი და ღუშეთი, გარდავიდა რუსთა მხედრობითა, მოწუა ანანური, პავლეური და ციხის ძირი. ჟამსა ამას მოვიდა ბულაჩაურზედა სხვა ახალი სამასი კაცი რუსთა მხედრობა. იქმნა მუნ ბრძოლაჲ, იძლიენენ რუსნი ბულაჩაურითგან, მოკლეს წინამძღუარი მათი მაღალაშვილი სოლომან, ძე დავითისი, და დაჰკოდეს კაპრტანი საგინაშვილი ზურაბ, ძე პაპუასი. ჰსცნა რა კოსტანტინემან, გარდაუძღუა ანანურით რუსთა, და მოაწვევინა ბულაჩაური სრულიად. ხოლო ოდეს შთავიდნენ თიანელნი მატანს, შემოეყარნენ ამათ მატნელნი და ახმეტელნი სრულიად. მუნ მყოფნი რუსნი და რაოდენნიმე ტუისისშვილნიცა მოჰსწყვიტნეს მით, რამეთუ ეპყრათ მათ კერძოჲ რუსთა. ჰსცნეს რა ესე ყოველივე კახთა, აღადგინეს შფოთი დიდი სრულიად კახეთსა შინა, და იწყეს სერა ყოველთა სოფელთა რუსნი, რომელნიცა იდგნენ მათ შორის იასაულად პურისათჳს. მივიდნენ და მოადგნენ თელავს. მაშინ გარდაიყვანეს კახთა მეფის ძის იოვანეს შვილი გრიგოლ ქართლით, და მოკ-

რბნენ ლეკიცა ვიდრე ოთხი ათასადმდე შტტლად კახთა. და ჰყვეს თვს ზედა კახთა თავადი ქობულოვი: ოთარ მდივანი. ჰსცნა რა ესე პარტნეგინმან ლიანარაღმან, რომელიცა იმყოფებოდა საგარეჯოს, გარდააშველა თელავს მყოფთა რუსთა სამასი სალდათი ცხენოსანი დრაგუნი. მივიდნენ რა ვარდის უბანს, იქმნა მუნ ბრძოლა და სრულიად მოისრნენ რუსნი იგი კახთა მიერ, და რუსთა მძლუანიცა მათი მაიორი ესიპოვი მოკლეს, და ერთიცა სხვა მაიორი და ორნი აფიცარნიცა. და მცირედნი დანაშთნი შევიდნენ ციხესა თელავისასა, რომელიცა აქუნდა რუსთა გამაგრებული, და იყო მათთანა ალექსანდრეცა მაყაშვილი, ძე სვიმონისა, ეშკალბაში მეფისა გიორგისა. და გარს მოადგნენ კახნი და მოკლეს პაატა ჯანდიერიშვილი მუნ ციხით რუსთა.

მაშინ ქიზიყელთაცა მოჰსწყვიტნეს რუსნი, და დანაშთნი გამაგრდნენ ციხესა სიღნაღისასა ორ დღე; შემდგომად ორისა დღისა ევედრნენ რუსნი, რათა განუტეონ მშვიდობით, და გარდაუყარესცა ფული ციხით ქიზიყელთა, რომელთაცა იავარ ჰყვეს ყოველნივე ფული იგი. მაშინ ვინაჲთგან ქიზიყელთა ვერღარა გამოუღეს ციხე სიღნაღისა, შემოსნეს მღვდელნი და მიჰსცეს სახარება და ჯვარი და შეჰფიცეს, რათა მისცენ ციხე და განუტეონ მშვიდობით რუსნი. შემჰკირებელნი რუსნი ერწმუნენ მღვდელთა მათ და გამოვიდნენ გარე. მხილველთა ქიზიყელთა უყვეს ზედა დასხმა და განტებეს ფიციცა და მოჰსწყვიტნეს სრულიად, და კამადეტიცა მუნებური მოკლეს და სულიეები (ესე იგი რუსთა მუნებური მდივანბეგნი), და კაპიტან ისპრაენიკიცა, და იავარჰყვეს ხაზინაჲ, ტყვია წამალი და პურნი, რომელნიცა აქუნდათ ამბართა მხედრობისათვს. მუნით შთავიდნენ ყარააღაჯს მძლუნველობითა მამაკის სვიმონ ბებურისშვილის პაპას ძისათა და მოადგნენ ყარახაჩს, და ლამოდნენ გამოყვანასა მათსა. შემჰკირდნენ რუსნი და ლამოდნენ გამოსვლასა, გარნა ლეკით წარმოსრულმან ყაფლანმან ყაფლანისშვილმან მაიორმან მოუსწრა ვაკით ათასითა მხედრობითა და დაუწყო ტბილი საუბარი და ვედრებაჲ, და ვედრებითა

მისით განერა ყარახანს მყოფნი რუსნი. მუნ მოკლეს სვიმონ ბებურიშვილი და ოთარ ონანაშვილი, ძე ასლანისა.

ჟამსა ამას გარდვიდნენ კახნი საგარეჯოს. მოკრბნენ საგარეჯოელნი და ბრძვეს პარტნეგინს ღიანარალსა, იძლევა პარტნეგინი და მივიდა ხაშმსა, ხოლო კახთა მოჰსწენეს სადგურნი მათნი და თივანიცა რუსთანი, და მიუხდნენ ხაშმზედან, იქმნა მუნ ბრძოლაჲ შორის მიშველებულსა მხედრობასა რუსთასა, რომელსაცა მიაშველა პარტნეგინსა ღიანარალ ბარონ კლოტმან ხუთასნი უკუტყე მხედრობანი რუსთანი. მაშინ იძლიენენ რუსნი და მოსწყდნენ მრავალნი და დანაშთნი წარვიდნენ ტფილისად და კახნიცა აღვიდნენ ხაშმისა თავსა სამებას. ხოლო ყაფლანმანცა დაუტევა ყარაღაჯის ციხე და წარემართა ტფილისისა კერძ მხედრობითა თვისითა, რომელ არლარა დაშთა რუსი ქიზიყისა სამფლობელოსა შინა. ესე იყო თჳსსა თებერვალსა 5-სა, 1812 წელსა, ქკს ფ.

ამავე წელს 1812, თებერვლის 29, ნაკში, გარდაიკულა მეფის გიორგის ძე ჯიბრაილი, რომელსა ეწოდა გაბრიილი, ს.-პეტერბურხს და დაფლეს ნევეკის მონასტერსა შინა.

მაშინ მარკიზი მოსრულიყო ტფლისის ბაქუით. ჰსცნა რა ესე, მოიკრიფნა ყოველსა ადგილსა რუსნი, წარემართა და მივიდა ხაშმსა, შეესივა ხაშმსა, და მოასერევინა უბრალონი ქრისტიანენი მარკიზმან ვიდრე ასადმდე ჩვილითურთ მსგავსად იროდისა, და მუნ მოკლეს ხიშტითა მონაზონი აბაშიძის ასული მარიამ, დედიდაშვილი მეფისა ირაკლისა, ოაზმეოცდაათისა წლისა დედაკაცი. ჰსცნეს რა კახთა, სამებას მყოფთა, ძალის მორთუა მარკიზისა, გარდვიდნენ მთასა და მიიქცნენ თვისადე და მარკიზი მივიდა პატარძეულსა, მოერთო პატარძეული, გარდვიდა საგარეჯოს, მოერთუა საგარეჯო, მანავი და კაკაბეთი; მუნით შთავიდა ქიზიყს წინამძღუანველობითა ენდრონიკაანათათა. მაშინ ყაფლანცა შეეყარა მხედრობითა თვისითა ლაკბესა ზედან, და თანა წარიყვანა მან იგონი, ვინაჲთგან მათ ეპყრათ კერძოჲ რუსთა და ონანანთაცა ეპყრათ კერძოჲ რუსთა. ხოლო გლეხთა კახელთა ჰსცნეს რა სიციბილი თა-

ვადთა, მოწვევს სახლი სვიმონ ანდრონიკაშვილისა და მოსტყვენეს სახლიცა სოლომან ანდრონიკაშვილისა. მუნ მოერთენენ ქიზიყელნიცა, უფროსნი კაცნი მუნებურნი და წარვიდა ქიზიყს. მისრულმან ნჯკრიანს, მუნ მოაშთო ორი კაცი ქიზიყელი, რომელიცა ყარაღაჯს შეეპყრათ რუსთა. მხილველთა ხალხთა წინამხრესათა, შეშინებულთა, აღიყარნენ და მიმართეს ლეკთა. მხილველი ამისი მარკიზი ფრიად შეშინდა და მსწრაფლ წარუვლინა მოურავი მათი იოსებ ანდრონიკაშვილი, ძე მელქისადეკოსა, რათა დაამშვიდოს ხალხი იგი და უკუნაქციოს სახლადვე თვსად, რომელთაცა მისცა პირი მტკიცე უვნებლობისა. მაშინ მისრულმან იოსებ უკუნ აქცივნა ხალხნი იგი და დაამშვიდა ქიზიყი, ხოლო მარკიზი აღიყარა ქიზიყით და წარვიდა შიგნით კახეთსა; მივიდა ჩუმლაყს, იქმნა მუნ ბრძოლაჲ კახთაგან, იძლივნენ რუსნი. მუნ მოკლეს ვახტანგ, სიძე მეფისა ირაკლისა, ყაფლანისშვილი, მეუღლე თეკლასი, და დასქრეს მუხლსა შინა აღექსანდრე, ძე გარსევანისა, ქავქავაძე, ვინაითგან მათ ეპყრათ კერძოჲ რუსთა და პირის პირ მამულისა თვისისა იყვნენ მტერ. მაშინ დაქმუნდა ამას ზედან მარკიზი. წარდგა ზურაბის შვილი ნინია მოურავი მარტყოფისა და უთხრა მარკიზსა: „გიჩვენოჲ მე გზაჲ ვაკე, უკეთუ მომცე ნიჭი რაიმეო“. ამას ზედან მხიარულ იქმნა მარკიზი, გაუძღუა მინდვრის გზით და მიიყვანა ჩუმლაყს. მივიდა რა ჩუმლაყს, მუნ სოფელსა შინა შეიპყრნა კაცი ხუთნი და დამოკიდნა ხეთა ზედა და მოაშთუნა იხილეს რა კახთა ტირანული საქმე ესე, შეიპყრეს მათცა ხუთნი სალდათნი და ერთი აფიცარი, და მათცა მოჰკიდნეს ძელსა და მოაშთუნეს იგინი პირის პირ მარკიზისა, რომელსაცა სკვრეტდა თვალთა თვისითა. მაშინ გრიგოლცა, ძე იოვანესი, განვიდა ალაზანს, და მივიდა ნაუტარს ანწუხელთა ლეკთა თანა, ვინაჲთგან მას თანა მყოფნი თავადნიცა განივლტნენ მისგან, და მივიდნენ მარკიზისათანა. მაშინ ზაზა ზურაბიშვილი, ძმა ნინიასი, რომელიცა იყო მეფის ძის იოვანესი სალთხუტესი და მისრულიყო მასკამს რუსეთით და იყო მარკიზის თანა, შეუჩინა ესე გრიგოლსა, რათა მოიყვანოს იგი; მოაცთუნა

ზაზამ და მოიყვანა იგი მარკიზთანა, თუშცალა ანწუხელთა არა სწადდათ განტყეება მისი მით, რამეთუ არიან იგინი ფრიად ერთგულ მეფეთა თჳსთა, ვითარცა თუშნი. იხილეს რა გლახთა ლალატი თავადთაგან, განრისხნენ და დაეცნენ თავსა რუსთა ჩუმლაყის ბოლოსა. კუალად იძლივა მარკიზი, ხოლო გლახნიცა შეეცალნენ ჩუმლაყისა სოფელსა. დღესა მეორესა მივიდა მარკიზი ჩუჴლაყს. იქმნა სოფელსა შინა ბრძოლაჲ ძლიერი, იძლივნენ ჩუმლაყელნი, და მოწყეს სრულიად ჩუმლაყი რუსთა. ხოლო იხილ, რა მარკიზმან, ვინაითგან ვერა ძალუცს პირის პარობაჲ კახთა, ევედრა ზავსა და აღუთქუა კახთა, რომელ მოგვერიო მეფის ძეთა თქტანთაო რუსეთით. ამას ზედან მხიარულ იქმნენ კახნი და ჰყვეს ზავი და მოგუარეს გაღმა მხრელთა უმეტეს სამასისა სალდათნი, შეპყრობილნი აფიცრებიითურთ, რომელნიცა შეიპყრეს აბოხსა ამას, აღპარსულნი თმათანი, მით რამეთუ კახთა აღპარსნეს პყრობილთა მათ თავნი კიცხვისათჳს. და მოყუანასა ზედა მეფის ძეთასა არწმუნა რა გული მარკიზმან კახთა და დამყუდროვდნენ კახნი, მომლოდნელი აღთქმისა მისისანი, რომელ განპრინებიან ხელთაგან მოსამართლეთა და კაპიტან ისპრაენიკთა რუსთასა, უკუნიქცა მარკიზი ტფილისს და მუნით წარავლინა გრიგოლ პეტერბურხს. მისრული გრიგოლ პეტერბურღს შეიპყრა იპერატორმან და პატიმრად წარავლინა ციხესა შინა პეტრეზაოდისასა და მუნ პატიმარ ჰყვეს წელი ერთი.

ნ9. ხოლო წელსა ამასვე 1812, ქკს ფ, გარდაყენებულ იქმნა მარკიზი საქართჳსლოს მართებელობისაგან, და ნაცულად მისსა *) წარიგზავნა რტიშჩევი ღიანარალ ლეიტენანტი და მას თანა წარატანეს შემწედ ღიანარალ მაიორი ახვერდოვი, პირველ ყოფილი ტფილისს გუბერნატორი, გვართთა პუჴულაშვილი, ქრცხინვალელი მოსახლე სომეხი.

წელსა 1812, ქკს ფ, აპრილის 22, დამეს. ბრწყინვალის კვირიაკის ორშაბათს გამოჩნდა ვარსკულაფი, ლახერის მჰსგავსი;

*) შთავარ მართებლობა ნ. ამან წელი იმთავრა 4.

სხივნი აქუნდეს გარს სისხლის ფერნი წიოლად (სახე ამისი იყო ესრეთ). კუალად წელსავე ამას აღიშალნენ რუსნი და ფრან-
ცუნი.

ხოლო წელსა 1812, ქკს ფ, წარმოემართა ნაპოლეონ, იმპერატორი ფრანციისა, ბირებითა პოლშელთათა, რომელთა თავად ჰყუათ კნიაზ პონეტოვსკი მუნებური, რათა განათავი-
სუფლოს რუსთაგან პოლშაჲ, შემჭირვებული ფრიად. მივიდა და დადგა მდინარესა მას ზედა ვისლისასა, რომელ არს საზ-
ღუარი პოლშისა და ევროპიისა. ამა ნაპოლეონს იმპერატორს ახლდნენ თანა მხედრობითა. ფრანცუტთა კიდე, კოროლი ველს-
ფალციისა, ძმა თვისი იერონიმე, კოროლი საქსონიისა, კო-
როლი ბავარიისა, კოროლი ლალანდიისა, ძმა თვისი იოსებ, კოროლი ბოლემიისა, კოროლი ვირტებერლისა და კეისრისა ფერთმარშალი კნიაზ შუარცანბერლ, და შეუდგნენცა პრუსი-
ელნი მხედრობითა თვისითა და კოროლითა ვილდემითა და სრულიად ევროპიისა მთავარნი და თავადნიცა, სრულიად ევრო-
პიისა მხედრობანი აღდგნენ როსიასა ზედან, ხოლო რუსთა მხარესა ზედან დაშთა მხოლოდ შვეთი. ხოლო რიცხვი მხედ-
რობისა ფრანცუტთა და ევროპიელთა იყო ოთხასი ათასი. ესე საკოროლენი ყოველნივე იყვნენ საბრძანებელსა ქტუშე მონაპარტე იმპერატრისასა. მაშინ იმპერატორმან როსიისამან ალექსანდრემ შეჰკრიბნა მხედრობანი თვისნი და მივიდა პოლ-
შას. ხოლო მონაპარტეცა აღიყარა, გამოვლო მდინარე ვის-
ლის და შემოვიდა პოლშასა შინა. თუმცალა ჰსწადდათ მუნ ბრძოლაჲ რუსთა, გარნა არა უვიდოდათ მრავლად მხედრო-
ბაჲ, რამეთუ დროსა ამას ოსმალნიცა იყვნენ აშლილ, და იყო ბრძოლა მოლდავასა შინაცა ოსმალთა მიერ. მაშინ იმპერა-
ტორმან ალექსანდრემ დაუტევა პოლშაჲ და წარმოემართა მოსკოვისა კერძ. ამისი მხილველი მონაპარტე წარმოემართა და აღილო ქალაქი პოლშისა ვილნა. მოვიდა მოსკოვს იმ-
პერატორი ალექსანდრე ივლისის 14-ს, შეკრიბნა მუნ მცხოვ-
რებნი მოსკოვისანი, და აუწყა ყოველნივე ყოფილნი და-
ენუკუა შეწევნასა. მაშინ მთლად როსიისა იმპერამან მიარ-

თვეს ათ სულზედ ერთი კაცი ჯარად; ამას უწოდეს რუსთა მილიცია, ესე იგი მორიგე. ამათ ეცუათ ტანსა ყორმრალი მალდის ჩოხები, მსგავსად ყაზახთა, ხოლო თავსა ზედა ებურათ ქუდი მისივე მალდისა, მსგავსი ყაზახურად, და ქუდთა მათ ზედა ეკერათ შუბლზევით თითბრისა ჯვარნი. იარალი აქუნდათ ხმალი და გრძელნი შუბნი, ხოლო აფიცართა და ღენერალთა მათთავე ეცუათ ესრეთ. ორი წილი მათგანი იყვნენ ქვევითნი, ხოლო სხუანი მათგანი ცხენოსანი ხარჯითა და იარალითა თვისთა კეთილშობილთა, ხოლო ვაქართა მიაართვეს თეთრი მხედრობისათვის. ხოლო ამისა შემდგომად გამოვლო ვიღნა მონაპარტემან, და წარმოემართა მოაკოვსა ზედა; განჰყო ორად მხედრობანი თვისნი მონაპარტემან, ნახევარი წარგზავნა პეტერბურღსა ზედა, ხოლო ნახევრითა წარმოემართა სმოლენცკასა ზედა. თუმცალა ჰსწადდა კნიაზ პეტრესა იოვანეს ძეს ნაიბისასა ბაგრატიონსა ღიანარალ შეფსა, რათამცა შეეებას მუნ ფრანცუკთა, ვინაჲთგან იყო ესე რუსთა მეწინავე სარდალი, გარნა ძმამან ხელმწიფისამან კოსტანტინემ არა ჰსცა ნებაჲ (ამ ჟამად შერიგდნენ რუსნი და ოსმალნიცა). ამჟამს ღრაფი ვიტლინშტეინი ღიანარალ შეფი იპოვებოდა რიგისა მხარესა რუსთა მხედრობითა და პეტერბურღის აპლჩენითა, ესე იგი მორიგითა ახლითა, რომელთა ეცუათ ყაზახურათ ტანთა, მუჟიკთა წვერიანთა). ვითარცა მოვიხსენეთ ზემოდ, ამის პირდაპირ იყო ფრანცუკთა მხარეს შუარცენბერღ ფერთმარშალი კეისრისა, და დაუ, მარშალი ფრანცუკთა. მისრულთა აღიღეს რიგა ქალაქი და მოწვეს, ხოლო ციხე რიგისა აქუნდათ გამაგრებული მარკიზსა. *) თუმცალა ბრძო ვიტლინშტეინმან მუნ, გარნა ორთავე, ვერრის მყოფელთა, დადგნენ თვისაგან. მაშინ მოლდავითცა მოვიდა მხედრობაჲ რუსთა და დადგა პოლოცკას წინაძლომითა ჩიჩაგოვისათა. მოსრული ნაპოლეონ მოადგა პოლოცკას, აღიღო იგი. თუმცალა რუსთა ბრძვეს, გარნა ვინაჲთგან ვერ უძლეს პირისპირობაჲ, დაუტევეს პოლოცკა

*) ესე მარკიზ არს, რომელიცა იყო პართოს უპირველეს მართებლად.

და წარვიდნენ სმოლენცკისა კერძო. ამათ უკანა შეუდგა მონაპარტე და მოვიდა სმოლენცკს. თუმცაღა უპირველესმან მართებელმან ღრაფმან ბარკლი დეტოლმან ბრძო და განამაგრა ციხეცა სმოლენცკისა, გარნა უქმ იქმნა შრომაჲ მისი მით, რამეთუ ძლივჲა იგი მუნ, და აღიდეს ფრანცუტთა ქალაქი სმოლენცკისა ციხითურთ თჳსა აგვისტოსა 6-სა, დღესა ფერისცუალებისასა, წელსა 1812, ქკს ფ, და მოწვეს სრულიად ქალაქი სმოლენცკი, და იავარ ჰყვეს ყოველნივე ნაქონებნი. და წარმოემართა მონაპარტე მოსკოვისა ზედან დასაპყრობელად. მსმენელთა ხალხთა მოსკოვისათა იწყეს აყრაჲ და დაცლა ქალაქისა და წარვიდნენ უშორესთა ლუბერნიათა რუსეთისათა.

ხოლო წელსა ამასვე 1812, ივლისის 16-სა ღამეს გამოჩნდა ვარსკულავი ბნელი, სისხლის მჰსგავსი, და ჰყრიდა სხივთა მჰსგავსად წვიმისა სისხლის ფრად.

ხოლო წელსა ამასვე 1812, ქკს ფ, გარდაყენებულ იქმნა კარისაგან როსიისა ღრაფი ბარკლი დეტოლი, უპირველესი მართებელი რუსთა არმიისა, და განიწესა მოადგილედ მისსა ღიანარალ ანშეფი ილარიონ მიხაილიჩი კუტუზოვი, მოხუცებული, წლისა 70, მთელისა რუსეთის მხედრობის მბრძანებელად, რომელიცა იდგა პირის პირ ფრანცუტთა. ესე, წარსრული პეტერბურხით, მივიდა ქალაქსა ვიაზმას, რომელიცა შორავს მოსკოვის ას სამეოცდა ათითა ვერსითა. დახუდა მუნ მხედრობანიცა რუსთანი, გამოსრულნი სმოლენცკით. ამან ჰყარნა მხედრობანი რუსთანი მუნით და მოიყვანა სოფელსა ბოროდინ სახელდებელსა, რომელიცა შორავს მოსკოვის ასისა ვერსითა, და დაიბინავა მუნ. ამისი მხილველი იმპერატორი მონაპარტე შეუდგა უკანა და ესეცა მოვიდა და დაიბანაკა მახლობელ კუტუზოვისა ორისა ფარსანგითა. ხოლო წელსა ამასვე 1812, აგვისტოს 25-სა, დღესა კვირიაკესა დაბნელდა მზე, და გარს მოივლო ორი გრკალი, სისხლის მჰსგავსი ცისარტყელასავით, და იდგა ვიღრე მწუხრადმდე, რომელიცა ესე მოასწავებდა დღისა მეორისა ბრძოლასა დიდსა და სისხლთა დინებასა.

60. წელსა ამასვე 1812, ქკს ფ, დღესა ორშაბათსა, მეხუთე საათსა დილას იკატონენ რუსნი და ფრანკუენი სოფელსა მას ბოროდინისასა, რომელიც შორავს მოსკოვით 100 ვერსით. ესრეთ ძლიერად იძვერნენ, რომელ იმისთანა ბრძოლაჲ ისტორიითაცა შინა არა იპოვები: რომელიცა მხედრობანი იყვნენ, ორისავ მხრით, მებრძოლნი რიცხვით ხუთასნი ათასნი და ექვსი ათასი ზარბაზანი. დღესა ამას ფრიად მხნედ გამოჩნდა თავადი პეტრე ნაიბიშვილი ბატონი ლიანარალ შტეფი და დაიკრაცა ფრიად მუხლსა შინა, რომელიცა შემდგომად 17 დღისა დაქრსა ამის მოკუდა სეკდემბრის 12-ს სოფელსა თავადის გალიცინის ბორის ანდრევიჩისასა, და დაფლეს მუნვე. დღესა ამას მრავალნი მოსწყდნენ ორისავე მხრით ჩნებულნი ლიანარალნი, და რიცხვი ვითარ აღირიცხვის სალდათთა და აფიცართა! და გაგრძელდა ბრძოლა ვიდრე სამს საათს ღამეგრე, იძლიენენ რუსნი და დანაშთნი უკუნიქცნენ მოსკოვისა მხარეს. შეუდგა უკანა მონაპარტეცა, და მიერ დღით არღარა წაჰოიშუა ბრძოლაჲ. ამაგრძოლასა შინა იყო მეფის გიორგის ძე ილია, ყრპა წლისა 17, ახლად გამოსული კორპუსით აფიცრად ლეიბ იეგირის პოლკში და იყო ფრიად მხნედ. ამისივე კაპიტნად იყო ძის ძე ბაქარისა იაკობის ძე პეტრე, და ესეც მოკუდა მუნ ბრძოლასა ამას შინა, ხოლო ილია დაშთა მშვიდობით. მოვიდა კუტუზოვი მოსკოვს, განვლო მოსკოვი და განვიდა მოსკოვით ათს ფარსანგსა და დადგა მუნ, ხოლო მოსკოვიცა დაჰსცალა უპირველესმან მუნებურმან მართებელმან ღრაფ რასტოფჩინმან და გაიტანა სენატიცა და წარვიდა ვლადიმერს. მაშინ მონაპარტემან მხილველმან ამისმან, შემოვიდა მოსკოვს და აღიღო იგი სეკდემბრის 2-ს*). 1812, ქკს ფ, დღესა ორშაბათსა, და არარაჲ მე ავნო მუნ დანაშთთა მოსახლეთა, გარნა მოსკოვი მოწუტაცხლითა. და დადგა მოსკოვს კრემლის სასახლესა შინა ორ-

*) ამჟამს ჩვენ მოსკოვიდამ აფიარენით სეკდემბრის 1 და ნიენიგოროს წავედით, და იქ დავიხიზნენით. რომელიცა შორავს მოსკოვით 450 ვერსით.

მეოცი დღე. მაშინ შემქირდნენ მხედრობანი ფრანკუტთან
 უსაზრდელობით მოსკოვს, წარგზავნა კალულას სიძე თვისი მუ-
 რატ მხედრობითა რაოდენითამე, რათა აღიღონ კალულა და
 მუნით მოიღონ აზულაჲ მხედრობისათჳს; რამეთუ მასჴამს მუნ
 აქუნდათ ფრიად აზულაჲ მხედრობისათჳს რუსთა. მსმენელჲან
 კუტუზოვმან ამისმან მოირთუა კუალად ძალი ახლად მოსრუ-
 ლითა მხედრობითა და შეუდგა უკანა მურადს. ეწია რა ტა-
 რუტინს სოფელსა შინა, მუნ მამასახლისმან მის სოფლისამან
 დაუწუა ფრანკუტთა ტყვია წამალი სრულიად თოფხანისა. მსმე-
 ნელი ამისი კუტუზოვი შეება მურადს, იძლია მურად ესე ვი-
 თარისა შებთხვევისა გამო, უკუნ იქცნენ ფრანკუტნი კუალად
 მოსკოვადმდე. მსმენელი ამისი მონაპარტეცა აღიყარა ოკლომ-
 დომბრის შ, მისცა ნაღმი მოსკოვის ციხეს და დაქცუვა კრემ-
 ლი სასახლითურთ და ეკლესია სამრეკლოდითურთ, განვიდა
 მოსკოვით და წარვიდა სმოლენწყის გზით. წელსა ამას იქმნა
 ესრეთი ყინული, რომეო არავისა ასმიცს ესე ვითარი მძაფრი
 ზამთარი. შეუდგნენ უკანა რუსნი ფრანკუტთა და მრავალნი
 მოსწყვიტნეს, ვინათგან ფრანკუტთა არლარა ძალიდღვათ ბრძო-
 ლაჲ სიცივისაგამო და შიმშილისა, ვინათგან ესრეთი იყვნენ
 მშიერ ფრანკუტნი, რომელ ჰსკამდნენ ურთიერთსა, და მრ-
 ვალნი ივლტოდინ და მივიდოდინ ბანაკსა რუსთასა შიმშილი-
 საგამო. დაშათ ყოველნივე ზარბაზანნი და ურემნი მათნი. მა-
 შინ ტორჴოსოვმანცა, რომელი იყო პირველ ქართლის უპირ-
 ველესი მართებელი, ამან და ვიტლინშტეინმანც ჰძლიეს ფრან-
 კუტთა და შუარცენბერლს და განსდევნეს ამათცა პოლოცკით
 და სსვის მხრით ფრანკუტნი სრულიად. და მიჰყვა კუალად კუ-
 ტუზოვი ვილნადმდე და აღიღო ვილნაცა. მუნ მივიდა იმპე-
 რატორიკა აღექსანდრე კუტუზოვთანჲ. მხილველმან მონაპარ-
 ტემან ესე ვითარისა შემთხვევისამან, წარვიდა პარცეს და მოკ-
 რიფნა კუალად მხედრობანი, მოვიდა და დადგა მდინარესა ზედა
 რეინისასა. მაშინ კოროლმანცა პრუსიისამან ვილდეიმ დაუ-
 ტევა მონაპარტე და შეუირიგდა რუსთა და დაეზავნენ ურთიე-
 რთს.

61. წელსა 1812, ქკს ფ, მსმენელთა კახთა შემოსვლი-სათვის ფრანკუტთა მხედრობისა როსიასა შინა და დაპყრობი-სათვის მოსკოვისა, რეცა გონეს-ყე განთავისუფლება თვისი რუსთაგან, და მოუწოდეს ერევნით მეფის ირაკლის ძეს ალექსანდრეს, რომელიცა იყო მუნ დადრგენილი ბაბახან ყეენისაგან, და აღუთქმს პირი მტკიცე, რათა ჰყონ მეფედ თვისსა ზედან. მსმენელი ალექსანდრე და დამარწმუნებელი კახ-თა წარმოემართა ერევნით თვისთა რაოდენითამე კაცითა, გარდმოვლო მთა თრიალეთისა, ჩამოვიდა ქსილისის მთაზედ; მუნ მიეგებნენ კავთის ხეველნი და მოურავი მათი ივანე შატ-ბერაშვილი, განიყუანეს მტკუარსა კოწახურის ფონზედ, გან-ვლეს მუხრანნი, მივიდა ბულაჩაურს, და აღვიდა თიანეთს თჳს-სა აგვისტოს 10-სა. მუნ მოერთვნენ ფშავ ხევსურნი და კახ-თა თავადნი სრულიად და გლეხნი, შთავიდა მატანს, მუნით შთავიდა შილდას, მუნ მოერთო სრულიად გაღმა მხარნი და ანწუხელნი ლეკნი და ქიზიყელნიცა სრულიად. მაშინ იღგა თელავს ტიხანოვცკი ღიანარალი, განვიდა პოლკითა ერთითა კინკრიანის ფონში ალაზანში, და მივიდა შილდის ბოლოს. მაშინ შილდა განამაგრეს კახთა მივიდა ტიხანოვცკი ვენახე-ბის ორლობით და რა შიგ შევიდა ორლობეთა, ეკჳტნენ კახნი ვენახებითგამო, იქმნა ბრძოლა ძლიერი, იძლივნენ რუსნი და მოსწყდნენ ორასამდინ სალდათნი, და მოკლეს კაპიტანი ერთი და ოთხი აფიცარი. იხილა რა ესე ტიხანოვცკიმ— უკუნქცევი მხედრობისა თვისისა,— განფიცხნა ფრიად, რამეთუ იყო ესე რუსთა შორის ყოველთა უმამაცესი, მოიკრიბნა კუა-ლად მასვე დღესა მხედრობანი თვისნი, ეკჳტთა კუალად კახთა მუნვე შილდას, იძლივნენ კახნი და ლეკნი, მოკლეს რუსთა ლეკთა მძღუანი მისაილ ბელადი და დასქრეს ერასტიშვილი ალექსანდრე მუხლში, აღიღეს რუსთა შილდა და მოწვეს სრულიად; ხოლო ალექსანდრე, ძლიერი, მუნით მივიდა სა-ბუეს და დადგა მუნ, ხოლო ტიხანოვცკიცა განვიდა შილდით მხედრობითა თვისითა, მივიდა და დადგა ყვარელში, ვინაითგან კახნი იქმნენ ფრიად განძვნებულ დაწვისათვის შილდისა, და

ვერღარა იკადრა ტიხანოვცკიმ ბრძოლაჲ, რამეთუ უვიდოდა მცირე მხედრობაჲ. მსმენელმან ამისმან რტიშჩევმან მიაშველა ტიხანოვცკის ღიანარალი დიმიტრი ყაფლანისშვილი. ათასითა-მხედრობითა მოვიდა ქიზიყს და დადგა ნუკრიანსა შინა ათს დღეს, და ეზრახოდა კახთა ზაესა და სთხოვდა ალექსანდრესაცა, რათა მიეცათ მისთვის, და ვინაჲთგან კახთა არა უსმინეს მას და არც ქიზიყელთა, აღიყარა დიმიტრი ყაფლანიშვილი და წარვიდა შიგნით კახეთშია საბრძოლველად ალექსანდრესასა. მისრული გურჯაანის ბოლოს, ნორჩებში დაუხვდნენ კახნი, ეკუტნენ მუნ ძლიერად, ხოლო ქიზიყელთაცა უკანით მისა უყვეს ზედა დასხმაჲ დიმიტრის, და მოჰსწყვიდნეს რუსნი ვიდრე ორასადმდე. მაშინ ბრძოლასა ამას შეიპყრეს რუსთა ქიზიყელი ქედური მამანიშვილი იოსებ და მიიყვანეს დიმიტრისა წინაშე, ხოლო მან მოჰკიდა იგი პირის პირ კახთა მხედრობისა და მოაშთუა იგი. მხილველნი ამისნი კახნი უფრორე განძნდნენ, სოლო დიმიტრიცა აღიყარა მუნით და წარვიდა ტყის გზით ველის ციხესა. მისრულს შავს ტყეში დახვდნენ კახნი, მუნცა დასძლეს რუსთა და მოჰსწყვიტნეს უმეტეს ასისა სალდათნი. მხილველმან ამისმან დიმიტრიმ დააგდო გზა ტყისა და წარემართა მინდვრით, მივიდა ველის ციხეს და მოწო იგი სრულიად და დადგა ღამესა მუნ, ხოლო დღესა მეორესა აღიყარა დიმიტრი და წარემართა შიგნით კახეთსა ზედან, მუნცა მრავალგზის დახვდნენ კახნი და ავნეს ფრიად რუსთა. მხილველი ამისი დიმიტრი, უღონო ქმნილი, მივიდა აღაზანზედ და განვიდა ფაშანს, რათა შეერთდეს ტიხანოვცკის. მისრულმან ფაშანს, დაწო სოფელი იგი სრულიად. მისრულსა კუის წყაროს, მუნ მოვიდა ტიხანოვცკიცა ყვარელით მხედრობითა თვსითა, და შეიყარნენ ერთად, წარემართნენ ორნივე ესე და დადგნენ შილდის ბოლოს; ხოლო ალექსანდრე იდგა საბუეს, მუნ არა წარმოიშუა ომი, აღიყარა ალექსანდრე და აღვიდა მაქრიანში, და დიმიტრიცა შეუდგა უკანა ალექსანდრეს. დააგდო მუნ დიმიტრი, აღიყარა და გავიდა კალაურს და კალაურით მივიდა ველისციხეს და იდგა ერთს კვრას, აღიყარა მუ-

ნითცა და გარდვიდა ჩალაუბანსა. მუნ მოერთო ალექსანდრეს დალისტნის მხედრობითა ალისკანტი, დიდი ჩინებული ლეკთა მძღუანი, ხუთი ათასითა მხედრობითა ლეკთათა. მაშინ დიმიტრი და ტიხანოვცკიც შჰთამოვიდნენ და დადგნენ ანაგის ბოლოსა კოდაზედ. მაშინ ალექსანდრე წარმოემართა ჩალაუბნით, მოვიდა და დადგა მაღაროს და ენება სიღნაღის აღება, რამეთუ სიღნაღი აქუნდა გამაგრებული მაიორს, ძმასა დიმიტრისასა, ყაფლანს, რვაასითა რუსითა, და იყო მისთანა მოურავიცა ქიზიყისა იოსებ ენდრონიკაშვილი და აფხაზიშვილი ნინია და სხვანი თავადნიცა მციკრენი კახეთისანი. მხილველმან ამისმან დიმიტრიმ განვლო წინა მხარი, ამოვიდა ზურგით კერძო პრასიანზედ, ამოვლო შირზან მაჩხაანი, და მოარბივნა იგი სრულიად. თუმცაღა მხილველთ ამისთა ქიზიყელთაცა შეუკრნეს გზანი და მოსწყვიტნეს მრავალნი სალდათნი, გარნა იძლიენენ რუსთაგან. მაშინ აქუნდათ ლეკთა მიტანილი იერიში სიღნაღსა ზედა და კინლა დაიპყრეს სიღნაღიცა, გარნა ამა ეამსავე მივიდა უკანით დიმიტრი და ტიხანოვცკი და დაწო მაღარო, და ქედელი, და ნუკრიანი. მხილველი ამისი ალექსანდრე უკუნიქცა მხედრობითა თვსითა და დადგა ჩალაუბანში კუაღლად, გინაფთვან არს ადგილი ესე ფრიად მაგარი. მხილველი ამისი დიმიტრიცა უკანა შეუდგა. მისრულმან ჩალაუბნის ბოლოს, გაჰყვნა მხედრობანი თვსნი ორად, წინა მხრით წარავლინა ღიანარალ ტიხანოვცკი მხედრობითა თვსითა, რათა უყოს ზედა დასხმაჲ ალექსანდრეს ჩალაუბანს, ხოლო თვთ დიმიტრი მივიდა უკანა მხრით. ეკტტონენ ლეკნი კახითურთ და იქმნა ბრძოლა ძლიერი. თუმცაღა მხნედ უყვეს ზედა დასხმაჲ რუსთა, გარნა იძლიენენ მუნ რუსნი ორსავე მხარესა, და მოსწყდნენ უმეტეს საზასისა რუსნი, ხოლო დიმიტრი, ვერა რისა მყოფელი, უკუნიქცა და მოვიდა კელმეჩურს და დადგა მუნ, ხოლო ტიხანოვცკიცა აღიყარა და დადგა ლაკებზედან. მაშინ ალექსანდრემ დაუტევა ჩალაუბანი და მოვიდა მანავს. მუნ მოერთვნენ საგარეჯოთ ვიდრე მარტყოფადმდე ძირობა იგი, სად აღადგინეს ამათაცა რუსთა ზედან აბოხი. მსმენელი ამისი ყაფ-

ლანიშვილი დიმიტრი შეუდგა უკანა ალექსანდრეს, მივიდა და დადგა ჩაილურს. მაშინ წარმომართებულ იყო ლუბერნატორი ტფილისისა ლიანარაღ სვიმოვიჩი მხედრობითა ათას ხუთასითა, მოვიდა და შეერთდა დიმიტრის ჩაილურსა შინა, იქმნა მუნ ბრძოლაჲ ძლიერი და მოჰსწყდნენ რუსნი ვიდრე ორასადმდე, და განიყარნენ ღამესა მას თვს თვსად. ღამესა ამას შეუჩინეს რუსთა კაცი ალისკანტის ბელადსა და მიჰსცეს ქრთამი დიდი და აღუთქმეს უვნებელად მხედრობითა თვსითა განტევება, რათა წარვიდეს იგი შინა. ხოლო ალისკანტიმაც დაუტევა ალექსანდრე და განიპარა ღამესა მას მხედრობითა თვსითა. მხილველთა კახთა ამისთა იწყეს განბნევა თვს თვსად სახლთა შინა. მაშინ ორგულ ექმნა ალექსანდრეს ბარძიმ ჩერქეზიშვილი, მოვიდა დიმიტრისათანა და უთხრა, უკეთუ მომცემთ ჯილდოსა, მიგიყვანთ-ყე ტყის გზით და ხელთ გიგდებთ ალექსანდრეს. მსმენელმან დიმიტრიმ მისცა როტა ერთი და ზარბაზანი ორი. გაუძღუა ბარძიმ. მისრულთა უკანით უყვეს ზედა დასხვაჲ კახთა და განაბნიენეს კახთა მხედრობანი, ხოლო დანაშთთაცა ლეკთა გარდავლეს მთა ქერამისა. შთასრულნი ფაფურისა მინდორსა შინა მუნ დახვდა ტიხანოვეკი, რუსთა მხედრობითა, და მოსწყვიტნა მრავალნი ლეკნი. ხოლო კახთაცა, ურცხვინოებისა სამოსლისა შემოსეღთა, ამათცა მოსწყვიტნეს ლეკნი იგი, რომელნიცა გამოხსნ სათვის კახეთისა სისხლსა აქცევდნენ. მხილველი ამისი, უღონო ქმნილი კახთაგან ალექსანდრე წარვიდა მთის გზით, და აღვიდა ფშავშია, ხოლო მუნითცა ხევსურეთს და იყო ეამი რაოდენიმე მუნ. მყოფობასა დიმიტრისასა მანავსა შინა, მაშინ ორნი მეცხვარენი თუშნი, მომავალნი იორის პირით, იხილა ერმიმ მუხრან ბატონისშვილმან, ძემან სვიმონ ნასახჩიბაშისამან. რომელთა აქუნდათ იარაღი თუშთა მათ კეთილი, შემკული ვერცხლითა. მიზეზისა ამისთვის შეიპყრნა იგინი, და მიგუარა დიმიტრის, და შეჰსწამა ტყუილად ფიცითა, ვითარმედ ესენი იყვნესო ალექსანდრესთან, და გვესროდენ თოფსაო; რომელსაცა ერმის არა ეხილვა ბრძოლა იგი. ოი უსჯულო სენილისი მის! ხოლო ჰკითხეს რა თუშთა მათ,

იწყეს ფიცილი. რომელ იგინი თვნიერ ცხვრისა თვისისა არა ოდეს სადმე ყოფილან, გარნა არა უსმინა დიმიტრიმ ტირანმან, და მოაშთუა იგინი და მერმე დაწუნა ცეცხლსა შიგან მანავს. მაშინ დიმიტრი უკუიქცა სვიმონოვიჩითურთ. მივიდა და დადგა ლაკბეს. მუნ არწმუნა თავადისშვილთა, ვინც ვინ აღექ. სანდრესთან იყვნენ, ფიცით უვნებელობაჲ, მიიტყუა და შეიპყრნა იგინი სრულად, და წარგზავნა ციმბირს რტიშევმან. მივიდა დიმიტრი ქიზიყს და შეიპყრა ჯალია ჯალიაშვილი, უმატესი ყოველთა ქიზიყთა შორის, და მოაშთუა სიღნაღს. წარემართა მუნით, შევლო შიგნითი კახეთი, და იავარ ჰყო ყოველნივე ნაქონებნი თავადთა და აზნაურთანი, რჩევითა ენდრონიკაშვილის იოსებ ქიზიყის მოურავისათა და ნინია ერასტაშვილისათა, რომელთაცა ამათა უფრო აიკლეს კახეთი, ესრეთ: რომელ ნინია ერასტაშვილმან ძმისა თვისისა დიმიტრის ცოლს, რძალსა თვისსა სალომეს, ესრეთი სირცხვილეულ ჰყო, რომელ ჩახადა ნიფხავი და განუჩრქა, უკეთუ აქუს რაიმე დამალული მას შინა ნივთი, რათა მისტაცოს მას. და ეგრეთვე მოურავმან ქიზიყისამან იოსებმაცა უყო ცოლსა ნინია ზურაბაშვილისასა, ქალსა დავით სარდალისასა ბარბარეს. რომელთაცა არა შტუნოდათ ძმათა თვისთა ესე ვითარისა უკუანისა ქმნაჲ და უკეთუ წვრილად აღმეწერა მათ მიერ. ტირანობაჲ, დაკლებაჲ კახთა თავადთა სახლთასი, და გლეხთა, ფრიად განვრცელებოდა ისტორია ესე, და სიგრძისათჳს დავიდუმე. ხოლო გლეხთაცა მრავალთა მიუღო მალიჯათი ფრიად, და ეგრეთვე ზუკაკიშვილმანცა კარის წინამძღუარმან ელევთერ შეიპყრნა რაოდენნიმე მღუდელნი და დიაკონნი უბრალონი, რომელთაც ხელითა თვისითა ჰსცემდა და აგლეჯდა წვერთა, მიიყვანა ქალაქს მიტრაპოლიტს ვარლამის წინაშე, რომელნიცა გაკრიქნეს და წარგზავნეს ციმბირს უბრალონი სულნი. ხოლო უკეთუ მღუდელმან, რომელმანმე მისცას ასი თუმანი მიტრაპოლიტსა ვარლამს ქრთამი, იგი განტევებულ იქმნებოდის აღვიდნენ სვიმონოვიჩითა და დადგნენ თიანეთს, თუმცადა აღექსანდრეს აწვიეს მოსვლაჲ, გარნა არა მომდობმან რუსთა

მან, დადგა ხევსურეთს, შატლსა შინა. მაშინ ჩოლაყაშვილმან აბელ, ძემან ქაიხოსროს სალთხუცესამან, იჩემა რუსთა წინაშე — უკეთუ იგი ნიკებულ იქმნების რუსთა მიერ, აღვალს იგი ხევსურეთს და შეიპყრობს ალექსანდრეს. მაშინ რუსთაცა, დამრწმუნებელთა, წარავლინეს იგი. აღვიდა რა მუნ, სცნა ესე ალექსანდრემ, შეიპყრა და ენება სიკუდილი მისი, და ვინაჲთგან მამა მისი ქაიხოსრო მოკუდა ერთგულად ნამსახური ტუსალობასა შინა რუსთაგან ტფილისს, ამის გამო მისცა იგი ანწუხელთა ლეკთა, რომელნიცა მას თან ახლდნენ, ხოლო მათ დაასხნევიანეს თავი ორას თუმან თეთრ ფულად, და მიექცა სიციბილი თვისი თავსა ზედა თვისსა, და არცა რაჲმე მისცეს რუსთა. მაშინ წარემართა დიმიტრი და სვიმონოვიჩი და აღვიდა ფშავში. მუნ მოერთვნენ ფშაველნი რუსთა, ხოლო მუნით წარემართნენ რუსნი ფშავეთურთ, და მივიდნენ ხევსურეთს. ეკუბთნენ ხევსურნი ძლიერად, და აენეს ფრიად რუსთა, და დაჰკოდეს ძმამ, დიმიტრისა ყაფლან მაიორი, და ვერარაჲმე მყოფელნი რუსნი უკუნიქნენ კუალად თიანეთადვე ხოლო ალექსანდრემაც გარდავლო თუშეთი და ჰშთავიდა ქურამუტს ლეკთა შორის, და შეიწყნარეს მათ ალექსანდრე, ვითარცა პატრონი მათი, და ყეენიცა ბაზახან უელინებდა მას როკიკსა, რომელიცა აქუნდა ყეენისაგან წელიწადში ათას ორასი თუმანი თეთრი ალექსანდრეს, და ჰსძღვნიდიან კახნიცა ალექსანდრეს ჩუმადა. ვინც თავადნი, ალექსანდრესთან მყოფნი, დაიკარგნენ ციმბირს ანუ აზნაურნი, მათი სახელი ზემოთ თავის ფურცელში იხილე.

ნ 2. ხოლო წელსა ამასვე 1812, ქკს ფ, ოკტომბრის 20, წარმოავლინა ბაბახან ყეენმან ძე თვისი აბაზ მირზა, რათა მწე ეყოს ალექსანდრეს კახეთსა შინა, და ჰყვა თანა ექვსი ათასი ახლად გასწავლული რეგული, რომელსა სარბაზს უხმობენ და ცხენოსანიცა ყიზილბაშთა ოთხიათასი, და ზარბაზნანი ცამეტნი ინგლიზურნი. მოვიდა და დადგა არეზ გაღმა ასლანდუზზე და ვინაჲთგან ესმა ძლევაჲ რუსთაგან ალექსანდრესი და წარსვლა მისი დალისტანსა შინა, მაშინ მიუწერა რტიშჩემან ღიანარალ-მაიორს პეტრე სტეფანიჩს კიტლერევსკის, რომელიცა

იღგა ყარაბაღს ერთითა პოლკითა ღრუზინსკის ღრნადირითა, რათა ხანიცა მუნებური მეითი წარიყვანოს თანა, და დაესხას აბაზ მირზასა. მსმენელი ამისი კიტლერევეცი წარემართა, და თანა წარიტანა ხანიცა ყარაბაღის მხედრობით ცხენოსანი ორი ათასი; შთავიდა რა, არეზსა ზედა განსდუა ჯიშირი და განიყვანა მხედრობანი თვსნი. ხოლო განიტანეს რა თოფხანა ჯარისა მას ზედა, ჩაჰსწყდა ჯიშირი და ჩაუარდათ ორი ზარბაზანი ბატარეიანი და დაშთათ ორი მსუბუქი ზარბაზანი. ამისმან არა მკვრეტელმან კიტლერევეციმ დაუტევა მუნ წყალთა შინა ზარბაზანნი იგი და თვთ წარემართა მას ზედან. გაუძღვნენ წინა ყარაბაღელნი, და თავრიზის გზით ღამით უგრძნეულად მიიყვანეს ვლაგირსა ზედა სპარსთასა. გათენდა რა დილა, დაესხნენ თავსა აბაზ-მირზასა. თუმცალა მათცა ზრძტს, გარნა ვინამთვან სპარსნი არა იყვნენ მზა ბრძოლისათვს, ამად იძლივნენ სპარსნი, მაშინ რუსთა მიუღეს 13 ზარბაზანი მათი და შეიპყრეს სალდათნი მათნი სამასნი და დროშანი დიდნი სამნი და დაშთათ ბანაკი სპარ.თა სრულიად. განიელტო აბაზმირზა და აღვიდა ბორცუსა ერთსა ზედა და იწყო მუნ მაგრება. მაშინ რუსთა მიმართეს მას და მუნცა ჰსძღეს რუსთა ყიზილბაშთა, და წარვიდა აბაზ-მირზა ძლეული თავრიზს. ხოლო კიტლერევეცი მოვიდა ძღვეა შემოსილი ტფილისს, რომელსაცა ჯილდოდ მისცა ხელმწიფეჲან კიტლერევეცის ღიანარალ-ლეიტენანტობაჲ. ამა ბრძოლასა შინა მოკუდა რუსთა მხედრობათაგან ცხრა აფიცარი და ოთხმოცი სალდათი თვინიერ ყარაბაღელთა.

ხოლო წელსა ამასვე 1812, ქკს ფ, განდევნა ყვენმან ბაბახან ხანი ღანქარანისა მუსტაფა ციხით და დაადგინა მხედრობანი თვსნი, თორმეტი ათასი სარბასნი და გაამაგრეს ამათ ციხე ღანქარანისა. რამეთუ ესე მუსტაფა-ხან შესრულიყო საფარველსა ქტსშე რუსეთისასა, რომელიცა იყო ღიანარალ-მაიორი და აქუნდა როკიკიც ხუთასი თუმანი რუსთაგან; ესე ლტოლვილი მოვიდა და შეჰსჩივლა რტიშჩევსა. მაშინ რტიშოვმან წარატანა ამას ღიანარალ-ლეიტენანტი კიტლერევეცი

მხედრობითა თვისითა ორიათასითა. მივიდნენ და მოადგნენ გარს ციხესა ლანქარანისასა. მაშინ კიტლერევეცკიმ უყო ზედა დასხმაჲ: მიუდგა კიბენი და აღვიდნენ რა სალდათნი, იძლიენენ რუსნი ყიზილბაშთაგან, და მოჰსწყდნენ მრავალნი რუსნი, ხოლო აფიცარნი ჩვიდმეტნი, და დაჰკოდეს ყბასა შინა ფრიალ კიტლერევეცკია. მაშინ მაიორმან აფხაზიშვილმან ივანემ, ძემან ნიკოლოზისმან, აღიყვანა მეორე ბატალიონი რუსთა, მივიდა სხვის მხარესა ზედა, აღვიდა კიბეზედ და შთავიდა ციხესა შინა და ზიმართა კარსა ციხისასა, განახუნა კარნი ციხისანი, და შევიდნენ დანაშთნიცა სალდათნი, მოსრნეს მუნ რაოდენნიმე ყიზილბაშთა მხედრობანი, და სხვანი განივლტენ მუნით, ხოლო რუსთა დაჰშთათ ყოველნივე მუნ თოფხანანი და ალაფი აზულაჯურთ, და რაოდენნიმე ხაზინანი; მიიყვანეს მუსტაფა-ხანი და დასვეს კუალად ხანადვე, და დააყენეს მუნ რუსთა პოლკი ერთი, ვინაჲთგან არის ლანქარანი კასპიის ზღვის პირსა ზედან, ხოლო კიტლერევეცკის ჯილდოდ ამისა ჯობძეს ჯუარი წმიდისა გიორგისა მეორე ხარისხისა, ხოლო ხანსა მას ლანქარანისასა დაჰსდტუს ხარკი რუსთა, ვითარცა სხვათა ხანებთა მებრ.

წელსა ამასვე 1812, ქკს ფ, ნოემბრის 28, ღამესა 9 საათსა მოწმენდილს ჰაერზედა გამოჩნდა მთოვარე ამ სახედ და ვიხილეთ ყოველთა. და ჰკვირობდნენ მთელნი ხალხნი მის ქალაქისანი, მოსკოვის აღების შემდგომად. დაბექლილარს^სეცე რუსთა მიერ (იუნო შესტვის წიგნსა შინა). სახე ამა ხილვისა იყო ესრეთ.

მეორედ გამოცხადება მთოვარისა ცასა ზედან, რომელიცა იხილვებოდა მოსკოვით დეკემბრის 5, წელსა 1812, და ღამის 8 საათილამ იხილვებოდა მოწმენდილს ცაზედ ვიდრე ათის საათის შესრულებამდე. სახე ამისი. ესეცა დაბექლილარს იმ იუნოშესტვის წიგნშია.

წელსა ამასვე ნოემბერში გარდაიცუალა მოსკოვის მიტრაპოლიტი ბრძენი პლატონ, მოხუცებული ღრმად, ტროიცის ლავრასა შინა, და მოადგილედ მისსა ჰყვეს არხიეპისკოპოსი აღვისტინე. ხოლო წელსა ამას სრულიად განსდევნეს რუსთა

ფრანკუცი სამზღუართა თვსთავან.. მივიდნენ და შეერთდნენ იმპერატორნი ალექსანდრე და პრუსიის კოროლი ვილფრიმ, და დაწინდა ძმა თვისი იმპერატორმან ალექსანდრემ ნიკოლაოზ ასულსა ზედა პრუსიის კოროლისა ვილფრემისასა ზედა შარლოტაზედ და ამით იქმნა უფრორე შეერთება მათი. ესე ორნივე წარემართნენ საქსონიასა ზედა მხედრობითა თვისითა.

63. ხოლო წელსა ამას 1813, ქკს ფა, აპრილის 18 მოკუდა კუტუზოვი (რომელსაცა მისცეს უვანათლებულესი კნიაზობაჲ ტიტულად სმოლენცკისა) და ნაცვლად მისა მიიღო თვთ იმპერატორმან ალექსანდრემ წინაძლომობაჲ და მართუა მხედრობისა თვისისა. ხოლო ნაიბად თვისსა ჰყო კუალად ბარკლიდეტოლივე.

ხოლო წელსა ამასვე 1813, ქკს ფა, წარემართნენ რუსნი და პრუსიელნი, მივიდნენ და მოადგნენ საქსონიის ქალაქს დრეზდინს, ჰალიდეს იგი ბრძოლითა. თუმცაღა მრავალნი მოსწყდნენ მუნ მხედრობანი რუსთა და პრუსიელთანი, გარნა დაიპყრეს იგი იერიშითა თჳსსა აპრილსა 13 დღესა წმიდისა აღდგომისასა. მუნითვან მონაპარტეცა მახლობელ საქსონიისა წარმოემართა მხედრობითა თვისითა, მოვიდა საქსონიას, ეკუტათა რუსთა და პრუსიელთა ძლიერად, იძლიენენ რუსნი და პრუსიელნი, და უკანა ჰსდია სამს მიღზედა. გაბრუნდა მუნით მონაპარტე, მოადგა დრეზდინსა, და აღიღო ქალაქი დრეზდინი მონაპარტემ, ივლისის 5. უკუქვეულნი რუსნი და პრუსიელნი მოვიდნენ და დაიბანაკეს ლეიპციხს. მაშინ იმპერატორმან ჰსთხოვა შერიგება მონაპარტეს 40 დღის პეემანითა, რომელსაც დართო ნებაჲ. მაშინ იმპერატორი ალექსანდრე ეზრახოდა კეისარს ფრანკს, სიმამრსა მონაპარტესასა, რათა იგიცა შეერთდეს და განდევნონ მონაპარტე, და მიიღოს ადგილიცა თვისი, რომელიცა აქუნდათ დაპყრობილი ფრანკუცთა მსმენელი ამისი ეთანხმოვა რუსთა და შერიგდა რუსთა და პრუსიელთა, მოვიდა თვთცა ლეიპციხს და ჰყო პირი თვისი მტკიცეთ რუსთა და პრუსიელთა თანა, მიჰსცა მხედრობაჲ თვისი. დადგნენ სამნივე ერთათ. მსმენელი ამისი მონაპარტე წარმოემართა მათ ზედა.

ეკუტონენ ესენი ურთიერთს. იქმნა ბრძოლა ძლიერი და სასტიკი, თუქსა ოკდომბერსა 19, და იყო ბრძოლა ესე უსასტიკესი ბოროდინისა. განგრძელდა ბრძოლა ესე სამს დღეს და ღამეს, იძლივა მონაპარტე. მაშინ სამნივე ხელმწიფენი იდგნენ — კეისარი ფრანც, იმპერატორი ალექსანდრე და კოროლი პრუსიისა ვილდიმ — ერთს მალალს ბორცუსა ზედან და ჰსკვერეტდენ ბრძოლასა ამას. მივიდა რა მახარობლად შუარცენბერლ, ფერთ-მარშალი კეისრისა, მაშინვე საჰნი ესენი გარდაჰზდნენ ცხენით და დაიჩოქეს მუხლზედ და თაყვანისცეს ღმერთსა, და აღიპყრეს ხელნი თვისნი ზეკად მიმართ, და სთქვეს: „ჩუქსთანაარს ღმერთი“ სამგზის. და ესრეთი მადლობა შეჰსწირეს ღმერთსა ძლევისათვის მონაპარტესა. მიზეზითა ამით, რამეთუ ყოველნივე ევროპიისა ღერცოლნი და კოროლნი, თვნიერ ფრანციისა და საქსონისა, და რაოდენნიმე პოლშისა მხედრობანიცა იყვნენ მომხრე მონაპარტესი, ხოლო დანაშთნი ევროპელნი კეისართურთ და პრუსით და რუსნი იყვნენ პირის პირ მონაპარტესა. ძლეული მონაპარტე წარვიდა ფრანციასა შინა, ხოლო იმპერატორთა და კოროლთა, შედგომილთა უკანა, მივიდნენ, დრეზდინს მოადგნენ. მუნ მოკლეს მორო ღიანარალა ფრანციისა, ჩინებული მძღუანი, რომელიცა განტოლელი იყო მონაპარტესაგან და იყო ამერიკას, რომელიცა მუნით მოეყვანა იმპერატორს ალექსანდრეს და იყო მასთანა. აღიღეს დრეზდინიცა და სხვა ციხენიცა, რომელიცა ეპყრათ ფრანცუტთა, წარემართნენ მუნით და დაიბანაკეს მდინარესა ზედან რეინისასა, რომელიცა მდინარე ესე არს სამზღუარნი ფრანცუტთა და ევროპიელთა.

64. წელსა ამას 1813, ქკს ფა, იძულებულმან ბაბახან ყეენმან წარმოავლინა ხანი თვისი აბულ ჰასან ხან შირაზელი. ესე მოვიდა ყარაბაღს. და რტიშჩევიცა შთავიდა ტფილისით. შეიყარნენ ზემას გულისტანზედ, მუნ დაზავდნენ სპარსნი და რუსნი, მიჰსცეს ურთიერთს ტრაკტატი შერიგებისა, განაწესეს სამზღუარნი ესრეთ: არეზის პირი, მილრი და შორაგალი, რომელიცა დაჰშთათ რუსთა; სახანონი: 1. ყარაბაღი 2. განჯა

3. შაქი და შირვანი, 4. ბაქუ, თალიში, ლანქორანი, დარბან-
დი და დაღისტანი სრულიად, 5. ყუბა. გარდა ამისა სრულიად
საქართველო 6. იმერეთი 7. მეგრელია 8. აფხაზეთი 9. გუ-
რია 10 სამზღუარით მათითურთ (რომელსაც ქტპვით მოვიხსე-
ნებთ სახელდობრივ) წერილთა შინა მათთა აღთქმათა, ხოლო
ყიზილბაშთა დაჰშთათ ერევანი და ეჩმიადინი და არეზით ხურ-
და ფირინის ხიდს გაღმართ. რომლისა გამო იქმნა მშვიდობაჲ
საქართველოსა შინა და სპარსეთს. უკუნ იქცა მუნით აბულ
ასან-ხან, ხოლო რტიშევიცა მოვიდა ტფილისს.

ხოლო წელსა ამასვე 1813, ქკს ფა, იენისის 1, დღესას-
წაულსა სულის წმინდის მოსვლისასა, მზემან 12 საათზედ შუა-
ღლისასა ორი მგურგალი გრკალი შემოიღლო გარს ცისარტყე-
ლის მშგავსი, ხოლო ამას გარს ევლო მგურგული გრკალივე
ნათლის ფერი, ხოლო ოთხსა კუთხესა ზედან აქუნდა ბურჯის
მშგავსად ორი წითელი და ორი თეთრი ყოველსა კუთხესა
ზედან, ჰაერი იყო ფრიად განწმენდილი, და იხილვებოდა ესე
ნიჟნა ნეოგოროდის ქალაქიღამა და მოსკოვიღამანცა, და იდგა
მზე ესე 12 საათიღამ ვიდრე მზის ჩასვლადმდე, ხოლო ოდეს
შთავიდა მზე, ესეცა მათ თანა შთაყვა.

კულად წელსა ამასვე 1813, ქკს ფა, ივლისის 7, ღამეს,
საათსა 11 კვირას აღმოსავლეთისა გამოჩნდა ვარსკულავე დი-
დი, სისხლის ფერი წითელი, და იდგა კვრა ერთი.

65. წელსა 1814, ქკს ვბ, იანვრის 1 იღღესასწაულა
იმპერატორმან ალექსანდრემ დღესასწაულობა ახალწლისა მდი-
ნარესა ზედან რეინისასა, და ანიჟნა მხედართ მძღუანთა თვსთა
ღირსებისამებრ, ვითარცა სახელნი, ეგრევე ნიჟნი და კავალერ-
ნი, ხოლო დღესასწაულსა წმიდისა განცხადებისასა, 6 იანვარს,
აკურთხებინა მდინარე იგი რეინისა, რომელ არაოდესმე არა
შესრულიყვნენ მუნ რუსთა მხედრობაჲ; რომელიცა დასდუე დღე
იგი მოსახსენებლად როსიასა შინა; და განუცხადა მხედრობასა
თვსსა მუნ წასვლაჲ პარიჟსა ზედა, სადაცა მოსრულთა რუსთა
იწყეს დღესასწაულობაჲ და აღუთქტეს უკანასკნელ სისხლად-
მდე ბრძოლაჲ ფრანკუტთა. წარემართნენ რა ესენი ფრანციასა

ზედა, არა რაიმე ავენეს სოფლებთა და შენობათა. მსმენელმა ამის მონაპარტემანცა შეკრიბნა დანაშთნი მხედრობანი თჳსნი და დადგა მახლობელ პარიჳისა, და სთხოვა სენატსა თჳსსა, რათა მოჰსცეს მწე ყოფაჲ და მხედრობანი ახალნი და ალუჳ-ქუა ფიცით ძლევაჲ მტერთა თჳსთა. თუშცალა ჰსწადდა სენატსა მიცემა ჯარისა, გარნა ვინაჲთგან უშინავანესი მისი მინისტრი ტალერან ექმნა ორგულ მონაპარტეს, ამან არა აუფლა ფრან-ცუცთა შეწევნა მისი, ვინაჲთგან ერჩდნენ ამას ფრანცუცნი ფრიად. წარემართნენ რა სამნივე ხელმწიფენი ესე პარიჳსა ზე-და, მიიწივნენ რა ფარსანგსა ათსა პარიჳსა ზედან, მუნ მოეცება კუალად მონაპარტე დანაშთითა მხედრობითა თჳსითა. იკუტთ-ნენ მარტის 14 და მოსწყდნენ ორსავე მხარეს მხედრობანი მრავლად. იძლივა მუნ მონაპარტე და არღარა შევიდა პარიჳსა შინა, ვინაჲთგან ქალაქი პარიჳი მოსცეს სენატმა იმპერატორ-თა (კაპიტულაციითა, ესე იგი პირობითა უნებლობისათჳს ქა-ლაქისა). ხოლო მონაპარტე სხვით გზით წარმსელელი მივიდა ქალაქსა რომელსამე, რომელიცა შორავს პარიჳს სამოცითა მი-ლითა, დადგა მუნ მხოლოდ დანაშთითა მხედრობითა ცხრა ათა-სითა პოლშელითა, რამეთუ პოლშელნი ფრიად ჰსდგენ ერთ-გულებასა ზედა მონაპარტესასა.

ხოლო წელსა 1814, ჭკს ფბ, მარტის 19, დიდმარხვს მეექვსე კვრის ხუთშაბათს დღესა შევიდნენ პარიჳსა შინა დი-დისა დიდებითა და მხედრობითა თჳსითა სამნივე ესე ხელმწი-ფენი—იმპერატორი ავსტრიისა ფრანც, იმპერატორი როსიისა I ალექსანდრე, კოროლი პრუსიისა ვილჳემ, და სხვანიცა შეერთებულნი ამათნი წერილნი კოროლნი და თავადნი ევრო-პიისანი. ხოლო ფრანცუცთაცა იდღესასწაულეს დღესასწაულო-ბაჲ შესვლისათჳს მუნ სამთა ამათ ხელმწიფეთათჳს. მაშინ სამ-თავე ამათ ხელმწიფეთა თანხმობითა ფრანცუცთათა მიუწერეს მონაპარტეს, რათა აღიხადოს ტიტული იმპერატორებისა, და განუწესეს წელიწადში ექვსი მილიონი თუმანისა სარჩოდ, და რათა იცხოვროს კუნძულსა შინა ცელბიისასა თავისუფლად, და მიჰსცეს კუნძულიცა იგი მას..

მსმენელი ამისი ნაბოლოონ მონაპარტე, უღონო ქმნილი, ეთანხმავა ამას, და წარვიდა კუნძულსა ცელბისსა.

მაშინ წელსა ამასვე 1814, ქკს ფბ, მოიყვანეს სამთავე ამათ ხელმწიფეთა მემკვდრე ძეგლი ბორბონი ლუდოვიკ 17 ანკლიით, რომელიცა დროსა პარიჟის ბუნტისასა იყო მუნ გარდავარდნილი, ვინაჲთგან ძმა ამისი ლუდოვიკ, კოროლი მუნე-ბური, მოკლეს ფრანკუსთა. მიეგებნენ სამნივე ესე ხელმწიფენი და წარჩინებულნი ფრანკუსთანი; შემოიყვანეს ლუდოვიკ პარიჟში და დასვეს კულად კოროლადვე, აფიცეს ფრანკუსნი მხედრობითურთ ერთგულებასა ზედან მისსა, და მიულეს ყოველთავე ხელმწიფეთა ცაღადგილნი იგი შენაძენნი, რომელიცა დაეპყრა მონაპარტეს და დაიპყრეს თვისივე თვისად, და უკუნიქცნენ თვისადვე, ხოლო პოლშაჲ დაშთათ რუსთა სრულიად.

ხოლო წელსა ამასვე, იენისის 14, მოვიდა ძლევა შემოსილი ფრანკუსთა ზედა იმპერატორი ალექსანდრე პეტერბურხს, ხოლო მოქალაქეთა შეუმზადეს კარი (ტრიუფალი), ესე იგი ძლევა შემოსისა, გარნა ხელმწიფე ამას არა მნებებელი დიდებით შემოსელის. გარნა სენატმანცა შეუმზადა ტიტული და არც ესე მიიღო, და შემოვიდა უბრალოდ, მივიდა ყაზანის ეკლესიასა შინა, ახდევინა პარაკლისი მადლობისა და მივიდა სასახლესა თვისსა.

ხოლო წელსა 1814, ქკს ფბ, ყენმან ბაბა ხან წარგზენა კარსა ზედან როსიისასა მინისტრად აბულ ჰასან ხან შირაზელი, ნაიბი ვეზირცა და თანა წარატანა შერიგებისა (ტრაკტატიცა). და თანა წარატანა მოსაკითხავად და მისართმევად იმპერატორისად არმალანნი ძვირფასნა, და სპილო ორი აღკაზმული, და ცხენნი 14 საუკეთესონი. ესე მოსრული მოსკოვს, მიიღეს დიდისა დიდებითა, რომელიცა იდგა მოსკოვს თჳს 4.

ხოლო წელსა 1814, ქკს ფბ, აგვისტოს 1, ლამეს შაბათსა, რომელიცა განთენდებოდა კვირა, ცისკრის ჟამს აღმოვიდა ვარსკულავი ერთი პეტერბურხს ცეცხლის მჰსგავსი, ხილვითა დიდი და ამ სახედ იხილევებოდა შეცვლითა: 1. იწვიმა

ცეცხლი წვიმის მსგავსად, 2. შეიცულა გრძელს ტახტსავით მსგავსად კანაფისა, 3. შეიცულა სტოლის სახედ, 4. შეიცულა სკამივით და კულად ყარა ნაბერწყალი ცეცხლისა, 5. მთოვარის სახედა შეიცულა, 6. განიფანტა და იქმნა კულად ვარსკვლავადღე. ხოლო ამისა შემდგომად მეორეს ღამეს შემდგომად ამავე ღამესა აღმოვიდნენ ორნი ვარსკულაენი, ერთი აღმოსავლეთით და მეორე დასავლეთით, ცეცხლის მსგავსნი, რომელთაცა აქუნდათ კუდნი გრძელი, მსგავსი კომეტისა, და დაახლოვებულთა ერთი ერთისადმი, მიაბჯინეს თავი ერთმანეთსა, და იღგნენ ესენი ამ სახედ ერთ საათს ანუ უფრო მეტს. ხოლო ამათგან იხილვებოდა მრავალნი სხვა და სხვა ფერნი სახენი. ესე ვარსკულაევი გამოჩნდა პეტერბურხსა შინა მაშინ უოველთა ასტრონომოსთა მუნებურთა იწყეს გამოძიება და ვერა ჰპოეს, რომელ ყოფილიყოს ოდესმე ესე ვითარი ვარსკულაევი და ჰკვირვებდნენ ამას. ესე ნაცილ ნურავის ეგონოს, რომელ ნანდილ იყო ესე და სრულიად ხალხმან მან ქალაქისამან იხილა იგი.

წელსა ამასვე აგვისტოს 25 ღამეს სამშაბათს დაბნელდა მთოვარე, და გარს გრძელი შემოვილო სისხლის ფერი, ესეცა პეტერბურხსა შინა. ხოლო წელსა 1814, ოქტომბრის 12, ღამესა ორშაბათს აღმოსავლეთის მხარეს გამოჩნდნენ სვეტნი ნათლისანი მრავალნი და აღიწეოდა სიმაღლე მათი ზეცადმდე და იხილვებოდა მათგან მრავალ სახედ ცვლილებაჲ, და მრავალი რიგი ნაკრბთები, რომელიცა შეუძლებელ იყო თვითეულისა აღწერაჲ: ესეცა იყო საკთ-პეტერბურხსა შინა, და იხილეს ყოველთა მცხოვრებთა პეტერბურხისათა.

ხოლო წელსა ამასვე 1814, ქკს ფბ, ნოემბრის 2, ღამეს ორშაბათს გამოჩნდა ნათელი აღექსანდრეს ნევეკის მონასტერში პეტერბურხს წმიდის იოვანე ოქროპირის ეკლესიის გუნბათში შიგნით, და იღვა შვიდს ღამეს.

ხოლო წელსა 1814, ნოემბრის 12, ამავე წელს ღამესა 4 საათს შუალამისას აღმოვიდა თეთრათ მგურგლად ნათელი ერთი საკთ-პეტერბურხს აღმოსავლეთის მხრიდამ და განანათლა

სრულიად ცაჲ და აქუნდა გრგვინვა ვითარცა ზარბაზნისა. ღამე იგი იყო ფრიად ბნელ და ნისლიან, და განანათლა ცაჲ ვითარცა მზემან. რომელსაცა ზედა ჰყვირობდნენ ყოველნივე მუნ მცხოვრებნი წელსა ამისთვის ცისა პლანეტისა ცვლილებასა ზედან.

ხოლო წელსა ამასვე 1814, ქკს ფბ, ოქტომბრის 27, ღამესა ოთხშაბათს, საათსა 12, გარდაიკულა მეფის ირაკლის ძე ვახტანგ პეტერბურხს და დაფლეს ნეცკის მონასტერსა შინა, ხარების ეკლესიასა შინა.

კულად წელსა ამასვე 1814, ქკს ფბ, აგვისტოს 30, იმპერატორმან ალექსანდრემ მიულო მამული ქსნის ერისთვს 'მეილებს—ქსანი, ლიახჯ და გვერდის ძირი, და ჰყო კულად სახასოდვე, ვითარცა იყო პირველ ეამსა შინა დროთა მეფისა ირაკლისათა და ძისა მისისა მეფისა გიორგისასა. ხოლო ამანვე იმპერატორმან დასო ალავერდელად ფიცხელაური დოსითეოს, ძე არჯვენისა, და უწოდეს არხივისკოპოზად თელავისად და კავკასიისა; რომელიცა დიდისა ლიახჯთ მოკიდებული მთა კავკასიისა და კახეთი, თვნიერ ქიზიყისა, მიჰსცეს ეპარხიად და განაწესეს მოქცევისათვს კავკასიელთა (კომისიაჲ), ესე იგი მართებლობაჲ, და არწმუნეს ამასვე დოსითეოსსა საქმე ესე.

66. წელსა ამას 1815, ქკს ფგ, თებერვლის 14, კულად უკუნ იქცნენ რა თვს თვსად ხელმწიფენი ფრანციით, შეკარბნენ წარჩინებულნი ფრანციისანი და მოუწოდეს კულად მონაპარტეს იმპერატორსა კუნძულით ცელობით, რომელიცა ჰსცხოვრებდა მუნ, ვითარცა ზემოთ მოვიხსენეთ, - რათა მივიდეს და დაიპყრას ტახტი თვისი. მსმენელი ამისი მონაპარტე გამოვიდა მუნით და მივიდა ქალაქსა ტულონს, რომელიცა სდგას ზღვისა კიდესა. შეკარბნენ მუნ მხედრობანიცა ფრანცუტთა და პოლშელთანი. წარმოემართა და დაიპყრა ფრანცია, მოვიდა და დადგა მახლობელ პარიჯისა. ხოლო წელსა ამასვე 1815, თებერვლის 15, გამოჩნდა კულად კომეტა ვარსკულავი ფრანციისა კერძ. მოვიდა მონაპარტე მოადგა ქალაქსა ლიონს და აღიღო იგი იერიშითა, რომელიცა აქუნდა ბორბანსა გამაგრე.

ბული. მოვიდა პარიჟსა ზედა და მოადგა რა, შიშვნეულ იქნა ბორპონი, კოროლი ლუდოვიკი, განიელტო პარიჟით და მივიდა ლალანდიასა შინა. და დაიპყრა მონაპარტემ კუალად პარიჟი და მოირთო ძალი და განძლიერდა უმეტეს პირველისა.

ხოლო წელსა ამასვე 1815, ქკს ფვ, თებერვლის 7 მოკუდა მეფე იმერთა სოლომან, არჩილის ძე, ლტოლვი ოი რუსთაგან ტრაპიზონს, და დაფლეს მუნვე. ამან წელი იმეფარეთსა შინა 21.

ხოლო წელსა ახსვე თებერვლის 15 კუალად გამოჩნდა ფრანციის მხარეს ვარსკულავი კომეტა ხოლო წელსა ამასვე მარტის 9 ლამეს გამოჩნდა პეტერბურხს ვარსკულავი გრძელკუდა და არა კომეტა, ბნელი იყო ეს ვარსკულავი, და იყო ბნელ წითლად; ესე რუსთა გამოჰსცეს გაზეთსა შინა და ასტრონომოსთაგანცა იყო განზომილ, რომელსა სიგრძესა ამის კუდისასა სწერდნენ 2 ღრადუსად.

ხოლო წელსა ამასვე 1815, ქკს ფვ, სექტემბერში კუალად წარემართა იმპერატორი ალექსანდრე მხედრობითა თჳსითა ფრანცუსსა ზედა; მივიდა რა სამძღვარსა ზედა ფრანცუსთასა, მოიწვია კეისარი და პრუსიის კოროლი, და მიუწერა ანგლიის კოროლსაც, რათა იგი მწე ეყოს, ხოლო მან წარმოავლინა ფელთმარშალი თჳსი ველინხტონ მხედრობითა მრავლითა. ესე ველიხტონ უწინ მივიდა ფრანცუსთა შინა. ხოლო პრუსიის კოროლმანცა წარავლინა მსწრაფლად მხედრობითა თჳსითა ფელთმარშალი თჳსი ბლუბერ, მივიდა ესეცა და შეერთდა ველიხტონს, ამათ უყვეს ზედა დასხმაჲ მონაპარტეს. იქნა ბრძოლა ძლიერი და სასტიკი, იძლია მონაპარტე და განიბნენ მხედრობანიცა მისი. მხილველი მონაპარტე ესე ვითარსა უბედობისა თჳსისა, მივიდა თვთ ველიხტონთან ანგლიის ფერთმარშალთანა, ხოლო მან შეიპყრა და წარავლინა ლონდონში. მაშინ სამნივე ხელმწიფენიცა მივიდნენ პარიჟსა შინა, დაამუვიდეს ფრანცუსნი. და მიუწერეს კოროლსა ანგლიისასა გიორგის, რათა მონაპარტე ჰყოს ჰეროდილად კუნძულსა შინა წმიდისა ელენესასა, რომელ არს კუნძული ესე უკიანისა

ზღვისა შუა გულობას, და მიიყვანეს კულად ლუდოვიკე და დასვეს კოროლად, და დაუყენესა მხედრობანიცა თვისნი წელს რაოდენსამე, ვინათგან განმტკიცდეს იგი ტახტსა თვისსა ზედა, ხოლო ანგლელთაჲსა წარავლინეს მონაპარტე კუნძულსა მას შინა და განუწყესეს როჰიკი იგივე, ვითარცა აქუნდა ელბასა შინა, ხოლო კეისარმანცა წარიყვანა ქალი თვისი და ყრმა მონაპარტესი, სახელად მონაპარტევე, და ზრდიდა თვით. უკუნიქცა ფრანცით იმპერატორი ალექსანდრე და განვიდა ლონდონში და იყო ეამ რაოდენიმე, კულად მუნით უკუნიქცა და მოვიდა პეტერბურღსავე.

ხოლო წელსა 1815, ქკს ფგ, მაისის 3, დამესა ორშაბათს, საათსა 10, დასაფლეთ-ს მხარითა წამოვიდა ფრენითა სიმალღესა ზედა ქალაქისა 30 საჟენზედ; იხილვებოდა ვარსკულავი ერთი, რომელსა აქუნდა თავი გუბლისა, ხოლო ბოლო მისი იყო გრძელი და მჰსგავსი ცეცხლისა, რომელიცა აფრქუტედა ცეცხლსა. ესე ვარსკულავი წარმოსრული მოვიდა პეტერბურგს, და შთავიდა ციხესა შინა პეტერბურგისასა, სადაც არს რუსთა იმპერატორთა სასაფლაო, და მუნ უჩინო იქმნა. ესე ტყუილი ნურვის ეგონება, სწორეთ კეშმარიტად ვნახეთ მუნ ყოველთა საზოგადოთა ხალხთა პეტერბურგისათა.

ხოლო წელსა ამასვე მაისის 15 პეტერბურგში იწვიმა ციღამ გოგირდი, რომელიცა არვის ასმიეს ესე ვითარი ნახვაჲ.

ხოლო წელსა ამასვე 1815, ქკს უგ, აგვისტოს 11 დამეს გამოჩნდა კულად აღმოსავლეთის მხარეს ვარსკულავი ერთი დიდი, მჰსგავსი ცეცხლის ფერისა:

წელსა ამასვე, აგვისტოს 15, კვირიაკესა, საათსა 10 სმოლნის მონასტრისა ეკლესიასა შინა გუნბათზედ ზეცით ჩამოვადანათელი მგურგულად, ვითარცა ბურთი. ესე ნათელი იდგა მას ზედა ვიდრე ორ საათამდე, ესე მრავალთა ხალხთ იხილეს, და კეშმარიტი არის ესე, ხოლო ამალღდა კულად ნათელივე იგი ზეცად.

ხოლო წელსა ამასვე 1815, აგვისტოს 4, იქმნა ესეცა საცვფრო საქმეჲ, რომელიცა არაოდეს მომხდარა, რომელ

ეწვიმოს ცასა სეტყვა ქვსა, რომელიცა წელსა ამას, აგვისტოს 4, იწვიმა სეტყვა ქვისა რუსეთში თჳსრის გუბერნიაში, სიმძიმით ფუნთამდინ, სოფელსა ერთსა და არა ყოველგან, და ვინცაინ ხალხნი იყენენ გარე მას ჟამს, იგინი იქმნენ მოწყყტპტილ მისგან.

წელსა ამასვე 1815, დეკემბრის 20, მიიღო დიდის ცერემონიით მოსრული ელჩი სპარსეთით აბულ ჰასან ხან შირაზელი იმპერატორმან ალექსანდრემ პეტერბურხს და არმალანნი იგი წარმოგზავნილნი ბაბახან ყეენის მიერ (ამას უწოდებენ ფათალიშად). რომელიცა შემოყვანილი კარით ქალაქით იდგა ღვარდიისა ჯარი, ვიდრე სახლადმდე ელჩისა და მიაგებეს წინა ღიანარალ ლეიტენანტი სვიმონ თავადი სოლალაშვილი სახელმწიფოისა კარეტითა, და სხვანიცა მრავალნი და შემოვიდა ამა დიდებითა. რომელსაცა ამა ელჩსა აბულ ჰასან ხანს აქუნდა დროშაჲ ხელმწიფისა ოჯახისა გაშლილი და მოსდევდა გვერდით და ესრეთ შემოვიდა ქალაქსა შინა. ხოლო შემდგომად დღეთა რაოდენთაჲე მიართო ამან ელჩმან სპარსეთისაჲან წიგნი შერიგებისა ტრაკტატი, და ძღვენი ესე: სპალონი ორნი — ერთი მამალი და ერთი დედალი, ზედ ქოლგა დგმულნი ფარჩითა. 12 ბედაურნი ცხენნი საუკეთესონი თირმა შალ ხურვილნი ჩულითა, 14 თირმა შალნი ძვირფასნი, 14 დიბანი ფარჩა სპარსეთისა ძკრფასნი, სამი ასხმა კრიანესული მარგარატისა, რომელი იყა. თითო თხილის გულის სიმსხა თითო მარცული, ასასი თითო ძაფი, წვრილი მარგალიტი ერთი ჩარეკი წონითა, 2 ქტა ზურმუხტი თითო ყურუშის ტოლი, მწუანე უებრო, ერთი წყვილი საყურე მარგალიტი თითო თიჯოს ბუდეშურის ყურძნის სიდიდე, უებრო, სამი ხმალი ძვირფასი — ერთი დარიოზ მეფისა, 2 ლანგ თემურისა და 3 დიდის შაბაზისა, მუმიან საუცხოვონი, დაფაზარნი სხვა და სხვანი, ყუთნი ისპანიის მხატრობით, რომელში ერთ ყუთში იდუა სასწორი ოქროსი და მაკრატელი (იგავად), 2 ხორასნის დიდი ორხუა, ხალიჩა აბრეშუმისა, ფრიალ საუცხოვო.

ხოლო მეუღლისათვის ხელმწიფისა ელისაბედისა იყო ფეშქაშად ყეენისაგან ესენი: 6 თირმა შალი, 6 ღიბა, ერთი კრიანესული მარგალიტისა ძვრფასნი. ხოლო ხელმწიფის დედისათვისცა იყო ესევე სახედ, და დიდებულთაცა კარის კაცთა თვის რუსეთისათა თვისცა იყო ყეენის მიერ წარმოგზავნილნი ფეშქაშნი სხვა და სხვანი ღირსებისამებრ მათისა, ხოლო ელჩი სპარსეთისა დაჰშთა კარსა ზედა როსიისასა წელი ერთი დიდისა პატივ ცემითა.

ხოლო წელსა ამასვე 1816, ქკს ფდ, იანვრის 12 აქორწინა დაჲ თვისი იმპერატორმან ალექსანდრემ, ეკატერინა ქვრივი, რომელიცა ჰყუა პირველად პრინცს ოლდენბურლისას, და შერთო იგი დვიძღოს ბიძაშვილსა თვისსა ვირტენბერლის პრინცს ფრიდერიკს, რომელიცა შემდგომად მამისა თვისისა იქმნა კოროლად ვირტენბერლისა. პირველად დასწერეს ჯვარი ქრისტიანულად სასახლის ეკლესიასა შინა, ხოლო მეორედ მასვე დღესა გამოსრულთ ეკლესიით დაჰსწერეს ჯვარი ნემეცურად სახლში, გარდაიხადეს დღე იგი პეტერბურხს დიდის დღესასწაულობითა. ხოლო წელსა ამასვე თებერვლის 14 იმპერატორმან ალექსანდრემ აქორწინა უნკროსი დაჲ თვისი ანნა პრინცსა ზედა ორენცკისასა, მემკვიდრესა ლაღანდიისასა, და ამასაცა ასე დაჰსწერეს ჯვარი, ვითარცა დასა ამისსა ეკატერინეს და გარდაიხადეს დღესასწაულიცა ამის უფრო ვრცლად და მშვენიერად, სადაცა ამ დღესასწაულობაში დაესწრა ელჩი ბაბახან ყეენისა აბულ ჰასან ხანცა, რომელიცა განცვიფრდა ამა ფრიადსა დღესასწაულობასა და ცეცხლის სათამაშოთა მრავალ გუართა თვის შუშხუნათა.

წელსა ამასვე 1816, ქკს ფდ, ივნისის 3, უკუ აქცივა ელჩი სპარსეთისა სპარსეთადვე, რამელსაცა ანიქნა ურიცხვნი საბოძვარი იმპერატორმან და უბოძა ბრილიანტის ჯილაცა თავზედა, და ეგრეთვე მისთანა მყოფთ ამაღათაცა უბოძეს ფრიადნი საბოძვარნი.

ამავე წელსა გარდაიყენა უპირველესი მართებელი რტიშჩევი ღიანარალ ან შეფი საქართველოით, და ნაცულად ამისა

განიწესა*) ღიანარალ ლეიტენანტი ერმალოვი აღექსეი პეტროვიჩი. ესე ერმალოვი დანიშნა ხლმწიფემ ელჩად სპარსეთად, რათა წარვიდეს ქართლით ბაბახან ყეენტან და დაამტკიცოს საუკუნო შერიგება და განაჩინოს საზღვარი სპარსთა და ქართლისანი, და წარატანა ამასე მრავალნი არმადანნი ძვირფასნი ბაბახან ყეენტან, ვითარცა მისთვს, ეგრეთვე იმპერატრიცასთაცა ცოლებთან მისთა მოსაკითხნი არმადანნი, და ძეთა მათათვს მამადალი მირზასთან, და აბაზ მირზასთანაცა, და დიდებულთა თანა სპარსეთისათა. მისრულმან ერმალოვმან ტფილისს, დააქცია ციხე ტფილისისა, ვახტანგ გორგასლანის მიერ აღშენებული, და გარს ვალაფანიცა, მოვლებული როსტომ მეფისა მიერ.

ამან ტფილისს შეიპყრა თათარი ერთი, რომელსაცა ყრმაჲ განეხრწნა სოდომურითა ცოდვითა, სცა მათრახითა თათარსა მას ფრიად და მერმე დაასო ბეჭედი შუბლზედ, რომელიცა იყო დაწერილ ესრეთ თათრულად (გოთ სიქან), და განუტევა იგი.

ხოლო წელსა ამასე 1816, ქკს ფდ, აგვისტოს 23, დღესა ოთხშაბათსა, საღამოს საათსა 8, გარდაიკუალა მეფის ირაკლის ძე იულონ წლისა 57, დამბლის სნეულებითა, რომელიცა იყო მდებარე სნეულ 4 წელი, და დაფლეს პეტერბურხს ნეესკის მონასტერსა შინა, წმიდის იოვანე ოქროპირის ეკლესიასა შინა.

ხოლო წელსა ამასე 1816, ქკს ფდ, სექტემბრის 19 იქმნა საკვრველი ესე საცვფრო სანახავი: ღიმპანიასა შინა, ქალაქსა მადრიტსა ღამესა 7 საათსა აღმოვიდა მზე ჩვეულებისა მებრ აღმოსავლეთზედა, და პირისპირ ამა მზისა აღმოვიდა ერთი სხვა მზე და დასდგა, და თანა აღმოჰყვა მას შვიდი ვარსკვლავი, შვიდნივე იგი ფრიად ბრწყინვალენი, ხოლო ქალაქი იგი მადრიტისა ესრეთ განათლდა, რომე მხილველთა მუნ მცხოვრებთა ეგონათ, რომე ცეცხლი ეკიდებო, ესენი იდგნენ საათ-

*) მოთარ მართებლობა 7. ამან წელი იმთავრა.

ნახევარს ცაზედ გავრცომილნი, შემდგომად მზემან ესე შვიდნივე ვარსკულაენი მიიტაცა და მიიყვანა თვსთანა, და შეიცვა სხივთა შინა თვსთა, და შთავიდა ისე ჩვეულებისამებრ. მრავალნი ფილასოფოსნი და ვარსკულაეთ მრიცხველნი მხილველნი ამისნი, ფრიად განცვიფრებულნი, ამტკიცებენ, რომელ აზარდესჲე ყოფილა ესეთი გამოჩენა მზისა და ვერცა ძველთა წერილთა შინა უპოვნისთ.

წელსა ამასვე 1817 გამოჩნდნენ ევროპიასა შინა ლათინთა პატრნი, სახელად ლინდერ, და გოსნერ მწულებელნი მოვიდნენ პეტერბურხს და ჰქადაგებდნენ უარ ჰყოფასა ღვთის მშობელისასა ესრეთ, რომელ შემდგომად შობისა ქრისტესა კულად ჰყუა სხუანიცა შვილნიო იოსებ დამწინდველისაგანო. რომელიცა წვალეზსა ამას ზედა შეუდგნენ მრავალნი რუსნიცა. მსმენელი ამისი იმპერატორი ალექსანდრე განრისხნა მათზედა და ექსორია ჰყო რუსეთით. მისრულნი ესენი ვინასა შინა შეიწყნარა კეისარმა და დიდათ პატივი სცა მათ.

ხოლო წელსა ამასვე იქმნა ესრეთი ფრიად სიყმილი კერძოთა ქვეყანათა ნემეცისათა და ვირტენბერლის საკაროლოთა შინა, რომელ მცხოვრებნი მუნებურნი სკამდნენ ხის ქერქთა და ქვემძრომთა და მრავალნი სულნი სიყმილითა მოისრნენ. გარნა იმპერატორმან ალექსანდრემ გამოზარდნა ხალხნი იგი პურითა, რომელმანცა ნება ჰსცა როსიასა შინა ყიდვა პურისა და ორს წელს გამოიზარდნენ რუსეთის პურითა მთელი საქსონია, პრუსია და ვირტენბერლი, და სხვანი წერილნი საღერცოდონი.

ხოლო წელსა ამას 1817 ქკს ფე, აპრილის 17 წარვიდა მთავარ-მართებელი ერმალოვი ტფილისით სპარსეთს ელჩად ბაბახან ყეენთანა. მისრული სულთანის, დახვდა მუნ ყეენი და მიიღო დიდის ცერემონიით ივლისის 20, ხოლო ერმალოვმანცა მიართო არმადანნი იგი, და დაამტკიცეს საზღუარნი და შერიგებანი რუსთა თანა, ვითარცა მოგვითხრობს მათი ტრაკტატი (ამა წიგნის ბოლოს იძიე). უკუნეიქცა მუნით ერმალოვი და მოვიდა ქართლსავე.

მართებლობა 1 სასულიერო რუსთა, რომელიცა დასვეს თეოფილაქტე ეგზარხად, ამან 4 წელი იმთავრა და მოკუდა ქიზიყს, და მუნვე დაფლეს წმინდა ნინას

ხოლო წელსა ამასვე 1817, ქკს ფე, იენისის 2, გარდაყენებულ იქმნა საქართველოს მიტრაპოლოტი ვარლამ და დოსითეოს, არხიეპისკოპოზი თელავისა და კავკასიისა, და ნაცულად მათდა განიწესა არხიეპისკოპოსად რუსი თეოფილაქტე რეზანისა, გუარად რუსანოვი. ხოლო ვარლამ მოიყვანეს პეტერბურხს და დასვეს სინოდის ჩლენათა, და დოსითეოს დააყენეს მოსკოვს. ამათ ორთა აქუნდათ ქართლსა ურთიერთარს შური და განხეთქილება და ამის მიზეზისათჳს გარდაყენებულ იქმნენ მუნით. მისრულმან თეოფილაქტემ ტფილისს შემუსრა ეკლესია კარისა ნათლისმცემლისა, რომელსაც ზუმობდნენ (კოტეჯისას), და დააყენა მრავალნი ეკლესიანი ტფილისს, ქართლს და კახეთსა შინა. ამან გაჰყო სოფელნი, და თითოს ეკლესიას მიაწერა 80 კომლი. ამან, რაჲცა იპოებოდა ნიეთი ანუ სიმდიდრე ეკლესიათა, მიუღო ყოველივე და შთაიტანა ტფილისს. ესე არა იყო ფრიად ღვთისმოყვარე და ფილასოფოსი მსოფლიო. ესე იყო ფრიად მოძულე საქართველოს სამღვდელლოთა და მღვდენელი ფრიად. ამან გამართა რუსთა წესთამებრ სემინარია სამღვდელლოთ წესისა. ამან დასდუა ხარკი ეკლესიისა გლეხთა თეთრად, რომელნიცა იქმნენ ფრიად შემქირებულნი გლეხნი ხარჯისა გამო. ამან მიუხვნა მონასტერთა ყმანი და ვენახნი, შეწირულებანი ვისგანვე, და შეამკირნა მონაზონნი მონასტერთა შინა. ამან აღხადა ქუათახევოს წმიდას მონასტერს პატივი და ნაცულად მისსა გააკეთა ქაშოეთი ტფილისს მონასტრად. ამან აღიღო გალობა ქართული და ნაცულად მისსა მოაყოლა გალობა ქართულის ენით რუსთა და ლათინთ კილოზედა.

წელსა ამას 1817, ქკს ფე, შიშვილობისა მიზეზითა აღიყარნენ ხალხნი ევროპიისა, ნემეციით ქრესტყნით სხვათა და სხვათა საკოროლოთაგან და საღერცოლოთა და წარვიდნენ ქართლს მრავალნი კომლნი. ამათ სარწმუნოებით ეწოდებათ

კლონისტნი, და აქუთ მცირედ სარწმუნოება ქრისტიანეთა, უფრორე კალვინთა და რეფორმატთა. ესენი დაეშენნენ სახასოთა ადგილთა ქართლისათა, ესე იგი კერძოთა კახეთისათა, სანგორსა შინა, შანქორს და სომხითს, და სხვაგნით.

ამ წელს, იენისის 6 მოვიდა ხაშმის სოფელსა სეტყვა ფრიალ დიდი, ხოლო ამავე სეტყვაში ჩამოვარდა სეტყვა ერთი, რომელიცა იყო წონით ერთი ლიტრა, — დიახ საკვირველი იყო.

ამავე წელსა, ივლისის 16, ორშაბათს, ღამეს საათსა 11 დაჰნელდა კუალად მთოარე სამხრეთის მხარეზედ. მთვარე იყო რიცხვით 14.

წელსა ამასვე 1817, ქკს ფე, ივლისის 1 დააქორწინა იმპერატორმან ალექსანდრემ რუსთამან ძმა თვისი ნიკოლაოზ ასულსა ზედა პრუსიის კოროლის ვილდეიმისასა, რომელსა ქალსა ამასა ეწოდა ნემეცურად შარლოტა, ხოლო, რუსულად მონათლეს რა, უწოდეს ალექსანდრა, და იღღესასწაულეს დღე ესე ქორწილისა დიდისა დღესასწაულობითა და შექცევითა მრავალგუარითა პეტერბურხსა შინა.

ხოლო წელსა ამასვე 1817, სექტემბრის 5 იქმნა ესე საცკფრო შემთხვევაჲ როსიასა შინა: ბოროდინის უეზდში, სოფელსა ერთსა, საბატონის შვილოსა სოფელსა შინა შამუტსა იქ მცხოვრებელის გლეხის ცოლს ევდუკიას, სტეფანეს ასულს, ორსულს დროზედ შუა ოთხი ყრმა ერთად, სამი ვაჟი და ერთი ქალი, ორი ვაჟი კი მასვე დღესა მოკუდა, ხოლო ერთი ვაჟი და ქალი ცოცხალნი არიან მრთლად (ესე ამბავი სევერნის გაზეთით გამოცხადდა, რომლისა რიცხვი ამ გაზეთისა № 76).

წელსა ამასვე 1817, ქკს ფე, ოკტომბერში აღიყუანა ლიანარალ-მაიორმან გიორგი ერისთვს ძემ სამასნი რუსნი და ოთხასნი ქართველნი, აღვიდა ქსანზედ და იქიღამ ჟამურს. აღსრულთ ჟამურის თავს ტბაზედ, რომელთაც ენებათ აღობრება მალლა დორელთა ოსთა. მისრულთ ტბის ყურზედ მოუვიდათ წვიმა და ესეთი მძაფრი ყინელიც მასთანვე, რომელ განჰყინა რუსნი ორასნი და ქართველნი სამასნი, ხოლო ეს-

რეთი ქარცა და ღელვა ტბისა ამის, რომელ ცხენიან კაცთა ისროდა ტბათა შინა. ჭი საკვირველი, რომელ ზეზე მდგომნიცა ცხენნი მრავალნი განიყინენ და მოსწყუნენ და მცირედნილა განერნენ მშვიდობით, ხოლო დანაშთნი სრულიად მოსწყეიტნა ყინვამან მუნ; და დაშთენ მკუდარნი მუნვე.

ხოლო წელსა ამასვე, აგვისტოს 15 ანგლიაში, ქალაქსა ლონდონს დოხტურის რიღბის ცოლს ეყოლა ამასაც ოთხი შვილი ერთათ, სამი ვაჟი და ერთი ქალი, რომელნიცა ესენი ოთხნივე ცოცხალნი არიან და იზრდებიან, და არიან ფრიად მშტენიერნიცა სახითა. დოხტური ესე არის 72 წლისა, ხოლო ცოლი მისი, რომელმანცა შუა, არის წლისა 50; და არს ფრიად საცვიფრო ესეცა შემთხვევაჲ (ესეცა ანბავი ეწერა ქეშმარიტად სევერნი გაზეთში; ოკდომბრის 17 რიცხვში, ხოლო რიცხვი ამა გაზეთისა № 83).

69. წელსა ამას 1818, ქკს ფე, აპრილის 15, ბრწყინვალე კვრისა ორშაბათს იყო დიდი ქუხილი და ელვა პეტერბურხს, იღვა ისევ თოვლი და ნევაც გაყინულ იყო. პკვირობდნენ მუნ მცხოვრებნი, რომელ არაოდეს ქმნილაო ესე. ხოლო შემდგომად მეორესა დღეს მოვიდა თოვლი, რომელ სანით დადიოდნენ მუნ მცხოვრებელნი.

თჳსა ამასვე აპრილის 17, დღესა ოთხშაბათსა, დილის საათს მეშვიდეს იმპერატორის ალექსანდრეს ძმის მეუღლეს ნიკოლაოზ პავლიჩის ცოლს ეყოლა ვაჟი მოსკოვს. ამას უწოდეს სახელი ბიძისა თვისისა ალექსანდრევე.

წელსა ამას 1818, ქკს ფე, აპრილის 30, დღესა ორშაბათსა გარდაიკულა მეფის ირაკლის ასული ეკატერინა, მეუღლე გიორგი სალთხუცისა ჩოლაყაშვილისა, სნეულად მყოფი კავკასიის ქალაქსა გიორგისასა, და დაფლეს მუნვე სასაფლაოსა მათსა.

ხოლო წელსა ამასვე 1818 გარდაიყენა მიტრაპოლიტი აბროსი პეტერბურხისა, და ნაკულად მისა დასვეს მიტრაპოლიტად ჩერნიგოვის არხიეპისკოპოსი მიხაილ, მღუდელ-ყოფილი მოსკოვსა შინა, კაცი ღირსი და შესაფერი საყდრისა თვ-

სისა. წარვიდა ამბროსი ნეოგოროდს და მისრული გარდაიკუ-
ლა მუნ

წელსა ამას 1818, ქკს ჟე, მაისის 17 (სევერნის გაზეთ-
ში ეწერა 48 ნუმერში): მოლდავიის ქალაქით ბუხარესტით
იწერებიან ესრეთ: საბერძნეთიდან მივიღეთო ესე სამწუხარო
ამბავი, რომელ დიდი იგი ქალაქი ფილიპეპოლი, რომელშიაცა
ჰსცხოვრებდნენ სულნი 100,009 ხალხთა იქმნა ესეთი ძვრამ,
რომელ სრულიად დაიქცა შენებულეზ მის ქალაქისა, და მრ-
ვალნი ხალხნიცა მოჰსწყვიტნა, და გაოხრდა ქალაქისა მის შე-
ნობა ესრეთ, რომელ ემჰსგავსებისო ათ სის წლის დამბობილს
ქალაქსაო.

ხოლო წელსა ამასა 1818, ქკს ფე, აპრილში გარდმოვი-
და ქარილით უპირველესი მართებელი ერმალოვი კავკასიის
ლუბერნიაში და დადგა ნაურს; მუნით ეზრახა ჩაჩნელთა კავკა-
სიისათა, რათა შევიდნენ უღელსა ქტუშე მონებისასა, ხოლო
მათ, არა მნებებელთა, იწყეს მავრება. წარავლინა ერმალოვმან
მხედრობანი და წარტყვენეს რაოდენნიმე ძირის სოფლებნი
ჩაჩნელთანი და მოწვეს სოფლები იგი, გარნა ხალხი მუნებუ-
რი ვერ იგდეს ხელთა, ვინათგან შევიდნენ მათთა დაღისტანსა.
მაშინ ერმალოვმან, გამსვლელმან თერგს და მისრულჲან ჩაჩნი-
სა წყალსა ზედა, მუნ გააკეთა ჩაჩნისა მდინარესა ზედან, ად-
გილსა სუნჯას, ციხე თხრილისა და უწოდა სახელად ტროიკი-
სა, (ესე იგი სამებისა) და დადგა შიგა იენისის 2 და იღლე-
სასწაულა. ხოლო რაოდენ გზისცა აწვია ჩაჩნელთა მონებაჲ,
არა ინებეს მათ და შეკრბნენ ჩაჩნელთა თანა დაღისტნელნიცა.
წარავლინა მათ ზედან მხედრობითა ღიანარალ-მაიორი ჰესტე-
ლი. მისრულსა მუნ შეუკრნეს გზანი იწრონი ჩაჩნელთა და
უყვეს ზედა დასხმაჲ. იძლიენენ რუსნი ჩაჩნელთაგან და უკუნ
იქცნენ თვსადვე. ამას ზედან გამოხდნენ ჩაჩნელნი, მოვიდნენ
ლაქესა ერთსა და დაეცნენ თავს ერმოლოვის ციხესა. მას შინა
იქმნა მუნ ბრძოლა არა ეგრეთი, გარნა კუალად უკუნიქცნენ
ჩაჩნელნი სახლად თვსად და ერმალოვიცა დადგა მუნვე.

ხოლო ამავე ჟამსა აგვისტოს თვეში ქარელთა ჩამოიყვანეს ალექსანდრე, მეფის ირაკლის ძე, ანწუხით, გაუძღვნენ ჩვიდმეტნი კაცი ქარელნი და გაიყვანეს იედი ბოლუქუხედ მტკუარში. თუმცაღა რუსთ ყოველგან აქუნდათ შეკრულნი გზანი ალექსანდრესთვის, გარნა ღმერთმან მშვიდობით განარიცა იგი ხელთაგან მათთა; და აღიყვანეს ახალციხეს. ხოლო ერმალოვიცა ადგა ჩაჩანსა და მარადის ბრძოდა ვიღრე დეკემბრამდინ და ვინაჲთგან ვერღარა მრე ექმნა ჩაჩნელთა, აღიყარა მუნით და წარვიდა ქართლადვე, ვერა რაასამე საქმისა კაცასიეღლთასა სრულ მყოფელი, როჲელმანცა ბრძოლასა მათსა წარაგო სამი ათასნი რუსთა მხედრობანი მუნ.

წელსა ამასვე, აგვისტოს 16, პეროზილნი ციბირს თავადნი კახნი და ქართველნი ყოველნივე განათავისუფლნა იმპერატორმან და მიიქცენ სახიდ თჳსად.

ხოლო წელსა ამასვე 1818, ქკს ფვ, ივლისის 29, სმოლენცკის გუბერნიაში იუზნოვცკის უეზღში, სოფელსა შინა სლობოდისასა ერთის მუნ მცხოვრებელის გლეხის ეზოში ჩამოვარდა ჰაერი და ქუა ერთი, რომელიცა ჩაერქო მიწაში 9 ვერშოკი, ხოლო, ამოიღეს რა ქუა ესე, ნაკუბთი აქუნდა სვეტისა მჰსგავსად და ბრკყვინვიდა მეტალსავითა. წონა იყო ამა ქვსა 7 ფუნთი და ჰქონდა სიმაღლე 3 ვერშოკი, ხოლო სიგანე 2 ვერშოკი (ესე ეწერა სევერნი გაზეთში სეკტემბრის 7, ხოლო გაზეთისა ამის რიცხვი არს № 72).

ხოლო წელსა ამასვე 1818, ქკს ფვ, ოკტომბრის 29 იწერებთან კამენი პოდოლცკით ესრეთ: ლუბერნიასა ამას შინა, ლიტოვის მაზრაში, დაბასა შინა კაჩნოვსკის შეემთხვა ბუნების ჩვეულების გარეგან, რომელ ერთის გლეხის ცოლმან შვაწული, რომელსაცა ჰქონდა ოთხი ხელი და ოთხი ფეხი, რომლისა სხეულიცა, მკერდიდამ მოკიდებული, განიყოფოდა ორად, შეზრდილი ერთმანეთისადმი ბარძაყამდე, ხოლო ახალშ აბილი ესე შემდგომად მონათვლისა ორს ღღეს უკან მოკუდა და მშობელი ამისი დაჰმთა მთლათ. (ესე ეწერა სევერნი გაზეთში, რომლისა რიცხვი არის ამა გაზეთის № 94).

ხოლო წელსა ამასვე მოკულა მდივანი ეგნატი თუმანი შვილი და დაფლეს სოფელსა მათსა ხელთუბანს, ეკლესიასა შინა და, რა ქუა დაადეს, რისხვითა ღვთისათა მეხი ეკვეთა ციღამ და მკუდარი იგი ამოაგდო საფლავით. ესე ქეშმარიტად იყო და მრავალნი ამისა მხილველნი მომითხრობდნენ, რომელსა ცა ამა ეგნატეს, სიკაბუკესა შინა, განებჩუნა ღვიძლი და მტკი და რისხვითა მღვთისათა არა ღირსი იყო დაფლულად ეკლესიასა შინა, ამისთვის იქმნა ესე სამხილებელად, რათა არღარა ვინმე ქრისტიანთაგანმან იკადროს ესე ვითარისა უსჯულოებისა მოქმედებაჲ.

წელსა ამასვე კულად კრება ჰყვეს საქსონიასა შინა, ქალაქსა ახენს ორთა იმპერატორთა, რუსიისამან და კეისარმან, და პრუსიის კოროლი მუნ იყო, და ფრანცუკის კოროლის ნაიბად მოვიდა დუკ დერიშელია და ინგლიზის კოროლის ნაიბად იყო ფერთმარშალი ველინხტონ: ამათ კულად დაამტკიცეს ერთობავე და სიყვარული, და ზკუნნიქცნენ თვს თვსადვე.

ხოლო წელსა ამასვე 1818, ქკს ფვ, მოკულა კოროლი ანგლიისა გიორგი, წლისა 115.

ამავე წელსა მოვიდნენ ნაენი აღეირიისანი ორმოცი და მოადგნენ ელენეს ოსტროვს, სადაცა იყო ჰერობილად მონაპარტე, ხოლო ოსტროველთა ცა მუნ მცხოვრებთა იხილეს რა ესე უბედურება თვის ზედა მოსრული, აღადგინეს აბოხი და მოჰსწყვიტნეს მუნ მყოფნი ანგლელთ მხედრობანი, რომელნიცა ჰციდნენ მონაპარტეს. იქვე ელენეს ოსტროვში მოკულა მონაპარტე წელსა 1821, თჳსსა მაისის 5.

ხოლო წელსა ამასვე 1818, ქკს ფვ, დეკემბრის 22, დღესა შაბათსა გარდაიცულა მეფის ძის ფარნაოზის ასული ელისაბედ წლისა 19, ფრიად მშვენიერი და დაფლეს ესეცა ნევსკის მონასტერში წმიდის იოვანე ოქროპირის საყდარშია.

ამავე თჳსსა დეკემბრის 28 გარდაიცულა იმპერატორის აღექსანდრეს და ეკატერინა პავლოვნა, რომელიცა ჰყვა ცო-

ლად ღვიძლსა ბიძაშვილსა თვისსა კოროლსა ვირტენბერლისასა.

წელსა ამასვე მოვიდა კუალად სპარსეთით წარმოვლენილი ბაბახან ყენისაგან ხანი მაჰმად ასან აეშარი პეტერბურხსა შინა. ამან მოართო იმპერატორსა ალექსანდრეს ცამეტი ცხენი, წარმოგზავნილი სპარსეთის ყენისაგან, საუკხოვონი.

70. წელსა ამასვე 1819, ქკს ფზ: წელსა ამას ესრეთი იყო ყინვა საქართველოსა შინა, რომელ 17 ღრადუსზედ აღვიდა ყინვა, მტკუარი გაყინა სრულიად, რომელ ურმები ზედ გაჰქონდათ. არაოდეს ჟამს არავის ასმიეს, რომელ ესრეთი ყინვა ყოფილიყოს ოდესმე. და მოჰსწყდა მრავალი პირუტყვი და ცხვარი და განხმენ ხენიცა წაყოფთაგანი სრულიად.

ხოლო ამავე თჳსსა, იანვარში 17, იყო ტფილისს ესრეთი ძვრა, რომელ არაოდეს ჟამს ყოფილა. და იყო ძვრა ესე განგრძელებული ჟამ რაოდენიმე და გვრგვინვიდა დედა მიწაჲ სრულიად ძვრისაგან. და დაიქცა მრავალი შენობაცა ტფილისს.

ამავე თჳსსა, იანვრის 16, მეინიხში, დაბასა შინა ტამმას, რომელიცა არს. საკოროლო ვირტენბერლისა, ჩამოვარდა მეხი და ეცა სამრეკლოს ეკლესიისასა, და მოუკიდა ცეცხლი, და რაოდენიცა ეცადნენ გაქრობასა მისსა წყლის დასხმით, ვერ გააქრეს იგი, გარნა მოიძიეს ღონის ძიებაჲ, რათა დაასხან რძე და გააქრონ, და ოდეს დაასხეს რძე მეხსა მას, მაშინვე ჩაქრა იგი, გარნა სამრეკლო იგი სრულიად დაიწო. (ესე ეწერა გაზეთსა შინა სევერნისასა, რომელიცა რიცხვი ამა გაზეთისა არის № 12, თებერვალს 8).

წელსა ამასვე 1819, მარტის 3 მოკუდა მოსკოვის არხიეპისკოპოსი აგვისტინე და შოადგილედ მისა დასო იმპერატორმან თჳსრის არხიეპისკოპოსის სერაფიმ და უბოძა მიტრაპოლიტობაჲ.

ამავე წელსა, მაისის 13, დღესა სამშაბათსა, ზატიკში მიიცუალა მეფის გიორგის ძე პირმშო და მესკვიდრე ქართლისა დავით წლისა 50, რომელიცა იყო რუსთა ღიანარაღ-ლეიტენანტი

და სენატორი. ამას აქუნდა ნიშანი: კავალერია ალექსანდრე ნევესკისა და ანნასი. ესე გარდაიკულა საკთ-პეტერბურხსა შინა ვასილის ოსტროვში. ამას დავითს არა დაჰშთა შვილი, არცა ვაჟი და არცა ქალი. ამვე წელს იშუა, აპრილის 30, შუა ზატიკსა, ძმის წული მისი, ძე ბაგრატიისა, და უწოდეს სახელი ბიძისა თვისისა დავითივე.

ხოლო წელსა ამასვე, მაისში, უკუნიქცა პეტერბურხით ელჩი ბაბახან ყეენისა შაჰად ასან ხან ავშარი, სპარსეთადვე, ხოლო იმპერატორმან ალექსანდრემ წარუგზავნა ყეენსა ბაბახანს ფეშქაშნი ესე ხელითა აფიცრის იზმირელის ავატიქასიძეა: ჰაუზი ერთი საკვირველი ბროლისა, თლილი; ამას აქუნდა სიმრგვლე სამი ადლი, ხოლო სიმაღლე ერთი ადლი და იყო შუა შადრევანნი, და რაჟამს აღივსის ჰაუზი იგი წყლითა, იწყის შადრევანმან აღმოსვლა და აღარ გაჰსწყდის სვლა შადრევანისა მიზეზითა ამით, რომელ სხვა წყალი არ მოჰდინარეობდა ჰაუზსა მას შინა, არამედ ერთხელ რა აღივსის, იგი აღმოვიდის შადრევანსა მას შინა და შთავიდის რა წყალი იგი, კულადვე ის წყალივე აღმოვიდის, და ამასთანავე სხვანიცა არმაღანნი, ვითარცა ჩინის სუფრის იარალი, ეგრეთვე ძვირფასნი ბროლის სარკენი და ქურქელნი. ხოლო იყო ფასი ამათი ათექუსმეტი ათასის თუმანის შავის ფულისა.

წელსა ამასვე შეიმთხვა ჰრომსა შინა ესე საკვირველი საქმე ერთს ჩინებულს დედათაგანს, გუარად ველეტრის: მუცელ ქმნილმან ამან შუა ხუთნი ვაჟნი ერთათ ცოცხალნი, ორი შემდგომად შობისა მოკუდა, ხოლო სამნი იგი ცოცხალნი არიან, მრთელნი და უვნებელნი.

ხოლო წელსა ამასვე 1819, ქკს ფზ, მაისში აღადგინეს კულად აბოხი ჩაჩნელთა და შეერთდნენ ვითარცა ჩერკეზთა, ეგრეთვე სრულიად დაღისტანთა თანა, მოვიდნენ უეცრად შეყრილობანი მათნი მხედრობანი ვიდრე ოცდაათი ათასამდე, მოადგნენ სუნჯის ციხესა, რომელიცა აღაშენა უპირველესმან მართებელმან ერპალოვმან. აღიღეს ციხე იგი და მოსწყვიტნეს მას შინა მხედრობანი რუსთანი ვიდრე ოთხასამდე და შემო-

სრეს ციხეცა იგი. მსმენელმა ამისმა ღიანარალ მაიორმა კარლი ფეოდორიჩმა შტალმან, რომელიცა იყო მართებელი კავკასიის ლუბერნიისა და იღვა იეგორევეცკის ქალაქსა შინა, შეიკრიბნა მხედრობანი მუნებურნი და წარემართა ჩაჩანსა ზედა ვიდრე ათი ათასითა კაცთა. მისრული მუნ, ეწყუო ჩაჩნელთა მხედრობათა, გარნა ჩაჩნელნი მრე ექმნენ რუსთა და დაკვეთეს ღიანარალი შტალი და აენეს ფრიად. უკუნ ქეუღლმან მუნით შტალმან აუწყა ესე უპარველეს მართებელს ქართლისასა ერმალოვს ტფილისს, ხოლო იგიცა, მსმენელმან ამისმან მოიკრიბნა მუნ მყოფნი რუსნი მხედრობანი საქართველოსანი, თვინიერ სპარსეთის გრანიცის მტრულთა კიდენი, და წარმოემართა, გარდმოვიდა და დასდგა მოზდოკს, იენისის 12, და აუწყა ესე ვითარი შემთხვეულობაჲ კავკასიელთაგან იმპერატორსა. მსმენელმან ამისმან იმპერატორმან აღექსანდრემ წარუვლინა შემწედ ერმალოვს თექუსმეტი პოლკი, განსწავლულნი. ამჟამად იყო ერთი პოლკი სამი ათასი კაცი განსწავლული. და მიუწერაცა დონისა ყაზახთა ათამანსა ღიანარალ აღუტანტსა თვისსა არლოვსა, რათა მოიკრიბოს სრულიად დონის ყაზახთა მხედრობანი და მწე ეყოს ერმალოვსა ჩაჩნელთა ზედან და სრულიად წარწყმინდონ ოგინი, და აზღვიონ სისხლნი მათნი და დაიმორჩილონ სრულიად კავკასიაჲ.

ხოლო წელსა ამასვე, მაისში, წარვიდა იმერეთს მიტრაპოლიტი ქართლისა რუსი თეოფილაკტე. გარდვიდა იმერეთს და ენება, რათა მუნებურნი ყოვლად სამღვდელლონი, მიტრაპოლიტნი და ეპისკოპოსნი, გარდაეყენებინა, და თვთ დაეპყრა იმერეთიცა. შეკრიბნენ ყოველნივე სამღვდელლონი იმერთა და ოდიშ გურიით და შეკრიბნეს თვსთანა იმერნი კეთილშობილნიცა. მისრულსა მიტრაპოლიტსა თუმცალა სცეს პატივი, გარნა იხილეს რაჲ მიტრაპოლიტისა მის უწყსოებაჲ და არა სიმტკიცე მონაზონებისა, რომელმანცა ოთხშაბათს და პარასკევს ასაქიროვა მუნებურნი მღვდელ-მთავარნი, რათამცა ექამათ მათ მარხუა და თევზი მუნ, ვინაჲთგან იმერთა სამღვდელლონი ფრიად მტკიცედ მსდგნენ სარწმუნოებასა ზედა, ამისთვის აიძულეს იგი

ვითარცა სამღვდელთა, ეგრეთვე საეროთა. გარნა იწყო რა შლამ მღვდელთ-მთავართა, ამათ არა ინებეს და აღადგინეს აბოხი, და ზედა დასხმითა გამოჰსდევნეს მიტრაპოლიტი იგი რუსთა და გარდმოვიდა ქართლსავე, ვერა რისამე მყოფელი.

ამჟამს ესენი ისხდნენ მღვდელ-მთავარნი იმერეთს:

1. ქუჩათელა დოსითეოს წერეთელი.
2. გენათელი ეფთვიმი, გურიის ერისთვს ძე.
3. მთავარ ეპისკოპოსი ანტონი ჩიჩავაძე.
4. ნიკორ წმინდელი სოფრონ წულუკიძე.
გურიისა მღვდელთ მთავარნი:
5. ხანო წმინდელი დავით წერეთელი, ძე ზურაბ სახლთ-
ხუცისა.
6. შემოქმედელი სვიმონ, გურიის ერისთვის ძე.
ოდიშისა მღვდელთ-მთავარნი.
7. ჭეონდიდელი ბესარიონ, ძე კაცია დადიანისა.
8. ცაგერელი იოვანე, ესეცა ძე კაცია დადიანისა.
9. ჩაიშელი გრიგოლ, ჩიქოვანი.

ხოლო წელსა ამასვე აღადგინეს აბოხი თაბასარანელთა, ლეკთა და შეერთდენ ყაღსა აჰხოშისასა და ანდელთა თავად-
თა თანა და დაესხნენ რუსთა და მოსწყვიტნეს მრავალნი. თუმ-
ცადა თვით ერმოლოვმანცა ბრძო მათ, გარნა უქმ იქმნა
ბრძოლამ მისი, რამეთუ მრავალ გზის იძლია მათგან და მოჰ-
სწყდა რუსთა მხედრობანი მრავალნი და უქმი მიიქცა კულად
ქართლადვე.

ხოლო წელსა ამას ივლისში მოვიდა მკალი რუსეთში,
ჩერქეზ, ქირმანში და მოსქამა მრავალს აღაგს მოსავალი და
ავნო

წელსა ამას 1819, სექტემბრის 12, მოკუდა თავადი ბლუ-
ხერ, სახელოვანი ფერთმარშალი პრუსიისა, წლისა 77, ხოლო
კოროლმან პრუსიისამან ვილდეიმ უბრძანა ყოველთა მხედრო-
ბათა თვისთა გლოვამ მისი 8 დღე და რათა შეიმოსონ ყო-
ველთა შავნი ტანისამოსნი.

ხოლო წელსა ამასე 1819, ოქტომბრის 1, ღამესა ოთხ-შაბათს, საათსა 5, წმიდის სვეტიცხოვლის დღესასწაულსა, გამოჩნდა ციღამ სვეტი ორი ნათლისა ჩრდილოეთის მხარეს და შთამოვიდა ვიდრე მიწამდე, იდგა იგი ვიდრე განთიადამდე, და განთიადსა კუალად ამაღლდა ზეცადვე. ესე ხილვა ვნახეთ საკთ-პეტერბურღსა შინა, ხოლო ყოველნი ღამისა მის ყარაულნი აღიარებდნენ ესრეთ, რომელ ესრეთ ბრწყინვიდაო, რომ ქრისტე დავცივიდით ბრწყინვალეებითა მისითაო და თუალი ვერ გაუმაგრეთო და ღიდათაც შევშინდითო.

წელსა ამასე 1819, ქკს ფზ, თტსა სეკდემბერში კუალად შეკრბნენ დაღისტანელნი სრულიად და ყადრცა უცმისა მათ თანა ავარლებითურთ, და აღადგინეს ამოხი დაღისტანსა შინა, სადაცა შეკრბა ფრიალ მხედრობანი ლეკთანი. და წარმოემართნენ ჩაჩნელთა მოსახმარებლად და რათა მიუღონ ცი ხენიცა რუსთა, ახლად აღშენებულნი, რომელნიცა აქუნდათ ჩაჩნისა პირთა შინა; და იდგა მუნ ყოველგან რუსთა მხედრობანიცა. მსმენელმან ამისმან ღიანარალ-ერმალოვმან, მყოფმან ტფილისსა შინა, მიუწერა ყარაბაღის მაზრის მართებელს ღიანარალს თავადს მადათოვს ავერიან გრიგოლიჩს სომეხს, — რომელიცა ესე მადათოვი იყო თვით ყარაბაღელივე მოსახლე, და სიყრმისა ქაშსა, წარსრულსა რუსეთს, ემსახურა მუნ მხედრობათა შინა. რამეთუ ესე იყო უმამაცესი ღიანარალი, — რათა მოკრიბოს რუსთა მხედრობანი და შაქის შირვანის ხალხიცა და წარვიდეს დარბანდით, და მივიდეს ლეკთა ზედა უკანით კერძო, ხოლო თვით ერმალოვიცა წარვიდა ტფილისით. არაგვისა გზით, განვლო ანდრია და მივიდა მახლობელ დაღისტანისა, სადაცა იყო შეკრებულ ლეკთა მხედრობანი. მისრულსა მუნ ერმალოვს უყვეს ლეკთა ზედა დასხმაჲ, და იქმნა მუნ ბრძოლა ძლიერი, თვესა ოქტომბერსა. მოსრულმან მადათოვმან ყაზიყუმუხსა შინა აშანაცა ბრძო ლეკთა. იქმნა ორისავე მხრით ფრიალი ბრძოლაჲ, და მოსწყდნენ ლეკთა მხედრობათგან უმრავლესნი ორიათასისა, ხოლო რუსნიცა ეგრეთვე და უკუნიცნენ ლეკნი. სადაცა შეიპყრნეს რუსთა მუნებურნი თა-

ვადნი დალისტინისანი . რაოდენნიმე, და მათგანნი მოსწყვიტნეს რაოდენნიმე რუსთა, და სხვანი ექსორიად წარავლინეს ციმბირთა შინა; და რვა სოფელი ლეკთა ესრეთ მოჰსწყვიტნეს მუნ მცხოვრებნი ხალხნი, რომელ ძუძუთა ყრმათა ლალადებაჲ აღვიდოდა ცად მიმართ. ხოლო მუნით წარსრულმან ერმალოვმა ახყოშის ყადსა ზედა, თუმცალა მრავალგზის ბრძვეს ლეკთა, გარნა რუსთაგან დაკვეთებულ იქმნენ, ჰსძღეს ყადსა აჰყოშისასა, განდევნეს მამულით თვისით, და მიუღეს ყოველივე ნაქონებიცა თვესა დეკემბერსა 19 და 20 და დასვეს მუნ შამხალა, მეითი სახელდებული, ხოლო ადგილიცა ჯონგათაისა შეიყვანა უღელსა ქვეშე მონებისასა, და სოფელი ფარაულიცა აღაოხრა სრულიად და წარემართა კუალად ბრძოლად შიგნით დალისტანსა შინა. ხოლო რუსთა მხედრობათა, ძღვეა შემოსილთა, მიმართეს დალისტანსა შიგნით და შევიდნენ რაოდენთამე ლეკთა სიმაგრეთა შინა და დაიპყრეს მრავალნი სოფლებნი და ლისტნელთანი, და იალაფეს ფრიად, ვითარცა ტყვითა, ეგრეთვე პირუტყვითა და ნივითაცა; მასვე 19 დეკემბერს დაიპყრეს აჰყოშის ყადის სოფლები ესე: ლავაშა 20, ტაკსი და ხვენგიში და დაიპყრეს თვით ქალაქიცა აჰყოშა, ვინაჲთგან ცარიელ იყო, უბრძოლველად, ხოლო მხარეთ ამათ ადგილებთაგან განტოლვილნი ხალხნი მოვიდნენ წინაშე ერმალოვისა და იწყეს ვედრება, და შევიდნენ უღელსა ქუტსაშე მონებისასა.

წელსა ამასვე იქმნა ესე საკვირველი: ვარონიჲის ლუბერნიაში, უეზდის ქალაქსა ვალუცკას, დიდის ყინვისა მიერ შეყინულს წყალზედ იარეს ურმებით ექვს დღეს; ნოემბრის 11 გათბა ჰაერი და გაადნო წყალი სრულიად ხოლო ნოემბრის 12 იწყო მზგავსად ზაფხულისა ქუხილი, და ელვა და ჩამოვარდა მეხიცა, რომელიცა ელვასავით ვლიდა მიწასა ზედა და იყო ხანგრძლივი. ესე გამოცემული იქმნა პეტერბურხის გაზეთით სევერნი ფოშტად სახელდებულით, ხოლო გაზეთისა ამის ნუმერი არის 99 და დაბეჭდილი დეკემბრის 10.

წელსა ამასვე 1820 მოკულა კოროლი ანგლიისა გიორგი და სხვათაჲ ევროპიისა მხარეთა მოსწყდნენ რაოდენნიმე ღერკოლნი და კურფისტრნიცა.

წელსა ამასვე 1820, თებერვლის 1 შვიდთხვა ესე საციფრო საქე: ფრანციასა შინა, ქალაქსა პარიეს, თეატრსა შიგან მოკლა ღვარდიისა სალდათმან ლუველმან პრინცი ბორბონი შერრიე ხანჯლითა, მეჰკვიდრე ფრანციის კოროლისა, და აღისპო ბორბონის გუარი მეუეთი ფრანციისა, ხოლო პრინცი იგი ეგოდენ კეთილი იყო გულითა, ოდეს ჯერეთ დაკოდლი არა მომკულდარიყო, მივიდა რა კოროლი ბიძა მისი ლუდოვიკ 17 სანახავად, ევედრა პრინცი იგი, რათა მკვლელსა მისსა შეუნდოს, და ესრეთ აღსრულდა.

წელსა ამასვე 1820 განუტევა ცოლი თვისი ანა ფეოდოროვნა, ჳირტებერდის ღერკოლის ასული, ველიკა კნიაზმან და ცესარევიჩმან როსიისამან კოსტანტინემ ჰავლეს ძემან.

ესე მანიფესტა მათი განშორებისა არის.

„წყალობითა ღეთისათა, ჩვენ აღექსანდრე პარველი, იმპერატორი და თერთ მჰყრობელი ყოვლისა როსიისა, სხუათა, და სხუათა, და სხუათა, განუცხადებთ ყოველთა ჩვენთა სარწმუნოთა ყმათა.

„საყუარელმან ძმამან ჩვენმან ცესარევიჩმან და დიდმა თავადმან კოსტანტინე ჰავლეს ძემ, მორთმევეითა არხისათ უსაყუარელესის მშობლისა ჩვენისა იმპერატრიცა მარია ფეოდოროვნაჲსად და ჩემდამო მიაქცია გულის ხმის ყოფაჲ ჩენი სახლისა მისისა მდგომარეობისადმი ესე ოდენ ხანდაზმულობითისა განშორებისა მეუღლისა მისისა დიდისა მთავრინაჲსა ანა ფეოდოროვნასსა, რომელიცა წელსავე 1801 განეშორა უცხოსა მხარესა ურწვერვალესისა სნეულებისა გამო; და ვიდრე აქამომდე არღარა მოიქცა ქრმისამდე, აწცა თვთ პირად პირად ცხად ჰყოფისა მისისა ზებრ არღარა შემძლებელ არს მოსვლად როსიასა შინა; სადა შედგომილი ვითარებისა ამის კოსტანტინე ცხად ჰყოფს სურვილსა თვისსა, რათა ქორწინებაჲ მისი მისთანა იქმნეს დარღუტულ; გულის ხმა ვჰყავთ თხო-

ვაჟ ესე, და ნებითა საყვარელისა დედისა ჩვენისათა მივეციოთ საქმე ესე განსახილველად უწმინდესსა სინოდსა, რომელმანცა შემოწმებითა ვითარებათა ამით ეკლესიურის სჯულთაგანისათანა ნანდვილსა საფუძველსა ზედა, პუნქთა შინა მან სჯულის კანონისათა დიდისა ვასილისასა დასდვა, რომელ ქორწინებაჲ ცესარევიჩისა და დიდისა მთავრისა კოსტანტინესი ანა ჭყოლოროვნაჲსათანა იქმნეს დარღვეულ, და ეცესცა ნებაჲ მას კოსტანტინეს შესვლად ახალსა ქორწინებასა შინა, უკეთუ სუროდეს მას; ყოველთა გარემოებათა ამით გამო განვიხილეთ ჩვენ და ვცანთ, რომელ უნაყოფო იყოცა ძალითად პყრობაჲ შენადგსა შინა საიმპერატოროჲსა სქესისა ჩვენისა ქორწინებითისა კავშირისა ამის უღლეჲ, 19 წელს უკუტე განპორობულად მდგომოჲსა თვინიერ ყოვლისა იმედოვნებისა ყოფად შეერთებულად. და ამისთვის განვაცხადეთ ნებაჲ ჩვენი, ნანდვილის ძალისამებრ ეკლესიურის სჯულთაგანისა, რათა იქმნეს ზემო ნაწერი დადებულებაჲ უწმინდესისა სინოდისა მოყუანილ მოქმედებასა შინა, და ებრძანებთ, რათა ყოველგან მიღებულ იქმნეს თვისებითსა ძალსა თვისსა შინა, ამასთანავე განვაცხადებთ საგულისხმოსა სხვათა და სხვათა შემთხვევათა მათ, რომელნი შესაძლებელ იქმნენ მიგებებად ქორწინებისა კავშირისა თანა წვერთა შორის საიმპერატოროჲსა სქესისასა, რომელთა უკუტე შედგომილებანი უკეთუ არა წინადვე განხილულიყრ და განსაზღვრებულ ზოგადითა სჯულითა, იქმნებოდისმცა შეერთებულ ძნიადასა უგულის-ხმოებისადმი, და ამისთვის ვესცნობთ ჩვენ კეთილად შეურყეველისა დაცვისათვის ღირსებისა და განსვენებისა საიმპერატოროჲსა სქესისა, და თვთ იმპერიისა ჩვენისათვისცა, შევაერთოთ უწინდელსა დადებულებასა საიმპერატოროთა სქესთა თვის შემდგომიცა აღვსებაჲ: უკეთუ რომელიმე პირი საიმპერატოროჲსა სქესისა შევიდეს ქორწინებითსა კავშირსა შინა პირისა თანა, არა მექონისა რაჲსა მიმართობისა და ღირსებისა, ესე იგი რომელი არა !თვის ეყუდა არა რომელსამე სამეფოსა ანუ მთავრობითსა სახლსა მაშინ, და ესე ვითარსა მიმთხუტავსა შინა პირსა მას საიმპერა-

ტოროქსა სქესისისასა ვერღარა ძალუცს შერთვად სხვასა მას სამართალი (ღირსება) თვისისა საყოფელ წევრთა საიმპერატოროქსა სქესისა; და შობილთაცა ესე ვითარისა კავშირისაგან შვილთა არა ექნებისთ სამართალი მემკვდრეობითი ტახტისა.

„განუქადებთ რა ნებასა ამას ჩვენსა ყოველთა აწ მყოფთა და მყობადთა წევრთა საიმპერატოროქსა სქესისათა და ყოველთა სარწმუნოთა ყმათა ჩვენთა ნანდვილისა სამართლისასა, რომელ არს 23-სა პუნქტსა. შინა საიმპერატოროქსა წესდებულებისასა, შევკრავთცა წინაშე მეფისა მეფებელთასა ვისდაცა თვს საყოფელ არს ესე, რათა დაიცუან აღმავსებელი წესდებულებამ ესე საუკუნოდ წმინდად და დაურღვეველად ყოველთა დროთა შინა. მიეცა სამეფოსა ქალაქსა შინა სანკთ-პეტერბურხს, მარტის 20. ხოლო წელსა შობითგან ქრისტესსა 1820, ხოლო მეფობასა ჩვენსა წელსა 20.

„ნანდვილზედ მოწერილ არს ხელი მისისა იმპერატორებისა დიდებულებისა ესრეთ: ალექსანდრეი (ბეკდარს ადგილი). ესე მანიფესტი დაბეჭდილ არს სანკთ-პეტერბურხის სენატის ტიპოგრაფიაში მარტის 31, წელს 1820.

ხოლო რუსულითგან გარდმოიღო ქართულს ენასა ზედა ინოსტრანის კოლეგიის პრეოთჩიკან ჟუღალმან ნადვორნი სოვეტნიკმან და კავალერმან გოდერძი ფირალოვმან.

წლიდამა 1817 ვიდრე ამ წლამდე 1820, წარსრულის სეკდემბრის თვიდამ ვიდრე ამ ახალწლამდე, მოიქცნენ ქრისტიანედ ბერძნთ სარწმუნოებასა ზედა და ქართლში მამრი და მდედრი სული 865, ხოლო ოვსეთსა შინა სული მამრი და მდედრი 22,436, ხოლო ხევსურეთს, ერწოს ხეობასა შინა სული ორისავე სქესისა 1543. ამათ ყოველთა ნათელ იღეს. ამ დროს იჯდა ტუილისს მიტრაპოლიტად და ევზარხოსათ იპერთა და ყოველთა საქართველოს სასულიეროს გამგედ თეოფილაკტე რუსი, გუარად რუსანოვი. ხოლო ამჟამად თაგურ ქურთაულსაცა შინა შევიდა მკირედ ქრისტიანობამ, რომელნიცა იყვნენ მახმედლიანნი, და მოიქცნენ რაოდენნიმე თვთ

უფროსნი კაცნი მათნი, თუჰცალა დროსაცა იმპერატრიცას ეკატერინეს 2 ყოფილიყო შვირედი ქრისტიანობაჲ, და ყოფილიყვნენცა მუნ მღვდელნი, და ჰქონებოდათ სამი საყდარი, გარნა მასყამს არა ეგრე სრულ ექვნათ მოქცევა მათი და მღვდელთა დაეტევებინათ საყდარნიცა და კუალად უკუნქცეულ იყვნენ თჳსადვე.

ხოლო წელსა ამასვე 1820, 3 მარტს, დიდმარხვაში იმერთა მღვდელ მთავარნი, — ქუთათელი დოსითეოს წერეთელი და გენათელი ეფთვიჲ ნებითა ხელმწიფესათა წარგზავნეს რუსეთს განპატივებულნი ექაორიად მიზეზისა ამისთვის, ვინაჲთგან დროსა გარდასვლისა იმერეთს ტფილისის მიტროპოლიტ თეოფილაკტე ეგზარხოსსა ზედა იკადრეს უპატიოებაჲ მისი და გამოსდევნეს იმერეთით, რომელთაცა არა შეიწყნარეს ბრძანება ხელმწიფისა, რათამცა ემორჩილათ მისთვის სამღვდელთა და აღადგინეს აბოხიცა იმერთა შორის.

ხოლო წელსა ამასვე მისში იქმნა ესე საცვიფრო შემთხვევაჲ, რომელ ცარცკისელოს სასახლესა შინა სასახლის ეკლესიისა გუნბათსა შინა ზალლა თვით თავით თვისით გაჩნდა კეცხლი და დაიწო ვითარცა ეკლესია, ეგრეთვე ყოვლად შვენიერი იგი სასახლე, იმპერატრიცა ეკატერინას 2 მიერ აღშენებულნი ქარვისა სახლითურთ

ხოლო წელსა ამასვე 1820 კუალად აღადგინეს აბოხ იმერთა, ვინაჲთგან იყვნენ ფრიად შემჭირვებულნი რუსთაგან მხედრულთა ესე ვითარისა მწუხარებასა გამო შეკრბნენ ერთად სამღვდელონი იმერთანი, ვითარცა არს ჩვეულებაჲ მათი ესე იგი ქუთათელი მიტროპოლიტი დოსითეოს წერეთელი და გენათელი მიტროპოლიტი ეფთვიმი, ძე გურიის ერისთვისა, და რაოდენნიმე მათნი შიშდგომნი თავადნი, აზნაურნი, გლეხნი და სამღვდელონი. ამათ იწყეს რჩევაჲ, რათა ჰყონ მეფედ იმერთა შინა ძე ქაიხოსრო აბაშიძისა იოვანე. ესე იოვანე იყო ასულის წული დიდისა მეფის სოლომანისა, რომელსაცა დედასა ამისსა ერქუა დარეჯან, ხოლო გენათელსა და ზურაბ წერეთელსა ენება, რათა ჰყონ ბუშის შვილი დიდის მეფის სო

ლომანის ძის ალექსანდრეს ძის გიორგის ძე ალექსანდრე, რამეთუ იყო ესე ძის წულის შვილი გენათლისა და უყვარდა ფრიად ესენი. ამათ შეკრებულთა კუალად დაამტკიცეს, რათა ჰყონ აბაშიძევე იოანე, ვინაჲთგან იყო ფრიად მკვირცხლი, და კეკელა და მამაცი, და ალექსანდრეცა იყო როსიასა შინა, და ამის გამო, ვინაჲთგან მეფეთა სქესისანი არლარაიენ იყვნენ იმერეთს და შთომილნი ბაგრატიონანი თვნიერ ძმისწულთაგანნი დიდისა მეფე სოლომანი ძის ბაგრატიონის ძენი, ხოლო ამათ ეპყრათ მხარე რუსთა მტკიცედ, და არცა ეძებდნენ მეფობასა, არამედ თვისითა მამულითა იყვნენ. ამათ შეკრებულთა მისწერეს კარსა სულთანისასა სტამბოლს, რათა ჩწე ეყოს და განარინოს რუსთაგან იმერეთი, და კუალად აგოს თვისადევე, ვითარცა პირველ, და დაუპტკიცოს აბაშიძესაც მეფობაჲ იმერთა. ესმენელთა რუსთა, მუნ მყოფთა, შეუკრნეს გზანი, და დაიპირეს კაცი იგი წერილითურთ, და აუწყეს ესე უპირველეს მართებელს ღიანარაღს ერმალოვს, რომელიცა იყო ამჟამს ყიზლარსა შინა. ამან მიუწერა ტფილისს მონაცულესა თვისსა ღიანარაღ ველიამინოვს, რათა გარდვიდეს იმერეთს და შეიპყრას ესენი და წარგზავნოს დიდისა მქიდრობითა რუსეთად. გარდვიდა რა ველიამინოვი, ამან ლამესა ერთსა, მარტის 3, დიდშარხუაში შეიპყრნა ესენი ტიტველანი ლამე; ქუთათელს, და გენათელს და არქიმანდრიტს ცქიტეშვილს გრიგოლს თავს ჩამოაცვეს წელამდინ ტომრები და შეუკრეს ზევიდამ ხელნი და ჰკვემეს ფრიად ქუთათელს, და თავისის სახლიდამ თრევით ძირს ჩამოიტანეს, დაჰსტანჯნეს ესე ბერები უწყალოდ თვინიერ ყოვლისა მიზეზისა, ვინაჲთგან სურდათ რუსთა, რათა აღეხოცათ საქართველოჲთ და იმერეთით მღვდელთ მთავარნიცა, ვითარცა სამეფოჲთ სახლი საქართველოს და იმერეთისა, ამისთვის მარადის მზირ იყვნენ შჰთანტქმად მათდა, რამეთუ აგო ღმერთმან პოლკოვნიკს პუზირეცკის უსამართლოება ესე: რომელიცა ესე მოიკლა ერთისა თვის შემდგომად გურიასა შინა, ვითარცა ქტამო მოვიხსენეთ, და ისე წარავლინეს.—ხოლო დიდის მეფის სოლომანის ქალი დარეჯან, დედა ივანესი აბაშიძისა, ფრიად მოხუცე-

ბული, ესეცა უპატიოდ წარგზავნის შეპყრობილი. ხოლო იოვანე განეველტო რუსთა, რომელმანცა მოკლა პოლკოვნიკი ერთი, და წარვიდა ოსმალთა შინა. ესენი მოსრულნი ქართლს, სურამს დაირჩო ტომარასა შინა ქუთათეთი დოსითეოს, რომელიცა მკუდარი წარმოიღეს სურამით და დაფლეს არაგუსა ზედა ანანურს, ხოლო გენათელი წარყუანილი არქიმანდრიტით ცქიტიშვილით გრიგოლ, მიიყვანეს ნევეგოროდს, და მუნით ნებითა ხელმწიფისათა მიუწოდეს პეტერბურხს, და ნახა თვით ხელმწიფემან, და ჰსცა პატივი შემზავსებული, დაჰყო მცირე ხანი პეტერბურხსა შინა, ვითარცა პატიმარი, რომელ არავის გუაჩვენეს იგი,—მიზეზი მისი მხოლომან ღმერთმან უწყის!— და წარავლინეს შემდგომად სვირის მონასტერსა შინა, და დაასადგურეს მუნ, რომელიცა შორავს პეტერბურხს 200 ვერსით; ხოლო გარდაიკულა მუნვე მონასტერსა შინა, ამა ზატაკში, აპრილის 21, წელსა 1822, დღესა პარასკევსა და დაფლეს მუნვე. ესე იყო წლისა 76. ხოლო რაჟამს შეასტანეს მონასტრისა ეკლესიასა შინა წმიდა გუამი გენათლისა და იწყეს კრებულთა ანდერძის აგება, მაშინ კუბოდამ წამოჯდა ზეხედ და დასწერა ჯუარი ვითარცა ცოცხალმან და კუალად მიწვა კუბოსავე და მიიძინა. დაეცათ შიში დიდი მუნ მყოფთა ყოველთავე, და აქებდეს ღმერთსა ამის წმიდისასა და დაიღუმეს ესე შიშითა რუსთათა. ხოლო დარეჯან მეფის ასული დაადგინეს პენძისა ქალაქსა შინა, ხოლო სეხნია წულუკიძე, დავით მიქელაძე და სხვანი თავადნი წარავლინეს პატიმარნი ციმბირსა შინა. გარდა ღმერთმან ამხილა უსამართლოება მეფისა თვისისა მეორე სოლომანისა ამა ორთა ძმათა წულუკიძეთა, რომელნიცა ესენი იყვნენ ფრიად გლახაკნი და დავრომილნი იმერთა შინა, ამ მეფემან სოლომან აღიყუანნა ესენი დიდსა პატივსა შინა და მისცა ამათ სოფელნი და აგარაკნი და ჰყო მისანდო თვისად და უყვარდა ფრიად. რომელთაცა ორთავე ამათ ძმან, ნაკულად კეთილობისა, მიუზღვეს ესე მეფესა: ესენი ექმნენ ორ გულ და გამცემელ, ამათ შეჭფაცეს მეფესა, რუსთა მიერ მიბირებულთა, გენათელითურთ და ზურაბ წერეთლით, უნებე

ლობა მეფისა რუსთა მიერ, და ამ ზაკვით შეაპყრობინეს მეფე თვისი დირბს, ქართლში, რუსთა. ოტია წულუკიძე მოკუდა საზარელის განსაცდელით, რომელსაცა მთელსა კაცსა გაუსქდა თავი ოთხად და მოკუდა მით. ხოლო სეხნია იქნა დაკარგულ ციმბირსა შინა, ვთარცა ზემოდ მოვიხსენეთ, და სხვანიცა მრავალნი იმერნი იქნენ დაკარგულ, ვთარცა საერონი, ეგრეთვე სამღვდელონი. ხოლო იმერეთსა შინა ჰყუეს მღვდელ მთავრად ნიკოლაოზ წმინდელი სოფრონ წულუკიძე და მიტრაპოლიტი დავით ხინოწმინდელი, ძე ზურაბ სალთხუცისა წერეთლისა, რომელთაცა დროსა იმერთა აღრეულეებისასა ემსახურეს ამათ ოდეს საქართველოს მიტრაპოლიტი თეოფილაქტე გამოსდევნეს მუნ შჰთასრული, რათამცა ეყო რუსთა წესთამებრ ეპარხია იპერთა, ესეცა გაუახლა მათ მეამბოხეთა ერძალოვმან, და ამა მიზეზისათვის ექსორიად ჰყო ესენი როსიასა შინა, ხოლო იმერთა შორის იქნა დამყუდროებაჲ ჯერედ.

და აღსრულდა წინასწართქმული ქყოდინდლის ანტონის, ძისა ოტია დადიანისა. რამეთუ ესე ანტონი იყო დაყუდებით მცხოვრები მის მიერ აღშენებულსა ეკლესიასა შინა. რომელმანცა უწინასწარჰეტყუტლა იმერთა სამღვდელთა ესე ეთარისა განსაცდელისა მოსვლაჲ, და თვით შეისვენა. ამა თქმასა შინა იქ დამსწრემ თვით ანტონი, რაჰის ერისთვის შეიღმან გიორგის ძემან, მომითხრა, კაცმან სახიერმან და დიდმან ქრისტიანმან.

ხოლო წელსა ამასვე 1821, თჳსსა ივლისსა 17, წარვიდა მიტრაპოლიტი ტფილისისა თეოფილაქტე მოხალვად კახეთისა. მისრულსა ქიზიყს წმიდა ნინოს, ეკუტათა სენი საოფლისა და შემდგომად ცხრისა დღისა მოკუდა მუნ და დაფლა მუნვე ბოდბელმან იოვანე მაყაშვილმა. რომელსაცა ეგო პატეი, რაჲცა უყო მან საზოდელთა იმერთა ანუ ქართლთა, და რაოდენნიმე გახელოცენა ხატნი ძვირფასნი, და გაჰყიდნა ანუ მამულნი, ეგრეთვე და საუნჯენი ეკლესიისანი მიიხვეჭნა მან თვისთვის.

წელსა ამას მოვიდა მკალი განჯას და ვიდრე ტფილისის პირამდე მოსქამა ფრიად მოსავალი.

ხოლო წელსა ამასვე იქნა ქართლსა და კახეთსა შინა ფრიადი გოლვაჲ, რომელ მთელსა ზაფხულსა არა ყოფილა წვიმაჲ, და განხმა მთლად მოსავალი და ბალახი, იქნა სიყვილი ფრიად, კოდი პური იყო ოთხ მინანთულად.

წელსა ამასვე 1820, ქკს ფც, იქმნა იმერთა შორის კვალად აღრეულებაჲ, შექირვეებისა გამო რუსთა ზედა, ლუბერნატორის გამო პუზირევცკისაგან, რომელ ესე იყო ახლად დასმული იმერეთსა შინა; რომელთაჲ დაიწყეს ადგილ-ადგილ აბოხი და სრვაჲ რუსთა, ადგილ-ადგილ მდგომთა და გზასა ზედა მავალთა მოსაქმეთა (კურიელთა, ესე იგი ჩაფართა). ხოლო ეამსა აჰას განლტოლილ იყო აბაშიძე იოვანე ძე ქაიხოსროსი, ვინაჲთგან დედა მისი დიდის მეფე სოლომანის ასული დარეჯან ჰყვეს ექსორიად როსიასა შინა და ძეცა მისი მკირე ყრმა მისთანა წარატანეს. ამ-ნ შემოიკრიბნა რაოდენიმე ზემო მხრისა თავადნი და აზნაურნი და იწყო აბოხი რუსთა ზედა. ხოლო აჰემს გურიელი ქაიხოსროც უკუდგა რუსთაგან და შეერთდა ესეცა აბაშიძესა. იხილა რა საქმე ესე პოლკოვნიკმან რუსთამან პუზირევცკამ, რომელ ესე პუზირევცკი იყო იმერეთსა შინა ლუბერნატორად, და სყვარელ იყო ფრიად ერმალოვისა და უსმენდის მას. გარნა იყო ესე ფრიად მოძულე ქართველთა და მაგინებელი თავადთა და აზნაურთა და ტირანი ფრიად. ამას სძულობდნენ ქართველნი და იმერნი.

წარემართა გურიასა ზედა, რათა დაიპყრას ციხენი გურიისანი, ვინაჲთგან ამა პოლკოვნიკსა აქუნდა რწმუნებული გურიაჲ, რათა დააცხროს აბოხი გურიასა შინა. მისრული გურიას შეიპყრეს პოლკოვნიკი იგი პუზირევცკი ქაიხოსრომ და აბაშიძე ივანემ, და აბაშიძემ ფინეზიშვილმან ნიკოლოზ, და წარკუტთეს თავი, რაჲელსაჲ ლპერთმან მართლ მსაჯულმან აგო შური იმ სახედ მოპყრობისათვის და ტანჯვისათვის მღვდელ მთავართა, ვითარცა ზემოთ მოვიხსენეთ შეპყრობა მათი. და აღადგინეს უძვირესი აბოხი. სცნა რა ესე ამბავი უპირველეს

შან მართებელმან ტფილისის ერმალოვმან, მიუწერა მუნ მყოფს მხედრობათა, რათა მივიდნენ გურიას და მოჰსწვიტონ გურიელი ქაიხოსრო ცოლშვილით, და აბაშიძენიცა, და ალაოხრონ სახლ-კარი მათი, ხოლო ყმა და მამულნი მათნი მიუღონ და ჰყონ სახელმწიფოდ, ხოლო ხალხთა მდაბალთა არა რაჲმე შეს-ცოდონ, და უკეთუ ვინმე იკადროს და შეერთდნენ მათ, ივინიცა აღწყვიტონ. მისრულთა მხედრობნთა რუსთა ვერა რაჲმე ჰყვეს, და მოსწყვიდნეს რუსნიცა ვიდრე ორასადმდე, და უკუნიქნენ. ესმა რაჲ ესე ერმალოვსა, წარგზავნა ნაიბი თვისი ღიანარალ ველიამინოვი იმერეთსა შინა. შეშინდნენ გურიელნი და აბაშიძენი, და განივლტნენ მუნით. თუმცალა ველიამინოვმა დაამშვიდა რაოდენნიმე მხარენი იმერთანი, გარნა სრულიად ვერ შეუძლო დამშვიდებაჲ, რამეთუ დროსა ამასვე წინა აღუდგა დადიანს ლეონს ძმა თვისი გიორგი და იქმნა შფოთი დიდი ოდიშისა შინა, აჲან გიორგიმ შეიპყრნა რაოდენნიმე მოასაკენი თვისნი და იწყო გზათა ზედა მეკობრობაჲ და ცარცვა რუსთა, და სიკედილი მათი. თუმცალა მრავალ გზის ეცადა ველიამინოვი შეპყრობასა გიორგისასა, და ვერ იგდო ხელთ. ესე გიორგი იყო რუსეთსა შინა აღზრდლი და ღვარდიის აფიკარი, და ამჟამთ წარსრული იმყოფებოდა მუნ. ხოლო ჟამსა ამას დედანამათი ნინო, წარსრული პეტერბურხით, იმყოფებოდა კავკასიის ქალაქსა გიორგისასა ესე აღრეულე-ბაჲ აბრალა დედასა თვისსა დადიანმან ლეონ და შეასმინა იგი ერმალოვსა, ხოლო ერმალოვმანცა ხელმწიფესა, და ექსორიად წარგზავნეს ნინო შიგნით როსიასა შინა, და დაასადგურეს რეზანის ქალაქსა შინა, რომელსაცა არა რაჲმე ჰქონდა შეცო-დებაჲ. ხოლო ველიამინოვი დაშთა იმერთა შინა განმგედ. ხო-ლო ჟამსა ამას ყირიმით კულად განვიდა რუსთა მხედრობაჲ ზღვით ოთხი პოლკი იმერეთსა შინა.

ხოლო წელსა ამასვე, იენისში, ღიანარალ მაიორმან კნიაზ შადათოვმან როსტოვმან, მისრულმან ყაზიკუმუხს, ბრძო სურხა-ვის ხანსა. იძლია სურხაევი, და დაიპყრეს რუსთა კაზი კუმუხი სრულიად.

წელსა ამასვე იქმნა სტამოლსა შინა აღრეულებაჲ სომეხთა და ოსმანთა შორის. რა მელ სომეხთ პატრიარქი გრიკულ, იქმნა ლათინთა სარწმუნოებისა. ამან აბირნა მუნებური სომეხნი რათა მიიღონ ლათინთა სარწმუნოება, ხოლო სომეხთა, არა ამის თავს მღებთა, „უყვეს პატრიარხსა ამას ზედა დასხმაჲ. პატრიარქი განივლტო და მივიდა ვეზირთან, შეასმინნა სომეხნი, რეცა ბუნტისთვის, და მისცა ქრთამიცა. ამის გამო შეიპყრეს მრავალნი წარჩინებულნი სომეხნი და მოსწყვიტნეს ოსმალთა და იავარ ჰყვეს მონაქონი მათნი.

წელსა ამასვე იქმნა ფრიაღ აღრეულებაჲ ადგილ-ადგილ ევროპიასა შინა, და უფროს იტალიასა შინა, და ეგრეთვე ოსმალთა შინა, ფრიადი სისხლის ღვრაჲ, რომელ ალი ფაშა ვინმე იგანოლლი საბერძნეთისა იქმნა ქრისტიანე და იწოდა კოსტანტინედ. ამან დაიპყრა სრულიად მაკედონია და გარემოს ადგილნი მრავალნი. ამას მრავალ გზის ბრძკეს ოსმალთა, გარნა იძლიენენ ოსმალნი მის მიერ, და მოიკლა ბრძოლასა ამას შინა ჩინებული მხედართ მძღვანი თურქთა ფალეევან ფაშა სარასკარი.

წელსა ამასვე 1820, სეკდემბერში იქმნა ესე საკვირჴული, რომელ ხეთა დაკვიდათ ფურცელნი და ხელმეორკთ შემოდგომაზედ გამოიღო ნაყოფი, და დამწიფდა, და ესე ოდენი თუთა მოვიდა და იყიდებოდა ტფილისსა შინა; ვითარცა მაისში არს ჩვეულება ამ სახედ. ხოლო ვარდნიცა და ყუვილნიცა განიშალნენ მრავალნი.

წელსა ამასვე, ოკტომბერში, კულად იმპერატორი როსსიისა, კეისარი, პრუსიის კოროლი და სხვანი ღერკოლნი ევროპიისანი შეკრბნენ სილიზასა ტროპპაჲ ქალაქსა შინა, და კრება ჰყვეს მიზეზით ა მით: ვინაჲთგან განვიდა მონაპარტე კუნძულით ელენესით პატიმარი და მივიდა ისპანიასა შინა.

ხოლო წელსა ამასვე განდევნეს შაქის ხანი მუსტაფა რუსთა შამახით, და გახსნეს შაქში მართებლობა რუსეთისა, რომელ აქამომდე ეპყრა ხანსავე მუნებურსა, რომელსაცა აქუნდა რუსეთის სამხედროსი ღიანარალ-ღეიტენანტობაჲ კა-

ვალერიოტუტ. ესე აძლევედა რუსთა ხარკსა წელიწადში ხუთი ათას ლაღანდიის ოქროსა, ხოლო სხვაჲ ეპყრა მას და მართვი-
და მუნებურსა ადგილსა წესითა მით, ვითარცა არს ჩვეულება
მათი, თჳნიერ კაცის კელისა და ნასაღისა, რომელიცა ესე
ჰქონდა აღკრძალულ რუსთა მიერ.

წელსა ამასვე 1820 ვინაჲთგან იმერთა შინა იყო ფრია-
დი აღრეულებაჲ, ვითარცა ზემო მოვიხსენეთ, ამის გამო რუს-
ნიცა ფრიად განძინებულ იყვნენ მათ ზედა. სადაცა მთავარ-
მართებელმან ქართლისამან ერპალოვმან, წარგზავნა იმერეთ-
ზედ მხედრობითა მონაცვლე თვისი ღიანჩარალ-ლეიტენანტი
ველიამინოვი. ამან, შთასრულმან იმერეთსა შინა, თუქცალა ეცა-
და დამშვიდება იმერეთისა, გარნა ვერ უძლო სრულიად დამ-
შვიდებაჲ მათი, ხოლო კერძთა კაცთა მიერ შესმენითა, ვითარ-
ცა არს ჩვეულება იმერთა, და არღარა სწადდათ რუსთა, რომე
მეფეთა შთამამავლობათაგანი ვინმე დაშთოჰილ იყვნენ იმერ-
თა შინა, ვითარცა ჰყვეს საქართველოსა შინა. ამის გამო შე-
უჩინეს რუსთა კაცი დიდისა მეფის სოლომანის ძმის წულსა,
ძესა ბაგრატიანსა დავითს, და მოკლეს იგი ღალატითა სო-
ფელსა შინა თვისსა. ესე დავით მოკლა ყმაჲ მისჲან ქაქია-
შვილმან. რომელსაცა არა რაჲმე ჰქონდა რუსთა ზედა შეყო-
ლებაჲ და მსახურაცა მრავალ გზის აღრეულებაჲსა შინა იმერ-
თასა რუსთა ერთგულად, ხოლო მათ, ნაცვლად წყალობისა,
დასთხიეს სისხლი მართლისა მის, და შეირაცხა წმიდათა შო-
რის, ხოლო ესეცა არა აჲმარეს, და ცოლშვილნიცა მისნი წა-
რავლინეს როსიასა შინა პატიმრად, ყოვლითურთ უზუგეშონი
და უპოვარნი. ხოლო ესეცა ჰყვეს, რომელ მეფესა დავითს,
გიორგის ძესა, იმერეთსა დაშთა ბუში ერთი, რომელსა ერქუა
როსტომ. ესე იმყოფებოდა იმერთა შინა და აქუნდა მცირე-
დი ყმაჲ და მამული, მიცემული მამისა თჳსისაგან. ესე გარ-
დაცვლილიყო იმერეთსა შინა, ხოლო ამას დაშთა რაოდენნი-
მე წვრილნი შვილნი; ესენიცა რუსთა ექსორიად წარგზავნეს
დედითურთ თჳსით როსიასა შინა. ხოლო ძე როსტომისა
ვახტანგ განიელტო ოსმალთა შინა, და სხვანი ძმანი და ცოლ-

შვილი ამათი ტყვედ წარიყვანეს; ხოლო აბაშიძის ნიკოლოზ ფინეზის შვილის კოლშვილნიცა ამათთანვე. ჰი უკუდაო ღმერთო! და რომელმან ენამან გამოთქუას ანუ რომელმან ხელმან აღწეროს მაშინდელი ქირი და ვაება, მოწვენილი იმერთა ზედა, ვითარცა თავადთა და აზნაურთა ზედა, ეგრეთვე სამღვდელთაცა ზედა.

ხოლო ეამსა ამ ას აღადგინეს აბოხი რაქველთაცა ფრიად, სადაცა იმერეთით წარავლინა ველიამინოვმან მათ ზედა მხედრობანი რუსთანი, და წარტყვენა რაოდენნიმე ადგილნი რაჭისანი, რომელიცა იქმნენ რაქველნი ფრიად შემპირებულნი რუსთავან და შეიპყრეს წულუკიძე გიორგი, ძე პაატასი, და ბიძაშვილი მისი დავით, ხოლო ლევან წულუკიძე მოკლეს შეპყრობისა ეამს, რომელსაცა ენება ხლმითა განთავისუფლენა მისი. ესე გიორგი მოკუდა პყრობილი ტფილისს, ხოლო გურიითცა განსდევნეს ერისთავი მუნებური დავით და ამისი კოლი ჩიჩუას ქალი, შიშვნეული რუსთავან, გარდიგლო კლდეზედ თავი და მოკუდა (ანუ გარდაადდეს). ხოლო ამის შემდგომად ვინაფთვან დადიანის ძე გიორგი ლტოლვილი იყო ციხესა ფოტიასასა ოსმალთა შინა და ოსმალთაცა არა უტევებს მუნ, ვინაფთვან აქუნდათ შერიგება რუსთა თანა, მოსრული მუნით შეიპყრა ძამან მისმან დადიანმან ლეონ, და წარუგზავნა რუსთა, ხოლო მათც პატიმარ ჰყვეს ტფილისსა შინა და მისთანა მყოფნი თავადნი, აზნაურნი და გლეხნი - დასაჯნეს სიკვდილითა, ხოლო გიორგი წარგზავნეს კიშინიასა შინა, და განაწესეს მუნ ჯარშია.

ხოლო წეოსა ამასვე 1821 მოკლა ლალატით ძამან მისმან უსეინ ბეგ შარვაშიძე გიორგი, მთავარი აფხაზთა, რომელიც ესე გიორგი იყო რუსთავან პატივეცემული და ღიანარალი რუსეთისა და ყმად ხმობილი, და მიუბოძა ხელმწიფემან ალექსანდრემ ადგილი მისი ძესა მისსა დიმიტრის, რომელსაცა ზრდიდა თვით ხელმწიფე პეტერბურხსა შინა. ღღეს რომ ამ აგვისტოს 23 და ღღე სამშაბათი, ტერბურხიდან წარვიდა დიმიტრი შარვაშიძე. ამას განატანეს თან კაპიტანი ლვარდიისა

ჩერქეზის თავადი ბექჩი. ხოლო უსენ ბეგ შარვაშიძე, მკვლელი ძისა თვისისა, შეიპყრეს აფხასთა და მოსცეს რუსთა, და ესე წარგზავნეს კიშბირსა შინა. ამა უსეინ ბეგსაცა აქუნდა ჩინი რუსეთისა პოლკოვნიკობისა.

მისრულს დიმიტრის შემოება ბიძა მისი ასლან ბეგ. იძლიენენ რუსნი და მოკლეს ამ ბრძოლაში მიშკარბაშის იოსების შვილი ალექსანდრე. კულად მიეშველა სხვა მხედრობა რუსთა. იძლია ასლან ბეგ, და დასვეს რუსთა დიმიტრი, რომელიცა ესე დიმიტრი მოკუდა მთავრობასა შინა წელსა 1822, დაჰყო მთავრობასა შინა 1 წელი და ათი თჳს, ფრიად შევნიერ და ყრპა ჰასაკითა, წლისა 20-ისა.

წელსა ამას 1821, მაისის 20, მოვიდა მკალი და მოჰამა ნაშრომი კახეთსა და ქიზიყსა შინა, ვიდრე ქალაქის პირამდე, და ვგრკეთვე სეტყვა ძლიერი, რომელმანცა წარახდინა ყოველნი ვენახნი და იქნა სრულიად სიყმილი ფრაადი.

ხოლო წელსა ამასვე 1821, ივლისის 17, მოკუდა მიტრპაპალიტი თეოფილაკუე და ხელმწიუვემან დასო მოადგილეთ მისდა ასტარხნის არხიეპისკოპოზი იონა. ექსარხოლობა ქართლში 2, რუსთა სამღვდელთა.

წელსა ამას 1821, იანვრს 19, ქკს ფთ, გამოჩნდა კულად ვარსკულაევი კომეტა, ფრანკიასა შინა ქალაქსა სარმანს.

წელსა ამას 1821, მაისის 5, გარდაიკულა მონაპარტე ტყვეობასა შინა, ოსტროგსა ელენესასა, და ოდეს სცნა სიკვდილი თვისი, მოითხოვა სამხედრო ტანისამოსი და ჩაიკუა სრულიად, დაწვა და მოკუდა.

წელსა ამას 1821, თებერვალში 21, გარდაიკულა არხიეპისკოპოსი გაიოს, ქართველი, თაყაშვილი. ასტარხანს მისი ეპარხიელი იყო. ესე იყო ფრიად განსწავლულ რუსულსა, ქართულსა და სომხურს ენასა ზედა. ამანა თარგმნა რუსულიდამ უმრავლესნი წიგნნი, ვითარცა სამოქალაქო, ვგრეთვე საეკლესიონი ვიდრე 400-ამდე. ამან გამართა დაბადება რუსულისაგან და ლათინთა და ბერძენთაგან, რაიცა აკლდა ქარ-

თულსა დაბადებასა, შემატა. ესე მიიკუალა წლისა 75. ესე აღზრდილი და განსწავლული იყო კათალიკოზის ანტონის იესეს მეფის ძის მიერ. ესე ჟამსა ამას ძვირფასობდა ქვეყანასა საქართველომასა და ამის შემდგომად, ღმერთმან უწყის, დაშთებალა მკვავესი ამისი მეცნიერი ქვეყანასა ჩვენსა!

წელსა ამასვე 1821, მარტის 24, დღესა ხუთშაბათსა მიიკუალა მიტრაპოლიტი მიხაილ სანკა-პეტერბურლისა და დასვეს მოსკოვის მიტრაპოლიტი სერაფიმ.

ხოლო წელსა ამასვე იქმნა ოსმანთა და ბერძენთა შორის ფრიად აღრეულება. სადაც მოლდავით იასით და სერბით და ბოლღარით მოიკრიფნა მხედრობანი ღიანარაღ მათორმან იხსლანდომ ალექსანდრემ, მივიდა, ეწყო ოსმალთა, აოტნა და სრულიად განდევნა ამა ადგილთაგან ოსმანნი, და სთხოვა იმპერატორსა და კეისარსა. რათა მწე ეყოს ბერძენთა, რომლისათვისცა არა ეთანხმნენ ესენი აშლასა ოსმანთა ზედა, ვინაჲთგან აქუნდათ ამჟამს შერიგებაჲ ოსმანთა თანა, ამისთვის ღიანარაღ ისლანდიაც შერისხულ იქმნა იმპერატორის მიერ, და განქვევებულ ღიანარაღობისაგან. მსმენელმან ამისმან სულთან მაჰმუდ — რუსთა არა მისცეს ბერძენთა შეწევნაჲ, არამედ განამტკიცეს კუალად შერიგებავე ოსმანთა თანა, ამის გამო ვინაჲთგან ქალაქნიცა მრავალნი ბერძენთანი უკუდგნენ და განდევნეს თურქნი.

მსვენელთა ამისთა ომალთაც, ვინაითგან რუსთა პირიც აღარ მისცეს ბერძენთა, ბრძანებითა სულთან მახმედისათა მოსწყვიტნეს ექსასნი ჩინებულნი მღვდელ მთავარნი კოსტანტინეპოლის სინოდისა ჩლოენნი და მრავალნი ჩინებულნიცა ბერძენნი, ხოლო პატრიარქი გრიგოლი მოაშთჳს და მოშთობილი ურიათ ათრევინეს ქუჩათა შინა და მერე ურიათა მოაბეს ქუა და შთაადგეს ზღუად, ხოლო განგებითა ღვთისათა განწყდა ქუა იგი და მექონი ზღვის მიერ გუამი მისი ემთხვია მენავეთა ბერძენთა მართლ-მადიდებელთა, მათ მოიღეს გუამი მისი და დაფლეს ყირიმს, ქალაქსა თეოდოსის და შეირაცხა წმიდათა შორის, და შემუსრნეს წმინდა ეკლესიანი სრულიად

კოსტანტინეპოლსა შინა, რომელნიცა ეპყრათ ბერძენთა და იავარ ჰყვეს ყოველნიე ნიეთნი მათნი და წმინდა სამსახურებელნი და ბერძენნიცა სრულიად მამაკაცი მოსწყვიტენს, თვინიერ დედათასა...

წელსა ამასევე იქნა აღრეულება ევროპასა შინა, აღვილსა ნიაპოლს და იტალიასა შინა. მივიდა იმპერატორი რუსთა ალექსანდრე და კეისარი ფრანც, დაამშვიდეს და უკუნიქცნენ თვისადე.

ამის გამო აიძულა პატრიარხსა კოსტანტინეპოლისასა გრიგოლს სულთანმან, რათა მისწეროს ყოველთა საბერძენთის ხალხთა შეჩვენებაჲ, რათა არა წინააღმდეგ იქმნას ბერძენნი სულთანისადმი; რომლისა გამო არა მშენებელმან ამისმან პატრიარხმან დასდუა სული თვისი ცხოვართა თვსთათვს. ამის გამო განძვინდა სულთან მაჰმუდ და უბრძანა ვეზირსა თვსსა, რათა მოაშთოს პატრიარხი იგი და მისთანა სხვანიცა სამღვდელონი ყოველნი, და მოსწყვიტონ ყოველნი ბერძენნი და ქრისტიანენი სხვანიცა, ვინცავე იპოვებოდეს კოსტანტინეპოლსა შინა. ამისა მსმენელმან პატრიარხმან აუწყა ხალხთა ქრისტიანეთა, რათა არა მოვიდნენ ეკლესიასა შინა დღესასწაულსა აღდგომისასა, რამეთუ ებრძანა სულთანს ზუნ დღეს მოწყვეტაჲ მათი ეკლესიათა შინა. მსმენელმან ამისმან სულთანმან განძვინდა და უარძანა ვეზირსა, რათა მოსწყვიტენს ბერძენნი. მსმენელმან ვეზირმან მოიკრიბნა მუნებურნი ენგიჩარნი და წარემართა მათ ზედა, მივიდა პატრიარხთან დღესა აღდგომისასა, 10 აპრილსა, და აღასრულა რა წმიდა ლიტურგია პატრიარხმან, დაესხა ეკლესიასა შინა, გამოიყვანა ეკლესიით და მოაშთუა შესაქოსლითა შემოსილი, და მისთანა ექვსნი არხიერნი სხვანი პერძენთა და ექვსი არხიმანდრიტნი, და მრავალნი მოხუცინი სამღვდელონი, და დიაკონნი ალაკუნა ანძალსა ზედა, და შემუსრეს წმინდანი ეკლესიანი ყოველნი კოსტანტინეპოლსა შინა და წმინდანი ხატნი და ჯუარნი იქმნენ მიტაცებულ და იავარ ყოველნი სამსახურებელნი მათნი. ხოლო წმინდა ესე პატრიარხი გრიგოლ იყო დამოკიდებულ წელსა ზედა სამს

დღეს ეკლესიისა კარსა ზედა და შემდგომად მისცეს ურიათა, და აათრიეს ქალაქსა შინა, ხოლო შემდგომად ამისა მოაბეს ქუა და შთააგდეს იგი ზღუასა შინა, სადაცა განგებითა ღვთისათა მოეხსნა ქუაჲ და ზღუამან განაგდო თავისის შესამოსლითა ყირიმსა, ქალაქსა აღესასა შინა და მუნ მცნობოა ბერძენთა დაკრძალეს წმიდა გუამი მისი მუნ. ხოლო ენგიჩარნი ესრეთ გაშპაგდნენ კოსტანტინეპოლსა შინა, რომელ სადაცა ბერძენთა ანუ სომეხთა, ანუ ფრანგთა, ანუ ევროპიელთა იხილვიდიან, უწყალოდა ჰკვლიდიან, ხოლო შორის ამათს მოჰსწყვიტნეს რაოდენნიმე ჩინებულნიცა თავადნი ჰოლდავისანი, გუარად გავრი კარდატონი, კარსა ზედა მსახურნი პრეოთიკად ხმობილნი, ხოლო ქირი ამა ჟამისა და ვაება მოწვენილი ვინმემ გამოთქუას ქრისტიანეთა ზედა ვითარცა არს და წარიგზავნაცა ფარმანი სულთანისა ყოველგან საფაშოსა შინა, რათა, სადაცა არიან ქრისტიანენნი, ყოველნი მოსწყვიტონ.

დღენი ესე გუანან დღეთა ნერონისთა და მაქსიმიანესთა: ვითარცა იყო მაშინ დევნულება ქრისტიანეთა, ეგრეთვე ჟამსა ამას უმეტეს მძვინვარებს ცოდვათა ჩვენთათვის. ხოლო ბერძენნიცა ყოველსა ადგილსა მძვინვარებენ და მხნედ იბრძვიან, ვითარცა კნიაზ იფსილანდი მოლდავის მხრით და უფრო ქალაქებითა შინანიცა. შემდგომად გრიგოლ პატრიარხისა ჰყვეს პატრიარქად კოსტანტინეპოლისა კირილე, ადრანა პოლისა არხიეპისკოპოსი, და ესე ვიდრემდის მოიწვეოდა კოსტანტინეპოლად მოკლეს ესეცა წამებითა გზასა ზედა ოსმალთა, ხოლო პატრიარხიცა იერუსალიმისა პოლიკარჲე დაშთა მშვიდობით, გარნა ესეცა იყო შამწყედელთ თვისსა მონასტერსა შინა თვისითა კრებულითა, ღოლო სერბისა არხიეპისკოპოსიცა ათანასი მრავლისა სატანჯველისა შემდგომად ჰყრობილ იქმნა და მიგდებითა ძალთათა გაბზარულ და ესე ვითართ შინა მრავალთა მიიღეს მოწამეობისა გვირგვინი. გარნა ბერძენნი სულითა ქრისტიანებრითა განხურვებულნი, მარადის მრე ექმნებოდნეს განძინებულთა თათართა ზედა. ხოლო წელსა ამასვე ივნისში ესრეთ განძინდა ულთო სულთან მაჰმუდ, რომ-

მელ სრულიად ხელ ჰყო აღწყვეტა ქრისტიანეთა, მცხოვრებელთა კოსტანტინეპოლსა შინა. ესრეთ მაჰრანი კაცი მოსწყვიტნა და ჩვილნი ყრმანი, ხოლო მღვდრნი ქუა კისერთ მიბმულნი შთაყარნა ზღუათა შინა. ესრეთ მწყურვალე იყო ქრისტიანეთა სისხლისა, რომელ მარადის ხოცდის უწყალოდ. ხოლო ამავე ჟამსა შინა კოსტანტინეპოლს კუალად მოსწყვიტნეს მღვდელთ-მთავარნი ოთხნი, და მღვდელნი ორმოცდა თერთმეტნი. მყოფნი ერთსა ბაღსა შინა, და მღვდრებელნი ლეთისანი ლოცვისა მის, რათა დასცხრეს გულის წყრომა ღვთისა სამარჯლოად მოსრული ქრისტიანეთა ზედა ცოდუთა მათათვის. ამისა მხილველმან ელჩჳან როსიისაჲმან ბარონ სტროგუნოვმან, ვერლარა მომთმენჳან მინ ესე ვითარისა ტირანობისა გ-მ-ო ქრატანეთა ზედა, თუცაღა მრავალ გზის აუწყა სულთანს, რათა დასცხრეს ქრისტიანეთა დევნულებისაგან, გარნა არა რაისა მსმენელმან სულთანმან ესეცა შეურაცხ ჰყო, და მანცა დაუტევა ყოველივე და გამოჰარვით მოვიდა ყარიმსა შინა. ზ საკვირველი!

წელსა ამასვე იგლოვა ცამან ესეოდენი უსამართლოებაჲ მოსრული: და არ გვიხილავს ზაფხულის ჰაერი, არცა სიცხე; ცაჲ ესრეთ შეიცვალა, რომელ სოველსა ღრუბელსა შინა იპოებოდა ღრუბელი, ვითარცა ბნელი სისხლის მჰსგავსი, რომელიცა თუალითა ჩემითა ვიხილე ივლისის 23 დღეს და მრავალთ სხვათაც, და უკვირდათ ამგუარის ღრუბლების გაჰოჩენაჲ.

წელსა ამასვე 1821, მაისის 25, ანგლიის საკოროლოში ეკრესტონტის (ესე გამოცემულ იქნა გაზეთით, რომელსაც ჰქვიან ინჯალიდი. № 217, სექტემბრის 18), რომელიცა არის ადგილი ესე ღრაფას ღლოტერკომისა, მოვიდა წვიმა და წვიპისა მაგიერ იწვიმა სულ ლოკოკინა, რომელმანცა დაჰფარა მთლად საძი დლიური მიწა; თითო იყო სიმაღლით თითო გოჯი, ხოლო სიდიდით თითო რაკის ტოლი, და აქუნდა ფერი ქრელი.

ხოლო წელსა აზასვე აღიშალნენ სპარსნი და თურქნი, მიუღეს სპარსთა ბაღდადი, ვანი, აზრუმი და ტრაპიზონი. ამა სპარსთა წინამძღოელი მხედართა იყო ძე ბაბახან ყეენისა მაჰმად ალი მირზა, უწარჩინებულესი მხედართ მძღუანი და მხნე მამაცი სპარსთა შორის. და კუალად დაზავდნენ სპარსნი და თურქნი შუამდგომელობითა ანგლიელთაგან. ხოლო ეამსა აზასვე მოკუდა ძე ბაბახან ყეენისა მაჰმად ალი მირზა მუნვე ბაღდადსა შინა, უწარჩინებულესი მამაცი, რომელიცა ებრძოდა თურქთა და მისცა ფრიადი მოკლებაჲ ძალისა სიკვდილმან ამისმან სპარსთა მხედრობასა, გარნა ვერა დაამტკიცეს შერიგება; ამისთვის ბაბახან ყეენმა აღილო ბაღდადი და ფაშა მისი იკმო, და დაიპყრა თვისად, თუმცალა ანგლელთა არა სათნო იყო ესე და წყინობდნენ. ამისთვის ბაბახან ყეენმან განჰყარნა ყოვლის სპარსეთით შემოსრულნი ანგლიჩანნი.

ხოლო წელსა 1822, ქკს ფი, ესე გამოცემულ იქმნა პეტერბურღსა შინა (აკადემიის გაზეთი № 2, იანვრის 6, 1822 წელს): წარსრულის წლის 1821, აპრილის 1, ვიდრე ამ დეკემბრამდისინ, რაოდენიცა სულნი ქრისტიანენი მოჰსწყვიტნა საბერძნეთსა შინა და კოსტანტინეპოლის უღმრთომან და მტარვალმან სულთან მაჰმუდმან,—ეს არს სია მათი: 300,000 ხალხნი. ამათ შორის 1-ი პატრიარხი კოსტანტინეპოლისა გრიგოლი, და ამათივე სინოდის მწევრნი არქიერნი და არხიეპისკოპოსნი 12, ჭრაკიელნი—3 მიტრაპოლიტი ეპირისა, 6 არქიერი ტრიპოლიისა. ამათ მიიღეს მღვდელ-მოწამეობაჲ, ესენი ეწამნენ ოკდომბრის თვეში, და ამათთანვე ეწამნენ 7 ბერძენნი; ესენი მოიკლნენ სერბიისა სარასკარისგან. ხოლო შემუსრეს ეკლესიანი და მონასტერნი 4,500 საბერძნეთსა შინა. ამასთანვე ზრავალნი დედანი მონაზონნი^ლ შთაჰყარეს წყალსა შინა და დაანთქეს.

ხოლო წელსა 1822 კუალად აღადგინეს ქარელთა და კატეხელთა აბოხი დიდი რუსთა ზედა, აღვიდნენ და იწყეს მაგრება ზაქათალასა შინა. მსმენელმან ამისმან მთავარ მართებელმან ერმალოვმან წარგზავნა მათ ზედა მხედრობანი თვისნი.

მისრულთ მუნ მხედრობათა მათ ძლიერად ბრძვეს ლეკთა, გარ-
ნა იძლივნენ ლეკნი რუსთა მიერ, და აღიღეს ზაქათალაყა,
და შემუსრეს მუნ „შენობანიცა, და მოსწყვიტნეს მრავალნი
სულნიცა ლეკთანი, და ქონება მათი იაფარ ჰყვეს, და ეგრე-
თვე კატეხიცა წარტყტსენ; და მოსწვეს სრულიად, რომელ
არღარა დაუტევეს მკვიდრი მათ შინა. ესე იყო მარტისა თვეში,
დიდს მარხვაში.

ესე ანბავი მოეწერა ჩემთვის ტფილისიდან სატკის სო-
ვეტნიკს და სინოდის კანტორის პროკურორს ვასილი ქილა-
ძეს წელსა 1822, მარტის 20.

ხოლო წელსა ამასვე 1822, ქკს ფი, აპრილის 5, ბრწყინ-
ვალის კვირის ოთხშაბათს დღეს, დილისას მერვე საათზედ, სამ-
ხრეთის მხარეს ერთი დიდი ვირსკულავი გამოჩნდა, და მთვა-
რის ახლო მიკრული იყო; 8 საათიდან დღისით მოწმენდილს
ცაზედ იდგა 10 საათამდინ ვიდრე წირვამდინ. და ყოველი
ხალხი მსვერეტდა ტფილისში. ესე ხილვა ტფილისიდან მოეწერა
ვასილი ქილაძეს წერილით.

და კუალად იწყო ყეენმან ბრძოლად ბაღდადისა და ანა-
ტოლისა, რომელთაცა მხედრობათა სპარსთა, მოსრულთა აზ-
რუმს, ეკტტონენ ოსმალთა, და ძლიერსა ბრძოლასა შინა მო-
კლეს სპარსთა სამნი თაშანი,—ერთი აზრუმისა, ყარსისა და ტრა-
პიზონისა, და არს ამ დრომდე ბრძოლა თურქთა და ყიზილ-
ბაშთა.

წელსა ამასვე 1822, ივლისის 21, ლამესა პარასკევს და-
ბნელდა მთოვარე. ჩკან პეტერლოფს ვიყავით და იქიდან ვსკ-
ვრეტდით.

წელსა ამასვე 1822, აგვისტოს 13, ლამეს 10-საათს იქნა
ფრიალი ძვრამ სირის მხარეს, ალაბის ქალაქი სრულიად შეი-
მუსრა, და ეგრეთვე გარემოს მისსა ცხრა სხუა ქალაქი და ყა-
საბინი, მრავალნი სულნი მოჰსწყდა.

ხოლო წელსა ამასვე განსდევნეს რუსთა ხანი ყარაბაღისა,
ესე იგი რანისა, მეითი, ძე იბრაიმ ხანისა, სპარსეთს,—ესე
იყო ღიანარაღ მაიორი და კავალერი და აქუნდა ხანობა რუს-

თავან ყარაბაღისა აქამომდე, — შესემენითა მუნებურს სომხის ღიანარაღ მადათოვისათა და ჰყვეს რუსთა მუნ მართებლობა თვისი და უთავეს მადათოვი მუნ, ხოლო ძმასწული მისი ჯაფარ-ყული-აღა, ძე მამად ასან აღასი ძითა თვისითა შეიპყრეს და წარავლინეს 3 ტაპრად როსიასა შინა, ქალაქსა ციბირცკისასა.

ხოლო წელსა ამასვე 1823, ქკს ფა, იანერის 14, დაბნელდა მთოვარე, ვითარცა წყვილიადი, და იყუ ორს საათს ესრეთ, ხოლო მთოვარე იყუ რიცხვით 11-სა.

წელსა 1823, ქკს ფა, სომეანი შეიშალნენ აღესებისაგან. ესე მომითხრა ტერტერამ ტერგეურქამ თელეთელმა, რომელიც ამჟამად აქ პეტერბურღს სცხიავრებს, კაცი განვითარებული და მეცნიერი ვითარცა სომხურზედ, ეგრეთვე ქართულს ენაზედ. ყოველს 80-ს წელაწადშე ერთხელ შეიშლებიან სომეხნი აღესებისაგან.

ხოლო წელსა ამასვე 1823, თტსა იელისსა აღადვინეს აბოხი ჩერქეზთა, შემპირებულთა რუსთაგან. მოტბდნენ ბეშთოვს რუსთა მევე წყალზედა. დალას დაესხნენ თავსა, მოსწყვიტნეს რუსთა მხედრობანი ათას ხუთასი და შეიპყრეს 4 ღიანარაღი, ესენი: ჟოღტუხინი, საზანოვი და სხვანი, იავარ ჰყვეს სოფელი იგი, დაატყუტკეს 700 სული და უკუნეიქნენ.

ხოლო წელსა ამასვე 1823 მოვიდა ქართლში მკალი და მოქამა ნაშრომი ყოველთა, და ეგრეთვე რუსეთისა შინა ფრიადი მკალი მოვიდა, მოზღოკილამ ვიდრე ვორონიჟამდე და ყირიმამდე.

ეს მკალას მოსელა უფალმა მაიორმა ფეოდორ რამანიჩმა ნაზაროვმა ქართველმა მიაბო. ბაბა-ხანს ყენს ხელმწიფისათვის 15 ცხენი გამოეგზავნა თავისის ხანის მამადლის ხელით. ამათ მიაბებს: ჩერქეზს ქირმანილამ რა გავედითო ვარონიჟამდინ ამდენი მკალი იყო, რომ მინდორი სულ ყაროდა იმათგანაო, თითქმის ერთს ჩარექს სიმაღლეზე ეყარაო, კინაღამ სულმა არ დაგვარჩოო.

ხოლო ზაფხულსა ამას შინა გაჩნდა სნეულება ერთი, რომელსაცა ჰქვიან ზოლერი, მთელსა სპარსეთსა შინა, მუცლის ყვანითა, რომელნიცა ხალხნი სამსა საათსა მეტსა ეგრლარ ცოცხლობდნენ. ამა სენს უწოდებდნენ მდოურს სენათ და მოსწყვიტნა მრავალნი ხალხნი, და მუნიდამ მოიტანეს ასტარხანს, და მუნცა მრავალნი ხალხნი მოსწყვიტნა. არავის ასმია სენი ამგვარი, არა ოდესმე, და არცა ყოფილა.

ხოლო წელსა ამასვე აღადგინეს კუალად აბოხი ჩაჩნელთა და დაღისტნელთა რუსთა ზედა. გარდმოვიდა ქართლით ერმალოვი, მივიდა მთასა ზედა დიდისა მხედრობითა. იძლივა ერპალოვი ფრიად მათგან, და უკუნიქცა თარლუს, შამხლისათანა მეითის, ვინაჲთგან შამხალი ფრიად ჰსდვა ერთგულებასა ზედა რუსთასა.

1824 ივნისში მოკლეს ოსთა თოფითა დაყუდებული წმიდა მღვდელ-მონაზონი ბესარიონ ფავლენისშვილი, რომელიცა სტხოვრებდა ზემო ქართლის მთასა შინა, მცირესა ეკლესიასა შინა, მცხეთის ჯვარად წოდებულსა.

წელსა ამასვე მოკუდა წლისა 78 ფრანკუეის კოროლი ლუდოვიკ და დაჯდა ძმა მისი კარლოს. ამან იჲყუა კუალად მოქცეულმან წელი 11.

წელსა ამას 1824, ნოემბრის 7 აღელდა ზღვა და გარდმოვარდა პეტერბურხსა შინა და მისცა ფრიად ვნებაჲ. და იყო ესე წყლით ღრღვნა მრავალთა ევროპიის და რუსეთის ქალაქთა შინა, და ეგრეთვე ბალდადიცა წარიღვნა წყლისა მიერ შირაზითურთ.

ხოლო წელსა ამასვე 1825 აღადგინეს კუალად აბოხი ლეკთა, ჩამოვიდნენ შიგნით კახეთსა შინა, და მოაოხრეს ენისელი, და გრემი, და სხვანი წვრილნი სოფლებნი. კუალად ჩაჩანსა შინა გამოჩნდა მტბიერი ვინჲე და იწოდა შიხად და რჯულის თავად მათდა; ამან შეიკრიბნა მხედრობანი ლეკთანი ვიდრე 30,000 კაცამდე; ესე დაესხა რუსთა სუნჯის ახალციხესა შინა, რუსთაგან აღშენებულსა. ამან აღიღო ციხე იგი და მოსწყვიტნა მუნ მდგომნი მხედრობანნი რუსთანი, და მიუ-

ლო ზარბაზანნიცა რაოდენნი იყვნეს მუნ. ამან შემოუჩინა მოლა ერთი თვისი. ესე შოვიდა ღიანარალ ლეიტენანტის ღისანევიჩისთანა რეცა მოციქულად და ხანჯლითა განგშირა ღიანარალ ღისანევიჩი და მასთან ღიანარალ ღრეკოვიცა, რომელიცა მოკლი ორნივე. ხოლო ესეცა მოლა უკანასკნელ მოკლულ იქმნა მუნ. გამოჩნდა სეკდემბერში კომეტა ვარსკულაფი მოსკოვს; ესე იყო მომასწავებელი ამა უბედურებისა.

ხოლო წელსა 1825, ქკს ფოგ, ნოემბრის 19-ს, დღით საათსა 10-ს და მინუტს 50-ს, დღესა ხუთშაბათსა გარდაიცილა იმპერატორი ალექსანდრე პირველი პავლეს ძე, ციება შერთულის საოვლით ყვანითურთ, რომელითა იყო სნეულად დღე 15, ქალაქსა შინა ტადანროლისასა, ყოვლით სათნოებით სრული და მამკობელი ეკლესიათა *) და აღმაშენებელი, რომლისა ქება და ღუწა მაჟულისა თვისისათვის აღურაცხელ არს აღწერად. საუკუნოდ ჰყოს ღვერა. მან სახსენებელი მისი. რომელიცა ფრად მწყალობდა მე, რომლის აღრიცხვა არა ძალმიძს, და ვმსახურებდი მე, თვისსა სასახლესა შინა კამარ ღერად. მეფის ძე ბაგრატი.

დაჯდა ძმა მისი კოსტანტინე 1-ლი იმპერატორად.

ხოლო ესე კოსტანტინე არა ინება დედამან მისმან იმპერატორიცა მარიამ ფეოდოროვნამ იმპერატორად წელსა 1825, დეკემბრის 15-სა, ს.-პეტერბურხსა შინა; ვინაიდგან პირველ განეტევებინა რჯულიერი ცოლი თვისი და შეერთო პოლშის აზნაურის ღრუზინოვის ქალი არა ნებითა დედისათა. ამის გამო მიიბირნა ყოველნი წარჩინებულნი პეტერბურხისანი, სინოდი და სოვეტი სენატიურთ, და გარდააგდეს კოსტანტინე, რომელიცა ჯერეთ ვარშავით არა მოსრულ იყო პეტერბურხსა შინა, ვინაათგან ვარშავის ქალაქსა შინა ჰსცხოვრებდა ცოლშვილით, და იმპერატორად აღიყვანეს უნცროსი ძმა მისი ნიკოლოზ პავლეს ძე. მსმენელთა ამისთა მხედრობათა ღვარ-

*) ამან იხელმწიფა წელი 24 და თვე 9, ხოლო იყო თვით წლისა 48-ისა, რომე მიიცვალა.

დიისათა, ვინაჲთგან აღრევე ეფუცათ საზოგადოდ ფიცითა სჯულაერთა კოსტანტინესთვის, ამის გამო მრავალთა არლარა უარ ჰყვეს ფიცო თვისი, თუჲსკალა მიტრაპოლიტი სერაფიმ მივიდა შეჴოსილი, რათა დააცხროს ამოხი, გარნა ხალხთა არა უსმინეს მას. და მდაბალთა ხალხთა პეტერბურხისა და მსოფლიოთა აღადგინეს ამოხი დიდი, რომელნიცა განიყვენენ ორად: ნახევარს ეპყრათ მხარე კოსტანტინესი და ნახევარსა ნიკოლოზისა. სადაცა სენატის გეიდანსა ზედა წარმოიშო ბრძოლაჲ და მოკლეს ამა ბრძოლასა შინა ღრათ მილარადოვიჩი დიანარალ. ანშეფი, და მთავარ მართებელი პეტერბურხისა და ეგრეთვე მოსწყდნენ ვითარცა პირველნი მხედართ მძღვანნი, ეგრეთვე სალდათნი და მდაბალნი ხალხნი, სადაცა აწარმოვეს სროლა ზარბაზნთა. ხოლო უკანასკნელ იძლივნენ მხარენი კოსტანტინესნი და განიბნივნენ თვის თვისად და აღიყვანეს ნიკოლოზ ტახტსა ზედა რუსეთისასა.

წელსა ამას გამოჩნდა წითელი ვარსკულავი აპრილის თჳსში, დიდი, მჰსგავსი ლახერისა, სამბრეთის მხარეს და იდგა ერთი თჳსე მეტი. ამ წელს 1826, მაისის 4-ს, დღესა სამშაბათს, ნააღდგომევეს მიიციულა იმპერატრიცა ელისაბედ ალექსიენა, მეუღლე იმპერატორისა ალექსანდრე პავლეს ძისა მწუხარებითა შემდგომად მიცულეებისა ქრმისა მისისა 6 თვის შემდგომად წარმოსრული სნეული ტაგანროგის ქალაქიდა მ ტულის ლუბერნიის მაზრის ქალაქსა შინა ბელეცკსა. ამავე წელს, მაისის 6, დამე, ხუთშაბათს დაბნელდა ფრიად საშიშრად მთოვარე მოწმენდილს ცაზედ, მთოვარე იყო 11, ს.-პეტერბურლსა შინა.

ხოლო წელსა ამას 1826, თჳსსა ივლისსა, აღიშალნენ რუსნი და ყრზილბაზნი. ბაბახან ყეენმან წარმოაველინა მხედრობანი თვსნი, ახალი რეგული გაწყობილი თოფხანით, და სალდათით, და ეგრეთვე ცხენოსნით, ვიდრე სამეოცდა ათასამდე. ამათ მოსრულთ სძღეს რუსთა მხედრობასა. შუშისა ციხე ვერ აღიღეს. პოლკოვნიკმა რეუტმა გაამაგრა იეგირის პოლკით. ფრიად მაგარი აღიღეს განჯა, შაქი და შირვანი და ბაქუხ

შემოადგენენ, ვერ აღიღეს, მოვიდნენ და დადგნენ შამშადინსა შინა. ხოლო იმპერატორმან ნიკოლოზოჲმ ჰაუღეს ძემ წარგზავნა მხედრობანნი ოცდაათ ათასნა კაცნი შესაწევნელად ქართლისად ვითარცა შეუზღვიით იმერთსა ზედა, ეგრეთვე კასპიის ზღვით და კავკასიისა გზით. ამჟამს იყო ქართლში მთავარმარ-მართველი რუსთა ღიანარალ ერპალოვი.

აგვისტოს 29 ღიანარალ ერპალოვმა წარგზავნა ტფილისით მეწინავედ კნიაზ მადათოვი ღიანარალ მაიორი სამიათასითა სალდათითა და მცირე ცხენოსანთა ქარცხლლათა ყაზახსა შინა, რათა დაესხას ყიზილბაშთა და გარეკოს მუნით. ამ დროს ერევნის სარდალი უსეინ ყული მოვიდა, დაიპყრა ყაზახი და შამშადინი. მეფის ძე ალექსანდრე ირაკლის ძე წარგზავნა კახეთის დესაპყრობელად ორი ათასითა ჯარითა ყიზილბაშითა; ამათ შეერთდენ ქარელნი და ბელაქნელნი ლეკნიცა, ქიზიყს მიუხდნენ, გურჯაანამდისინ მოარბივეს ქიზიყი. სიღნაღში გამაგრდა, სიღნაღის ციხე ვერ აღიღეს, ალექსანდრე უკუნ იქცა და შამშადინში სარდალთან მივიდა. მადათოვმა ყაზახში მდგომი ყიზილბაშის ჯარი დაამარცხა, იქილამ შამშადინში წავიდა. სარდალი შამშადინილამ აიყარა, ზავის თავს ავიდა და იქ დადგა ჯარით. ღიანარალ მადათოვი შამშადინილამ წაემართა ორი ათასის კაცით და 4 ზარბაზნით და სამასის ქართველის ცხენოსნით განჯისა კერძო, განჯა ამჟამად ყიზილბაშებს ექირათ. იქ იდგა შაჰზადასა შველი აბაზ მირზას შვილი მაჰმად მირზა და სარდალი ბიძა მისი ამირ ხან. მადათოვი შანქორზედ მივიდა. განჯილამ გამოვიდა მაჰმად მირზა ორი ათასის რეგულის ჯარით, და ამათ აქენდათ 4 ზარბაზანი და ზაბურაკნი 20, ცხენოსანი ჯარი ჰყვანდა რვა ათასი. შეიბნენ შანქორში. იძლივნენ სპარსნი და მრავალნი სულნი მოსწყვიტნეს. რუსთა მხარეს მოკლდა ვაჟკაცი პოდპოლკოვნიკი ღრეკოვი და ორი აფიცარი, სალდათნი ორასაჲდე დაქრილნი და დახოცილნი. ამ ბრძოლაში ყიზილბაშნი იქმნენ დახოცილნი: ორნი ხანნი და დაქრილი 1000 და დახოცილი ათასაჲდინ კაცნი, 1 ზარბაზანი და 11 ზაბურაკი დარჩათ. ესე ბრძოლა იყო 2 სექტემბერს.

4 სექტემბერს ლიანარალ მადათოვი მივიდა განჯასა ზედა. ამისი მისვლა ყოხილბაშთ რომ შეიტყვეს—15,000 კაცი იდგა განჯას ქალაქში და ციხეში,—აიკლეს და განცარცვეს განჯა, დაუტყვეს ქალაქი და წავიდნენ. უომრად შევიდა მადათოვი და დაიპყრა განჯა.

წელს 1826, სექტემბრის 12, შაჰზადა აბაზ მირზა იდგა თართარის წყალზედ დიდის ჯარით. ამან რომ შეიტყო დამარცხება შეიღისა თვისისა და განჯისა ისევე რუსთაგან დაქერა, წარმოემართა დიდის ჯარითა. ყეენის სიძე ალაიერხან ყაჯაროც მოვიდა შემწედ მისდა დიდის ჯარით. ლიანარალ მადათოვსაც შეერთდა ლიანარალ აღუტანტი პასკევიჩი რაოდენისამე ჯარითა და არტერელიითა განჯას 9 სექტემბერს. ესენი რომ ქურამჩაის მივიდნენ, ისინიც იქ დახვდნენ. შეიბნენ მუნ, იქნა ბრძოლა სასტოკი და ძლიერი. ამა ბრძოლაში დიდათ მხნედ იყვნენ ქართველნი, რომელნიცა იყვნენ რუსთა თანა ათას კაცამდე. ბრძოლა იყო 8 საათს. იძლია რუსთაგან შაჰზადა. აბაზ მირზასი ჯარი იყო 4,000 ათასი რეგულის სალდათი და 8,000 ათასი საუკეთესო ცხენოსანი, და 25 ზარბაზანი ჰქონდათ თავიანთი რეგულისა. ამ ბრძოლაში მოიკლა ამირ ხან, სარდალი სპარსთა, და სხუა დახოცილი და შეყრობილნი სპარსნი იქნენ ვიდრე 2,000 ათასამდე. უკან იქცა შაზადა და გარემოდგომილი შუშის ციხის კანციც შემოატალო, აიყარა და არეზზედ დადგა. მტრისა დარჩათ რუსთა: 3 ზარბაზანი, ორი დიდი ბანაკი აზულათი სავსე, 4 ბაირახი, 1 ზაბურაკი, 80 ტყვია წამლის ყუთნი. ამ ბრძოლაში დაქრილი და მკვდარი აწიკრებით და სალდათით არიან რუსნი 240.

ერეენის ციხის სარდლის მაჰმად უსენ ხანის ძმა აჰსან ხან წარმოემართა დიდის ჯარით. ამასა ჰყვანდა (სექტემბრის 2-სა.) მხედრობა 10,000 კაცამდე. ესე მოვიდა, ლორეს გარეშემო მოარბივა, ეღები აიკლო, 3,000 კაცი ქალაქის პირის დასაკრავად გამოუსივა. ესენი მოვიდნენ, სამაჩვეთს მღვდომს ახლად დასახლებულს ნეჰკებს კალონისტებს დაესხნენ, მოსწ-

ყვიტნეს და მრავალნი ტყვე ჰყვნეს, წარმოეპართნენ, სოლა-
ლულამდისინ სომხითის სოფლები მოარბიევს, წარვიდნენ უკან.
მისრულნი მუნ ლორეს აღიყარა ჰასან ხან ღამე. ამას მოეწივნენ
რუსის სამასნი კაცნი იეგირის სალდათი ერთის ზარბაზნით.
ამათი მართებელი იყო ღიანარალ მაიორი კნიაზ პენშიკოვი,
ახლად მოსრული სპარსეთით, რომელიცა იყო ელჩად მუნ წარ-
ვლენილი ნიკოლოზ იმპერატორისაგან. ამან შუკრა ლო-
რეს განსავალი ჯალალ ოღლისა. მუნ მკირესა ზედა სპარსთა
მხედრობათა ზედა გაემარჯვა და დააყრევინა რაოდენიმე მო-
ტაცებულნი ელისა პირუტყენი საქონელნი. ესენი წარვიდნენ,
აჰყარეს ფანბაკი და შორაგალი ყიზილბაშთა და წარგზავნეს
ქვემოლ.

30 სექტემბერს მივიდა პასკევიჩი მხედრობითა თვისითა
და დადგა მახლობელ არეზის მდინარესთან. შაქი შირვანიდა-
მაც განვიდნენ ყიზილბაშის ჯარნი. რა იხილეს შაზადას წას-
ვლა, უკან დაბრუნება, ეს ჯარი განვიდა ფონზღდ მტკუარს
ჯავადსა შინა. ამასთან იყვნენ დალისტნის ქვემო მხრის ჯარ-
ნიც შეერთებულნი, იგინიცა უკუნ იქნენ და წარვიდნენ თა-
ვის სახლთა შინა. ამჟამ ყუბელთ დიდი ერთგულება აჩვენეს
რუსთა. იქ ორის პოლკით ღიანარალ მაიორი ფონკრები, რომელიც
იღგა, შაქის და შირვანის მართებელთ ამათ შეიწყნარეს
და დააყენეს დროსა აღრეულებისასა. ამან რომ ნახა ყიზილ-
ბაშნი შამახიილამ წასულნი, გამოვიდა თავის ოჯახითა და ამას
შეერთდენ შირვანელნიცა მხედრობანი, ეწივნენ უკანა ჯავადის
ფონზღდ ყიზილბაშთა და ავენეს დიდად. ღიანარალ ერმალოვიც
აიყარა ქალაქადაჲ; ამან წარიყვანა ქართლისა და კახეთისა
ჯარი და მთის კაცნი, ამას ჰყვანდა რუსის ჯარი 3,000 და
12 ზარბაზანი. ესე ჩავიდა ყაზახში და დადგა მუნ. ჟნდოდა
ერევნის წარდალს შეებოდა, რომელიცა იღგა შამშადინში.
სარდალი აიყარა და შამშადინის მთაში დადგა.

იქილამ ღიანარალ მაიორი დავიდოვი გაგზავნა ფანბაკის
მხარეს; რუსის ჯარი, რომელიც იღგა ლორეს, ის გაატანა
და ზემო ქართლის ჯარი და სომხით საბარათიანოს ჯარი, და

მრავალნი თავადნი და აზნაურნი ამას გაჰყენენ, ესენი მივიდნენ აგარანს ფანბაკის თავზედ. იქ იღვა ჰასან ხან დიდის ჯარით. ცოტაოდენი კონკლაობა მოუხდათ. აიყარნენ ყუზილბაშის ჯარი და ერევანს წარვიდნენ. ესენიც უკუნ იქცნენ და თბილისს მოვიდნენ, რადგან შემოდგომა იყო და ციოდა ფრიად, უსაზრდულობისათვის ველარ დადგენ მუნ.

1826-ს ნოემბრის 1-ს სპარსნი სულ არეზს გავიდნენ, ყარაბაღის და შაქი-შირვანის ელები ბევრი აჰყარეს და წარიყვანეს თანა. ამჟამს ყენი ბაბახან, რომელსაცა უხმობენ ფათალიშად, ისიც დიდის ჯარით მოვიდა ყარაღალში, აჰარის ქალაქში დადგა.

ძე ყენისა ალი ნალი მირზაც, მდგომი შირვანს და შაქსა შინა მხელრობითა თვისითა, ამან დაიპყრა ესე ადგილნი და მოადგა ბაქუს. მუნ ბაქუს კამანდატმან ძალიან გამამგრა, ვერ აილო და უკუნ იქცა. ესეც უქმი მოქმედი გნვიდა მტკუარს და წარვიდა სპარსეთს. ღიანარალ ერმალოვი მთავარ მართებელი თავისის მხედრობითა და საქართველოს ჯარითა, თავისთან მყოფითა, მივიდა კახეთს, ქიზიყს ჩაიარა, იქილამ შაქში მივიდა, იქაური შაქი შირვანის დაშლილი საქმეები განმართა, იქილამ უკუნ იქცა, მოვიდა და ქარში დადგა. ქარელთ აღრეულობის დროს დლისტნილამ დიდი ლეკის ჯარი მოეყვანათ, გამოსულიყენენ, ქიზიყის წინამხრის სოფლები დაერბიათ ვიდრე გურჯაანამდე, მრავალი საქონელი და ტყვე ეშოვნათ, წასულიყენენ და ზაქათალაში ასულიყენენ. რუსთ შიშით, რადგან ყიზილბაშები ისევ არეზს გასულიყენენ, მოსრულს ერმალოვთან ქარელნი ევგდრნენ ისევ მონებასა და აღუუქვეს მიცემაც, რაიცა წაეხდინათ კახეთსა შინა. მისცეს ქარელთ მძევლები ერმალოვს, ერმალოვმა შეირიგა ისინი, უკუნ იქცა და თბილისს მოვიდა. ამჟამად ყენი ბაბახანც ყარაღალილამ აიყარა და ისევ თავრიზს მივიდა, სრული ჯარის ნება დაანება ძესა თვისსა აბაზ მირზასა. აბაზ მირზა დადგა მხედრობითა თვისითა არეზის პირზე, ზურდა ფირინის ხიდის სიახლოვს, ადგილსა ზედა, რომელსაცა ეწოდების მახრიზი.

ლიანარალ აღუტანტი პასკევიჩი და დღეა ყარაბაღში მხედრობითა თვისითა საშუალ აღმოღლანისა და არეზისა, მდინარესა ზედა ჩერკად წოდებულსა. ამა ბრძოლაში დაიკოდა აღიშას შაზადაშვილი სეიფულ მალექ მირზა.

7 სექტემბერს პოლკოვნიკი მეშინკოვი მოვიდა ყუბიტგან მხედრობითა თვისითა ერთისა პოლკითა. ეკვეთა ძველ შამახიას მდგომს შირვანის ხანსა მუსტაფას, რომელიცა იღვა დიდის ჯარით ყიზილბაშითა, იძლივა მუსტაფახან და წარვიდა მულანისა კერძ, ამათ დაედევნენ რუსთა მხედრობანნი უკანა, მიეწივნენ მტკვრის პირზედა, მუნ ეკვეთნენ ერომანეოსა, იძლივნენ კულად ყიზილბაშნი, გარნა ხიდი ჯიშირისა ვერ მიუღეს ყიზილბაშთა. აქა ფაჩად მხედ გამოჩნდა მებრძოლად მუსტაფა ხანი. შირვანის ყიზილბაშნი გავიდნენ მტკუარსა, დარჩათ ყიზილბაშთა რაოდენნიმე ტყვია წამლის ყუთნი არტილერიის და ერთი ზარბაზანიცა. ხოლო რუსნიცა განვიდნენ მტკუარსა და წარემართნენ ყარაბაღისა კერძით.

ყიზილბაშთა მხედრობაჲ, მდგომი არეზზედა, გამოვიდნენ რაოდენნიმე ცხენოსანთა ნაწილნი მხედრობანნი და წარსტყვენნეს რაოდენნიმე ყარაბაღისა სოფლებნი, მდგომნი სამძლუუთა ზედა, და უკუნიქცნენ.

ოკტომბერის 25 რუსთა მხედრობა განვიდნენ არეზსა შინა, ენებათ მუნ ბრძოლა შაჰზადასი, შაჰზადა აიყარა და არდეველს მივიდა. რუსთ დაიპყრეს სოფლები მარალიანი და სხუანი.

ოკტომბრის 27-სა რიცხესა ლიანარალ პასკევიჩმა დაიბანაკა მდინარესა ზედა, წოდებულსა ყარაფაშელსა; მუნიდგან წარგზავნა ცხენოსანი ჯარნი კამანდობასა ქუტაშე ლიანარალ შაბელცკისათა. ესე ეწივა აყრილთა ხალხთა ყარაბაღისათა. რომელიცა მიჰყვანდათ ყიზილბაშთა, წყაროსა თანა წოდებულსა ქალანთარ ბულახსა, რომელიცა შორავს არეზით 20 ვერსითა. აჰან დააყრეინა 200 კოპლი კაცი. ამა შაბელცკიმ მეწინავეთ წარგზავნა 28 ვერსით წინა მაიორი პოლაკოვი. ესე ეწივა მეუკანოესა მხედრობასა შაჰზადასასა, ადგილსა

დარაუბრდა, ეკვეთა მუნ და დაამარცხა ყიზილბაშთა მხედრობანი მცირედისა ჯარითა. ამან შეიპყრა ტყვედ შირვანის ბეგინურალი, და მოკლეს შირაზა ისმაილ, როპელს:ცა უპოვნეს ბაირახის ფარჩანი და წერილნი აბაზ შირაზასანი.

დღესა ამასვე სხვით კერძო შეეკმობეა მოულოდნელი ბრძოლა ღიანარალ შაბელცკის. ამას ეკვეთნენ ერთი დასტა ყიზილბაშთა ცხენოსანნი, იქნა ბრძოლა, გარნა იძლივნენ რუსთავან.

ხოლო პასკევიჩიცა აღიყარა და წარემართა ყარადაღისა კერძო და დაიბანაკა ღამესა მას 28 ვერსით მდინარესა ზედა შაქარლისასა. ღიანარალ პასკევიჩმა მოაქცუვა, ვინცა ვინ ჰყოფა აყრილნი ელნი შაქისა, შირვანისა და ყარაბაღისანი. ამანვე ჰსცნა რა განშორება მტრისა სამძღვართავან სრულიად, რაცხა, რომ უსარგებლო იყო წასვლა მისი ყარადაღსა შინა, ვინათგან არს გზისა სივიწროვე ფრიად კლდიანი და მთა გორანი, სადაცა ძნელად არს გარდატანაჲ თოფხანათა და ურემთა, აღიყარა და უკუნქეულმან გამოვლო კულად არეზი და დადგა მდინარესა ზედა ჩერეკისასა, ყარაბაღსა შინა. ესე იყო თვესა ოკტომბერსა 30.

წელსა 1826, დეკემბრის 28, ღიანარალ ლეიტენანტი კნიაზ მადათოვი თვისასა ნაწილისა მხედრობითა განვიდა მდინარესა არეზასასა და წარემართა ყარადაღისა კერძოდ დასაპყრობელად, და მიიწივნეს მთასა თანა 'დარაუბრდისასა, და დაიბანაკეს მდინარესა ზედა ზაბურისასა. მუნ მახლობელ იდგნენ ელნი შაისევისანი. ამათ დაესხა თავს მადათოვი, წარსტყვენა იგინი ფრიად, მიულო 15,000 სული ცხვარი, 2,000 აქლემი და პირუტყვი, 500 კომლი კაცი, აყრილნი ელნი და ყარაბაღისანნი, აღიყარა მუნით და წარემართა თალიშისაკერძ. ამისი მხილველნი, განლტოლილნი ელნი სხუანი სპარსთანი, გაიქცნენ, და მივიდნენ ადგილსა მეტნიკს, და იწყეს მუნ მაგრება. ხოლო მადათოვმანცა დაუტევა თალიშსა ზედა რაზმი და შეუდგა ელთა ამათ, რათა წარტყვენოს იგინი სრულიად.

ხოლო წელსა 1827, იანვრის 1, მივიდა მეტნიკის სიახლოესა, აქედამ წარავლინა მდათოვმან მხედრობანი ცხენოსანთა, სომეხნი ყარაბაღელნი და შაქის შირვანისანი, რათა დაესხნენ თავსა ელთა მათ. მისრულთა ამათ უყვეს ზედა დასხმაჲ, წარმოიშო მათ შორის ბრძოლაჲ. მტრისა მოსწყვიტეს 18 კაცი. მდათოვის ჯარისა არაეინ იქნა მოკლული, გარნა დაიკოდნენ რაოდენიჲე, იძლიენენ ელნი იგი და წარტყვენეს, დააყრევიენეს აქაც 2,000 აქლემი და 10,000 სული ძროხა, 60,000 სული ცხვარი.

ლიანარალ მდათოვი ამისა შემდგომად წარემართა ყარაღლისა კერძო, და აღილო მცირე ქალაქი ლარი და დაიბანაკა მუნ. ათახან, მართებელი მეტნიკის სამთავროსი, და ძმა მისი შუქურ ხან მოვიდნენ წინაშე მდათოვისა და ითხოვეს შენდობა შეცოდებისა და შევიდნენ უმობასა ქტსშე იმპერატორისასა, რომელნიცა ივედრნა ესენი მდათოვმან, დააფიცა ერთგულებასა ზედა ხელმწიფისასა, და კუალადვე მიანიქნა ადგილნი თვისნი.

ამის შემდგომად კნიაზ მდათოვი აიყარა ქალაქით ლარით და წარემართა ყარაღლისა კერძო. ამან გარდაეღა დიდათ აგი გზანი, მთისა სალავედ ირიჩისა, რომელიცა არს ძნელად გარდასასვლელი თოფხანათა და ურემთა. ამა კნიაზ მდათოვსა ჰყვანდა სრულ შემთხვევასა ამას შინა მხედრობანნი რეგულისა და ურეგულოსი 11,000 ათასნი და აქუნდა ზარბაზნანი 33 ქვეითისა და ცხენოსნისანი. 6 იანვარს მივიდა მახლობელ ჰარის ქალაქისა. იქ იყო სეიფულ მირზა შაზადა 15,000 კაცთ რეგულის ჯარით. მდათოვმა აღარ ამჯობინა აჰრის ქალაქზედ მისვლა, ვინათგან მხედრობანი მისნი იყვენენ ფრიად დაღალულნი გზის სიავის გამო, კუალად უკუნეცა და მივიდა არეზზედა, გამოვიდა არეზსა შინა და მოვიდა ყარაბაღსა შინა ფრიად შოებული.

ხოლო შექდგომნი ანბაენი სპარსთა და რუსთანი, რაცა მოხდა, თვითაეულად აღწერილი იხილეთ მეორესა ტომსა შინა ამის წიგნისასა. *)

წელსა ამას 1827, აპრილში, გარდააყენეს მთავარ მართებელი ერმალოვი **) ქართლით და მოადგილედ მისსა განაწესეს მთავარ მართებლათ ღიანარალ აღუტანტი პასკევიჩი. ხოლო ღიანარალ ლუბერნატორად განაწესეს თბილისსა შინა სამოქალაქო საქმის მართებლათ ღიანარალ აღუტანტი სეპეკინი, ესეცა ხელქვევითად პასკევიჩისა.

მთავარ მართებლობა რუსთა საქართველოსა შინა მ, ღიანარალ აღუტანტისა ივან ფედოროვიჩისა პასკევიჩისა, ხოლო ღიანარალ ლუბერნატორად განაწესეს თბილისსა შინა სამოქალაქოს საქმისა თვით ღიანარალ აღუტანტი სეპეკინი; ესე პირველი არის. დაწყება საქართველოში დადგინება ღიანარალ ლუბერნატორისა საქართველოსა შინა მსგავსად მოსკოვის და პეტერბურხისა, რომელ სხუათა რუსეთისა სამფლობელოთა შინა არ არის, თვინიერ ამ ორს ადგილის გარდა.

წელსა ამას 1828 აღიშალნენ რუსნი და ოსმალნი.

მზე დაბნელდა აპრილის 14-ს, დღესა ხუთშაბათსა.

ამ წელს, მაისის 15 საქართველოს მთავარმართებელი ღრაფ პასკევიჩი წარვიდა ყარსზედ ახალციხის დასაპყრობელად. პასკევიჩი ყარსს შემოადგა, და აღილო ბრძოლითა ყარსი ივნისის 30-სა დღესა.

წელსა ამასვე, ივლისის 15, რუსთ ფოტის ციხე აიღეს ბრძოლითა ღიანარალ ღესმა. წელსა ამასვე, ივლისის 14, აღილო პასკევიჩმა ბრძოლითა ახალქალაქი ჯავახეთისა.

წელსა ამასვე, აგვისტოს 15, პასკევიჩმა ახალციხე აღილო, დიდთა გამაგრებული და დაამარცხა ორი ფაშა, გარეთგან მომშველი. ახალციხისა ამის აღებაზედ მრავალი რუსი და ქართველი მოსწყდა.

*) სამწესაროდ, ავტორის მიერ აღნიშნული „მეორე ტომი“ მის ოსმულეებისა ხელნაწერში არ არის. მ. ჯ.

**) ერმალოვმა 12 წელი იმთავრა ქართლში.

წელსა ამასვე ერეენიდამ ლიანარალ მპიორი ქავქავაძე წარგზანა ჯარით პასკევიჩჰან ბაიაზეთის დასაპყრობლად. მივიდა და ბაიაზეთი აღილო ქავქავაძემ აგვისტოს 29.

წელსა ამასვე, აგვისტოს 28, პასკევიჩმა არტაანი აღილო ბრძოლითა; აქ დაამარცხა მუშის ფაშა, მოჰშველი ახალცხისა 4000-ის კაცი.

წელსა ამასვე გაჩნდა მომხერელი სენი საქართუტელოსა შინა.

ამვე წელს რუსთ დაიქირეს აფარა, ომარხანის მამული დაღისტანშია, და განაწესეს თვისი მართებლობა.

წელსა 1829, იანვრის 31, სპარსეთსა შინა წარგზაინილი ელჩად სტატკის სოვეტნიკი გრიბაიძელოვი, მყოფა თერანსა შინა შუათალი შაჰ ყაჯრის კარხედ, თერანის ხალხმა ბუნტი უყვეს ცუდს მიზეზზედა, მოკლეს გრიბაიძელოვი და მოსწყვიტნეს მისი ამაღანიც სრულიად ვიდრე 4 სული. ამაში დაესწრა კახი მდივნის შვილი ქობულაოვი სოლომან ევგენის ძე, და მოკლეს იგიცა მუნ და სხუანი ქართველნიცა.

წელსა ამას, თებერვლის 20, ახმადზევ აქარელი ხიმშიაშვილი შემოადგა ახალცხეს, 20,000 კაცი ჰყვა, სულ დარჩეული, და აქუნდა თოფხანაქა. ახალცხე ჰქონდა გამაგრებული ლიანარალ მპიორს თავადს ბებუთოვსა ვასილს. 12 დღე ადგა გარს. ცხე ვერ ართო, გორიდამ ერთი პოლკი მიეშველა და 8 ზარბაზანი მივიდნენ. ოსმალნი შეჰმოეცალნენ და წარვიდნენ.

წელსა 1827 რუსთ აბაზაბადის ციხე აიღეს და ნახჩევანი, შაზადა დაამარცხეს.

აგვისტოში აბაზიჩიზა შაჰზადა მოვიდა ერევანს, ლიანარალ ლეიტენანტს კრასოვ-ცკის შეება. დიდი ბრძოლა მოუხდათ. ეჩმიადინი რუსთ ექირათ, ყიზილბაშთ ვერ წაართვეს, კრასოვ-ცკი იქ ვამაგრდა. ამას მთავარ მართებელი პასკევიჩი მოეშველა ნახჩევნითგან. ეს რომ მოვიდა, შაჰზადა ეჩმიადინს შემოეცალა, და დევალუს დადგა, იქ მისი ძააც აღი ნალი მირზა ჯარით მოვიდა, აიყარნენ და ქვევით წავიდნენ. პასკევიჩმა სარდარ აბა-

ღი აიღო 15 სექტემბერს, მერე ერევნის ციხეს შემოადგა და 6 დღეს უკან აიღო. ჰასან ხანც დაიქირა საპიათასის კაცთა.

წელსა ამას 1827, ოკტომბრის 8, დიდი ძრვა მოხდა ტფილისს, მრავალნი სახლნი დაიქცნენ, ახლად აშენებულნი რუსულს პლანზედა, სამი დღე იძროდა, ხალხი მშვიდობით მორჩნენ, მხოლოდ ექვსი რუსის სალდათნი დაიტნა კედელმან.

წელსა 1827, თჳსსა დეკემბერსა 21-ს დღესა ოთხშაბათსა, მიიცულა კათალიკოზი ანტონი, წლისა 65-ს, ძე მეფისა ირაკლის 2-სა, როსიასა შინა, ნიენი ნოვოლოროდისა ქალაქსა შინა და დაფლეს მუნვე მონასტერსა შინა. ესე იყო შობილი წელსა 1762-ს იანერის ზ.ს. ამას ეწოდა სახელი ერის კაცობასა შინა თეიმურაზ, ხოლო წელი იკათალიკოზა ქართლსა შინა 39, ხოლო იმპერატორმან ალექსანდრემ მოიყვანა ქართლით როსიასა შინა და მიუღო კათალიკოზობაჲ წელსა 1810-სა..

წელსა ამას 1829-სა, მაისის 1-ს ახმად ბეგ აქარელი და ქუჩუქ ფაშა მოუხდენ ფოცხოს, ფოცხო დაიქირეს. აწყურილამ მიეშველა პოლკოვნიკი ბურკოვი, შეება, დაამარცხა ოსმალნი და დაადგებინა ფოცხო.

წელსა ამას 1829, თჳსსა აპრილსა მდინარე მტკვრისა ესრეთ აღიღდა, რომელ არავის სმენია არაოდეს: მოვლიჯა ავლაბრის ხიდი და აღმოვიდა ვიდრე თათრისა მოედნადმდე, რომელიცა შეიძლებოდა მოეღანსა მას შინა ნავთა ვლა. მრავალი ზიანი მისცა ხალხთა, სხუათა და სხუათა ადგილთა შინა მდგომთა მოქალაქეთა, რომელნიცა იდგნენ კიდესა ზედა მტკვრისასა.

წელსა ამას 1830-სა, ივლისის 16, კუალად აღადგინეს ანბოხი ფრანციელთა ქალაქსა შინა პარიჟსა, კოროლსა ზედა თვისსა კარლოს ნ — ზედა ბორბონზედა, ვინათგან კოროლმან დაუღო რაოდენნიმე წესდებულებანნი ახალნი, რომელთაცა ამას ზედა არა ეთანხმენ ფრანციელნი იქმნა ფრიადი აღრეულებაჲ მოქალაქეთა და მხედრობათა შინა, მოსწყდნენ მრავალნი ორისავე კერძოდ, და განამაგრა კოროლი სასახლესა შინა

ლიანარალმა მარმონტიმ შვეიცარულისა ღვარდიის მხედრობითა, ორი დღე და ღამე ძლიერი ზრძოლა იყო დაუცხრომელი, სასახლესა ზედა, შემდგომად აღიღეს ხალხთა იერიშითა სასახლეცა კაროლის, ხოლო კაროლი სახლეულითურთ თვისით განიყვანა ღიანარალ მარმონტიმ ხუთი ათასითა დანაშთენითა ღვარდის მხედრობისათა და მიიყვანა საზაფხულოსა სასახლესა შინა წოდებულად ვერსალად, და იყო მუნ რაოდენიმე დღე; შემდგომად ამისა ხალხთა ფრანციისათა მოსწყვიტნეს ყოველნი მინისტრნი და ჩინებულნი გუამნი, რომელთაცა ეპყრათ მხარე კაროლისა, სახლეულითურთ მათით, და იავარ ჰყტს. ნაქონები მათი, ამისა შემდგომად კულადვე ხალხთა და დანაშთენთა დიდებულთა ფრანციისათა აღირჩიეს კაროლად თვისად ძმისწული მისი ლუდვიკ ძე ფილიპესი, ბორბონივე, რომელსაცა ამას ზედა ეთანხმავა კაროლი კარლოს, და წარუგზანა გვირგვინი თვისი, და სამეფონნი ნიშანნი და სრულიად უარ ჰყო კაროლობაჲ თვისი, და ამით დააცხრო რუდუნნი ხალხთა შორის და თვით სახლეულითურთ თვისით და დანაშთენითა ნივთითა დაუტევა კაროლმან კარლოს ქტყეყანა თვისი და წარვიდა ზღვით ევროპიისა კერძო, ხოლო ფრანციელთა აღიყვანეს ტახტსა ზედა თვისსა ლუდოვიკ და ჰყტეს მეფედ თვისად.

წელსა ამას 1830, ივნისის 27 გაჩნდა სენი მომსვრელი ინდოეთისა, რომელსაც ეწოდების ხოლერნი, ტფილისსა შინა და მრავალნი სულნი მოსწყვიტნა რისხვითა ღვთისათა ცოდუათა ჩტყენთათვის, რომელიცა იქმნა გამოჩენაცა ღვთისმშობლის ხატისა ზედა სვენებულსა სომეხთა ეკლესიათა შინა წოდებულსა ნორაშნის ეკლესიასა შინა, რომელ ხატი იგი ღვთისმშობლისა იყო მოტირალი ცრემლითა, ვითარცა ცოცხლის მკვავისი. ამისი მხილველნი ხალხნი ტფილისისანნი და უცხონი მცხოვრებნი სრულიად ამტკიცებენ ჩვენებასა ამას მათის თუალით ნახულსა. და ეგრეთჲცე რუსეთსა შინაცა გაჩნდა სენი ესე, ვითარცა ასტარხანსა შინა, ეგრეთვე მრავალთა ლუბერნიათა შინა.

წელსა ამასვე აგვისტოს 21, ღამეს ხუთშაბათს დაბნელდა დიღათ მთოვარეცა.

წელსა ამას 1830, ნოემბრის 17, ღამეს პოლშელთ ქალაქსა ვარშავას ჰქმნეს ბუნტი დიდი, მოსწყვიტნეს მრავალნი ჩინებულნი მხედრობანი რუსთანი, და გამოაძეს ცესარევიჩი კოსტანტინე პავლოვიჩი მუნით, და იავარ ჰყვეს სასახლეცა მისი და მრავალნი სახელოვანნი ღიანარაღნი და აფიცარიც მოსწყვიტნეს. ესე ბუნტი გაგრძელდა 19 ნოემბრამდისინ, და შემდგომად ამისა ენება იმპერატორსა, რათა უსისხლოდ დამცხრალ იყო შფოთი ესე და მრავალ გზის მისწერა მშვიდობისა წერილიცა, გარნა პოლშელთა არა ინებეს. ამისა შემდგომად განაწესა ხელმწიფემ ფერთმარშალი ღრაფი დიბიჩი ნემენცი (სახელით ივან ივანიჩი) და წარატანა თანა რუსთა ღვარდიითურთ ორასი ათასი კაცი და დიდძალი არტირელიაჲ.

მისრულმან დიბიჩმან მრავალ გზის აწვია კულად მშვიდობით და მყუდროებასა ყოფნა, გარნა მათ არა ინებეს, და შეითქვენნ ფიცით, რათა ბრძონ რუსთა ვიდრე სრულიად აღფხვრადმდე პოლშისა. რომელთაცა მრავალნი სახელოვანნი ბრძოლანი აჩვენეს რუსთა, რომელ არს ღირს სახსოვარ ბრძოლანი მათნი, რომელსაცა სიგრძისათვის დავიდუმებ, და მოსწყიდენ მრავალნი სულნი, მრავალნი ორგნითვე და უფრორე რუსთა მხედრობანნი. და ეგრეთვე სხვათაცა ძველთა პოლშისა მამულთაგანიცა ღუბერნიათა აღადგინეს ანბოხი რუსთა ზედა, და შეერთდენ პოლშელთა თანა. ხოლო ამემ გამოჩნდა დედაკაცი ერთი ღრაფინა, რომელმანცა მოიკრიფნა გარემოს სოფლებთაგან ხალხნი და აღადგინა ანბოხი დიდი და მოაჰშენა მრავალნი სულნი რუსთა მოხელეთანი, რომელნიცა იყვნენ მუნ განწესებულნი ღუბერნიათა შინა.

ხოლო ამისა შემდგომად მოკვდა ფერდმაშალი დიბიჩი, მაისის 29-სა, წელს 1831, და ნაკულად მისსა განაწესეს ღრაფი პასკევიჩი ფერდმაშალი, რომელიცა მოიყვანეს საქართველოიდან და წარგზავნეს მუნ საბრძოლველად პოლშელთა ზედა.

წელსა ამასვე 1831, ივნისის 15-სა, დღესა ორშაბათსა მი-
იცუალა ცესარევიჩი კოსტანტინე პავლეს ძე, ხოლერის სნეუ-
ლებითა ქალაქსა შინა ვიტეცკას, პოლშისა ლუბერნიასა შინა.

მისრული პასკევიჩი მახლობელ ვარშავსა დადგა თჳსე
ორი და აქუნდა მარადის ბრძოლა პოლმელთა თანა, უკანას-
კნელ მოუძღვრდენ პოლშელნი და მისცეს ქალაქი ვარშავი
პირობითა ამით, რათა ეგნენ პირველსავე მდგომარეობასა ზედა
და აქუნდესთ თავისი კონს სტატუი, რომელზედაცა ეთანხვა
პასკევიჩიცა. შესრულნი მუნ რუსნი, განვიდნენ მხედრობანი
მათნი გარეგან ქალაქის და აღუთქვეს მოაჩილებაჲ. რომელნი-
ცა წარავლინა ღრაფმა პასკევიჩმან პოლოცკის მხარვსა ზედა.
ხოლო რაოდენთამე ნაწილთა მხედრობათა პოლშელთათა კუ-
ალად იწყეს აღრეულობაჲ და ზედა დასხვა რუსთა მხედრო-
ბისა, ამაზედ განწყრა პასკევიჩი და წარავლინა ამაჲზედა ღი-
ანარალ რედლიერი. სადაცა მისრულსა მხედ დახვდნენ პო-
ლაკნი, ხოლო უკანასკნელ გაემარჯვათ მათ ზედა რუსთა და
განაბნივნეს იგინი ტყეთა შინა, და მოსწყვიტნეს მრავალნი-
ცა. ხოლო ამის ნაცვლად ფერთმარშალს ღრაფს პასკევიჩს
უბოძა იმპერატორმან ნიკოლაოზ პავლეს ძემ კნიაზობა ვარ-
შავისა, რომელსაცა უწოდეს ესრეთ: კნიაზი ვარშავისა და
ღრაფი ერევნისა. და დაიწყეს რუსთა მართებლობაჲ თვისი
პოლშასა შინა.

ხოლო წელსა ამასვე კუალად აღადგინეს ანბოხი სრუ-
ლიად კავკასის მცხოვრებთა. შეკრებულნი ესე მოვიდნენ და
დევნენ ყიზლარს, და გარემოს სოფლებთა მისთა, და მოსტ-
ყვენეს ვიდრე სტავრაპოლადმდე. მუნ შეება მათ ღლავნოკო-
მანდღიუში რუსთა ღიანარალ შეფი ემანიუელი, რომელიცა
იძლია; მათგან და მოიკლა იგიცა ბრძოლასა ამას შინა.

წელსა ამასვე ივნისში გაჩნდა სენი ხოლერისა სანკთ-პე-
ტერბურხსა შინა და მრავალი სული მოისრა, სადაცა ამ სე-
ნითა მიიცუალა მეფის გიორგის რძალი ეკატერინა, მეუღლე
მეფის ქის ბაგრატიისა, ივნისის 30-სა, დღესა სამშაბათს,
1831 წელს.

ხოლო წელსა ამასვე 1831, სექტემბრის 13 გარდააყენეს სრულიად საქართველოდამ მთავარ მართებელი კნიაზ პასკევიჩი და მონაცულედ მისსა განაწესეს ღიანარალ ოტინ ინფანტერი და ღიანარალ ატუტანტი ბარონ როზინი. *)

ხოლო წელსა ამას 1832, თჳსსა აგვისტოსა წარმოემართა სრულიად ქართველთ და რუსთა ჯარითა ბარონ როზინი და მოვიდა ვლადიკავკასს ბრძოლად დაღისტნელთა და ჩაჩნთა ზედა.

მხილველთა შიგნით დაღისტნელთა ლეკთა ბარონისა შორს მყოფობისასა შეკრბნენ და ითავეს მოლა ყაზი, მოვიდნენ და დაეცნენ რუსთა ქარსა შინა მყოფთა, ხოლო რუსთა-ცა იწყეს მაგრება და ვინათგან ლეკთა ვერღარა შემუსრეს ციხე, რუსთა ქარსა შინა, ამათ მოსტყვევნეს ქარი და ზელაქანი ვიდრე ბოლოდმდე სრულიად. თუმცაღა ქიზიყელთა მხედრობა მიეშველა მუნ რუსთა, გარნა ცულ იქნა შრომაჲ მათი, ვინათგან ლეკნი უკუნიქნენ სახლად თვისად შაგბულნი.

ხოლო წელსა ამასვე კულად გამოჩნდა ხოლერის სნეულება, და მრავალნი სულნი მოსრა პეტერბურხსა შინა.

ხოლო წელსა ამასვე ოკტომბრის 17, ღამეს ორშაბათს გამოჩნდა კომეტი ვარსკულავი მგურგული და კუდგრძელი ს.-პეტერბურლსა შინა.

ხოლო წელსა ამასვე 1832, ქართულს ქკს ფკა, თჳსსა ოკტომბერს, მისრულმან დაღისტანსა ზედა უპირველესმან საქართველს მართებელმან ღიანარალ შეფმან ვლადიმერ გრიგოლიჩმან როზინმან უქმნა ზედა დასხმაჲ ჩაჩნელთა და დაღისტნელთა ზედა. რომელიცა თავი ლეკთა იყო სახელოვანი მბრძოლი მოლა ყაზი. იქნა ბრძოლა ძლიერი, იძლიენენ ლეკნი და მოიკლა მოლა ყაზი ოცდა ოთხითა ჩინებულითა თვისითა მხედართ მძღუანითა, და მიულო ადგილი გემრი, უმაგრესი ყოველთა სიმაგრეთა კავკასიისა მათთა შინა. მხილველნი ლეკნი

*) მთავარ მართებლობა რუსთა 9 საქართველოსა შინა. ამან იმთავრა 6 წელი საქართველოსა შინა.

ესე ვითარისა ძლევისანი შეშინდნენ ფრიად და ევედრენ მონებასა, ესე. იგი ხეობანი: 1) ოსოქოლეონი, 2) არაკუნულნი, 3) ქინძალელნი, 4) ანწუხელნი და მრავალნი სხვანი ხეობანი შინაგან დალისტისა. ამან ანიქნა მათ მშვიდობაჲ, მიუხვნა მძევალნი, გამოართვა ყოველნი ტყვენი, ყიზლარის ქალაქისაგან ნაალაფნი და მიუხვნა კომლზედ ჯურუმი თითო თუმანი თეთრი ფული, დასდუა ხარკი კომლზედ თითო რუბლი თეთრი ფული, აფუცა ერთგულებასა და ყმობასა ზედა ხელმწიფესასა და დაამშვიდნა მუნებურნი ავაზაქნი, რომელიცა არაოდეს არა ყოფილან ხალხნი ესე არავის მონებასა და მოხარკეობასა შინა, ხოლო ამ დღიდგან შიშვნეულნი შევიდნენ უღელსა ქუტუშე რუსთა მონებისასა. აქა იყენენ მხედრობანნი მრავალნი ქართუტყელთა, იმერთა და ახალციხელთა, და სრულიად დარბანდიდამ მოკიდებულნი ვიდრე ყაზახადმდე მხედრობანი შეერთებულნი რუსთა თანა, რომელთაცა მრავალნი სახელოვანი საქმენნი ჰქმნეს.

ამა ბრძოლასა შინა დაიკოდა ფრიად თავადი ენდრონიკაშვილი იასე, ძე იოსებისა, და მოკუდა ამილახვარიშვილი ზაქარია ძე იოვანესი და დაიკოდა ყაფლანისშვილი და მცირედნი მოსწყდეს და დაიქრნენ ქართუტყლთაგანნი. ხოლო რუსთაგანიცა მოსწყდენ ვიდრე ათასადმდე. შემდგომად ამისა უკუნეიქცა როზინი საქართუტყლოდვე, ძლევა შემოსილი ჩავლო დარბანდი და ეგრეთ მოიქცა ტფილისსა შინა..

ხოლო წელსა ამასვე 1832 დეკემბრის ე ს*) შეითქვენ ქართველნი თავადნი და აზნაურნი, რათა განდგნენ რუსთაგან და ჰყონ მეფედ ასული თამარ მეფის ძის იულონისა, რომელიც იყო ტფილისსა შინა, ხოლო ძმანიცა მისნი, მყოფნი პეტერბურხსა შინა, ლუარსაბ და დიმიტრიმ მოიბირეს რაოდენიმე მყოფნი რუსეთისა სამსახურსა შინა თავადნი და აზნაურნი, რომელნიცა ეთანხმნენ მას და წარაეღინეს ქარაულსა შინა. ამა შემთხვევასა შინა, შესწამეს ცილი მეფის გიორგის ძესაცა ოქ-

*) ე-ს თუ კ-ს, დედანში გარჩევით არა სწერია.

როპირსა, რომელ ესეცა თანახმა არის ამათი. მცნობმან ამის-
მან ბარონ როზინმა შეიპყრა იგინი სრულიად ტფილისსა შინა
და აქაცა პეტერბურხს შეიპყრეს მეფის ძე ოქროპირი და სხვა-
ნი, და შეაყენეს ციხესა შლუშინისასა, შემდგომად ამისა წა-
რაელინეს ტფილისს, რათა მუნ განსაჯონ. შემდგომად განსჯი-
სა, მეფის ძე ოქროპირი წარაელინეს ექსორიად კოსტრომისა
ქალაქსა. შინა, ხოლო ლუარსაბ და დიმიტრი ქალაქსა შინა
სმოლენცკისასა და და ამათი თამარ სიმბირცკისა ქალაქსა ში-
ნა და მეფის ირაკლის ასული თეკლა ტულასა შინა: რომელ
ამას ძეთა თვისთა შესწავეს, რომელ ესე იყო მიზეზი ამა აღ-
რეულეებისა; ხოლო ქავქავაძე ალექსანდრეცა, ძე გარსევანისა,
თანაზიარი მათი, ტანბოვსა ქალაქსა შინა თვისისა სახლეულო-
ბითა და სხუანი მრავალნი, თანა გამზრახნი მათნი, რომელნიმე
ცინბირს, და რომელნიმე სხუათა და სხუათა ქალაქთა შინა
ექსორია ჰყვეს, რომლისა თვისცა სიგრძისათვის დავიდუმებ.
ხოლო ესე იქნა წელსა 1833, ნოემბრის 19 დღესა, გარდაქრა
შათი სასამართლოდამ, რომელიცა დაამტკიცა იმპერატორმა.

მღვდელთ-მთავრობა მე-5 რუსთა ქართლსა შინა.

ხოლო წელსა ამას 1834, ივლისის 13-ს, გარდაიცუალა
არხიეპისკოპოსი და ეგზარხოსი ქართლისა მოსე ტფილისსა ში-
ნა, და ამის მონაცვლედ განაწესეს არხიეპისკოპოსი ველენი,
შინცკის არხიერი.

ხოლო წელსა ამას 1834, ოკტომბრის 9, მოკუდა სპარ-
სეთის ყენი ბაბახან ყაჯარი, ისპანსა შინა (ამას ეწოდა სა-
ხელი მეორე ზედ შესრული ფათალი შაჰი) და დასევს სპარ-
სთა ძე აბაზ მირზასი მაჰმად, შვილი შვილი ფათალიისა შაჰ-
სა, ვინაჲთგან აბაზ მირზა იყო დანიშნულ მემკვიდრედ მისა.
ესე მოკუდა ხორასანსა შინა წელსა ამასვე ივნისში, და სთხო-
ვა ყენმან როსიისა და ანგლიის კარსა, რათა ნებართვითა მათითა
დასონ იგი მემკვიდრედ სპარსეთისა, რომელიცა დაუმტკიცეს
მას. დროსა ამას იყო ესე მაჰმად მირზა განმგებლად
ადრიბეჯანისა, და იღვა თავრიზსა შინა, და იყო რუსთა პას-
ლენიკიცა ღრაფ სიმონიჩი და ანგლიის პასლანიკიცა მისთანა.

ამათ აღიყვანეს მუნ ხელმწიფედ, და წარემართნენ თერანსა ზედა. ამას წინა აღუდგა ბიძა თვისი აზაილ სულთანი, რომელიცა იყო დადრგენილ მამისა თვისისაგან განმგედ თერანისა, და არა ენება ხელმწიფობაჲ მისი, არამედ თვით უნდოდა აღსელა სპარსეთისა ტახტსა ზედა. ჰსცნა რა ესე მაჰმად შაჰმ მსწრაფლისა სიარულითა წარემართა მის ზედა მხედრობითა აღრიბეჩანელითა, და რეგულისა მხედრობითა და არტირელიითა და თანა ჰყუტესცა რუსთა და ანგლეღთა პასლანიკიცა, და ვიდრე მიიწეოდა ყაზმინს, ჰსცნა რა ყაზმინისა გამგებელმან მაჰმად ბალირ ხან ყაჯარმან მიმავალობაჲ მისი, შეიკრიბნა ხელსა ქუტუშე თვისსა მყოფნი მხედრობანი და წარემართა თერანსა ზედა. მისრულმან მუნ დაიპყრა თერანი, და დაიქირა აზაილ სულთანი და ცხრა პრინცი სპარსეთისანი, და განმზრახნნი მისნი სრულიად და შეაყენნა საპყრობილესა. აცნობა ესე მაჰმად შასა და მიიწვია თეირანსა შინა. ამაზედა ფრიად მადლობელ იქმნა ყენნი მაჰმად ბალირ ხანზედ და მიუბოძა მრავალნი. მიახლოებასა თერანისადმი მოეგებნენ ყოველნი წარჩინებულნი სპარსეთისანი, და ევრეთვე ყაჯართანი; და შეიყვანეს ღიდებითა ღრდითა, და აღიყვანეს სპარსეთისა ტახტსა ზედა, ნებართვითა რუსთა, და ანგლეღთა პასლანიკთაგან, და მიულოცეს ყოველთა ხელმწიფობაჲ. ხოლო დღესა მას იქმნა მათ შორის ფრიადნი დღესასწაულობანი და მხიარულებანი. ესე იყო დეკემბრის 21, 1834 წელს.

ამ მაჰმად შაჰმ დასთხარა თვალეზი ძმასა თვისთა ხოსრო მირზას, რომელი ესე იყო პაპისა თვისისაგან პასლენიკად წარსრული იმპერატორს ნიკოლოზთანა როსიასა შინა, და მეორეს ძმასაც — აღმოსთხარა თუაღნი, რომელიცა მოკუდა იგი.

ხოლო წელსა ამას 1835, თებერვლის 18, მოკუდა კეისარი ავსტრიისა ფრანცი პირველი, წლისა 67-ს, და დაჯდა ძე მისი მემკვიდრე მისი იოსეფ ფრანცი.

1835-ს, ოკტომბრის 1 გამოჩნდა კომეტა ვარკულავეი კუდგრძელა, სამხრეთის მხარესა, სანკთ-პეტერბურხსა შინა ღამესა სამშაბათსა. ამასა აქვს კუდი გრძელი და ბორჯღლიანი.

წელსა 1836-სა, მაისის 3-ს, დღესა კვირიაკესა, 6 ზატიკისასა დაბნელდა მზე 4 საათზედ და 17 მინუტზედ შუადღის შემდგომად და რდგა ფრიალ ბნელად ვიდრე 6 საათსა და 37 მინუტს სანქთ-პეტერბუსსა შინა. ამჟამს მთოვარე იყო აპრილისა რიცხვით 29, ხოლო ჰაერი იყო ფრიალ გაწმენდილი დღე.

წელსა 1837-სა, სექტემბრის 26, ხელმწიფე იმპერატორი ნიკოლოზ პავლეს ძე წაბრძანდა შავის ზღვით საქართველოსა შინა. პირველად მიბრძანდა სადადიანოში. იქ ლევან დადიანმა ისტუმრა ზუგდიდს. ერთი ღამე მუნ დაჰყო, იქიდან მობრძანდა ქუთაისს, ერთი ღამეც მუნ დაჰყო, იქიდან სურამს მიბრძანდა. სურამიდან ახალციხეს და ახალქალაქს, იქიდან გუმბრს, გუმბრის ახალციხე აშენებული დიდთ მოიწონა, გუმბრს სახელად უწოდა ალექსანდრაპოლად. იქ მოეგება აზრუმის სარასკარი, ხონთქრისაგან გამოგზავნილი, და მოელოცა მშვიდობით მიბრძანება იმ მხარეზედა იქიდან წაბრძანდა ერევანს. ეჩმიაძინს რომ მიბრძანდა, ოაჰნებ ორქივატურმა დიდის პატივით და ცერემონიით შეიყვანა საყდარში თირდატ მეფის კარიდამ; ესე კარი დახწული აქუნდათ სომეხთა, და არაოდეს გაღებულა, რაც სომეხთ მეფობა დაეცა, ამას გაუღეს და მოართვეს თირდატ სომეხთ მეფისა გვირგვინი და ქაპარი. იქიდან წარსრული ერევანს მიბრძანდა, დაჰყო ორი დღე მუნ. მუნ ყვენმა მაჰჰად შაჰმან მოაგება ძე თვისი ველი შირზა, და მოელოცნა მშვიდობით მობრძანება. იქიდან წამობრძანდა და ჩიბუხლის ლორეს მობრძანდა, ერთი ღამე მუნ დაჰყო, იქიდან კოდაზედ მობრძანდა, ერთი ღამეც მუნ დაჰყო. იქიდან მ ოკდომბერს ტფილისში მობრძანდა, დიდი ბალი გარდაუხადეს საზოგადოებამ. სამი დღე ტფილისში ბრძანდებოდა. 11 ოკდომბერს რუსეთში წაბრძანდა, კაიშაურის მთა გარდაიარა, თოვლიანი, ცხენით და ვლადიკავკავს მობრძანდა, იქ მოეგებნენ ყოველნი თაგაურ ქურთაულნი და ჩერქეზის თავადნი, ერთი ღამე ვლადიკავკავს ბრძანდებოდა, მეორეს დღეს ეს ზემო ხსენებულნი თაგაურ ქურთაულნი და ჩერქეზნი თან იახლენ

და ლინიაზე მოიყვანეს, ეკატერინოვკრადსა. ხოლო ყოველ მოგზაურობა მისი განგრძელდა ამა ვრცელთა ადგილებთა შინა დღენი 17, რომელმანცა ესე ოდენითა მოსწრაფებითა ვლო ესე ოდენნი ადგილნი, ვითარცა მფრინველმან.

ხოლო წელსა 1837, ნოემბრის 7, გარდაყენებულ იქმნა საქართველოს მთავარმართველობისაგან როზინი და მოადგილედ მისა განიწესა ლიანარაუ ლეიტენანტი გალოვინი, სახელად ვეგენი ალექსანდრიჩი (მთავარმართველობა 10 რუსთა საქართველოსა შინა).

1837 წელს, დეკემბრის 18-სა, ღამეს, პარასკევს საათსა 8 საკტ-პეტერბურხსა შინა იქმნა განსაცდელი დიდი, რომელ ყოველსა ქვეყანასა და სახელმწიფოთა შინა ქებული სასახლე იმპერატორისა როსიისა, საზამთროდა წოდებული, დაიწო იგი ცეცხლითა, თვნიერ არმიტაეისა კიდე, ხოლო სასახლე ესე იყო აღშენებულ წლითა 90, რომელნიცა განვილილ იყო ესე ოდენნი წელნი. ამავე ღამესა დასავლეთის მხრით გამოჩნდა ცაზედ ორი დიდი სვეტი, მსგავსი ჯიგრის ფერი, და საშუალ მათსა მგრგუალი შარი დიდი, რომელიცა ჰყრიდა ცეცხლისა წინწყალთა, და მახლობელ მისსა ოთხი დიდი ვარსკულავი იყო მოხვეული, და ბოლოთ კერძოდ მისსა იხილებოდა ვარსკულავი კომეტა კულდგრძელო, მსგავსი მისი, რომელიცა იყო უწინარეს წელსა 1811, თჳსსა აგვისტოსა 26-სა.

წელსა 1839, ივნისის 19, მოკულდა სულთან მაჰმუდ და დაჯდა მის წილ ძე მისი აბდულ მეჩით სულთნათ წლისა 16.

წელსა 1839, ივლისის 2-ს, ხელმწიფე იმპერატორმა ნიკოლოზმა დააქორწილა ასული თვისი მარიამ ლერკოლს ლიხტენბერხის ძეზედ მაქსიმილიაზედ. დიდათ დიდებული და ყოველად მშვენიერი ქორწილი იყო და დღესასწაულობა დიდი სრულიად ერთ თვესა, სანკთ-პეტერბურხსა შინა.

წელსა 1839-სა, აგვისტოს 20-სა, რუსთა აიღეს დალისტანში უმაგრესი ციხე ახულისა. ამ ციხის აღებაშია მოსწყდნენ მრავალნი აფიცარნი და სალდათნი, ამათ რიცხვში მოკლეს

ძე გურიელისა მამიასი დავით და მოსწყდა ჴთესლი მათი. ხოლო გურია ჰყვეს რუსთა უეზნის მაზრად.

წელსა ამას 1840-სა, მისის თვესა 26-სა, დღესა კვირას მოკუდა პრუსიის კოროლი წლისა 70-სა ვილდელმი, სიმამრი იმპერატორის ნიკოლაოზისა სრულიად როსიისა. აწ შემდგომ მისის სიკუდილისა დაჯდა ძე მისი კოროლად ფრიდერიკ ვილდემ, წლისა 45-სა.

